

10

2-9

28







VETVSTISSIMARVM

PRIMI MUNDI

ANTIQVITATVM

Earumq. Vestigia in Scriptis Ethnici &c.

SECTIONES, SEV LIBRI


IIII. TVM EX SACRIS.

TVM ALIIS AVTORIBVS.

PER LAMBERTVM DANÆVM.

Ad virum Generosum Arnoldum Ver-
tullium Fullatium.

Accessit operi Index locupletissimus.



ORTHESII

Excudebat L. Rabirius, Regis Typographus.

M. D. XC.



1208
1209
1210
1211
1212
1213
1214
1215
1216
1217
1218
1219
1220
1221
1222
1223
1224
1225
1226
1227
1228
1229
1230
1231
1232
1233
1234
1235
1236
1237
1238
1239
1240
1241
1242
1243
1244
1245
1246
1247
1248
1249
1250
1251
1252
1253
1254
1255
1256
1257
1258
1259
1260
1261
1262
1263
1264
1265
1266
1267
1268
1269
1270
1271
1272
1273
1274
1275
1276
1277
1278
1279
1280
1281
1282
1283
1284
1285
1286
1287
1288
1289
1290
1291
1292
1293
1294
1295
1296
1297
1298
1299
1300

1301
1302
1303
1304
1305
1306
1307
1308
1309
1310
1311
1312
1313
1314
1315
1316
1317
1318
1319
1320
1321
1322
1323
1324
1325
1326
1327
1328
1329
1330
1331
1332
1333
1334
1335
1336
1337
1338
1339
1340
1341
1342
1343
1344
1345
1346
1347
1348
1349
1350
1351
1352
1353
1354
1355
1356
1357
1358
1359
1360
1361
1362
1363
1364
1365
1366
1367
1368
1369
1370
1371
1372
1373
1374
1375
1376
1377
1378
1379
1380
1381
1382
1383
1384
1385
1386
1387
1388
1389
1390
1391
1392
1393
1394
1395
1396
1397
1398
1399
1400
1401
1402
1403
1404
1405
1406
1407
1408
1409
1410
1411
1412
1413
1414
1415
1416
1417
1418
1419
1420
1421
1422
1423
1424
1425
1426
1427
1428
1429
1430
1431
1432
1433
1434
1435
1436
1437
1438
1439
1440
1441
1442
1443
1444
1445
1446
1447
1448
1449
1450
1451
1452
1453
1454
1455
1456
1457
1458
1459
1460
1461
1462
1463
1464
1465
1466
1467
1468
1469
1470
1471
1472
1473
1474
1475
1476
1477
1478
1479
1480
1481
1482
1483
1484
1485
1486
1487
1488
1489
1490
1491
1492
1493
1494
1495
1496
1497
1498
1499
1500



GENEROSISSIMO, AC
 NOBILISSIMO VIRO,
 ARNALDO VERTULLIO,
 DOMINO ROMEFORTII,
*Fullatij, Sanlobesij, &c. Domino suo
 plurimum observando.*



VMTOTIVS hi-
 storica scriptio-
 nis, Vir
 clarissime, magna semper
 laus, magnaque apud o-
 mnes gentes commenda-
 tio fuit: tum verò eius historie partis maxi-
 ma prædicatio extat, quæ res antiquissimas
 tãquam primas Mundi huius origines tra-
 dit, ac cõplectitur. Quanquam enim quan-
 tò vnumquodque à nostra memoria lōgius
 abest, & magis remotum apparet, tantò fa-
 cilius à multis censerì fabulosum, & incer-

tum dici consuevit: tamen ubi vetustæ res
 à certissimis, & fide dignissimis autoribus
 proditæ, & verissimis testimonijs semel cō-
 probatæ fuerint, nihil est eiusmodi cognitio-
 ne vel scitu iucundius, vel etiam ad vsum
 vitæ humanæ vtilius: imò quò quidque tūc
 vetustius fuerit, eò cōmendatius hominibus
 est, ac venerabilius. Quid enim vel nobis
 singulis letius esse solet, quàm ipsorum pri-
 morum nostræ natiuitatis incunabulorum
 recordatio, quàm primæ ætatis nostræ me-
 moria, quàm ipsius denique ortus nostri a-
 spectus ac representatio? Quæ eadem quò
 non de vno aliquo homine quantumuis exi-
 mio: sed de toto ipso terrarum orbe, de totius
 Mundi machina & vniuersitate tradūtur
 ac docentur, certè sunt tam grata, ut nihil
 ea narratione sãctius, & eo acroamate sua-
 uius esse possit. Me quidem hæc ipsa tam an-
 tiqua Orbis Terrarum primordia ac manu-
 menta perquirentem sic delectarunt: post-
 quam

DEDICATORIA.

quàm autē inueni, sic in admirationem rapuerunt, ut ingenuè fatear nullum vnquā studiū aut cognitionis genus tantopere, quātum istud, mihi placuisse: Itaque lubens feci, ut hæc ipsa etiā alys cōmunicarem, ac proderem. Ex ijs enim rectè perspectis & Dei gloria maiestāsque splendidiūs elucescit, & hominum piorum fides nō solū confirmatur: Verum etiā impiorum & adior proterua confutatur: atque ex infirmorū animis omnis de illis rebus, quæ inheret, dubitatio tollitur. Et certè quum ea, quæ de prima Mundi origine, & progressu in Dei verbo scribuntur, à profanis irrideri, ab Ethnicis hominibus negari ex eorū sannis & scriptis intelleremus. Illa ipsa non solū ex Mose autore sacro, & vero totius istius Antiquitatis historico collegimus: sed etiam ex ipsis Ethnicorum libris, ac profanorū veteri traditione comprobauimus, asseruimusq̃, ut omnino vera esse omnes fateri oporteat

ea, quæ de ijs rebus Dei verbo tradantur.
 In qua certè quidem cernitur admiranda
 planè Dei Prouidentia, & cura de genere
 humano, & de hac sua veritate inter homi-
 nes conseruāda, qui tot etiam in illis Ethni-
 corum monumentis nostræ, id est, suæ, sacrae,
 veræque Historiæ, quannus vetustissimæ, ve-
 stigia, testimoniāq; extare etiamnum hodie
 voluerit. Sic enim omnes eas primas Orbis
 res gestas & Antiquitates adumbrarunt
 Ethnici, vt viuus illis duntaxat color, id est
 propria eorum (quos Moses cōmemorat) no-
 mina desint, vt Moissasse videantur, sic ea-
 rum memoriam retinuerunt, licèt lōgissimo
 illo temporis interuallo iam quasi detritā,
 & velut fumo obscuratam, vt magna lux
 veritatis facilè in eorū scriptis splendescat,
 imò perspicua eniteat. Quædam habent illi
 quidem, fateor, propter annos interpolata,
 & velut carie quadam exesa & obsoleta:
 sed tamen quæ nullo negotio possint ex Mo-
 sis

DEDICATORIA.

sis libris, velut inducta & repetita tinctura, pristinum colorem, & nativam faciem, formamq; primam induere, & recuperare. Preclare enim Augustinus, Nulla falsa doctrina, ac scriptio est, ait, quæ non aliqua vera intermisceat, ac proinde quæ non primæ veritatis scintillas retineat. Id quod in Ethnicorū scriptis apparet. Eas verò scintillas colligere & magni laboris fuit, & iudicij. Verum quod ait Xenophon, ἐκ τοῦ πόνου μάλα ἀγαθὸν γίγνεται, id est, ex huiusmodi labore magna voluptas manat. Quod si cui curiosius quedam à nobis inuestigata, productaq; videbuntur, hoc responsum habeat, In tam vetustis Mundi illius primi & iam euerſi ruderibus multa obscura inesse, & exigua quidem illius veritatis vestigia: sed quæ sunt illius vestigia tamen. Nam quemadmodum in Corinthi Urbis Græciæ quondam opulentissimæ (postquam à Romanis euerſa fuit) etiam tenuissimis

ruderibus ac ramentis, multa tamen & reliqua
 reliqua repertæ semper fuerunt: sic in istis
 etiam exiguis, & penè, ut multis videtur,
 obsoletis testimonijs, quæ apud Ethnicos re-
 stant, multa nihilominus & vera nostræ
 diuinæq; historie monumenta sunt relicta,
 quæ nec fastidire, nec reijcere, præsertim ad
 profanos homines (qui eam pernegant) re-
 uincēdos debuimus, aut voluimus. Et quo-
 niam hanc tam augustam & sacram primæ
 Mundi Ætatis historiam nudè proponere
 religio nobis erat, addidimus ad eam ipsam
 eiusmodi interpretationes & quæstiones,
 quæ & pios in vera rerum istarū fide cor-
 roborarent, & scopum Moysis doctrinamq;
 ex iisdem rebus salutarem demonstrarent.
 Verè enim Philo Iudeus lib. quæst. in Gen.
 Sicut cæci, inquit, tractant tantum ipsam
 corporum spissitudinem tactu, non de-
 cus colorum, non formas, non figuras,
 non aliud quicquam eximix qualitatis
 testi-

DEDICATORIA.

testimonium præbens: sic minus docti,
 & inertis animæ oculi nihil in historijs
 intrinsicè cernere possunt: nec ad con-
 siderandam mentis historicę sublimita-
 tem conscendunt, maximè ubi ipsa nar-
 ratio conscientiam arguit, & medelam
 suggerit. Hęc autem summam cum volu-
 ptate utilitatem auditoribus præbebunt,
 eoque magis, quemadmodum spero, nostrum
 hunc laborem commendabunt, quod & anti-
 quiora, & salubriora omnia tota hac nar-
 ratio cōtinebit. Ergo (liceat enim mihi pro-
 pter antiquitatem illud Virgilianū hoc lo-
 co usurpare) volumus, Pandere res alta
 terra, & caliginē rectas: & propter utili-
 tatem illud Horat. huic scriptioni præfigere
 [Aequè pauperibus prodest, locupletibus aequè:
 m. Aequè neglectum pueris, senibusq; nocebit.]
 Porro autem hanc meam operam atque hi-
 storiā, Fuillati, Vir Generose, tibi dedicare
 iam pridem apud me constitueram, multis

quidem & grauib; alijs de causis, sed imprimis, tū quòd te rerum istarum, imò totius sacrae veritatis, & caelestis doctrinae (cuius haec narratio pars est) vehementer amantem, & percupidum semper cognouimus: tum etiam quòd quum multis beneficijs tibi sim deuinctus, equum iudicaui aliquod meū grati erga te animi testimonium publicum extare, vt si tecum reipsa propter rerū inopiam par facere non possem, saltem verbis & scriptis agnoscerem summa tua in me beneficia, eaq; aliquo munusculo rependerem. Accedit pietas illa tua insignis, in qua laude & gloria nemini, meo quidem iudicio, secundus cēseri vel potes, vel debes. Sic enim in vera pietatis fide instructus es, vt ne summis quidem in ea cognitione ingenijs & Theologis cedas: Sic in eadem confirmatus viuis, vt nulle te à vera Christi fide afflictiones quantumuis graues (quas plurimas iam perpeffus es) ullo tempore auocare poterint.

DEDICATORIA.


tuerint : imò ne quidem tuum illud in propagando Dei regno maximum studium vlla
 unquam pericula retardarint, nedum (quod
 tamen plurimis euenit) exstinxerint. Sic
 sancte vitam ipse tuam instituisti, vt omnibus
 sis virtutum omnium exemplar Christianarum.
 Et quanquam reliquos mortales
 magnæ opes & diuitie (quibus abundas)
 generisq; nobilitas, quæ in te summa est, ad
 luxum, vitamque dissolutam incitare, ac
 penè etiam inuitos pertrahere solèt : illa ta-
 men ipsa eò magis te ad Deum colendū inui-
 tarunt, quòd vt illa esse optima Dei in te
 dona Christianè agnoscis, sic in eiusdem lau-
 dem studiosè conuertis omnia. Sic denique
 totam familiam tuam piè, ac in Dei metu e-
 doces, ac regis (quanquam illa est amplissi-
 mi) vt mihi alter quidam & secundus A-
 brahamus amicus Dei, & Pater fidelium
 esse in his terris videaris. Itaque etiam
 magnam huic meo labori commendationem

EPISTOLA DEDIC.

ex tui nominis nuncupatione in huius Ope-
 ris frontispicio conspecta apud pios omnes
 accessuram puto. Hoc autem munus meum,
 ut tam gratum habeas, quàm tibi candi-
 do beneuolòque animo à me offertur, obse-
 cro, Vir præstantissime, et me. *Orthesij, Calend. Octob. CIO. IO. XC.*

Tibi deditissimus Lambertus

D A N A E V S.



I N D E X R E R V M M E M O -
rabilium. Numerus paginam significat.

A BEL cur dictus, 133. quomodo vocatus ab Ethnicis, 239, 240.	cum mulieribus 324
Abelis oblatio cur gratior Deo 143. 145	Animalia cur immunda ante diluuium. 361. Quando egressa ex Arca 419, & quomodo. Ibidem
Abolutio interdictorum, 254	Animal viuens quid significet 46. 47
Adamus quando Euam cognouerit, 42. 43. Ut immortalis futurus, 47. 48	Annus diluuij vtrum lunaris, an solaris, 435. supputatus, 425 436. cum anno Romano comparatus 437
Adami statura 49	Aquarum incrementum in diluuiio, 420. quantum fuerit 422. vt supputetur 429. 431. eius vestigia 464.
Adami nomen agnitum ab Ethnicis 58	Armenia vnde dicta 456. 476.
Adamus fuit Saturnus vetustissimus 211	Arca, eiusq; fabricatio 292 350. cur dicta Aron 351: qualis 352, & deinceps. quomodo tot animalium capax, 356. non fuit similis nauigijs nostris 433. vtrum per vniuersum Orbem iactata 432
Adonis vox vnde 63	Arbor vitæ 34. 35.
Adorare vnde 244	Arbores paradisi 10, & de ijs variaz quaestiones, 33
Aeraria ars inuenta 98. 174	Arborum duarum Paradisi
Aetas aurea quæ verè fuerit 71. 184.	
Aetates mundi quot sint 2	
Africa vnde dicta 396	
Agricultura 86. 139	
Agriculturae antiquitas 217 218. 219. 221. Quis eam primus docuerit. 222	
Anagramatismus Christi 194.	
Androgyni qui Platonem 69	
Angeli vtrum concubuerint	

- vestigia apud Ethnicos 64.65
 Artes quæ primæ exercitæ ab hominibus 86
 Aqua lustralis 255
 Ararathi mōtes qui sint 455
 & vbi 475
 Asia vnde dicta 396
 Atheismus quādo natus 277
 B
 Bachus vnde dictus 387
 Baris mons Armeniæ 477
 Bdellium 23
 Bigamia prima, quæ. 94.
 164.165
 Bruta animalia cur in dilu-
 uio perierint 347, cur ex
 eo seruata 360, vt vene-
 rint ad Noachum 366
 C
 Cabiri dii Gentium qui 210
 Cain quis fuerit Ethnicis,
 399. cur sic appellatus,
 133. Fuit Iuppiter vetu-
 stissimus 212. 213. 215.
 quomodo errauerit 151.
 vbi 153. 154.
 Caini familiæ propagatio,
 92 159. 160. Polteri in-
 dustrii 163. superbi 172.
 perierunt omnes, 177
 Caino signum impositum,
 cur, & quod 149. 150.
 Cameles quis fuerit, 399
 Campellria quid 199
 Cardu, & Carducna regio,
 477
 Cardizi montes qui 478
 Caro viam suam vt corru-
 perit, 336. eius vestigia,
 385. 402.
 Carnes animalium vtum ho-
 mines edefint ante pec-
 catum, 127 128 103 204
 Catabathmos locus in Ar-
 menia egrediens Noachi ex
 Arca, 476
 Cherubin 285. 131. 132
 Chuz regio, 25. 26
 Cœli creatio, & de ea varie
 quæstiones 17. 18
 Coniugium non est inter be-
 stias, 68
 Coniugium fidelium cum
 infidelibus damnatum 326
 Coniugij institutio, 13. In-
 stitutionis primæ vestigia
 apud Ethnicos 67. 68
 Coniugia piorum cum im-
 pijs damnata, 282
 de Coniugio variæ quæstio-
 nes 41
 Columba cur à Noacho e-
 lecta 444 Columbe laus
 & industria 445, & seq. &
 469. Deucalionis 472
 Corruptio hominum quæ
 fuerit ante diluuiū 338.
 schythismus dicta 343,
 eius vestigia 402
 Coruus cur à Noacho ele-
 ctus 441. eius laus, & in-
 dustria 442. 468. 470. I-
 bat, & redibat, 443

INDEX.

- Costæ masculorum pauciores, quàm foeminarum 38
391.207.208
Creatio mundi 7. & de capluribus 17
Creationis Mundi vestigia apud Ethnicos quæ 51.53
D
Deucalionis diluviū quod fuerit, 409
Deus locutus quomodo 33. 34
Deorum gentilium nomina varijs data 207.208.209
Dij gentiū veteres qui fuerint 206.207
Dij gētiū duodecim primi qui 210 & qui maiorū gentium Dij dicti. 211
Diluvium quid 466
Diluvium Noachi, & eius annus seu tempus supputatum 425
Diluvij denunciatio Noacho facta 289 344. quando 345. eius vestigia 405
Diluvium cessat 426.467
Diluvij veteris descriptio 294.364. quando immisū 365. eius rei vestigia 406 & deinceps.
Diluvii cessantis experimentum 423 440. quādo 424. per Coruum & Columbam, 425
Diluvia plurima fuerunt 408
Dodona columba, 473
E
Ecclesia Dei ante peccatū vbi fuit 74. post peccatū 269. 271
Ecclesiæ Dei propagatio, 278.279
Eden terrestris 10
Edene regio, & Edenicus hortus vbi fuerit, & de eo multa 19.20 29.61 62
Eiectio Adami ex paradiso 84
Egressus Noachi ex Arca 426.455: vtrum confusus factus 457. catabathmos dictus, 476
Enoschi stativitas 274.275
Enosch quid significet 297. de Enoscho vide 298, & deinceps.
libri Enoschi 314
Enoschi corpus vbi sit 321
Enoschi translatio visibilis, 280.281.307.316. & deinceps.
Eua cur dicta mulier 80.81 121. Cur punita 109
Euphrates 22.
Europa vnde dicta 396
Excommunicatio prima quando 90.149.249
Excommunicatio pœna homicidij apud Ethnicos, 249.250. forma 251.252 255.
Expansio 18.19

I N D E X.

Expiatio pro interdictis ve liebat	253	477. & Gordieni iidē	478
F		Græcorum historia est re- cens	371
Facies Ichouæ quid	152.	H	
271.		Hammon Iupiter vnde	401
Familix Sethi consideratio		Heniochia vrbis	157.259
308.309.311. eius vesti- gia	374	Heniochia Strabonis,	261
Ferraria ars inuenta quādo, & à quo	98.174 175.233	Heniochii populi	260
Ferrea ætas mundi	186	Heuila quæ regio	20.23.25
Fenestra arcæ verum sæpius aperita,	449	H'Son vnde	63
Fides & patientia Noachi quanta	441.462	Homo cur seruatus	119
Filius Dei agnitus ab Eth- nicis	193	Hominis creatio	9
Filius Dei quis vocetur	323	Hominis creationis vesti- gia apud Ethnicos,	58.
Filiæ hominū quæ,	324.328	59 ad imaginem Dei,	60
Filij Nōachi nati, & qui, & quādo	348. eorum ve- stigia	Hortus paradisi	19.20. ab Adamo cultus
Flumina quattuor paradisi quæ,	20.21	Humani generis propaga- tio 85: quādo cæpit	132
Fœminæ Nafchim dictæ, & cur,	298	I	
G		Ianus quis fuerit	390: idē qui & Noachus ibidem. cur dictus Ianus
Geon vel Gichon flumen,	27	Iapetus quis inter Ethni- cos	398
Gigantes variis nominibus dicti, & cur	330. qui fue- rint	Immolare vnde	244
331: eius rei vestigia	380.	Ischa cur dicta mulier	80
Gigantum procreatio vnde & quādo	283.329, & deinceps.	Imago Dei quatenus in ho- mine iā abolita per pec- catum	108 109
Gordixi montes vbi	455, &	Imago hominis quæ	136.
		137	
		Immunda animalia cur Deus seruari vult ex di- luuio	363
		Iesus Christus à Sibyllis a- gnitus	194
			116

INDEX.

Isis quæ	58	& cur	80. 120. 121
Iuppiter nō vnus dictus	208	Mundus cur perijt aquis,	
Iuppiter vetustissimus fuit		370	
Cain	212. 213. 215	Mundi infantia	51
Iuppiter profugus	256	Mundi partes, & creatio	8
L		Mundum factum agnoscūt	
Lex cur non statim homini		Ethnici 53. 54. creatum,	
data	107. 108	55. per verbum Dei	57
Liber Enoschi	314. 317	Musica organica prius in-	
M		uenta	173. 127
Maleficium primum publi-		Musices repertor	228. ex
cum	88. 146. 147.	qua causa	229. in sacris
Menses Hebræorū cum mē-		eius vsus	231
sibus Romanorum colla-		Musicę artis inuentio vetu-	
ti,	438	stissima	97. 170. 171
Messiz promissio prima	79.	N	
80. 191. 192.		Nomades qui, & vbi fuerit,	
Minij, & Miniz populi	477	168. 225	
Montes Ararathi vbi sint,		Nod,	154
455. 475		Nominis Dei publica pro-	
Mola in sacrificiis quid	244	fanatio	276. 277
Montes vtrum fuerint ante		Nomina impiorum cur piis	
diluuium	433	imposita	310. 311
Montes omnes vtrum ab a-		Nominum impositio rebus	
quis merfi & superati	434	facta	11. 35. 36. vestigia
Mons vbi Arca constitit in		ei ⁹ apud Ethnicos	65. 66
Armenia	410. 475.	Nomina vtrū rebus omni-	
Mores hominum corruptif-		bis fuerint ab Adamo	
simi,	286. 336	imposita	36. 37
Mossinœcum æs	234	Noachi natiuitas	283. 334.
Mulier vtrum domina sicut		eius filij qui, & quando	
& mas	40. 41	nati	290. 348. eius rei
Mulieris formatio, 12. & de		vestigia	387
ea variaz quæstiones	38. 39	Noachi patientia	441. fides
Mulieris formationis vesti-		ibidem. Sacrificium post	
gia apud Ethnicos	66. 67	egressum ex arca	427
Mulieris nomen mutatum,		de Noacho vestigia	386

INDEX.

- cuius varia nomina 388
 Nuditas hominis turpis, &
 cur 122. 123. 198
 O
 Oblatio prima Deo facta
 ex frugibus 241. 242. 247
 Ogyges quis fuerit, & cur
 sic dictus. 392. 409
 Oliua seu Olea arbor 446.
 eius laus & significatio 474
 Olympus mons 434
 Operculum arcæ ecquod
 fuit, & quando remotum
 à Noacho 452
 Orbis partes tres, Asia, Eu-
 ropa, Africa; cur, & vnde
 394, & deinceps.
 P
 Pastoritia ars damnata ab
 Aristotele 223. eius labor
 magnus 224. utilitas 225
 Pandora 66. 183
 Pastoritia ars, 86. 139. 140
 Paradisus terrestris, & ar-
 bores in eo dux, 10. & de
 eo variè questitū 19. 20. 29
 Paradisi terrestris vestigia
 apud Ethnicos. 61. 62
 è Paradiso eiectus Adamus
 84. In quam Mundi par-
 tem 131
 Parnassus mons 465. 475
 Partus dolores mulieri cur
 impositi, 111. 189
 Pastoritiæ artis incremen-
 tum 95. 166
 Peccatum vnde in homine
 180. 101. eius vestigia in
 Ethnicis 179 180
 Peccatum primū hominis
 ecquod fuit. 102 181
 Peccatum primum primī
 hominis 76. eiusdem
 poena 77
 Peccatum primi hominis
 transit in posteros, 114
 Piorum corruptio per con-
 iugia cum impijs 182. 322
 Poena peccati primi in o-
 mnes homines transijt 78
 Politia ciuilis & ecclesia-
 stica quæ fuerit dum in
 Arca Noachus erat 482
 Ecclesiastica ante pec-
 catum 72. 74. Ciuilis an-
 te peccatum hominis. 73
 74. Ciuilis post peccatū
 263.
 Politia ciuilis & ecclesia-
 stica post nominis Dei
 profanationem, 414
 Politia ecclesiastica post
 peccatum 268
 Pomi ecquod genus ederit
 Adamus 106
 Profanationis nominis Dei
 publicæ gradus 302, &
 deinceps 340. tēpus 305
 341. vestigia illius 372
 Primogenituræ ius anti-
 quissimum 265. 270
 Prometheus verus quis
 fuerit. 239
 Pueri cur extincti in dilu-

INDEX.

- uio 369
 Purgatione nobis opus co-
 ram Deo 196.197
 R
 Reno quid 201
 Resacerare 253
 S
 Sabbatum ante diluuiū ob-
 seruatum 271.272
 Sacri homines qui 250
 Sacris interdicti erant ex-
 piandi 253
 Sacrificium Noachi post
 egressū quale 428. quā-
 excellens 460. & seq. cur
 Deo gratum. 461.480
 Sacrificia Ethnicorum cur
 damnauda 246
 Sacrificium primum homi-
 num 87.141.142.138
 Sacrificia Ethnicorum ut
 fierent 244.248
 in Sacrificijs carnes ani-
 maliū semper comest. 205
 Saturnus vetustissimus fuit
 Adamus, 211.212
 Saturni nomen varijs datū,
 207
 Saturni seculum 185.188
 Scriptum verbum quando
 extiterit 313
 Sogeria Noachi 428.460.
 480.
 Scythia saga, quæ. 479
 Semē mulieris quid signi-
 ficet 116.117
 Sem, Cam, Iaphet 394.397
 Seth cur sic dictus 134
 Sethi familia propagata
 178.179
 Seruatore nobis opus apud
 Deum 195.196
 Serpens, & eius inimicitiz,
 190
 Serpente cur vsus Diabo-
 lus 104. & quo 105. eius
 caput quid 112.182
 Sion mons. 467
 Status hominis vtriusq; in
 paradiso 15. & de eo mul-
 ta 45.46. quādiu durauit,
 106. eius vestigia apud
 Ethnicos 69.70
 T
 Teletē nos non purgāt 194
 Tigis 12
 Translatio Enoschi quid si-
 gnificet. 318. eius vesti-
 gia, 378
 Thus vnde dictum, 242
 V
 Ventis vsus Deus ad aquas
 immittendas, & exsiccā-
 das 451
 Venus quæ fuerit 233. vnde
 dicta. 237
 Vestitus primus hominum
 fuerunt crudæ pelles,
 200.201.
 de Vestitu primi hominis
 81.83. cur indutus 123,
 à quo 124. vnde 125
 Victimæ dijs oblatæ, &
 quando 245.246

INDEX.

Viri in mūdo celebres qui, & quando 283.284	Urbs prima à Ioue posita 257. & quando 258. & cur ex sentētia Ethnicorū 259
Vita hominum corruptissimā 286. & unde, & qui- bus gr dibus 287. eius vestigia, 384.402	Urbs prima quæ, cur, & quando condita 91.155. 156. vbi 157.256
Vitæ longæque testimonia, & vestigia 376	Urbes primæ variarum gē- tium, 261
Vulcanus unde dictus 176.	Xisuthus quis fuerit 393.
quis fuerit 233.236	Zeus unde 213.

FINIS.



Errata sic corrigito.

Pagina 277. linea 26. pro *terrenam*, lege *caelestem*.
Pagina 480. linea 16. dele *a*.



VETVSTISSIMARVM
PRIMI MVNDI ANTI-
QVITATVM SECTIONS,
SEV LIBRI IIII.

AVTORE LAMBERTO DANÆO.

P R O O E M I V M.

*De varijs Mundi, quæ vocantur, æta-
tibus, & quæ Ætas in hoc opere
describatur.*



QUONIAM nobis propo-
situm est primam ætatem huius
conspicui Mundi à Deo cōditi,
eiusque vetustissimas antiqui-
tates tum ex ipsissimis S. Scri-
ptura & limpidissimis fontibus
haustas, tum ex Ethnicorum
etiam ipsorum monumentis in-
uestigatas, describere, (quæ res cum scitu iucundissima
est: tum verò ad veram pietatis agnitionem, id est, tum
nostra damnationis, tum redemptionis causas explican-
das, nosq; in fide confirmandos necessaria) primum in
quor ætates, distinctaq; secula tota Mundi huius du-

ratio diuidi soleat, videtur exponendum. Illud verò dignum est, quod obseruetur, penè quauis hominum aetate scriptores tum sacros, tum Ecclesiasticos, tum etiā Ethnicos, in certa quadam tempora digessisse totam illam seculorum, quibus Mundus iam suo seculo existerat, seriem. Sed Profani in eo toto temporis spatio quatuor tantum *Ætates* constituunt, nimirum *ætatem Auream*, quæ prima fuit: *Argenteam*, quæ secunda: *Æneam*, quæ tertia: *Ferream* denique, (Sic enim ex *Danielis* cap. 2. vers 32. vocantur) quæ postrema est, quæq; etiamnum hodie durat, & perpetuò (ut profani illi homines putant) quoque duratura est. Sic autem eas finiunt singulas, ut *Aurea* quidem *ætas* ab exordio Mundi ad *Iouem* usque fuerit: *Argentea*, à *Jouis* regno ad *Heroum* virorum præstantissimorum exortum, celebritatem, & frequentiam: *Ænea*, ab *Heroibus* illis (in quibus *iustitia* vis adhuc regnabat) usque ad *Monarchiarum* & *Regum* diuersorum (sub quibus iura polluta sunt. & regna instituta) in hoc terrarum Orbe constitutionem, ac distinctionem. Ab hoc denique tempore *Ferrea* *ætas* duret. Sic *Hesiodus* (à quo ceteri omnes postea sumpserunt) in lib. 1. qui dicitur [Opera & Dies:] sic *Virgilius* lib. 1. *Georg* *Ouidius* lib. 1. *Metamorph.* *Diodorus Siculus*, & alij horum: vestigia secuti penè insinuat tum veteres, tum recentes scriptores. Verum *Moses*, sacrique ac *Diuini* *Propheta* nequaquam has esse Mundi *ætates* annotant, vel sic eas tradunt. Nam si quæ fuit *ætas Aurea* Mundi prima, illa breuissimo tempore certè quidem extitit, utpote duntaxat ante peccatum *Adami*: reliquum autem

Mundi

Mundi tempus totum, quod secutum est planè ex Prophetis Ferreum, & Improbum seculum est dicendum, non Argenteum, non Aeneum. Nam quod est apud Daniele cap. 2. vers. 32. ad illud primum nascentis Mundi tempus minime pertinet, sed ad Monarchias innumerabilibus pene seculis post primam Ætatem Mundi introductas, è quibus prima, ceterarum comparatione nominatur Aurea, id est, ditior, & rerum omnium, ac præsertim auri abundantior reliquis, ac copiosior, ut apparet Dan. 3. 1. Cetera egentiores, & minus opulenta fuere. Quid igitur? Insignes ac memorabiles rerum mutationes & velut exempla observarunt, ac descripserunt Propheta Dei, ex quibus diversus Mundi status, diversaque conditio. saltem quod ad Ecclesiam, distingui discernique potest: ex quibus Viri Ecclesiastici, id est posteri, sequentesque scriptores per varias Mundi Ætates deinde definierunt. Nec tamen omnes easdem, & iisdem temporum punctis, & rebus gestis terminarunt: sed alij aliter, & alias: atque adeo quidam, plures: quidam verò, eas pauciores nobis reliquerunt. Quidam enim duntaxat Quinque Mundi ætates esse volunt: alij. Sex: alij, Septem: alij, Octo: alij etiam, plures: prout cuique libuit hanc vel illam epocham, & rem memorabilem observare, eamque initium, vel finem aliquius Ætatis Mundi à se constituta ponere. Quamobrem quum varij Scriptores Ecclesiastici Ætates Mundi explicare & distinguere voluerint, studuerintque, non semper tamen inter se consentiunt sed sæpè dissentiunt: quæ discordia tamen neminem offendere debet, quum esse debeat liberum cuique in ea re definienda ani-

mi sui iudicium. Ergo Philo Iudaeus, Africanus Christianus scriptor, & post eum Eusebius Pamphili, Hieronymus, Augustinus, Paulus Orosius, Beda, Addo Viennensis, Carolus Bouilleus, Ioannes Funccius, Antonius Contius, & reliqui (qui Aetates Mundi descripserunt) non τὰ αὐτῶν ἡγεμονίῃν semper sunt secuti. Ceterum Augustini potissimum sententiam recentiores amplectuntur & nos quoque hic, qui tum lib. 83. Quest. cap. 58, & lib. 12. contra Faustum Manichaeum, cap. 8. sex totius huius Mundi velut unius hominis, aetates constituit, quibus sit Mundus duraturus, quemadmodum sex Diebus idem hic Mundus primum conditus fuit. Septima verò aetate sit Mundi huius & quies, & plena instauration per Christum, post illius uniuersale iudicium futura. Verba verò Augustini sunt hac, cap. 8. lib. 12. contra Faustum Manichaeum, [SEX diebus in Genesi ait, consummauit Deus omnia opera sua, & septimo requieuit. Sex aetatibus humanū genus hoc seculo per successiones temporū Dei opera insigniunt: quarum Prima est ab Adam vsque ad Noë: Secunda à Noë vsque ad Abraham: Tertia ab Abraham vsq; ad Dauid: Quarta à Dauid vsque ad transmigrationem in Babyloniam: Quinta inde vsque ad humilem aduentum Domini nostri Iesu Christi: Sexta quae nunc agitur, donec Excelsus veniat ad Iudicium: Septima verò intelligitur in requie Sanctorum, non in hac vita, sed in alia.] Primam verò Aetatem Mundi, ab Adamo ad Noachum id est diluuium scribit idem Augustinus lib. 15. de Ciuit. Dei, cap. 20. cōtinere, ex Latinorum codicum supputatione, annos bis mille ducentos sexa-

sexaginta duos: ex Hebræorum autem numero, mille sexcentos quinquaginta sex. Que postrema ratiocinatio seu calculus verus est: itaque nos eum sequimur, non autem Latinum. Nam ab Adamo condito seu creato ad annum Diluuij seu generalis immersionis Orbis terrarum (quem annum hic Augustinus Noachum appellat, nimirum insignem illam calamitatem, qua sub eo contigit: non autem annum natiuitatis Noachi spectās) non plures anni, quàm mille sexcenti quinquaginta sex intercedunt. Nos verò unū duntaxat addemus, fientq; anni prime Mundi Ætatis 1657, quoniam Ætas Mundi secunda non ab initio seu immissione diluuij: sed potius ab eius fine, & generis humani ex eo liberatione, id est, ab exitu Noachi ex Arca incipit, estque statuenda & sumenda. Habet verò totum hoc prima Mundi Ætatis spatium quattuor sectiones, seu ἐπεχὰς insignes: quarum unaquæque sua capita. & res observatione dignas, ac singulares comprehendit.

Ergo Sectio Prima huius Prime Ætatis Mundi completitur quicquid est ante peccatum Adami, id est à Mundi initio ad Peccatum ipsum ab Adamo primum perpetratum. Cōtinet autem totum illud spatium ad minus totos dies septem.

Secunda Sectio ea, que S. Scriptura tradit contigisse ab Adami peccato usque ad publicam Nominis Dei profanationem. Tempus autem hoc ab exordio Mundi computatum habet annos circiter ducentos triginta quinque.

Tertia Sectio eiusdem prime ætatis Mundi durat ab illa Nominis Dei populari & publica profanatione

vsque ad annum, quo Diluuium vniuersale contigit. Habet autem annos ab initio creati Mundi 1656: A profanatione Nominis Dei annos mille quadringentos viginti unum: A peccato primo Adarai minus, quàm à creatione Mundi, aliquot diebus, vel annis, vel mensibus. Est enim incertum quando Adamus & Eua primum peccarint.

Quarta verò & ultima huius Ætatis sectio est Annus Diluuii, id est, ab immissis à Deo in vniuersum terrarum Orbem aquis ad exitum Noachi ex Arca, in qua toto tempore eluisionis istius iussu Dei substiterat unà cum uxore, filiis, nuribus, & ceteris Animantibus in eam ab ipsomet Deo introductis. Durat hoc spatium Annum duntaxat unum. Atque hæc est totius futura disputationis nostre summa partitio, & velut operis designatio, ædificijq; frontispicium nostri, quod, Deo Optimo Maximo bene fauente, iam aggredimur, & ordimur, si prius Lectorem admonuerimus in unaquaque Sectione hæc quattuor precipua Capita à nobis distingui, statuiq;, nimirum Historica, Disputata, Vestigia relicta, & Collecta, seu Porismata, quæ qualis tum Politicus, tum Ecclesiasticus Mundi status tunc fuerit, ostendent. Ergo quod felix sit, & faustum, & ad Dei gloriam, & Ecclesie ædificationem, & singulorum salutem, incipimus.

LIBRI,



LIBRI, SEV SECTIO-
NIS PRIMAE PRIMAE
MVNDI ETATIS, QVÆ EST

Ab Exordio Mundi ad pri-
mum Adami primi Ho-
minis peccatum.

CAPVT PRIMVM

*¶ Continet Historica octo: Dies autem ad-
minus septem.*

HABET Historia hæc, 1. Creationem
Mundi. 2. Hominis. 3. Paradisi ter-
rensiũ. 4. Arbores in eo duas. 5. Im-
positionem nominum. 6. Mulieris for-
mationem. 7. Coniugij institutionem. 8. Statum pri-
mum Adami & Eue.

I. Dies Mundi. I. Mundi creatio.

Ex nihilo Cælum summum & Primum, id est, to-
tum hunc visibilem Mundum amitu suo concludens
creatur: item & Terra, sed raris, inanis, te-brosa pri-

minim, & vacua. Hoc eodem die & Lumen quoque (sed post cælum illud & terrā conditam) producitur: quod Lumen totis quatuor prioribus diebus fuit vagum, nulloque certo corpore, & loco comprehensum ferebatur supra terram quidem: sed tamen infra cælum illud primum creatum. Dies igitur a nocte post lumen productum per vices successianis distinctus est. Fuit autem iste dies primus ac natalis huius mundi, Gen. 1. 1.

Vocatur Dies Creationis.

2. *Expansionis productio continetur, id est, eius loci, & spatij, quod interponeretur inter Aquas inferiores (quæ sunt erantq; cum ipso corpore Terre) & Aquas sublimiores, (quæ sunt erantq; sursum eleuata supra elementum & Orbem Terre) easque secerneret. Hac expansio etiam Cælum à Deo nominata est, quemadmodum & primum illud corpus seu cælum primo die creatum, quod primum Cælum [Cælum cælorum] dicitur. Patet autem hæc expansio latissimè à superficie terre usque ad illud summum & primum Mundi huius cælum & corpus, Genes. 1. 6.*

Vocatur Dies Distinctionis.

3. *Aquarum inferiorum in unum locum (qui Mare dictus est) collectio fit. Terra igitur emerfit tunc ex aquis, & quæ eminens ex Aquis extitit [Arida] vocata est. Hæc verò illo eodem die Herbas, & Arbores tum in usum Hominis & Animalium postea futurorum & creandorum, tum in ornatum Terre ipsius, ex suo corpore produxit, Gen. 1. 9.*

Vocantur hic, & sequentes dies, Dies ornatus: sed propriè iste Dies ornatu Terra.

. Lu.

4. *Luminaria creata sunt in Expansione cœli* (que secundo die fuerat condita) maiora duo, primum nēpe Sol, & Luna: deinde reliqua minora, que *Astra*, *Stella*, & *Sidera* vocantur, ut *Diem* & *Noctem* Mundo distribuerent, & lumen administrarent vicissitudine quadam perpetua. Ergo in Sole, Luna, ceterisque stellis *Collectio Luminis* primo die creati facta tunc à Deo fuit. Gen. 1. 14.

Vocatur *Dies ornatus* non Cœli primi, sed *Expansionis*, que sub eo est.

5. *Aues, & Pisces creantur ex aquis*: nimirum *Aues* quidem ex aquis superioribus, que sunt in *expansione cœli*: *Pisces* autem ex aquis inferioribus, qua *Mare* dicebantur. Additur his præceptum Dei de multiplicatione, & propagatione sui cuiusque generis ex coitu nempe *Maris*, & *Fœmine*, cuius generi *Animalis* factum in sua specie, Gen. 1. 20.

Dies ornatus Aquarum superiorum, & inferiorum, id est, *Maris*.

6. *Brutorum animantium à terra productio* fit, Gen. 1. 24.

II. *Creatio Hominis, velut totius huius boni ac domus Patrisfamilias, & Domini.*

Homo Mu eodem illo die sexto creatur à Deo. Corpus quidem eius sumptum est à limo seu pulvere terræ: *Anima* verò, que tota est immortalis, ex inspiratione, & flatu Dei ipsius in *Hominem*, id est, in corpus homi-

nis iam conditum per faciem eiusdem hominis à Deo immisso. Hic Homo primus *Mas* à Deo conditus est, & *Adam* à rubore vocatus est, creatusq; ad Dei ipsius Imaginem, & quidem ex omni rerum in hoc visibili Mundo conditarum numero & genere solus, Dei auctoris, & Prototypi sui tum agnoscendi, tum colendi gratiâ, Gen. 1. 26. 29, & 2. 7: & ut istarum rerum omnium à Deo conditarum in hoc visibili Mundo dominus esset Homo, id est *Adamus*, & eius posteris, Gen. 1. 29, Psal. 8.

Dies Perfectionis, & consummationis huius Mundi.

7. *Quienit Dominus Deus à toto suo opere, cui benedixit, id est, à totius Mundi huius fabrica, Gen. 1. 31, & 2. 2. Dies Sabbati, seu Quietis.*

III. Eden, seu Paradisus Terrestris.

Hortum Deus in Edene regione parat, omni herbarum & arborum genere abundantissimum, ac copiosissimum. Horti autem illius situs, vni & regionis ipsius Edenis, erat ad Orientem ratione Deserti, in quo tunc scribebat *Moses*: & *Iudea* seu *Terra promissa*, cuius idem *Moses* rationem habuit, Gen. 2. 8. & 3. 10. 23. Non fuit autem tota regio Eden, Hortus: sed pars eius duntaxat.

IIII. Arbores in eo duę Pręcipuę conditę.

Duę autem Arbores Pręcipuas in eodem illo horto Deus plantat seu germinare fecit: *Vnam*, [*Vita*] quę immortalis *Adami* posterorūque eius in hoc Mundo status

status, felicitatis, & durationis futura symbolum erat à Deo datum Adamo ac illius posteris. Genes. 2. 9. Apoc. 2. 7. Alteram [Scientia Boni & Mali] que symbolum fuit mali, & vitii in Adamo, & eius posteris futuri, seu inhabitaturi (si ex ea ederet, ac sua sorte & felicitate non contentus, Deo non obtemperaret.) Datum autem fuit Adamo hoc sacramentum à Deo, ut eum eiusq; posteros tentaret qua fide in se futuri erant, & ut eos cautiore, prudentioresq; faceret. Erat autem utraq; Arbor & conspectu incundissima, & esu suauissima, Gen. 2. 9. & 3. 6.

Adamum à se recens alibi tamen conditum Deus die eodem sexto, quo eum creauerat, in eo Edenis Regionis Horto collocat, velut prestantissimo domicilio ac totius huius Terre solo optimo, incundissimo, ac feracissimo: eumque Hortum Adamo & colendum, & custodiendum idem Deus tradit, quod in eo Horto cum Adamo colloqui postea vellet, permissio ei cuiusvis alterius Herba & Arboris esu liberrimo pro animi voluntate: solius autem, & unius Arboris Scientia Boni, & Mali interdicto, addita etiam ad sui interdicti confirmationem, & Adams posterorumque terrorem gravissima Mortis virusq; (id est, Anima & Corporis) pœna, quam Adamus hanc Dei Legem violans, eiusq; posteritas erat sensura. Gen. 1. 29. & 2. 17. & 3. 2. & 3. 8. Rom. 6. 23. uti postea sensit.

V. Impositio Nominum.

Nomina rebus omnibus in hoc visibili Mundo conditis imponit Adamus, velut earum Dominus, Deo sic

iubente, volente, ac eas Adamo donante. Imponit autem ea nomina Adamus praesertim Animantibus Terrenis, & Caelestibus: quae Deus ipse coram Adamo stiterat, ut cum illa velut terrenum dominum suum agnosceret, & ex nomine sibi ab Adamo posito, datone postea citata adessent, seq. coram eo ipsa per sese sisterent, id est, non vinculis constricta, non vi coacta, vel opera hominum vlla adducta, sed ipsa sponte sua sicque unumquodq. Animal voci Adami & posterorum eius, velut Domini sui legitimi, & à Deo sibi constituti iussui pareres, & sponte obsequeretur. Gen. 2. 19 & 6. 19 Ps. 8 Heb. 2. 8. Nomina verò rebus creatis imposuit Adamus cuiq. pro naturae ipsius proprietate, ut nomē illud naturae rei conveniret quā noverat Adamus ipso naturali lumine (id est, quod sibi à prima natiuitate Deus infuderat, eratq. in eius posteris permansurum) ut ipse quum ea res omnes create in hominis usum, à Deo factae essent. Ergo earum singulari naturam, vim, proprietatesque nosse debebat Adamus, & illius posteris, ut iis commodè, & in finem (ad quem singula condite erant) uterentur. 1. Tim. 4. 3. 4. Nam rei ignota nullus esse potest usus, nullave, quemadmodum habet pro-
verbium vetus, cupido.

VI. Mulieris Formatio.

Mulierem seu foeminam Hominem in Paradiso terrestri Deus creat post omnia creata. Creat autem eam ex una Adami costa, mulieremq. istam vocat [Ischam] nomine ab Isch (quod virum seu marem significat) deducto. Ergo Ischa est Virago, sic à Deo appellata,

pellata, ut originis sue vel ipso nomine admoneretur. Hac eadem [Eua] postea discepta est. Feminam autem Hominem creauit Deus, quoniā inter omnia animalia condita nullum reperiebat, quod esset par, commodum, atque conueniens Adamo ad Dei ipsius imaginem condito, & auxilium illi esset, id est, cum quo consortium, colloquium Adamus haberet, ut de Dei cultu, & precepto sibi dato communicaret, & cum quo de rerum natura agere & conferre ad Dei gloriam posset: denique ex quo prolem sibi similem susciperet Adamus. Ergo condita est Ischa, id est Mulier & ipsa ad Dei imaginem quoque sicut & Adamus, quae eiusdem cognitionis Dei, & cultus ipsius, & felicitatis, ac dominationis in his terris particeps, & capax esset, cuius & Adamus: & quae eiusdem indolis, nature, sermonis, rationis, & ratiocinationis usum haberet, cuius & vir seu Mas ille Homo iam conditus. Eam igitur condidit Deus, ut futuram Maris seu Viri Hominis sociam, & auxilium ad prolem suscipiendam aptum. Itaque ex latere seu costa Adami eam compegit ac fecit. Adamum autem, ne quem dolorem propter istam costae detractionem sentiret, magno sopore Deus affecit, atque consopinit interea dum ei costam detrahit, eiusque locū postea carne replet, ac reficit. Genes. 1. 27. & 2. 21. 1. Timoth. 2. 13.

VII. Matrimonij Institutio.

Matrimonium ex quo propagatio generis humani, id est, Imaginis Dei in his terris fieret, Deus ipse instituit inter duos tantum nempe Adamum, & Ischam,

(*qua eadem Eva est*) inter utrumq, videlicet ad Dei Imaginem à se conditum, è quibus unus esset Mas: Altera verò Fœmina. Quamobrem neque inter Hominem & Brutum Animal: neque inter duos Homines utrumq, Marem, vel utrumque Fœminam: neque inter plures, quàm duos & quidem Vnum Marem, & Alteram Fœminam: neque deniq, inter alios, quàm quos Deus coniunxit, matrimonium, aut propagatio generis humani, aut denique legitimus homini coitus esse potest. Gen. 1. 27. & 2. 22. Malach. 2. 15. 1. Cor. 7. 2. 3. 4 Coitum quidem esse inter Bruta Animantia iam praeceperat, institueratq, Deus die etiam quinta, videlicet ad speciei cuiusq, Animalis conseruationem, eique benedixerat. Genes. 1. 20. Verùm Homini ad suam Imaginem cōditi Deus sanctiorem, augustiorem, & aliam, quàm simplicis coitus naturalis (qualis est inter brutas pecudes) originem esse voluit. Itaque ad genus humanum conseruandum, præter coitum naturalem, Matrimonium quoque intercedere Deus voluit. Nam Mulierem à se ex Adami costâ creatam Deus ipsemet ad Adamum confestim adduxit, illique eam in uxorem, & unicum auxilium dedit Hominum ad Dei Imaginem eandem (ad quam ipse uterque Homo conditus iam erat) postea gignendorum (id est ad humani generis propagationem) Ergo Adamo eam tradidit in manum. Ergo utrosque illos inter se ipsemet Deus coniunxit. Inde Coniugium, eiusque sanctissimū, atque arctissimum vinculum Adamo, Eva, & posteris eius institutum est, cuius Deus autor fuit, & conciliator primus, Gen. 2. 22. 23. Prou. 2. 17. Matt. 19. 8.


Vnde

Vnde qui uxorem nanciscitur, dicitur à Deo bonum accepisse. Pro. 18. 22. Huic autem coniugio & copula Maris & Fœminæ Hominis à se facta Deus postea peculiarem benedictionem addidit, summum animorū affectum iniecit, denique & perpetuam firmissimamq; societatem, adco ut Coniux Patri & Matri præferri à coniuge debeat, & uterque parens propter coniugem à coniuge deserui. Gen. 1. 28. & 2. 23. 24. Psal 45. Matth. 19. 5. Quod Vinculum, & quæ societas & benedictio etiamnum post peccatum postea permansit, ac permanet quoque hodie. Math. 19. 6. Rem. 7. 2. 1. Corinth. 7. 11.

VIII. Status Hominis utriusque, id est Viri, & Mulieris in paradiso Edenico.

Status autem utriusque Hominis Primi, id est, Adami maris, & Ischa (quæ eadem postea Eva est) fœmina in summa hic erat, quod uterque Dei veram, plenamque Imaginem (quantā natura humana Animalis & in his terris versans habere potuit) nactus erat. Erat autē fœlicissimus, ac perfectissimus hic status. Nichil enim fœlicius, ac perfectius Deo, Deique imagine esse potest. Etsi verò Dei imago in hominis anima propria, verèque posita erat: cōsinebat tamen hac fœlicitas quattuor hac Dei dona præcipua, Nempe, 1. Mentis seu Intelligentiæ humanæ perspicacitatem & cognitionem ex connatis ingenitisque notitijs rerum tum Divinarum, velut Dei ipsius (quis & qualis esset, Vivus videlicet, immortalis, spiritus) & rerum ad Deum co-

lendum necessariorū: tum etiā terrenarum rerū velut natura proprietatisq; rerum omnium in hoc visibili mūdo creatarū. 2. Habebat cordis seu volūtatē humane puritatē & rectitudinē. 3. Corporis cōpositique ipsius totius summā pulchritudinē, ac immortalitatē. 4. Dignitatem ac dominatum in omnia hęc visibilia à Deo condita. Erat igitur utrumq; homo mente perspicax, corde purus, corpore immortalis, dignitate dominus. Omnia enim Homini Deus subiecerat: Hominem sibi duntaxat: ut esset Homo quidē totius huius Mundi Dominus utilis, qui vocatur: Deus autem ipse eiusdem Mundi Dominus directus. Denique Deus ad se colendum dederat Homini & Legem, & sacramenta duo, nempe duas illas, quas diximus, Arbores: Legem autem hanc, nimirum ut sua sorte contentus Homo earum arborum altera abstineret, Gen. 1. 27. 29. & 2. 17. & 3. 3. & 5. 3. Quare donis & spiritualibus, & corporeis (quantum eius felicitas in his terris postulabat) præditus erat Homo uterque à Deo, quibus ysdem donis posteri quoque eorum postea donandi omnes erant, & heredes futuri.



CAPVT II.

I Disputata, & agitata quedam in his singulis capitibus octo.

Multa



V *L* *T* *A* verò quarunt Scholastici in prima Mundi huius (quem conspiciamus) historia, quæ apud eos extant tum in Lombardi lib. 2. Sentent. tum apud Thomam in Prima parte prima Summa distinct. 65, & sequentibus. Multa Philosophi & Platonici, & Aristotelici, ut alios omittam. Nos verò neq; omnes eorum quaestiones (quædam enim sunt prorsus ineptæ) persequemur: neque etiam nullas. Ergo quæ præcipua, maximeque utiles visa sunt nobis, hæc sunt, & quidem in primo capite, quod est de Creatione Mundi, in qua queritur:

Ad I. De Creatione Mundi.

*V*trum Cæli primo die conditi nomine Angelica natura cõtineatur. *V*isibilibus enim & inuisibilibus Creator est vnus Deus, Col. 1. 16. *R.* Quñ sit, fueritve *M*osi propositum de eorum tantum in hac historia describere, & conspicuum hunc Mundum nobis notum, in quo velut Dominus collocatus est *A*damus, proponere Gen. 1. 13. de Angelis, eorumque creatione nequaquam agitur in toto hoc capite vel libro *M*oses. *Q.* Vtrum omnia Dei opera vno duntaxat die condita sint re ipsa, ut putat *A*ugustinus lib. 4. cap. 34. de Genesi ad litteram, & lib. 15. de Ciuit. Dei: *E*ccllesiastici 16. 26, & 27: quæ diuersis tamẽ diebus innotuerint, & à Deo postea patefacta sint: an sex diebus omnia nempe singula, quæadmodum à *M*ose narrantur, suo die. *R.* Quum nihil sit allegoricum in hac Mundi conspici creatione prima: sed naturaliter sint accipienda illa omnia, tanquam ab historico, quæ *M*oses in hac descriptione tra-

dit, singula suis quaque & diversis diebus creata sunt, non autem simul omnia. *Q.* Vtrum primum cœlū, id est, primo die creatum sit illud ipsum, quod postea fuit ornatum à Deo stellis videlicet, quum Solem, & Lunam, & astra Deus condidit, Psal. 19. *R.* Cœlum illud primum tāquam cortina quaedam à Deo hominum oculis duntaxat obiectum est. factūque ut curiositatem & visum eorum terminaret, Psal. 104. 2. Itaque de eius Cœli ornatu nihil postea scribit Moses. Solem autem, Lunam, & stellas collocavit Deus in expansione, quæ infra illud primum Cœlum est usque ad aquas protensa. Ergo stellæ sunt expansionis illius ornatu, non supremi & primum conditi Cœli. Sol tamen, Luna, & Stella in ista Expansione sitæ dicuntur esse in cœlo, quoniam hæc ipsa Expansio Cœlum quoque nominatur. Sed primum illud Cœlum dicitur Cœlum cœlorum, Psal. 115. 16, & 148. 4. Id quod etiam in extremo Dei iudicio concutietur, & cum stridore præteribit, ac renouabitur, vis & terra ipsa, & reliqua elementa, Luc. 21. 26, 2. Pet. 3. 10. *Q.* Quotuplex sit genus Aquarum illarum, quas expansio à se ipsis diuidit, & vtrum supra totam Expansionem sint Aquæ aliquæ. *R.* Diuidit quidem Expansio aquas cœlestes (quas æreas vocant ex quibus sunt, fiuntque nubes, pluuia, tonitrua, grandines, ros, &c. huiusmodi, Ps. 147. 8, & 148. 4) à terrenis & marinis, quæ cum globo & corpore terra comprehenduntur, ac simul consurguntur non tamen tota expansio intra utrasque illas aquas comprehenditur, ac concluditur, ut nulla supra æreas aquas sit & restet illius Expansionis pars & portio.

rio. Est enim illius expansionis supra aquas etiam cœlestes & æreæ pars aliqua, nimirum ea, ex qua Sol, Luna, & Stella existerunt & in qua collocata fuerunt. Ex quo fit ut illius Expansionis longitudo & spatium totum etiam aquas cœlestes superet, sitque etiam supra eas expansum Gen 1.6.15. Expansio ergo continet interuallum aquas inter se separās, & præterea illud spatium, in quo Stella, ac Planeta mouentur, vel hærent, certè collocantur.

Ad III. De Edene Regione.

Quæritur Edene illa regio ubi fuerit, in cuius parte una terrestris Hortus erat. Nec enim tota illa regio erat Hortus ille amœnissimus. R. Fuisse eam regionem sitam ad Orientem Mosi tunc in deserto Arabico scribenti versantiq̃. Huius autem regionis non semel fit mentio in Dei verbo, sed sæpius, uti 2. Reg. 19. 11, 12. Isa. 37. 12, Ezech. 27. 11, 12, ubi Eden & Carra ciuitas coniunguntur. Item Amosi 1. 3 illa regio commemoratur, & nota fuit non tantum sacris Scriptoribus: verumetiam & prophanis, atque etiam alijs. Aethicus eam inter nobiles (quas famosas vocat) Orientis prouincias collocat & recenset, ubi Adonis pro Edonis, utiio librariorum scriptum est, quemadmodum rectè obseruauit Iosias Simlerus vir eruditissimus. Stephanus in libro de Urbib. Edana urbis meminit (que ad Euphraten sita esset.) Hanc ex Edenis regionis nomine velus insignes fuisse reliquias quis dubitet. & idcirco sic appellatam? Apparet autem eam maioris Armenia prouinciam vel partem fuisse, & totam Mesopotamiam

comprehendisse. Patuit usque ad Damascenam regionem, Amosi 1. 5, Plinius lib. 6. Histor. natur. cap. 9. Armenia Maior Tigrim & Euphratem fluuios fundit, & initium Mesopotamia per duos amnesitura facit. Hos autem eosdem fluuios tribuit hic Moses Edeni regioni. Mesopotamia verò etiam Armenia maiori tribuitur, olim autem Assyria, confusis & mutatis postea regionum istarum nominibus, uti & nunc. Nam istarum appellationū vestigia iam nulla extant.

Q. Quæ sit regio Hevila, quam uniuersam flumen Pischon ex Edene regione, non autem ex Horto nascens, alluit, uti & Hortū ipsum Gen. 2. 10. 11 Quid regio Chuz, quam Gichon fluuius (qui est fluuij ex Edene nascentis diuortiū, & aluius seu riuus) alluit post irrigatum Hortum hunc terrestrem. Quid denique, & ubi Paradisus, in quo collocatus à Deo fuerat Adamus primus homo. R. Primum obseruandum est quatuor illa flumina, quæ recenset Moses, fuisse unius & eiusdem, siue aquæ siue fluuij ex Edene regione nascentis diuortia seu brachia, quæ diuersa quoque nomina sortita sunt, quemadmodum apparet. Ex his enim unum Euphrates: alterum Chiddekes siue Tigris: tertium Geon: quartum Pischon nominatur. Orsus est autem Moses in istis quattuor brachijs eiusdem fluuij recensendis ordine retrogrado, non à capite fluuij istius vel vicinioribus capiti brachijs, & diuortijs: sed ab istis, quæ remotiora erant, & viciniora tunc Mos ista scribenti, & populo Israelitico, cui scribebat. Ergo facit Tigrim tertium brachium, & Euphratem quartum: qui tamen uterq; fluuius est fonti originiq; fluuij istius, à quo

à quo deducitur proximior. Fons autem, & ex eo flu-
 uius emanās in Edene regione (antequam se in diuortia
 illa quattuor diduceret) irrigabat, & quidē totus ad-
 huc, & nondū diuisus in brachia, Hortum terrestrem:
 postquam autem totum illum Hortum irrigauerat,
 tunc se infra Hortum in quattuor illa flumina diuide-
 bat. Ergo nequaquam Hortus ille extendendus est us-
 que ad ea terrarum loca, in qua illa quattuor flumina,
 seu diuortia feruntur, & labuntur. (nec enim Hortus
 terrestris terram Chuz, vel regionem Heuila comple-
 tebatur, vel tam latè ex ea parte patebat, sed iam su-
 pra eum locum, id est, ante unius illius fluij seu Aqua
 diductionem seu diuortia in illa regione Edene finieba-
 tur) imò ne ipsa quidem Edene regio patebat in longi-
 tudinem tantum quantum cursus quattuor illorum flu-
 minum, ex uno illo Paradisi fluuiio derivatorū, & fluū-
 tium. Cur igitur dicet quispiam, horum quattuor flu-
 minum facta est à Mose mentio? Nimirum, ut intelli-
 geretur quàm esset abundās aqua, & copiosus unus ille
 Paradisi terrestris fluuius, ex quo tot, tamq̃, opulenta
 illa quattuor flumina postea oriebantur, & fluebant,
 velut riuus. (nec enim in toto terrarum orbe his quattuor
 maiora flumina sunt) ac proinde facile vel unum illo-
 rum fluminum potuisse aqua sua elicibus ductis, & ab
 Adamo factis, totum illum Hortum terrestrem irri-
 gare: Nomina autem & fluminum illorum, & quarun-
 dam regionum, quas illa alluunt, addita sunt à Mose,
 ut huic Historie tam antiqua fidem faceret, ac auto-
 ritatem conciliaret, ne fabula quedam esse censeretur.
Secundo loco notandum est, Euphratem flumen, item,



& Tigrim varia nomina etiam eodem tempore apud
 duersos populos sortitum esse. Nam qui hic à Mose
 dicitur Euphrates, idem ab alijs populis & Auxius, &
 Pixrates, & Onirra, & Aramalcha i. flumen regiū
 dictus est olim, uti docet Plinius lib. Hist. Natur. cap.
 26. Ammianus Marcell. libr. 23. Histor. [Et Mar-
 sias, ait, & Regium flumen Euphrates cunctis excel-
 lens.] Tigris etiam Pasitigris vocatus est, quem idmo-
 dum Strabo lib. 15. & Plinius lib. 6. cap. 27. tradunt:
 & Basilius, ut idem Strabo scribit lib. 16. Sed & Pal-
 lacopa quoque nominatus, quemadmodum apparet ex
 Arriani libro de Expeditione Alexandri, lib. 7. Soli-
 nus cap. 40: [Primum, ait, pigre fluit Tigris, non cum
 suo nomine: at quā fines Medorum inuectus est. Tigris
 dicitur.] Denique meminisse oportet tertio loco flumen
 Euphratem, item & Tigrim, & a diuersis Regibus, &
 diuersis in locis & temporibus, in alueos plures deriva-
 tum deductūque fuisse: eorūque alueorum inter se
 commissuras, seu confluenta variè dissecta à varijs, seu
 disrupta, ac diducta: denique oppleta, vastata, & im-
 mutata nomina alueorū ipsorum variè, ut iam sit pro-
 pterea vel difficile, vel valde nobis ignotam, id, quod
 hic scribit Moses: erat autem illo seculo notissimum.
 Certè Herodotus lib. 5. scribit vel unum GynDEM (qui
 in ijs locis est) in 360. alueos fuisse diductum. Plinius
 lib. 6 Hist. Natur. cap. 20. ait, Euphratem diuisum
 sub Assyrijs à Semiramide, quod cōmemorat Pompo-
 nius Mela lib. 1. cap. 11: item à quodam Satrapa Ba-
 byloniorum in plures partes, ne infestaret Babyloniam:
 postea à Nicatore: ab Orchenis quoq̃, dum agros suos
 irri-

irrigant, ut ibidem Plinius cap 27. tradit: atque etiam scribit Arrianus libr 7 de Exped. Alexand. Babylonios deduxisse & deriuasse saepe diuersoq; tempore Euphratem magnis fossis, magnoq; labore in Pallacopam flumen. Denique & Traianus quoque fossas novas parauit ad commitendum Euphratem pluribus in locis cum Tigre, ut tradit in eius vita Dion Historicus. Vide Ammianum Marcellin lib. 23 Hist. Quibus expositis, ut viam futura expositioni praeueniamus, probemusque istius rei explicationem esse perdifficilem, dicimus regionem Heuilam, quae Pischone si imine infra Paradisum seu Hortum terrestrem alluitur, esse eam, quam Tigris (quum Pasitigris vocatur) alluit, & ambit ex uno latere, quae Parapotamia quoque vocatur à Plinio lib. 6 cap 27. Haec regio vicina est ad Meridiem Susinae provincia, ut tradit Strabo lib 15. & Perside inferior, & ad Mare seu Sinum Persicum pertingit. Ergo nobis est trans Tigrim Heuila. Haec etiam & Palmetis, & olea, pomisque, & arbutus nobilis est, ut ait idem ibidem Plinius. Imò Solinus cap. 40 scribit miram & ingentem esse in ijs regionibus, quas ad Sinum Persicum Tigris (qui in Sinum Persicum deferret Euphratem) alluit, & gemmarum & pretiosorum omnis generis lapidum vim, & copiam. In Sinu autem Persico, vicinisque illi regionibus & affusis, esse nasci, Aurum quoque optimum & experientia nauigatioq; Lusitanorum docet, & historia cuiusuis aetatis: imò ibi etiam copiosissimum, & abundantissimum Aurum est: ibidem quoque & Viones, & Gemmae. & Bdellium: id quod de terra Heuila testatur quoq; Moses. Quamobrem

ista omnia propterea à vicinis illi regioni populis sper-
 nuntur, ut ait Plinius lib. 6. cap. 27. *Aurum nempe &
 Gemma*, propter copiam: que tamen duo relique Orbis
 gentes plurimi faciunt. Idem de ijs regionibus scribit
 Tertullianus in lib. de Cultu Mulierum. Ex ijs enim
 Legati suo tempore ad Seuerum Imperatorem Romā
 venerant. *Que omnia cum ista Mosis Historia, &
 Heuila terre laude, & descriptione hic facta consen-*
tiant. D. Stukhius amicus meus quedam in suis com-
 mentarijs in Periplum maris Erythrei de Heuila tra-
 dit: sed nō tam ex sua quā aliorum sententia. Heuila
 igitur est regio illa, quam Pasitigris alluit, nobis Trās-
 tigrisana, a cuius finibus usque ad Sur desertum Ae-
 gypto vicinum soboles Ismaëlis (qui fuit filius Abra-
 hami ex Azara ancilla) & posteritas habitauit postea
 per duodecim diuersa regna, familiāsque latissimè di-
 uisa. Igitur posteritas Ismaëlis eam incoluit, fratribus
 suis nimirū Israelitis pene undique opposita. Ille enim
 latissimus terra tractus proximè & collimizaneè totum
 terre promissa Orientale Meridianum, & Occidentale
 latius claudit, adeò ut qui ex terra promissa exit ex ijs
 tribus partibus, statim in terram Ismaëlitarum ingre-
 diatur. Atque ea est via, qua itur in Assyriam ex Ae-
 gypto per Sur desertum (quod, ut dixi, Aegypto. Ma-
 risque rubro proximum est Exo. 15. 23. & 17. 8 Eius
 autem deserti Metropolis fuit Hagra, sita ad sinum
 Elaniticum, ut ait Plinius lib. 6. cap. 29:) ea, inquam,
 est via, qua itur ex Aegypto in Assyriam, nempe tra-
 ctus ille totus quem Ismaelite occuparunt, à Sur ad
 Heuila, n. mpe claudentes à latere trino Israëlitas suos
 fra-

fratres. Hinc idem Ismaëlitis dicuntur habitasse coram fratribus suis videlicet Israëlitis, quod eis ex Oriente, Meridie, & Occidente obiecti ac oppositi essent ratione regionis quam incoluerunt. Id quod apparet ex istis S. Scripturae locis, Gen. 16. 7, & 21. 21, & 25 18, 1. Sam. 15. Hæc igitur regio Heuila erat Orientalis Mosi. Etsi verò in Saba regione aurum est copiosum, ut est 1. Reg. 10. 11: gemmaeque plures reperiuntur, 2. Chron. 9. 9: optimum tamen aurum, optimaque gemmae sunt ex ista Heuila, regione latissima, quæ ad Persicum usque Sinum pertinet, & pertingit, clauditq; Ismaëlitas ab Oriente, & quam Pischon qui & Pasitigris, alluit, uti dixi. Iam de regione Chuz, & Geone flumine dicamus. Chuꝛ regio proculdubio à Chuꝛo filio Chami (qui fuit filius Noachi) dicta est, continetq; totum eum Syria tractum, quem Chuꝛi istius posteritas occupavit. Illa verò exièditur à flumine Euphrate ac Babylonia ad Meridiem, sub vel intra Ismaëlitarum regionem usque ad Aegyptum ipsum seu Sinum Arabicum, qui & Mare Rubrum vocatur. Ergo regio Chuꝛ fuit inferior quam Heuila, & toti Mari Meridionali vicinior ad Meridiem Mosi, seu Iudæa sita. Totus hic tractus terra Arabia postea dicta est, quæ & ipsa triplex constituta est, & distincta, nimirum Deserta, Petraea, & Felix. Eadem & Aethiopia quoque cognominata ab incolarum nigro colore. Ergo hæc Aethiopia (quæ Chuꝛ dicitur) est ea Aethiopia, quæ est Syris citra Aegyptum, & Mare Rubrum: non autem ea, quæ isdem est trās Aegyptum in media Africa ad montes Abyssenos sita. Sed & duplicem quoq; Ae-

thiopiam agnouit Homerus in Iliade vetus imprimis scriptor. Hoc verum esse, & eam regionem quæ Chuꝛ vocatur, esse eam Aethiopiam, quæ Syris est cis Mare Rubrum probant hi S. Scriptura loci, Genes. 10. 6, 7, Exo. 2. 22, Num. 12. 2 Chron. 14 & 21 6, Hierem. 25 24 ubi ab Hieremia Arabes appellātur, qui Chuꝛi dicuntur ab Ezechiele 30 9. Hæc docet & persequitur latè copioseque primus Mathæus Beroaldus tum lib. 2. Chron. cap. ultimo. tum lib. 4. cap. 6, & duplicem illam Aethiopiam distinxit: quāquam Flavius Iosephus Arabas & Aethiopus communi nomine Chuꝛsæos dici generaliter scripserat, sed confusè. Confirmatur autem Beroaldi (ex quo postea ceteratim omnes mutuati sunt) sententia ex Plinij lib. 5. Natur. Hist. cap. 11. & 12. Strabonis lib. 15. & 16, ubi agit de Syria tractu Babylonys & Aegyptijs vicino. Solini cap. 40 & Aethici libello, ubi hic Oceanus Orientalis flumina recensens, Tigrim describit. Ergo latissima fuit Chuꝛeorum istorum regio, & terra hæc, quæ Chuꝛ proprie dicta est: ac, uti dixi, eadem fuit magis, quàm regio Ismaelitarum, Mosi Meridionalis (quanquā Ismaelite sæpe generaliter Arabum quoque nomine comprehenduntur) & Aegypto propinquior, tres illas Arabias nempe continens suprā à nobis commemoratas. Verùm hæc regio Chuꝛ neque in Edene regione fuit, sed extra Edenem: neque Horti terrestris pars, sicut nec Haui-la: sed fuit Syria portio maxima ad Mare Rubrum, & Meridionale (quod Sinum Arabicum & Persicum interiacet) pertinens. Hæc eadem toto latere uno nempe Orientali, à flumine Geone alluitur, ut hic tradit

Moses

Moses Gen. 2. Alij aiunt ab Euphratis brachio, alij Tigris. Nam Euphratem (postquam in Tigrim incidit confluitque) suum nomen amittere, & in sinum Persicum à Tigri deferri Plinius, & ex eo Solinus in Polyhistore scribunt. Ergo verba hac Mosi, Gen. 2. 13, [Nomen verò secundi Gichon is est, qui alluit uniuersam regionē Chuz] non sic accipio, ut Gichon vel Geon iste omni ex parte & latere terram Chuzeorum circumplectatur & ambiat: sed ut ex uno duntaxat latere, nimirū Orientali eā alluat: quemadmodū flumen Pischō ex latere & plaga Occidentali duntaxat alluit & circumdat terrā Hevila. Quamobrem istorū diuortiorū seu fluminum duorū ex eodē illo & uno fluuio (qui ex Edene regione nascebatur, & Hortum totum alluebat) defluentium ac dimanantium unum, Arabas: alterum, terram Hevila perluebat. Ex quo iam apparet quod sit diuortium illud seu flumen, quod Gichon, vel Geon, appellatur. Est autem pars & brachium totius illius aque (que ex Euphrate & Tigre iam commixtis inter se, & confluentibus in Abiadene regione, uti docet Ammianus Marcellinus lib. 23. Historia, conflatur, & sic coniuncta labitur) quod brachium ex duobus illis vicinius est nobis, & tamen à nonnullis etiam Euphrates ex ea parte dicitur: uti eiusdem aque brachium alterū quod est Orientale, id est magis vicinum India, nominatur quoque à nostris (qui nomina istorum diuortiorū propria ignorant) Tigris, qui Hanilam alluit. Ergo Euphrates Arabiam seu Chuzeam regionem totā ex parte, que Mosi fuit Orientalis, claudit, alluitque. Plinius lib. 6. cap. 26. ait, [Ambitū verò Euphratis

Nomades Arabia usque ad deserta Syria comprehenduntur: unde in Meridiem flecti eum dicimus, solitudines Palmyrenas relinquentem] Hoc Arrianus lib. 7. expeditionis Alexandri probat. Strabo lib. 15. videtur etiam eum fluvium quem alij Euphratem, ut dixi, Moses autem Geon nominat, Tigrim appellasse. Sic & Aethicus in descriptione Tigris fluminis: Eum enim ait per Aethiopiā, id est Chuzam regionem perlabi. Quin idem quoque Strabo refert quosdam existimasse omnia Syria flumina per meatus subterraneos ex lacubus Euphratis & Tigris profluere. Certe quum hac duo eiusdem fluvij, & eiusdem aquae brachia tam diversa situ, & regione fuerint, rectè Moses utriusque suum nomen & proprium seorsim tribuit, quale tunc fuit: malè verò profani scriptores utrumque illud brachium confusè saepe uno & eodem ut diximus nomine appellant. Verum Dionysius Alexandrinus docet incertum esse quo nomine illa brachia sint vocanda. Herodotus libr. 5. videtur Gyndem nominasse hoc ipsum flumen, quod Geon vocat hic Moses. Accedit enim Herodotus ad Mosē, vel ipso vocis sono. Marcellinus meminit etiam istius Gyndis fluminis. Porro Geon flumen & in Gallia quoque quoddam esse annotat Aethicus: & plerique Nilum vocant Geon. Est & Geon rius seu fluviolus in Iudea Hierosolymam illabens, qui & Siloë dicitur, ut nonnulli volunt ex 1. Reg. 2. 33. 2. Chron. 32. 30: de quo Geone scribit Epiphanius in epist. ad Ioannem Hierosolymitanum, Episcopum se ex eo gustasse, quum Hierosolymis esset. Sed hic Geon ad hunc locum non pertinet. Et hac quidem est mea de istis

istis locis sententia. Hortus autem Terrestris ubi fuerit iam apparet, nimirum ad Orientem Judææ & Terra promissa in Edene regione (qua Armenia Maioris pars fuit) in ea nimirum Edenus parte, in qua fluvius ille (ex quo quatuor ista, qua demonstravi, diuortia fiunt) totus fluit, & nondum diuisus. Ergo erat Hortus supra diuisiones istarum aquarum situs. Tigris, Euphratis, Geon & Pison: quemadmodum etiam Iosephus lib. 1. Antiquit. Judaic. cap. 2. sentit & scribit. Perijt autem hic Hortus, eiusque facies tota tum post peccatum primi hominis: tum post diluviū vniuersale, quod sub Noacho contigit, nisi si qua illius vestigia, sed obscura, extēt ea, qua dicemus. Nec verò in aere fuit, ut Scholastici existimant, Paradisus seu Hortus iste: ac propterea falsum est, quod ydem scribunt, in extremo totius Orbis incendio non esse eum locum igne, ut cetera loca, repurgandum. Q. Ubi Deus hominem primum videlicet Adamum condiderit: Nam Ischam, id est primam Mulierem in Horto illo creatam fuisse ex ipso Moysis textu Gen. 2. apparet. R. Id nullo certo S. Scriptura testimonio posse demonstrari: nonnulli tamen volunt in Damasceno agro, qui Edeni regioni sit vicinus, Amosi 1, fuisse conditū: unde in Hortum Edenis translatus postea a Deo fuerit: Alij in monte Moria, ubi & Templum Dei exstructum, postea fuit, & Isaacus Deo oblatu: Alij denique iuxta mare Rubrum, ubi terra ipsa colore naturali rubet. Erat autem Adamus recens conditus Rubens, unde dictus est Adamus. Q. Cur Adamus (cui ab arboribus fructus, & herba ex terra assatim absque vlllo labore,

sed sponte ferebatur ad victum) colebat hortum illum: item quomodo eum colebat, ac custodiebat. R. *fu-*
cundioris dūtaxat exercitationis, & quidem corporeae
gratiā (nam spiritualis eiusdē exercitatio tota in Dei
potentie, sapientie, bonitatis, & Mundi huius creatio-
nis meditatione posita fuit) Adamus Hortum illum,
colebat. Erat enim Adam animalis, non spiritualis
homo (quales post Resurrectionem beneficio Christi e-
uademus) Ergo uti & cibo, & potu ad vidum, corpo-
risque sui sustentationem egebat: sic & somno seu quie-
re, & exercitatione seu labore quodam: (Diem enim
propterea à nocte distinxerat Deus, Psal. 104. 22, 23,
ad eiusdem corporis conseruationem, 1. Cor. 15. 44.)
Id quod in Adami posteris locum quoque habiturum
erat. Colebat autem eum Hortum Adamus ante pec-
catum, absq; molestia, fatigatione, tadio ullo, sed sum-
ma cum animi corporisq; voluptate. Ergo vera est illa
Augustini sententia, lib. 14. de Civitate Dei cap. 11:
[Vivebat itaque homo secundum Deum in Paradiso
& corporali, & spirituali. Neque enim erat Paradi-
sius corporalis propter corporis bona: & propter men-
tis, non erat spiritualis.] Itaque Adamus illic & bonis
animi, & bonis corporis fruebatur. Colebat verò Hor-
tum elicibus seu rivis è fluvio, qui per hortum fluebat,
in omnes, quasq; volebat, partes deductis, ut maiori
copia & venustate Herba, Arbore sue ille crescerent,
& conseruarentur imprimis due ille Arbores, nempe
Arbor vite, & Arbor Scientie Boni, & Mali: Sed ut
cetera quoque, quantum fieri per earum naturam po-
terat, crescerent, ac multiplicarentur. Porro Adamus
serua-

seruabat Hortum illum inssu Dei, ne a beluis & bestiis facies ac decor eius, amœnitāsve corrumpereetur, nēve in eum passim irruerent, & ingrederētur, quod is totus locus esset constitutus Adamo & posteris eius velut Tempum Dei, in quo cum eo ipse colloqueretur, illique Deus appareret: ac proinde velut sanctius quoddam domicilium erat conseruandum, atque ab eo tuendum, *Exod. 3. 5, Ios. 5. 15. Vide Augustini lib. 8. de Genesi ad litteram, cap. 10.* *Q.* Cur in Aegypto & ad Meridicm non fuerit potius collocatus Adamus, aut Hortus ipse à Deo positus, quum tota terra Aegypti sit irrigationibus, & exūdationibus seu deruationibus naturalibus & aminerarijs Nili feracissima, & fecundissima absque labore hominum: & Aegyptus ipsa cum Horto illo Edenico comparetur. *Genes. 12. 10.*

R. Strabo, Plinius, & Solinus testantur id, quod S. Scriptura docet, Fertilissimam fieri quotannu totam Aegyptum inundationibus Nili secundum tamen ab Horto Edenico locum illa habet. Primam autem fecunditatis & iucunditatis laudem Hortus ipse Edenicus, Deo sic illi pro bona sua voluntate benedicente, semper obtinuit. Præterea cōmodior fuit Adams habitatio in Oriente, & loco temperatiore, & primūm radijs Solis illustrato, quàm in Meridie, ubi maior est æstus & serpentes frequentes. *Q.* Vtrum Adamus (quauis non peccasset) fuerit tamen & ipse, & eius posterī, ex Horto isto & Paradiso terrestri in Cælum supremum & Paradisum cœlestem postea transferendi, tanquam in meliorem vitam. *R.* Hoc non definit quidem præcisè S. Scriptura: tamen Adamum in-

exterminabilem (ut loquitur *Augustinus* in libro de Agone Christiano) & immortalem futurum fuisse, si non peccasset, docet verbum Dei Gen. 2. 17. quod idem de eius posteris est sentiendum. Præterea constat ex eodem Dei verbo, (quicquid contrā sentire videatur *Augustinus* lib. 9. de Genesi ad literam, cap. 16.) quod in Cælum è terris trāsferimur à Deo, & quod immortalis illius felicitatis. quam in cœlo consequimur finis participes, totum esse speciale & proprium beneficium Christi pro nobis incarnati, id est naturam nostram humanam assumentis sibi, unientis: non autem esse conditionem humana natura datam. Nam quò natura nostra, id est, humana cum ipso omnis boni fonte, .i. cum ipsamet Deitate arctius in persona Christi, quàm *Adami* cōiuncta est: eò maiores quoque Dei gratias, maiora dona, maioremque felicitatem, & splendidiorē locum eadem natura nostra consecuta est à Deo. sed per Christum, uti dixi. Quare si nostram naturam Christus Dei Filius non assumpsisset, neque eiusmodi dona consequeremur. Sic Deus incredibili sua potentia ex nostris tenebris lucem: & ex peccatis bonum eduxit, ut docet *Paulus* 2. Corint. 4. 6. Et quod dicitur etiam & cælum, & terra, in illa (quæ nobis per Christum parca est) beatiore felicitate, futura, verum quidem est: sed illud cælum, & illa terra erit prorsus noua, neque duntaxat qualis primum fuit cōdita à Deo: neque dicitur eadem illa terra noua futura sedes & domicilium beatorum cum Christo collectorum. Q. Virum omnes *Adami* posterī in eodem illo terreno seu Edenico Horto erant cōtinendi, atq; dūtātaxat habitaturi. R. Nequa-

quaquam. Nam dictum fuerat à Deo homini, [Replete terram] Gen. 1. 28. Et hac quidem satis. Iam ad Arbores, quæ erant in Horto, accedamus.

Ad IIII. De Arboribus.

Q. Si bonus erat fructus earum Arborum, Cur Deus prohibuit hominem eo fructu vesci. Sin malus, cur eas creauit? *R.* Bonus quidem erat earum Arborum fructus, ut est Gen. 3. 6, Prou. 3. 18. Verum, Deus in eo periclitari voluit, quàm sibi obsequens futurus esset Adamus, eiusque posteritas. Itaque fuerunt Arbores illæ futuri in Deum animi humani signum, & obedientiæ testimonium. Augustinus Sermone 34 in Lucam: [Si autem, inquit, debuit Deus aliquid subere, ut te (quod tibi expedit) sentire es sub Domino, necessario ab aliquo prohibendus eras, non propter illius Arboris malitiam, sed propter tuam obedientiam. Non potuit Deus perfectius demonstrare quantum bonum esset obedientia, nisi quum prohibuisset ab ea re, quæ non erat mala: Ergo bonum est, sed nolo tangas.] Arbores autem istæ duæ fuerunt, vera Arbores, non autem res quedam incorporeæ, & spirituales: sed corporeæ, & terrena, utpote signa sacramentæ, sicuti docet idem Augustinus lib. 13. Cuius. Dei. cap. 21, & lib. 8. cap. 6. de Genesi ad litteram. *Q.* Ubi, id est, in qua parte Horti, seu Paradisi sitæ erant Arbores illæ. *R.* In medio Horti, quemadmodum disertè Scriptum extat, Gen. 3. 3, Prou. 3. 18, Apoc. 2. 7. *Q.* Quomodo Deus, quum Adamo esu Arboris interdiceret, locutus est. *R.* Anxiè quidem de eo querit Augustin.

lib. 8. de Genesi ad litteram, tum cap. 18, tum etiā 27. Dubitat enim & trum tam cito fuerit Adamus intelligens, quum recens adhuc creatus esset: item utrum alia, quā seipso, creatura egeret ad cognoscendam Dei voluntatem. Frustrā. Erat enim Adamus ab ipso sua creationis principio conditus à Deo sapiens, intelligēs, & iustus: & quoniam Animalis factus erat, etiam alijs rebus & creaturis opus habuit, quibus Dei voluntas vel ei indicaretur, vel confirmaretur. Ergo Arboribus illis & sacramentis egebat Adam. Deum verò per se ipsum & suam essentiam loquentem intelligere absque voce articulata idem non poterat. Ergo vocem sibi finxit Deus (uti in mōte Horebo, quū Legem suam dedit Exod. 20. & sēpē aliās) & quidem sonoram, & articulatam, qua cum homine primo loquebatur. Q. Vtrum Preceptum de non edendo fructu Arboris Scientia boni & mali utriq; Homini, id est, Eue & Adamo datum est primum à Deo. R. Augustinus lib. 8. de Genesi ad litteram, cap. 17. ait, [Deus ordinatissimè precepit, id est, preceptum hoc primum dedit Adamo seu viro] & quidem tunc soli, utpote quum nondum esset creata fœmina, ut per virum seu Adamum, postea idem hoc preceptum ad fœminam perveniret. Quam disciplinam servat & in Ecclesia Apostolus, dicens 1. Cor. 14. 35. [Siquid autem discere velint, domi viros suos interrogent mulieres.] Q. Vtrum nulli morbi in Adamo, & posteris eius futuri erant, si non peccasset Adamus. Videntur enim morbi in ijs esse potuisse, quanvis immortales futuri erant. R. Arbor vite erat omnis morbi, omnisque calamitatis, infirmita-

mitatis, & egritudinis ex Adamo, eiusque posteris à Deo ipso tollenda sacramentum, & aduersus eos presentissimum remedium. Ipsius enim tum eius, tum etiā solus aspectus ex fide morbos, & defectus omnes, ac dyscratiam ex Adamo corpore fugasset, quemadmodū solus in Deserto Serpentis anei aspectus ex fide tollebat aliorum serpentum venena, Num. 21. 9. Ioan. 3. 14. Sunt enim morbi & infirmitates praecursores mortis, & vexatio corporis, qua utraq; tunc, id est absque peccato Adamo, nulla futura erat, Psal. 73. 3, 1. Cor. 15. 56. Jam de Nominum impositione agamus.

Ad V. De Nominum Impositione.

Q. Quando Adamus nomina imposuerit Animalibus. *R.* Quoniam rationem seriemque temporis, quo res unaquaeque gesta est, sequitur Moyses: & post nomina rebus imposita condita fuit mulier: Deus autem ab omni opere suo creando die septima quieuit, necessario colligitur nomina fuisse imposita Animalibus ab Adamo die sexto, id est, eo ipso die, quo creatus fuerat Adamus. Vide Augustinū lib. 9. cap. 1. de Genesi ad litteram. *Q.* Qua lingua nomen cuiusq; Animalis sit ab Adamo primum impositum. *R.* Augustinus lib. 16. Ciuit. Dei, cap. 11. scribit, & sentit Hebraea lingua fuisse nomen cuiusvis animalis nuncupatum ab Adamo, quod ea lingua & prima omnium extiterit, id est, à principio Mundi: & in diuisione linguarum minimè corrupta fuerit, sed integra permanferit. Hec Augustini sententia est, quam omnes sequuntur, & eam primā Mundi linguam Hebraeam ab He-

ber postea dictam fuisse volunt (quanquā postea eadem quoque Chananæa dicta est, Isa. 19. 18) & sanctam. Eam autem prorsus incorruptam semper mansisse, ac talem (quali Adamus ipse utebatur) alij negant. Certè multa vocabula peregrina s. tum Syriaca, tum Chaldaea, tum Persica irrepsisse in linguam Hebraeam (quæ & qualis nunc extat in libris sacris, nedum in communi Iudaorum colloquio & usu) certò certius est, & nemo vel pius vel eius lingua peritus diffitebitur, aut negaverit. Incorruptior tamen, quàm alia ulla, perstitit, ac Dei beneficio, perstat. Q. Verum rebus omnibus creatis in hoc visibili Mundo (nam Adamus cœlestibus, velut Angelis proculdubio nomen non dedit) imposueris Adamus nomen. R. Praclarè docet Augustinus lib. 3. de Genesi ad literam cap. 11: *Varia esse animantium genera, velut Volatilia, Reptilia, seu Aquatilia & Quadrupeda seu Iumenta: sed & hæc suas quoque species habent diversas. Videtur autem, ac colligitur, ut nonnulli volunt, ex Gen. 2. 20. Adamum primum aquatilibus animantibus, id est, Piscibus nomen minimè dedisse. (Nam neque ad Adamum adducti fuisse Pisces dicuntur, neque volatiliū cœli, vel bestiarum agris nomine cōprehenduntur, Gen. 1. 21. 25. quibus duobus duntaxat animantium generibus videtur Adamus nomen dedisse.) Deinde neque plantis terræ, vel herbis, vel etiam arboribus videtur Adamus nomen imposuisse. Denique neque astris, seu stellis ipsis, vel cœlestibus qui dicuntur, orbibus. Ergo tot rerum genera non videtur Adamus proprijs nominibus appellasse, Gen. 2. 19. 20. Et hæc est quorundam sententia.*
Verum

Verum quum omnia hæc in usum hominis creata fuissent, eisque omnibus, velut Dominus earum Homo dominaretur, Psalmo 8, Hebr. 2. 8, Gen. 1. 29, & 2. 16. certè & ys quoq; rerum generibus omnibus & singulis, velut servis suis, & rebus sibi à Deo dicatis, nomen Adamus imposuit, ut ys ipse videretur, etiam Sole ipso & Luna quemadmodum Iosua fecit, Ios. 10. 12. & de ys cum uxore, & posteris suis Adamus loqui ad Dei gloriā posset Quare verba illa Moysis [In diebusq; Adam omnibus iumentis, & volatilibus cæli, & omnibus bestiis agri] per synecdochen sunt explicanda, ut ex parte totum rerum creatarum omnium genus intelligatur ab Adamo nomen accepisse: Nam si hæc maiora nominavit Adamus, multo magis & illa minora velut herbas, arbores, quas facilius nosse poterat, quibusq; ad esum suum quotidianum ipse frequentius utebatur.

Q. Vtrum bestia fuerint in Hortum ipsum & terrestrem Paradisum ad Adamum adductæ, ut videret ecquod nomen cuique rerum speciei inderet, Gen. 2. 19. quum eundem Hortum Adamus Dei iussu sedulo custodiret, ne in eum bestia illa ingrederentur? R. Adductæ quidem à Deo dicuntur ad Adamum bestia agri: sed locus non additur ubi illa consisterint, aut ubi, interea dum nomen sortiuntur, subsederint, Vtrum foris extra Hortum: an potius in Hortum ipsum venerint, quem illo tam brevi tempore, quo quæque bestia & animal nominabatur, non corruerunt. Erant enim tunc veluti & postea quum ingressæ sunt iussu Dei in Arcam Noachi, placidissima omnia animalia non intem perulantia, uti nunc sunt Gen. 6. 19. Vide Augustinum

lib. 3. de Genesi ad literã cap. 15. & 16, & lib. 9. cap. 14 & 12. Ego verò sentio postquam nomina bestijs Adamus imposuisset, iussu fuisse custodire Hortum, ne passim vel gregatim ille postea in eum introirent, & tantã illius Horti venustatem atque amœnitatem corrumpere ac confunderent: non tamen ut nulla omnino, aut nunquã in Hortum eum (Adamo nempe iubente, volente, vel accersente) bestia ingrederentur. Nam in eum ipsum Hortum postea Serpens introijt, & Euam tentauit, Gen. 3. 1. 2. His autem expositis, ad Creationem Mulieris accedamus.

Ad VI. De Mulieris Creatione.

Queritur ex qua costarum parte, supremãne an infima, sumpta sit ea costã, ex qua Mulieris corpus à Deo cõpactum est, ac cõpositum Gen. 2. 21. R. Res ipsa docet ex inferioribus costis sumptam fuisse eam costã, seu costas, ex quibus Mulier condita fuit à Deo. Nam & costas habent Mulieres una plures, quàm Viri: & inferiores virorum seu Marium costã appellãtur Nothæ, quia breuiores sunt, & caro potius, quàm os, vel costã videntur esse. Costæ, inquiunt Medici, quæ à Grecis *κόστα* dicuntur, in omnibus fere animantibus viginti quatuor sunt, ab utroque scilicet latere duodecim. Septem priores longiores, Grecis *μήτια*, Latinis vera & legitime dicuntur. Reliquæ inferiores breuiores, & ad pedus haud pertingentes, quinque in quouis latere, *κόστα* Grece, Spuria Latine nominantur. Hæ ad septem trãuersum desinunt. De quo & Fuschius, unde hæc transcripsimus, & Cornelius Celsus lib. 8. cap. 1. &

JOAN-

Joannes Fernelius lib. 1. Physiologia, cap. 3. Ex inferioribus verò costis sumpta est mulier, ut se dignitate inferiorem esse agnosceret suo viro, è cuius corpore desumpta fuit. Ex latere verò viri sumpta est ad ipsius Maris & fœminæ coniunctionis vim commendandam, & ut socia sui viri esse intelligeretur. Augustinus lib. 9. de Genesi ad literam cap. 13. Petrus Lombard. lib. 2. Distinct. 18. cap. [Quum autem.] Q. A quo Mulier creata sit, utrū à Deo ipso costâ illa fuerit Adami detracta, an ab Angelis. R. A Deo ipso. Nam quòd eam costam fuisse per Angelorum ministerium Adami dormienti detractam putant nonnulli, ut ait Augustinus lib. 9. de Genesi ad liter. cap. 15, colorem non habet. Cur enim istud minùs Deo cõpetit, & conuenit, quàm ipsummet Deum è terra puluerem accepisse, ex quo primū Hominem creauit? Certè in hac prima rerum creatione nullæ sunt, fuerūtque Angelorum partes, nec istius operis portio vlla ad eos deriuatur in S. Scriptura: nec alius, quàm unus est cuiuslibet creatura seu parua, seu magna creator, nempe verus Deus. Vitanda tamen est hoc loco puerilis de Deo, & Dei manibus cogitatio, quemadmodum rectè monet Augustinus lib. 6. de Genesi ad literam. cap. 12: Fœminæ verò prima corpus à Deo creatum est ex illa costâ, eo sexu, ea forma, & ea distinctione membrorum, qua fœminæ nobis hodiè quoque notæ sunt. Hac enim eadem fœminæ postea peperit Cainum, & Abelem, & fœminas alias similes nostris, ex quibus postea procreatum est reliquum genus humanū, quemadmodum preclare scribit lib. 9. eiusdem operis idem August. cap. 11.

Q. Vnde creata sit anima Mulieris, utrum ex Adam costâ, an in corpus Mulieris iam factum à Deo insufflata postea, quemadmodum & in Adam ipsius virum. R. Placet Augustini lib. 10. cap. 1 de Genesi ad literam hac responsio, [Quoniam Deus omnes animas hominum nascentium facit, sicut primam: propterea Scriptura de alys tacuit (uti & de anima Eva) quoniam posset, quod in una factum cōmemoratum est, etiam de cæteris prudenter intelligi.] Alioqui Scriptura non siluisset, si quid diuersum in Muliere factum in eo fuisset, quàm in viro Adamo. Ergo frustra se torquent in hac facili questione Scholastici soluenda. Q. Vbi creata sit Mulier prima. R. In horto Edenico, quẽadmodũ ex ipso Moysi cōtextu satis apparet Gen. 2. 15. 21. Q. Qũdo creata, seu formata fuerit prima Mulier. R. Sexto die, & post Adamũ conditũ, & imposita animalibus nomina. August. lib. 6. Genesi ad liter. cap. 2. ait, [Neque enim sexto die factus est masculus, & accessu tẽporis facta est fœmina, sed fecit eum, inquit Moyses Gen. 11. Masculũ, & Fœminam.] Idem cap. 5, & 6. Quòd si creari Mundus cepit, ut vult Augustinus in lib. Quæst. ex utroque Testamento mixtim cap. 106. in æquinoctio verno, prima die mensis Nisan primo die Pascha, seu undecimo Calend mensis Aprilis, id est, xxii. Martij mensis nostri, Homo uterq; conditus fuerit die xxvii Martij. Verũ non in æquinoctio verno, sed potius autumnali factus est Mundus, mense Septembri medio. Q. Vtrũ Mulier sit à Deo rerum hĩc creatarũ Domina constituta, uti & Adamus ipsius maritus. R. Quum ad Dei

ima;

imaginem quemadmodum & vir ipsius Adamus, fuerit condita Mulier, illiusque imaginis pars quadā sit, ac fuerit dominium illud in res creatas, Psal. 8. certē fuit Mulier Domina quoque rerum hic conditarum à Deo constituta, uti & Adamus: eiusdē felicitatis particeps quemadmodum & ille: atq; etiam nunc est æterna, 1. Pet. 3. 5. 6. & eorundem donorum κοινὸν, & capax, quorum Mai. Vnde & Plato lib. 5. de Repub. & Basilus (ex quo suum Hexameron descripsit Ambrosius) Homil. 10. in Hexameron sentit in genere humano parem esse Maris & Fœminæ indolem: eorundē donorum & operum utrumq; capacem: parēmq; denique naturam esse utriusque. Iam de Matrimonio primo agamus.

Ad VII. Matrimonij Institutio.

Q. Quando coniugium inter Adamum & Ischā (quæ & Ena seu Chana est) primum institutū fuerit, utrum die sexto, an septimo (est enim ex Pythagoreorum sententia numerus septenarius coniugij symbolum, utpote qui contineat quattuor velut Marem, & tria velut Fœminam) an octavo potius die, vel sequentibus.

R. Augustinus lib. 14. cap. 22. de Cinit. Dei scribit Masculum & Fœminam homines fuisse, & quidem verè, inter quos à Deo coniugium institutum est primitus, ut nunc homines duo diversi sexus videmus, & novimus: neque ista Mosis verba esse allegoricè interpretanda, ut Mai sit ratio hominis: fœmina verò sit eiusdē cupiditas. Hoc enim sentire, ais, est magna absurditatis. Verum lib. 6. cap. 3. de Genesi ad liter. idem tra-

die Coniugium inter *Marem Adamum*, & *Ischam* seu *Eua* mulierem nequaquam eodem die institutum, quo uterque creatus est, nempe die sexto, ut ibidem idem docet, cap. 2: sed neque septimo, id est, proximè sequenti: verum die octauo, vel alijs aliquot ab utriusque creatione interiectis diebus. Esi verò *Moses* Gen. 1. 28 statem post creationem hominis subijcit, [*Et benedixit eis Dominus, & dixit, Crescite, & multiplicamini, &c.*] tamen videtur series rerum gestarum, & narratarum Genes. toto capite secundo, & eiusdem cap. vers. 22. postulare, ut alio die fœmina creata fuerit, alio Coniugium institutum. Ergo per anticipationem scripsit *Moses*, quod tradit Genes. 1. 27, & 28. de Coniugio, ut totam historiam istam semel absolueret, & uno velut orationis filo continuaret. Et certè quidem Eccles. 17. 5. 6. ubi *Mulieris* creatio narratur, ex cōmuni, quæ tunc erat recepta, *Iudeorum* sententia, nulla coniugij, illiusve institutionis fit mentio. Ex quo apparet sic verba *Mosis* Gen. 2. 22. ab illis populariter explicata fuisse, ut alio tempore condita prima fœmina fuerit, alio autem Coniugium inter eam & *Adamum* institutum sancitumque à Deo. Quam ego quoque sententiam amplector. Ergo post septimum diem coniuges facti sunt *Adamus* & *Eua*. Q. *Verum Adamus Ischam uxorem suam in Paradiso seu Horto Edem ante peccatum cognouit: Atque utrum quæ inter eos eiusque posteros si non peccasset Adamus, copula carnalis erat futura, turpis esset.* R. *Patres*, uti *Basilii*, *Hieronymus*, *Ambrosius*, & ex ijs alij fere sic sentiunt: In Horto Edenico seu Paradiso Terrestri ante peccatū *Hominis* fuisse qui-

quidem inter Adamum & Euam Coniugium, & vinculum: non tamen coitum & nuptias. At ubiq; contra Pelagianos docet Augustinus, si Adamus minimè peccasset, futuros fuisse omnes hominis affectus, & actiones absq; turpitudine, sordibus, & spurcitie: quare & coitus quoque coniugalis tunc absque turpi cupiditate & peccato erat. Sic lib 9 de Genesi ad liter. cap. 3. & 9. Imò verò idem Augustinus lib. 14. cap. 23 de Cuit. Dei, graviter eos reprehendit, qui putant homines Adamum & Euam inter se coituros non fuisse, nisi peccassent: [quasi verò, inquit, propter numerositatem sanctorum necessarium fuerit peccatum.] Ergo ante primum peccatum cupiditas, appetitúsque coitus, & copula carnalis in homine erat honestus, sanctus, omni turpitudine, etiam coram Deo ipso carens: poterátque inter Adamum & Euam esse, atq; inter eius posteros. Copulam verò illam carnalem inter Adamum & Euam fuisse etiam ante peccatum, qua causa vel ratio negare obsecro, suaserit? Certe nulla. Imò hac fortasse cogit fateri eam copulam ab ijs ante peccatum exercitã fuisse, quòd dictum ijs in Paradiso seu Horto fuerat à Deo iam precipiente, [Crescite, & multiplicamini.] Hoc enim ipsum verba hac sonant, uti coeāt iam tum, id est etiam ante peccatū. Ergo accesserat Divina auctoritas, de quo tamē videtur ambigere Augustinus lib. 9. cap. 4. de Genesi ad literã. Quemadmodum igitur Adamus & Eva ederunt, biberunt, dormierunt ante peccatum: sic coierunt. Erant enim tunc omnes istæ actiones & honestæ, & naturales. Q. Utrum Ischa
uxor Adami conceperit Cainum ante peccatum. R.

De eo nihil quicquam certi statui potest, quanvis fateamur & concedamus Adamum, & Ischam (qua & Eva) coysse ante peccatum. Nam quod Caini anni & ceterorum numerantur & sumuntur ab annis Adami, nihil probat, aut concludit. Probabilius tamen est non fuisse conceptum. Q. Virum si Adamus non peccasset, ipse ac Eva, & eius posterī tam Mares, quam Fœmina perpetuò fecundi futuri fuissent & quavis ætate liberos potuissent gignere. R. Plane curiosum est hoc querere, & temerariū definire. Illud modò statuatur, quodcunq; natura vel humane vel alterius cuiusquam iam vitium est, vel labes vel sterilitas vel infirmitas, id omne ex peccato Adami profectum, ac infusum esse: Principio autem rerum nulla vitia vel extitisse, vel futura fuisse absque peccato. Q. Virum quisque cum propria uxore sic ante mortem inductam coysset ut post ælitum semel ab ea partū amplius eam cogniturus non fuerit, quum immortales futuri essent, homines, & terra statim replenda videretur, si ex eodē Coniugio plures sapiusq; liberi susciperentur. Nūc autem hominum quotidiana continuāque mortalitas dispendium interitus noua assiduāq; aliorū hominum procreatione, etiam ex eodem coniugio nascentium reparetur. R. Nec hoc ipsum ex Dei verbo definiri potest: etsi de eo nonnihil Augustinus lib. 9. cap. 9. de Gen. ad liter. Certum tamen est tunc futuros fuisse compositos, & moderatos omnium hominum affectus, ut neq; lasciuia, neque salacitas, neque intemperies ulla in eorum coitu, ullāue actione futura fuerit. Sed ad statum primi Hominis, qualis fuerit ante peccatū, accedamus.

Ad

Ad VIII. De Statu utriusque hominis.

Q. Vtrum Imago Dei in Adamo, id est, masculo. & Ischa, id est, muliere omnino par erat. *R.* De hoc ipso videtur Augustinus lib. 12. de Trinit. cap. 12 aliquid querere, sed non de finire. P. Lombardus lib. 2 Sentent. Distinct. 32. cap. ultimo, de hoc disputat, quum hoc controuertit, Vtrum omnium hominum anime creentur inter se aequales. Ego verò ut quid sentiam liberè promam, atque symbolum quoque & ipse de ea re meum conferam. Dico Marem quidem & Fœminam id est, Adamum & Ischā ad eandem unius & eiusdem Dei, nempe veri Imaginem conditos fuisse, Gen. 1. 27: Eius tamen Imaginis radios, viuacitatem splendorem, aciem, & vim in Adamo, quàm in Ischa, .i. in Mare, quàm Fœmina maiorem, efficaciorē, & potentiorē fuisse, uti in eodem corpore fortior manuum est dextera. Ergo & per Maritum Uxor Dei praeceptum didicerat, etiam ante peccatum: & eam Satan per Serpentem potius quàm Adamum adortus & aggressus est, tāquam infirmiorē: & prima peccauit Eua, non autem Adā, Gen. 3. 1. Tim. 2. 14. Nam & in Angelis quoque ipsis alijs alijs à Deo conditi sunt excellentiores, quanquam omnes ab initio sua originis erant ad Dei imaginem, & eam quidē lucidiorē, quàm Homo, creati, Iob. 4. 18, Iud. ver. 6. Hac autem distinctio, discrimenque in posteris Adami, id est, in genere humano postea fuisset obseruatum. Nam Mares quàm Fœminae, viuaciores, & potentiores atq; doctiores futuri erāt. *Q.* Quid sibi vult Paulus, quum de primo Homine utroque lo-

quens, qualis ante peccatum erat, ait eum fuisse eis *ζῶν ζῶον*, id est [animal viuens:] non autem eis *πνεῦμα ζωοποιῶν*, id est [Spiritus uiuificum.] 1. Cor. 15. 45.
 An ut hominis adhuc puri felicem illum statum de-
 iiceret. Nam id etiam ad Euam pertinet, quanquam à
 Paulo dicitur de Adamo. R. Augustinum etiam
 ipsum vexauit hac questio, quemadmodum apparet
 ex eius libro Genesi ad literam cap. 19. & 25. Lib. 13
 Ciuitate Dei cap. 23. Nonnulli existimarunt corpus
 Adami primum, quidem factum, fuisse animale: sed
 quum Adamus in Hortum Edenicum translatus est à
 Deo, conuersum fuisse in corpus spirituale, ut esset im-
 mortale: quam sententiam refutat idem Augustinus,
 eodem lib. 6. cap. 20, & 23: & certè quoque falsa est.
 Scholastici de hac eadem questione multa, velut Tho-
 mas, & Durandus in librum P. Lombardi sententiarū
 secundum, distinct. 19. Verū ibidem Lombardus ipse
 melius: Sic enim scribit. [In primo statu fuit corpus
 Hominis animale, id est, egens alimonijs ciborum. Vnde
 & Homo factus dicitur in animam viuentem, non spi-
 ritualem, id est, in animam corpus sensificantem, quòd
 adhuc erat animale, non spirituale, quòd egebat cibus,
 ut per animum viueret. Factus est ergo in animam vi-
 uentem, id est, vitam corpori dantem per sustentamen-
 ta ciborum. Et tunc erat corpus Hominis mortale, &
 immortale, quia poterat mori, & poterat non mori.]
 Ergo Adami caro etiam ante peccatum ita immortalis
 creata est, ut per alimoniam adiuuanda esset, quò mor-
 tis & doloris esset expers. Nam Adamus, ut & cate-
 ra animalia, ad corporis vitam cibus egebat. Itaque illi
 à Deo

à Deo designate ad victum fuerant herbe, & arborum fructus: & alia animalia quoque Anima viuens nominantur, etsi eorum vita non erat, ut *Adami*, immortalis *Gen.* 1. 24, 29, & 30. Ergo anima *Adami* praebebat eius corpori vitam per cibos, isque egebat ad sustentandum corpus, uti & somno ad concoquendum eos, & labore ad vires corporis illius tum recreandas, tum fouendas, uti & in ceteris animantibus. Erat tamen, si Deo obsequeretur *Adamus*, etiam immortalis corpore futurus, Dei beneficio: non autem ipsius anima, aut naturae suae viribus, quemadmodum praeclare respondet *Augustinus* lib. 6. de *Genesi* ad liter. cap. 25: quicquid *Thomas* & *Durandus* disputent, & *Lombardus* hareat lib. 2. Sentent. distinct. 19. cap. 2. In animam viuentem dicitur factus esse primus Homo, non in Spiritum viuificantem, quoniam anima est quae corpus viuificat, ne sit mortuum cadaver. Ergo ab ea iure denominationem sumis. Post resurrectionem praestantior erit vis illa viuifica, quam à Spiritu Dei corpus accipies. Huius autem Dei beneficii, futuraeque istius immortalitatis etiam in corpore, (Nam anima hominis, quoniam erat imago Dei, erat immortalis) Arbor vita erat *Adamo* signum & symbolum: ac post Resurrectionem, uti ait *Paulus*, erit Homo in Spiritum viuificantem, non quòd aliud sit corpus, animamque aliam sit habiturus homo, quàm ea est, quam nunc habet. Sed anima Deo plena, illique indiuisè coniuncta, perfectèque per Christum tunc instaurata, nullis cibis & alimentis ad sustentandū corpus sibi adiunctum egebit: Verum vi illa, potestate, & efficacia (quā immediatè à Deo accipiet, & qua


Spiritus vocatur) se, corpusque suum potenter absque alio adminiculo sustinebit. Erit enim Deus tunc omnia in omnibus. Tanta igitur vis immediate tunc in animā à Deo infusa dicitur à Paulo [Spiritus vivificans] 1. Cor. 15. 45. Anima verò qualis erat, estque cibus egēs etiam in primo Adamo nō quidem ad se, sed ad corpus suum tuendum, vocatur à Paulo [Anima vivens.] Vide Damascenum libro 4 Orthodoxe fidei cap. 28.

Q. Quomodo Homo corpus immortale habebat, si cibo sustentabatur. Nam corpus illud fame corrumpi non poterat: quomobrem cibo non egebat. Præterea, si propter peccatum mortalis effectus est Homo, utique ante peccatum non egebat talibus cibus. R. Ut intelligeret Homo se solo Dei beneficio. (quandiu Homo ipse pareret Deo) nō naturæ, id est, materiæ (qua ipsius corpus constabat, & unde desumptum fuerat) vis & potestate futurum immortalem, voluit Deus, ut Hominis corpus, sicut & cæterorum animantium, opus haberet cibus, & esca ad se tuendum. Id quod docet Augustinus lib. 13. Civit. Dei, cap. 23. lib. 3. Genesi ad liter. cap. 21: & confirmatur Gen. 1. 29, 30. Quare corpus illud naturā quidem mortale erat: sed Dei gratiā & sustentatione futurum erat immortale. Itaque fame corrumpi poterat per se. Sic Christi corpus naturā sua frangibile fuit, & corruptibile: Dei verò decreto fuit infrangibile & incorruptibile. Psal. 16, Exo. 12. 46, Num 9. 12, Ioan 19. 36. Q. Si cibus egebat homo, uti & cætera animalia: quibus hæc suam vitam sustentaret, & quum eosdem cibos homo ederet, quos animantia reliqua, cur non & hæc quoque immortalia

alia futura erant. *R.* Augustinus in lib. *Quæst. Veteris & Novi Testamenti* cap. 19. respondet, Arbor vite, medicina modo, in homine corruptionem omnem prohibebat, ac prohibitura fuerat: ex qua solus Homo edebat, non etiam reliqua animantia. Ergo illa non fuissent immortalia, sed solus Homo. Nam gustus arboris vite corruptionem corporis inhiibat: adeo quidem ut, si, quemadmodum ibidem scribit Augustinus, post peccatum de eadem arbore illi concessum fuisset edere, Indissolubilis māsisset, Gen. 3. 22. *Q.* Vtrum in Adami corpore, quemadmodum nunc in nostris aliquid ante peccatum deperditum fuisset, quod cibus, & nouo alimento sartiendum esset. *R.* De hoc ipso anxie Thomas in lib. 2. sentent. P. Lombardi dist. 19. Art. 1, & Durandus quest. 2. N. 3, disputant. Certe deperditum aliquid fuisset, quod tamen nouis cibus plene in primo homine & ceteris restituisset. In alijs autem animantibus non item. Ergo hac mortalia, ille verò immortalis futurus erat. Nam corporis humani destructio futura non erat, quum ex eo quicquid esset deperditum, integrè illi reponeretur. Cibus enim perfectè in alimentum conuertebatur, & eadem mensura, vi concoctionis, restituebatur, qua oportebat, & prius in Homine erat.

Q. Qua statura Adamus à Deo primùm conditus est: Item & Ischa. *R.* Perfectissima, & consummatissima, adeo ut quicquid subsequentibus momentis & temporibus postea rebus inchoatis accedit, Deus rebus à se primùm creatis indiderit. Fuerunt quidem res primùm creata rerum eiusdem generis postea gignendarum velut semina: sed erant ipse in se se absolu-

tissima. Sic Augustinus lib. 6. Gen. ad liter. cap. 10, 11. Imò etiam idem lib. 13. cap. 24. Cuius. Dei, scribit ea primorū parentum corpora, ac proinde ceterorū, perpetuò in iuuentutis flore fuisse permansura, id est, in eò vigore, in quo est adulta Hominum ætas, seu virilis, Ephe 4 13 Reliqua pete ex Gregorij Niceni libro de Creatione Hominis, qua pertinent ad corpus hominis. Quæ verò ad eiusdem Animam, ex nostra Isaogoges Christiana Tractatu De Homine.



C A P V T I I I.

*V*estigia superioris Veritatis, & Historiæ



ET VSTISSIMAE Rerum Historia, & ipsorum Mundi penè incunabulorum certe nataliū (quæ res est nobis antiquissima) vestigia, quæ, magnâ Dei providentiâ, supersunt, collecturus, præfari debeo Nihil quidem esse Ethnicorum scriptorum testimonijs (quæ huic veritati nostris .i. Sacris literis comprehensa cõsentiunt) admirabilius : nihil tamen à plerisque magis esse aut omnino neglectum, aut minus observatum, & annotatum. Cuius rei duplex ratio afferri potest: Vna, quòd res ista, quâquam verissima, dum ab ipsis nec profanis,

fanis, & veri Dei ignavis hominibus recitantur, appellantur fabule, quemadmodum lib. 1. Bibliotheca scribit & eas nominat Diodorus Siculus. Ex quo fit, ut tota hac prima mundi ætas ea, quæ sunt fabulosa, duntaxat completti ab his censeatur. Falsò quidem: sed tamen, quoniam vetustissimam hominum memoriam continet, (cui plerique non assentiuntur) idcirco ea & ignota, & difficilis, & fabulosa dicta est, ut docet Plato, illius tamen ubique sanctissimus studiosissimisque investigator, custos, & patronus, uti tum 3. lib. de Leg. tum in Timæo Dialogo. Altera neglecta tam vetuste historia causa est, Ipsamet eius Antiquitas, quæ facit ut à multis ignoretur: ac proinde minimè vera esse credatur. Preclare enim Augustinus lib. 16. Civitate Dei cap. 43. Hac prima Mundi ætas velut infantia Mundi fuit: quam demergit obliuio, sicut deleta est diluvio. Pretereà quotus quisque est, qui suam recordetur infantiam? Ergo nec Mundi primam infantiam norunt Homines: verum suam maximam culpam, vitioque. Nam hoc pacto & Deum laude pulcherrimorum ipsius, quæ tunc existerunt, operum fraudant: & seipsos utilissima, & incundissima rerum notitia. Voluit tamen Deus etiam istarum, quantumvis à nostro seculo remotarum rerum, vestigia etiam apud ipsosmet homines Verbi ipsius contemptores extare ad suam veritatis confirmationem, & hominum ipsorum arguendum stuporem ab ipsismet hominibus. Ergo etiam in hac ipsa prima Mundi historia evenit, quod habet proverbium vetus, σφδς ἀλλ' ἀπ' ἀλλου, id est, ut Sapiens doceatur unus ab altero: & per manus tam necessaria cognitio primum trade-

retur, pòst autem etiam literis mādaretur ac consignaretur, ne prorsus tādē periret ex hominum memoria. Atque huius veritatis tam angusta, tamq̃ conformia Dei verbo vestigia, & Ethnicorum testimonia collegerunt quedā ante nos nonnulli, velut Lactantius septem libris: Eusebius de Preparatione Euāgelica: Augustinus varie, sed imprimis in libris de Civitate Dei: Cyrillus in libris contra Julianum: Theodorus in libello *τῆς ἐναντιώσεως πασιμῶν*. Denique nostro hoc seculo doctissime Philippus Marneus-Plessius in libro De Veritate Christiana. Nos verò quanquam fortasse nō Pindarica diligentia & interpretatione nostrā addemus: quia tamen id instituti nostri ratio pollicitatisq̃ requirit, breuiter ista eadem veritatis huius antiquissima vestigia colligemus, & recitabimus ex Ethnicis scriptis, illa quidem ē multis pauca, & tantum ea, quae ante Christi Domini nostri aduentum, fidemque Euangelii inter Gentes propagatam in libris infidelium hominum extāt. quò certius appareat illa Ethnicorum Dicta ex ipsa vetustissima traditione inter eos populariter recepta emanasse, & eos cum Diuina veritate, quā sequimur consensisse. Caterum saepe contenti fuimus locos ipsos autorum notasse: verba verò eorum non transcripsimus, quoniam id fuisset infinitum: & ea ipsa potest per se quisq̃, apud ipsos Autores perlegere. Quaedam tamen descriptimus.

Ad I. De Mundi Creatione.

AIT igitur Moses. [DEVS] Deum esse, eum, qui haec omnia produxerit, docet Trismegistus an-

tor vetustissimus in Pimandro, Dialogo primo. *Moses*
 ait tenebras fuisse super faciem *Abyssi*: *Trismegistus* se
 vidisse, & extuiffe umbram quandam horrendam, qua
 in rebus producendis demigrabat in humidam naturã.
Moses docet omnia potenti *Dei* verbo facta: *Trisme-*
gistus, Verbum illud, quod Mundum fecit, esse verbum
 lucens, omnia illuminans, germen mentis *Diuina*, *Filius*
Dei. Ait *Moses*, *Spiritus Dei* fouebat molem aqua-
 rum: *Trismegistus* ait, Verbum vocis sue sono fouisse
 humidam illam naturam, illique adstitisse. *Moses* de-
 nique ait, Et *Deus* dixit, [*Crescite, & multiplicami-*
ni:] *Trismegistus* scribit, [*Exemplò Verbo sancto*
Deus clamanit, *Pullulate, adolescite, propagate uni-*
uersa germina, & opera mea.] Quid igitur magis esse
 potest cõforme *Mysi*, & verbo *Dei*? *Linus* Poeta ve-
 tustissimus *Græcus*, ut est apud *Diogenem Laërtium*,
 initio libri primi de *Vitis Philosophorum*, sic scripsit,
 [*Tempus erat, quo cuncta simul sunt condita quondã*]
Orpheus in *Argonautis*, & *Hesiodus* in *Theogonia*
Mundum cœpisse, & ex quodam *Chao* à *Deo* factum
 fuisse disertè tradunt. Imò etiam idem *Orpheus* versi-
 bus scripsit librum *ἑρμῆος σοφίας*, id est, De *Creatio-*
ne Mundi. Nõne verò hæc sunt verissima nostræ ve-
 ritatis vestigia, quæ etiam apud *Ethnicos* apparent?
Empedocles idem quoque docuit. *Plato* tum in *Prota-*
gora, tum in *Politico*, tum in *Timæo* quoque, *Mundum*
 & factum non æternum, & quidem à *Deo* absque cir-
 cuitione docet. Id quod *Plutarchus* quoque diligēs eius
 lector obseruauit, & in *Psychogonia* annotauit. *Plato-*
nici verò omnes, ait *Varro*, idem sentiunt. Nam tra-

dunt Mundum aliquando cœpisse, non autem æternum esse. Imò ipsemet Varro Historiā à Creatione Mundi ad primam Olympiadem contexuerat. Stoici Philosophi & ipsi Ethnici idem probarunt. Ovidius lib. 1. *Metamorphoseos*, ex Hesiodi, & Anaxagora sententia, nōne manifestissimè Mundum à Deo aliquando conditum ac formatum canis, docetq;? quum ait,

[Ante mare, & terras, & quod tegit omnia, cœlū,
Vnus erat toto natura vultus in Orbe,

Quem dixere Chaos, rudis indigestaque moles.

Hanc Deus & melior litem natura diremit.

Nam cœlo terras, & terris abscidit undas.

Que postquam euoluit, cacòque exemit acerno,

Diffociata locis concordia pace ligauit.] Seneca de vita Beata cap. 31. Item lib. 1. *Quæst. naturalium*. Cyrillus ex Ethnicis scriptoribus idem confirmat lib. 2. contra Iulian. & Eusebius lib. 9. cap. 4. de Preparatione Evangelica. Lactantius quoque Firmianus ex Sibyllinis versibus lib. 1. *Diuinarū Institutionum* cap. 6. hoc ipsum demonstrat.

Αλλὰ θεὸς μόνος εἰς παντὲρ τὰς θεὸς πεποίηκεν

Οὐρανὸν, ἡσλίοντι, καὶ ἀστέρας, ἢ δὲ Σελήνην,

Καρποφόρον γαῖάν τε, καὶ ὕδατος οἰδματὰ πόντου. Id est,

Est Deus & summusque, unusque: Hic omnia fecit

Et cœlum, & Solem, Lunamque, & Sydera cœli,

Frugiferam Terramq; & vasti littora Ponti.

Idem Lactant. lib. 7. cap. 7. Ex quibus penè infinitis Ethnicorum testimonijs Deum Mundum hunc condidisse apparet.

CREAVIT INITIO] Trismegistus in

Pi-

Pimand. Dialogo 11. confutat eos, qui negant Deum aliquando potuisse efficere hunc Mundum. Plutarchus in Pſychogonia reprehendit Heraclitum, qui Mundū hunc, neque à Deo, neque ab Homine potuisse unquam fieri contendebat. Eſi verò Philoſophi non concedunt ex nihilo factum eſſe hunc Mundum: tamen ydem & factum eſſe, & quidem in tempore, eoque cerio non antem cum ab æterno cœpiſſe fatentur. Imo de eo conſenſus penè Mortalium omnium fuit, Mundum hunc exiſtendi principium ſeu initium habuiſſe quemadmodum tradit Diodorus Siculus lib. 1. cap. 1. Itaque Plato tū in Protagora, uti dixi, tum in Politico, tum in Timeo diſertè docet Mundum in tempore productum fuiſſe. Quin verò idem Diodorus Siculus à bello Troiano ad ſua tempora tradit interceſſiſſe tantum Annos 1138. At Lactantius lib. 4. cap. 6. ſcribit à Propheta Moſe ad bellum Troianum, non plus quàm 900. annos interueniſſe, ac fluxiſſe. Porro à Mundi principio uſque ad Moſem extinctum ſeu mortuum, ſunt, ut apparet ex Dei verbo, anni 2553. Summa ergo iam iſta tota collecta efficit annos 4591, qui fluxerunt à Creatione Mundi ad Diodori Siculi, qui vixit ſub finem imperij Auguſti, ætatem ex ipſorummet Ethnicorum teſtimonio. Quæ ſecutus Macrobius lib. 1. Saturnal. minimè vetuſtam eſſe ait huius Mundi ætatem. Ceterum de Creatione Mundi hæc ſunt quoque apud eos veſtigia, quòd in Mundi materia deſinienda ipſi variant. Nam materiam Mundi cenſuerunt nonnulli Ethnici Philoſophi rudem primum & informem cui tenebra inſiderent: eamq; etiam nominarunt Chaos, ut Heſiodus, A-

anaxagoras, Ovidius. Alij eam materiam maluerunt, esse terram, vti veteres quoque plerique Philosophi, quemadmodū scribit Plutarchus, quā barbarè Moth, Græcè ἰλυν, id est. limum (à quo ἵλην per inuersionem literarum factum est vocabulum) vocabant, ex quo limo nata sunt, ortaque omnia. Quod quā parum à Creatione abest? Verūm rectè Plescius in lib. de Veritate Christiana cap. 10. Rectè, inquam, argumentatur ei, qui Mundum conditum à Deo fatetur, esse necesse, ut ex nihilo, non autē ex precedente materia vlla factum agnoscat, ac concedat. Alioqui progressus fiet in infinitum. Quod ipsum antea Tertullianus contra Hermogenem seu Materiarios docuerat. Sic ex nihilo creatum esse Mundum apparet. Imo Sibylla apud Laetantium, libro 4. capite 6. Deum vocat κτιστὴν, id est, Creatorem diserte, non tantūm δημιουργόν, id est, Exornatorem Mundi.

O M N I A] Aristoteles in lib. de Mundo ait, Νῆς αὐτὸς ὁτι πάντων, & eadem Mens cuiq; rerum generi dat motum. Idem in lib. de Admiral. Audition. scribit, Mare olim tegebat totam terram, verūm Deus terra partem discooperuit in usum hominum. Id quod etiam ante eum dixerat Trismegistus in Pimandro. Animalia omnia primum ex terra & aqua emanasse scripsit Euripides, & post eum Diodorus Sicul. eamq; fuisse veterum Philosophorum sententiam tradit Plutarchus lib. 1. de Placitis Philosoph. cap. 2. Horatius, [Quum prorepserunt primis animalia terris] Quae omnia cum Historia Sacra consentiunt. Illa enim docet omnia Animalia vel ex aquis, vel è terra orta fuisse
Dei

Dsi iussu, & praecepto. Hoc idem & isti quoq̃, Ethnici sentiunt & docent. Ecquod igitur nostra veritatis vestigium maius requiri potest? Solem, Lunam, & reliqua cœli sydera condita fuisse, ut essent nobis in signa, & dierum & temporum distinctionem, scribit Aratus in Phenomenis. Noctem die artificiali, id est, lucente priorem dixit Thales Milesius, ut ait Plutarchus in Conusuo. Idem Druydes docuerunt, quemadmodum Caius Julius Caesar lib. 6. Comment. Belli Gall. memoria prodidit, Itaque sic tempora numerabant Galli, ut diem nox precederet. Hæc verò nonne planè cum Sacra Scriptura consentiunt?

PER VERBUM] Trismegistus in Pimandro, Dial. 5. ait, [Mundum hunc Verbo, nō manibus fabricatus est opifex Deus.] Hoc autem Verbum idem Tris. Dial. 1. ait esse Intelligentiam seu Sapientiam æternam, quæ est etiam Filius Dei primogenitus, & mera eius voluntate, non coitu ab eo genitus. Orpheus citante Cyrillo, lib. 1. contra Iulian. in Cosmogonia sic scripsit,

*[Cœlum adiuro te Dei magni sapiens opus:
Vocem adiuro te Patris, quā locutus est primū Pater:
Quum Mundum uniuersum suis firmanit consilijs.]*
Idem in Argonautis sapius repetit. Lactantius lib. 4. cap. 6. ex Sibylla citat hos versus in eandem planè sententiā, consentientesq̃, cū veritate superius explicata.

*Πάντα τέφρον κτισήν, ὅς τις γλυκὺ πνεῦμα ἀπασί
Κάτ' ἐτο, ἧ ἡγήτηα θεῶν πάντων ἐποίησα.
Αὐτὸν ἔδωκε θεὸς πισοῖς ἀνδράσι γεραίρειν,
Αὐτὸν σὸν γίγνωσκε θεὸν, θεῷ ὕδν' ἔοντα, Id est,*

*Hunc (vitam qui dat cunctis, estq; omniū alumnus,
Cuncta creans) cunctis praecepit Regibus ille.*

Hunc cunctis Sanctis venerandum praebeat eundem.

Hunc agnosce Deum, natūque Dei Patris esse.

*Ergo etiam huius veritatis vestigia tam magna in
Ethnicorum scriptis extant, ut eos, si illam negent, ex
illis confutemus.*

Ad II. De Creatione Hominis.

EX LIMO SEU PULVERE Terra]
*Creatum. Hominem ex limo seu pulvere Terra docet
Moses, eundemq; esse vocatum Adamum. Hominem
ex limo terra primum conditum fuisse Abydenus, &
Alexander prodiderunt, ut refert Eusebius lib. 9. cap.
4. de Preparatione Euangel. Idem ipsum ex veterum
Ethnicorum sententia Diodorus Sicul. lib. 11: ad cuius
cōfirmationem affert exemplum ranarum, quae ex limo
terra. Nilo recedente, in Aegypto nascuntur. Hunc ip-
sum hominem ex limo terra a Deo ipso factum voca-
tum fuisse Adamum, vetustas etiam ex profano suoq;
oraculo intellexit, cuius hic est versus apud Iustinum
Martyrem.*

Ὁς ἀνθρώπων ἀνέστης καὶ γενέτωρ, Ἀδάμ δὲ καλέσας, Id est,

Qui primum finxit hominem, Adamq; vocavit.

*Ex quo apparet. & ex eorum scriptis colligitur, & ho-
minem ex terra conditum, & primum fuisse vocatum
Adamum: quae sunt certissima nostra veritatis testi-
monia. Quid verò nomen Ischa (quo nominata est pri-
ma femina, & uxor Adami) nōne apparet in voce
[Isis,] quam Aegyptij retinuerunt, magnamque, &
anti-*

antiquissimam Deam esse voluerūt omnium parentem? Isis autem pro Issa ex Ischa Latini, & Graci pessimè postea pronuntiarunt, & descripserunt. Ergo ut Ischa est uxor Adami in Dei verbo: sic ex veteri Aegyptiorum traditione Issis fuit uxor Ossissidis, quam Latini Osiridem appellant, Aegyptiaca ad suum idioma mollientes, & transferentes. Adam nomen extat in vita Alexandri apud Plutarchum: Sic enim regina Caria vocata est, quæ fuit vetus memoria illius nominis, & vocis reliquia. Alius autem versus etiam apud Lactantium lib. 2. cap. 12 ex Sibyllis extat, hic nempe,

Ἀνδρῶν πεπλάσθαι θεὸν παλαιῶν ἐν αὐταῖς.

Ubi Dei manibus formatum hominem apertè dicitur? Huic consentit qui multis postea seculis secutus est Ovidius, lib. 1. Metamorph. & ipse quoque Ethnicus:

[Sive recens tellus, seductaque nuper ab alto
Aethere cognati resinebat semina cæli,

Quam satus Iapeto mixtam fluminalibus undis

Finxit in effigiem moderantum cuncta Deorum.

Horatius Flaccus lib. 1. Carm. od. 16 idem docet Prometheus ex limo formasse hominem. Idem quoque Diodorus Siculus, lib. 1. Bibliothecæ. Ergo ex limo terre conditum à Deo hominem etiam ex ipsismet profanis scriptoribus intelligimus, qui illa veteris vetustatis illibata vestigia retinuerūt, literisq̃, prodiderūt. Porro cur, id est, in quem finem conditus sit Homo his verbis consentienter Mosi tradit Trismegistus in Pimandro Dialogo 3. [Generatio hominū, ait (sequuta est omnium animalium ortum) ad diuinorum operum cognitionem: ad imperandum omnibus quæ cælo reguntur: ad bonorū

discretionem: ad incrementum & propagationem generis sui: ad cœlestium Deorum discursum suscipiendum: ad varium bonorum, & artium artificium inueniendum.] Cicero lib. 1. de legibus, & in Somnio Scipion. lib. quoque 2. de Natura Deorum idem docet. Seneca huic consentiens in lib. de Vita Beata: Vt Deo seruiret conditus homo est, ait. Quid cum Dei verbo conuenientius scribi, diciue potuit? Certè nihil. Ouidius quoque lib. 1. Metamorphoseos,

[Os homini sublime dedit, cœlūque videre
fussit, & erectos ad sydera tollere vultus.] Hec
nōnne sunt certissima sacra veritatis vestigia?

AD IMAGINEM DEI] Trismegistus scribit penè ex verbis Mosis in Pimandro dial. 1. [Hominem creauit Deus sibi similem.] Itaque ait idem Dial. 10. eiusdem operis, Non est terrenus brutis similis Homo, sed Deo. Suprà ex Ouidio idem demonstrauimus, dum dixit, [Finxit in effigiem moderantum cuncta Deorū.] Verūm apud Lactantium lib. 2. cap. 10. disertissime Sibylla in Dei persona loquens, scribit

Εἰκὼν ἐστὶ ἀνθρώπου ἐκ τοῦ λόγου ὁρῶν ἐχουσα, Id est,

Est Homo imago mei felici prædita mente. Et cap. 11. extat aliud oraculum Sibyllæ in eandem sententiā. Plato appellat: formam hominis θεοειδῆ, & θεοίτιον, id est, conformem Deo, & ad Dei imaginem expressam. Sed ante Platonem Archytas Tarentinus scripserat (sicut Iamblicus prodidit memoria in lib. de Secta Pythagoreor.) à Deo fuisse imaginem sui impressam Homini, eamque omnis cognitionis, rationisq; fuisse capacem. Sic enim, id est, talem eam Deus fecerat. Cicero

ex li.

ex libris Platonis de leg. & ipse lib. 1. de leg. sic ait, [Animal hoc providum, sagax, multiplex, acutū, memor, plenum rationis, & consilij, quem vocamus Hominem, præclara quadam conditione generatum est à supremo Deo. Solum est enim ex tot animantium generibus, atque naturis, particeps rationis, & cogitationis, cuius cetera sunt omnia expertia. Quid est autem, non dicam in homine, sed in omni cælo, & terra, ratione divinius?] Reliqua veritatis istius vestigia persequi est supernacaneum, ne dicā infinitum, quum nihil sit hac Ethnicorum hominum sententia magis tritum, Hominem in his terris esse Dei ipsius Imaginem.

Ad III. De Horto Edenico seu Paradiso.

De Horto Edenico, seu Paradiso (quis autē id existimaret?) extant etiam certissima apud eosdem Scriptores testimonia, & vestigia, quanquam sunt infideles. Ac primum de nomine ipso Edenico seu Paradiso, esse, & notare deliciarum Hortum (quod vox ipsa Hebræa Gheden significat. Est enim Gheden voluptas, ac delicia) constat. Nam & Chaldei, & Persæ, quemadmodum scribit Xenophon in libris de Padiæ Cyri, & Expeditione Cyri, vocant Pardeis, quod Græci Πάρις dixerunt (deducto a Pardeis vocabulo) Latini verò à Græcis mutuati nominant Paradisum. Est autē Paradisus omnis locus amœnissimus, & voluptatis plenissimus, ut etiam A. Gellius definit, quem etiam Vinariorum dici à Latinis putat, lib. 2. Noctū Artic. cap. 20. Ex quo fit, ut Beatorum post hanc vitam sedes illa felicissima, Paradisus in Dei verbo passim nominetur,

Luc. 23. 44, 2. Cor. 12. 4, Apo. 2. 7. Hæc autē omnia ad nomen Hebraum Gheden alludunt, cuius significanem referunt, ac retinent: Imo vox ipsa Græca ἡδὼν, quæ voluptatem significat, ab Hebræa deducta videtur Eden. Unde & Adonis sine Edonis regio (quæ Edene est) sed vitiose à peregrinis Græcis pronuntiata Edonis, & Adonis, pro Edenis, vel Edene. Sibylla etiā apud Lactant. huius Horti delitiosi, id est, Edenici & Paradisi disertè meminit, lib. 2. cap. 12. his versibus, ubi de primis parentibus agitur.

Οἱ δὲ θεὸν πᾶντες ἀληθινόν, ἀέναόν τε

Ζωὴν κληρονομήσιν τὸν αἰῶνα & χρόνον αὐτοῖ

Οἱ κύντες θεῶν οὐδὲς ἐειδήσεια κήπον, Id est,

Ergo Deum venerantes, verumque, æternumque, Æternam nacti vitam quoque sorte fuissent,

Fruudentem ut colerent Paradisi tunc simul hortū.

Quid magis simile Divinae veritati dici aut scribi potest? His etiam, etsi longa manu, videtur accedere & illud, quod Homerus ex veterum traditione, de campis Elysiis scribit, id est, felicissimo quodam huius Orbis loco, & quidem in extremis finibus orbis sito, in quo beatissimè boni, pique homines viverent, lib. 5. Odyss. & ex Homero postea alij, tum Poëta. tum Philosophi sumpserunt. Porro Adonis Horti, & Horti Hesperidum tam celebres in Ethnicorum scriptis quidpiam quoque his simile, atque aliquod illius Horti vestigiū fuisse censi possunt: de quibus Plinius lib. Hist. Naturalis 19. cap. 4. Prasertim verò Adonis, qui dicti sunt, Horti, fuerunt hic ipse Hortus Edenicus. Præclare enim in Æthico annotat Simlerus, [Adonis] pro Edenis

[Edenis] regionem seu provinciam illis scriptam esse, & nos supra diximus: Vnde [Adonis] à Græca voce ἰδωνῆς, Horti pro Edenis regionis horti dixerunt veteres illi, scilicet veritatis ignari: quanquā idem quendam Adonin Regem esse volunt, qui ex illius Regionis nomine sic appellatus fuerit. Et hæc quidem de Horto. Verum de Edene regione, illiusque fertilitate & fecunditate (quanquam alio nomine, nempe tum Mesopotamia, tum Mattiana regionis appellatione, quas utraque regiones Edene complexa est) etiam hæc vestigia supersunt. Moses scribit quattuor flumina ex Edene fluere, velut quattuor diuersa eiusdem Aqua brachia, & diuortia. Herodotus lib. 5. qui est Terpsichore, ait in Armenia (que generaliter sumpta, uti sit ab Herodoto, Edenem quoque regionem, comprehendit) quattuor flumina oriri, quorum unus sit Tigris, alter Euphrates, tertius etiā Tigris, quartus Gyndes. Strabo lib. 16. Geographia, quattuor item flumina recenset iisdem in locis, velut ex eodem fonte & monte manantia, nimirum Euphratem, Tigrim, Basilium & Aborram. Mutata quidem sunt, fateor, nomina (quid enim vetustas temporis nō mutet?) sed quid Mosi in re ipsa magis simile? Uberrimum autem & fecundissimum fuisse totum eum Edenis regionis tractum apparet ex Mose. Dionysius Alexandrinus idem hoc planè docet. Nam in libro de Situ Orbis nihil Mesopotamia, & Mattiana regionibus (que sunt inter se vicine, & Edenis regionis partes erant) in omni fructuum, ac pomorum præferim genere feracius scribit. Strabo de Mesopotamia eodem lib. 16. Geograph. ait, [Regio facunda

est, & maximè pascendis bobus idonea, fert quæ semper virent, & aroma amomum.] De eodem Plinius lib 6. Hist. Natur. cap. 26, & 27. Porro de Euphrate flumine, ut faciliè agros certo anni tēpore irriget, terraſq; velut Nilus, impinguat, & faciliùs tamen cohibeatur, vide & Strabonem lib. 16. & Plinium loco iam citato, Solinum, Ptolemeum, & Ammian. Marcellin. lib. 14. Historie. Et hæc quidem sunt Edenis regionis, Edeniciq; Horti vestigia, pauca quidem ex multis: verum alij plura colligent. Præterea enim quedam iam exposuimus de ea, in quæstionibus etiam ex Ethnicis. Nos enim breuitate, quam qui maximè, gaudemus: & dignum ad fontes intēdere duntaxat voluimus, non autem ipsam Lectorum sitim explere, ne cuiquam industria, & laboris sui laudem præriperemus.

Ad IIII. De duabus Arboribus Paradisi, seu Horti.

Duas Arbores in Paradiso collocatas à Deo fuisse scribit Moses, alterius quarum vsus interdictus Homini fuerat, quo Dei interdicto violato per nimiam hominis tum superbiã, tum auiditatem cupiditatemq; malum omne genus, & calamitas in Mundum irrepsit. Huius ipsius veritatis vestigiũ est, quod Timon Poëta in Syllis scripsit, ut refert Diogenes Laërtius,

Πάντων γὰρ ὁρῶντα χακὼν ἐν διπύλαις ἐστίν,

[Omniũ scelerũ, ac vitiorũ concupiscētia prima causa est.] Sed & illud eiusdem veritatis testimoniũ maius & clarins, quod ex Sibylla profert Lact. lib. 2. cap. 12

Ἄνθρωπος

Ἀνθρώπον πλασθεὶς θεὸν παλαμαῖς ἐν αὐταῖς,
 Ὅντε πληρῶσιν ὕφης δολίως ὅππῃ μοῖραν ἀνελθεῖν
 Τῷ θανάτῳ γινώσιν τε λαβεῖν ἀγαθὸν τε, κακὸν τε, .I.

*Namq̃, hominē Deus ipse manu plasmanerat: atq̃
 Decepit serpens sortemq̃, suavit adire (hunc
 Mortis, notitiamq̃, vaser reliq̃, maliq̃.*

*Hæc verò ex ipso Mose descripta quis non dixerit?
 Denique quid illud de Pandora muliere, & eius pixi-
 de figmentum Poëtarū (per quam omne mali, miserie,
 morbi, mortisque genus primum in Mundum inueclū
 esse scribunt, uti Hesiodus lib. I. Oper. & Dier.) aliud
 sibi vult: aut vnde traslatum, nisi ex obscuris istius ve-
 ritatis vestigijs, uti postea dicetur.*

Ad V. De Nominum Impositione.

*Ceterum Nomina rebus ab Homine, velut earum,
 Domino fuisse imposita scribit Moses, pro cuiusque rei
 natura. Huius veritatis scintille ac vestigia hæc extāt:
 Primum, quod Athenæus lib. 6. Dipnosophist. ex Cra-
 tete Poëta in bestijs scribit futurum fuisse tempus, quū
 res omnes, suis nominibus ab Homine citate, velut pis-
 ces bestiae, &c. adfuissent præsto statim Homini, illique
 pro nutu paruissent. Legat locum illum qui volet. Ci-
 cero lib. I. de Inuent. in Præmio ait, Magnum quendā,
 & sapientem virum olim fuisse, qui res nominibus pri-
 mus notauerit, docueritque sensa animi ex his expri-
 mere. Plinius lib. 7. Natur. Hist. cap. 6. ait semper a-
 pud Assyrios literas fuisse. Sunt autem ad Orientem
 illi, ubi habitabat Adam. Quòd si literas, ergo & no-
 mina primi habuerunt, id est, vocabula: verum & ab*

ijs ad alios linguam, & vocabula quoque emanasse, uti
 & literas, quibus scribuntur, verum est, & cum Mose,
 velut veritatis vestigium, consentit. Plato in Cratylō
 Dialogo, tomo 1. totus in eo est, ut doceat Nomina re-
 bus fuisse primum imposita, velut earum ὀνόματα, &
 similitudines earum naturam exprimentes. Denique
 concludit his verbis, Διλονόν οὐ δεινόν τε καὶ τὰ ὀ-
 νόματα, οἷα ἦν τοῖς τὰ τελέματα, τοιαῦτα ἐπὶθετο καὶ τὰ
 ὀνόματα, ὥς φαμέν, [Nimirum qui primus nomina im-
 posuit, qualem existimabat esse rerum naturam, talia
 & imponebat nomina, ut diximus.] Quid restat, nisi
 ut eundem Adamum appelles? Hec verò quàm sunt
 omnia maxima veritatis nostra testimonia, vestigiaq;

Ad VI. De Mulieris Formatione.

Mulierem ex mare homine dormiente, & ex eius
 costa desumptam scribit Moses. Huius veritatis ve-
 stigium extat apud Trismegist. in Pimand. Dial. 1. &
 alijs, dum ait Hominem primum à Deo factum fuisse
 Marem, & Fœminam simul, ubi & de vigilia hominis
 quoque agitur. Plato in Cœnivio ex eadem doctrina
 vult primum Homines fuisse duplicis sexus, nimirum
 Mares, & Fœminas simul, & in vno eodemq; corpore,
 Androgynosq; propterea nominatos: quos Deus postea
 in Mares, & Fœminas seorsim distinxerit, secreuerit-
 que, quales hodie manent. Hesiodus Pandoram, quæ
 prima in humano genere fœmina fuit, & à viro condi-
 tam, & hominis specie efformatam fuisse contendit lib.
 1. Operum & Dierum. Ovidius lib. 1. Metamorphos.
 tradit eandem esse & Maris Hominis, & fœmine ori-
 ginem,

ginem, nimirum è terra. Sed his omnibus maius testimoni-
um restat, nimirum natura ipsa. Nam illius costæ
viri, unde fœmina sumpta est, damnũ etiamnum hodie
apparet in Maribus, qui (quemadmodum Medici do-
cent) habent veras costas minus una quàm mulieres.
Quod ipsum quoque ad fœtus maiorem capacitatem,
uterive faciliorem gestationem commodè mulieribus
accidisse docent. Denique lib. 5. de Repub. Plato huius
veritatis de creatione fœmina hominis vestigium reti-
nens, ait, Mulieres ad eadem prorsus studia, officia, mu-
niãque natas, & natura aptas (Nam sunt eiusdem Dei
imago) ad quæ & viri ipsi sunt, excepto coitus usu. &
discrimine, propter quod illa Mulieres, hi verò Mares
& viri sunt, & vocantur. Idem Aristoteles lib. 2. de
Generat. Animal. tradit.

Ad VII. Coniugij institutio.

Coniugium à Deo inter Marem unum, & Fœminã
unam Homines institutũ fuisse scribit Moses, ut essent
duo in carne una. Huius veritatis vestigium perspi-
cuum fuit inter Profanos, non tantum quod illi scripse-
runt Coniugia esse à natura, ac proinde à Deo (Nam
illi Deum appellant Naturam) verum etiam, quod suis
Coniugijs Deum aliquem præesse, alij Lunonem, alij Ve-
nerem, alij Iouem ipsum senserunt: & non nisi magnis re-
ligionum suarũ ceremonijs semper adhibitis, matrimo-
nia contrahebant. Nam adhibebant flãmẽa, & cereos:
imo sacerdotes quoq; ipsos Deorũ suorum, ex sententia
Platonis, ad ea accersebant. Deum enim Coniugij præ-
sertim inter homines autorem esse agnoscebant. Itaque

priusquam uxores ducerent, sacrificabant, & auguria
 capiebant: quæ si non fuerant bona, ab eiusmodi uxore,
 & nuptijs abstinabant, quod eas, Deo autore earum no-
 lente, facere non liceret. Terentius in Phorm. Act. 4.
 Scena. 4. Quod verò Brutorum inter se copulam vo-
 cat Matrimonium quoque Plutarchus in libello de na-
 turali parentum affectu, per Metaphoram tantum ab
 eo dictum est: non quòd Deum agnoscerent illi etiam in-
 fideles homines perinde copulationis Brutorum inter se
 autorem, ac principem, atque eius matrimonij, quod est
 inter Homines. Ergo etiam Plato lib. 5. de Rep. vult
 sacra, hymnos sacros, dies festos in cōiugijs intervenire,
 sine quibus matrimoniū nullum fiat inter homines. Imo
 idem lib. 6. de Leg. iubet, ut sponsus, & sponsa sobrii in-
 ter se prima nocte nuptiarum cœant, & conveniant, ni-
 mirum ut Deo placeant, à quo, ait, proles fructusq; con-
 iugij sit expectandus. Quod verò marem hominem cū
 fœmina homine coire oporteat, non autem marem cum
 mare, fœminam cum fœmina, docuit eadem veritas, ex
 sacra nostraq; veritatis reliquijs, quæ superfuerunt.
 Nam idem Plato lib. 1. de Legibus, Εὐνοίῃον, ὅπῃ ἡ θη-
 λεία καὶ τῇ ἀρρενῶν φύσει εἰς κοινωνίαν ἰσὺν τῆς γυνήσεως, ἢ
 περὶ ταῦτα ἡδονὴ κατὰ φύσιν ὑποδεδόται δοκεῖ. Ἀρρενῶν δὲ
 πρὸς ἀρρενας, ἢ θηλειῶν πρὸς θηλείας, ὥστε φύσιν, καὶ τῇ
 πρὸς τῶν ἰσόλογον αἰσθητικῶν διὰ ἀκρίτειαν ἡδονῆς, id est, [In-
 telligendum est eam esse naturalem voluptatem, quam
 fœmina masculo copulatur ad generationem. Quam
 verò Masculi cum masculis, aut fœmina cum fœminis
 copulantur illam esse præter naturam, & summum eo-
 rum, quæ hoc primum ausi sunt, facinus ex fœda volupta-

etis intemperie natum.] Præterea lib. 8. eiusdem operis ait hanc esse Naturæ legem, quæ ante Laij Thebanorū regis tempora posita sit, [Ne masculo, fœmineve Venerem commiscere fas sit, id est, ne Masculus cum masculino, Fœmina cum fœmina misceatur, & coeat.] Denique, quod Vir & Vxor una Caro sunt per Coniugiū, scripsit etiam ex veteri traditione Plutarchus in Erotico seu Amatorio Dialogo. Amor enim iste, nempe cōiugalis (de quo disertè illic loquitur Plutarchus) ait, animas coniugum colligat, ut iam neq̃, velint duo esse, neque duo se esse censeant. Eodem pertinet quod in Cōiugio ait Plato, per coitum, præsertim coniugalem, fieri ex Masculo, & Fœmina velut unicum hominem, unicamque carnem, quales primū erāt Androgyni. Denique scribit Horatius in Arte Poëtica fuisse primū boni, prudentisq̃ Legislatoris, qualis fuit Orpheus, imprimis [Concubitu prohibere vago, dare iura maritis.] Sic igitur Coniugium & honestum imprimis esse, & à Deo institutum vitæ etiam Ethnici ipsi veritatis nostræ vestigia sequentes, & retinentes existimarunt, & cœlibatui prætulerunt.

Ad VIII. De Statu utriusq̃ hominis.

DE Statu primo, ac fœlici utriusq̃ hominis apud eosdem extant quoque vestigia quamplurima. Et primū quidem de hoc, nempe homines fuisse primū animo, & corpore prorsus immortales. Mors enim per peccatum est ingressa in Mundum. Idem enim scribit Trismegistus in Pimandro Dial. 12. videlicet Hominem Dei capacem factum fuisse, consortemque naturæ

Diuina. Itaque & animam, & corpus habebat, ait, immortale. Secundo loco, dicitur homo tunc paruisse Deo, Hortum Paradisum coluisse. Sic supra ex Sibylla citante Lactantio, lib. 2. cap. 12: [Frendentem ut colerent Paradisi tunc simul Hortum.] Plato etiam in Theateto, Hominis summam felicitatem & prestantiam tunc fuisse, ait, quum similis Deo esset, in teque uideret: atq; etiamnum hodie talem eum fieri debere, ut felix, & beatus uiuat. Sed & homo tunc rebus omnibus dominabatur, cum bestiis versabatur. Hoc ipsum in Politico Dialogo Plato ex veteri traditione comemorauit. Idem Cicero lib. 2 de Natura Deorum, Deus, ait, Hominem finxit, & ornauit, quem uoluit esse rerum omnium principem. Hominis ergo causa omnia in hoc Mundo esse facta docuerunt ex uestigijs ueritatis Stoici ante Christi in has terras aduentum, quemadmodum scribit Lactantius lib. 7. cap. 7. Docuerunt Iurisperiti, uti Brutus, ait Cicero. Sed quid cum ista ueritate magis consentis, quam quod his uersibus ait Ouid. lib. 1. Metamorphosis, citatque Lactantius:

*[Sanctius his animal, mentisque capacius alta
Deerat adhuc, & quod dominari in cetera posset,*


Natus Homo est.] Plato uero luculentissime in Politico, Tom. 2. uti dixi. Scribit enim in Prima, Aureaque illa Mundi etate, qua intemperies hominum, nondum erat, Homines intrepide cum bestiis fuisse uersatos, collocutos, & his omnibus tanquam adiumentis, ad philosophandum usos, id est ad Deum contemplandum: atq; in eum, ait finem alij cum alijs, & cum bestiis uersabantur. Ex quo fit, ut idē lib. 1. de Leg. appelles

ex veteri traditione *Hominem* [*Divinum miraculum,*
 & opus, itémque *αινεσσομεν,*] nimirum ex illa prima
 ortus sui conditione consideratum. Denique nihil tunc,
 id est, in eo primo hominis statu, seu ætate in toto mun-
 do erat confusum, vel perturbatum, nec in cælo, nec in
 terra. Omnia homini è terra sponte nascebantur, ius,
 pietas, rectumque vigeat in *Homine*, qua eadem veri-
 tas etiam in illis ipsis autoribus *Ethnicis* extat. *Plato*
 enim in eodem *Politico* sic ait, [*Sub Saturni regno*] id
 est, prima illa *Hominis*, & *Mundi* ætate adhuc pura,
 [*cæli revolutiones erant,* , sponte omnia nascebantur è
 terra, quod ei stellarum conuersioni, que nunc est, mini-
 mè quadrat, sed superiori potius cōueniebat. Tunc sanè
 toti illi circuitui Princeps inuigilabat summa curâ
Deus. Tunc nihil erat ferum, neque alia alias se vora-
 bant animætes: aberat bellum penitus, & seditio. *Deus*
 homines pascebat, ipse erat eorum pastor, & custos,
 quemadmodum homines nūc, quorum natura diuinior,
 ceterarum animantium genera pascunt. Deo igitur sic
 regente, ciuitatum constitutiones nulla erant.] Ergo &
 scelus omne tunc aberat, uti & *Hesiodus* lib. 1. *Operū*
 & *Dier.* & ex eo describit *Ouid.* lib. 1. *Metamorph.*

[*Aurea prima sata est ætas, que vindice nullo,*
Sponte sua, sine lege, fidem, rectumque colebat.


Pœna, metusque aberant.] Denique ut veteres o-
 mnes *Philosophi* sensere, pro dente *Lactant.* lib. 2. cap.
 11, *Mundi* initio neque hyems, neque æstas, id est, vis
 nimia frigoris, aut æstus erat, hominésve ladēs: sed per-
 petua quedam cæli temperies, & ver aquabile rebus
 creandis, fouendisque aptissimum. Et hæc quidem tot

tot sunt, prisca veritatis & nostra de primo & felici
 Hominis conditi statu vestigia ex profanis scriptori-
 bus a nobis ad a Deum, & Verbo Dei incredulos homines
 arguendos comprimendosq; collecta, & descripta.



C A P V T IIII.

*¶ Collectanea ex superioribus, ubi de statu
 mundi Politico, & Ecclesiastico agitur,
 quis tunc uterque fuerit.*

OLLECTANEA, que dicuntur
 à nobis, eò pertinet, ut ex superioribus in-
 telligamus, ac colligamus, tum ecquis Po-
 liticus, tum etiã ecquis Ecclesiasticus mû-
 di Status tunc fuerit, id est, toto eo (quod Adami pec-
 catum antecessit) tempore. Et quidem is Politicus sta-
 tus (qui Magistratum leges, & urbes cõplectitur) fuit,
 ut Magistratus quidem mundi totius esset uterq; Ho-
 mo, Primus, & quidem summus, is, qui masculus erat:
 inferiore verò loco, Mulier. Videtur enim in eo supe-
 rior fuisse M̃as quàm fœmina: quòd Homo mas à Deo
 ipso didicerat discebãtque, itẽmque acceperat, & acci-
 piebat, quod postea fœminam docebat ipse, eique com-
 municabat. In omnia verò Animantia imò in univer-
 sum mundum, uterque ius habebat par, non solum ta-
 men,

men aut crudele imperium: sed ut tutor, & eorum clemens Dominus: quo utebantur neque ad curiositatem, neque ad libidinem turpem qua carebat uterq; homo. Leges istius regiminis erant. Dei ipsius precepta, & sana tunc reſeque ad illorū obsequium compoſita. Hominis veriūſque voluntas, omni vitio carens & iniuſtitia, ſed benigna, & iuſta. Ciuitates tunc quoque nullæ erant adificatæ: ſed neq; eas exſtrui fuiſſet neceſſe, quā omni metu homines, quā a ſe, & quā a beluiſ prorsus vacarent. Metus autem & terror eſt, fuiſque urbium adificandarum primaria quemadmodum demōſtrabimus, inter homines cauſa. Et hæc quidē de Politico illius ſeculi Statu. Eccleſiaſticus autem Status (qui in hiſce quattuor verſatur, nempe Dei verbo, eius Miniſtro, ſacramentis, & loco) erat eiufmodi Verbum Dei, quod Adamo, ac proinde Iſche (quæ & Eua) eius uxori innotuerat, a Deo ipſo illi reuelatum, minimè autem ſcriptum erat. Continebat autem primum Hiſtoriam Creationis totius huius Mundi, imprimiſq; ipſius hominis. Deinde ius, & imperium Homini conceſſum à Deo in hanc rerum vniuerſitatem. Denique futuram veriūſque Hominis, ac totius generis humani felicem conditionem, ac immortalitatem, ſi Deo Homines illi duo paruiffent, ſeque in ſuo ſemper ordine continuiſſet. Huius verbi à Deo reuelati Miniſter erat Adamus uxori: ac proinde ceteri Mares fœminis, & Mariti ſuis uxoriſ, & Parentes liberis. Miniſtri, & Concionatores eiufdē Dei verbi erant futuri eodem modo. Sacramenta verò, quæ illi Dei verbo promiſſionique fuerant à Deo adiuncta, recensentur duo: nimirum v.

num, Arbor vitæ: alterum, Arbor Scientiæ boni, & mali, quæ postrema edere à Deo vetitus erat Adam, addita gravissima pœna, quò magis timerent. Eam autem Arborem duntaxat cernere oculis, & manu tangere poterant. Nec enim id illis fuerat interdictum, uti nec vefci priore Arbore, id est, Arbore vitæ. Denique locus Ecclesiæ fuit, & futura quidem ipsius Dei cum Adam, & posteris eius colloctionis Hortus. Ergo velut Templum, Mundi totius sacrarium, & peculiare, Paradisus ille, siue Hortus Edenicus erat. Futura autem parentum cum liberis, & Maritorum cum uxoribus de eodem Dei Verbo communicationis, locus fuit mutua cōversatio, domesticumque consortium. Nulla tunc pecorum sacrificia Deo fiebant, vel futura erant, quoniam hæc sunt, fueruntve futura Christi passionis symbola, quæ tunc, id est, si homo non peccasset, nulla futura erat. Laudes autem, gratiarumque actiones Deo sanebant primi homines, eiusque posteri futuri eundem Deo cultum obtulissent, & nomen Domini inuocabant, uti & Dei sui, & parentis benignissimi. Et hæc quidem de primo illo, quod Adami peccatum præcessit, tempore.

LIBER



LIBER SECVNDVS
SEV SECTIO SECVNDA
PRIMAE MUNDI AETATIS, QVAE
continet Peccatum Primum Hominum, & qua
post illud gesta sunt usque ad Publicam Nominis
Dei Profanationem. Habet autem annos à Crea-
tione Mundi ducentos trigintaquinque.

CAPT I.

Continet Historica XVII.



PROPOSITVM est no-
bis in hac Sectione complecti
breuiter ea, qua ab Hominis
Peccato ad publicam, & popu-
larem Nominis Dei Profana-
tionem contigerunt, prout ea
Sacra Dei Scriptura tradit.
Illa verò sunt varia, & multi-

plicia (Nam crescente & adolescente Mundo, crenit
quoque Historia Mundi) numero septemdecim ca-
pita sunt, è quibus est

I. Peccatum Primum Primorum Hominum.

Adamus, & Ischa uxor Adami (que & Eva) primi Homines, & adhuc in Mundo soli, nondum propagato genere humano, liberè, prudentes, scientes & volentes mandatum Dei de non edendo fructu Arboris Scientie boni, & mali trāsgrediuntur, datane astu (qui per Serpentis tunc pulcherrimi vāferrimique omnium Animalium os, ac ministerium eos allocutus est) mendaciōque persuasi, prima quidem Ischa à Serpente, postea verò Adamus per Ischam uxorem suam. Uterque verò nempe Adamus, & Ischa primum peccāt ex magna infidelitate, ut ipse Verbum Dei, id est, tum promissiones, tum minas sibi à Deo ipso factas negligentes, & minimè veras esse existimantes: magna item animi in Deum ipsum ingratitude, beneficia Dei in se plus quàm in ceteras animantes prestantissima spernētes, suæque originis & conditionis obliti: Sed ex immaniquoque superbia, ordinem & locum tam honorificum inter omnia huius Mundi opera à Deo sibi datum ac concessum deferentes, & abicientes. Præterea ex intolerabili perfidia locum Domini sui, id est, Dei ipsius regnum occupantes: Deinde Sacrilegio sese non ultro quidem sed tamen sponte, liberoq; animi consensu Diabolo, carnisq; id est, voluntatis suæ Deo rebellis, & repugnantis, libidini & potestati (contradicente etiam tunc propria eorum conscientia, rationeq;) in perpetuū vendentes ac subicientes, & Deo sese subtrahentes, ac suffragantes Domino suo & vero nempe, Gen. 3. 2. Cor. 11. 3. 1. Timoth. 2. 14, Roman. 7. 14, Ioan. 8. 44, 1. Ioan. 3. 8, Apoc. 12. 9, & 20. 2. Ergo infinita fuerunt in hoc uno peccato vitia & peccata.

Pœna

II. Pœna Peccati Hominum.

TAM Nefarium & immane Hominis utriusq;
 spontaneūque peccatum & scelus, quāvis non ultro-
 neum, gravissima in omnes peccati istius auctores, auto-
 resque primum: post autem in uniuersum quoque hunc
 Mundum Homini subiectum pœna à Deo ipso secuta,
 pronuntiataque est tum generalis, tum specialis: omnis
 tamen iustissima. Generalis quidem in utrumque Ho-
 minem, nempe Adamum, & Ischām (quæ & Eva) ad
 communis pœna, duplex secuta est, videlicet primum
 turpitudinis ipsius suæ suique sceleris, ac iam nullitatis
 ob Deum offensum, nuditatisque agnitio: deinde Mors
 tum animi, tum corporis imposita, futurāque postea u-
 trique: unde & morbi, & infirmitates (quæ ad mortem
 deducūt, hominisque compositionem dissolunt) secuta,
 & peccata nata sunt ex illa defectione prima à Deo
 nata, & Imaginis Dei in utroque Homine summa la-
 besactio, id est, Tenebre in mente: rebellio in corde,
 Gen. 3. 7. 19, Psal. 73. 4, Rom. 5. 12, & 6. 24. Apo.
 12. 9. Hæc pœna communis fuit utrique Homini. Pe-
 culiaris verò pœna, quæ Adamo seu viro & Masculo
 addita est, & ipsa quoque fuit duplex. Primum nem-
 pe labor, Viri, & Maris præsertim, perpetuus & an-
 xius in victu querendo, quum antea esset illi à terra in
 promptu sine labore, & in parato uberrimus, Gen. 2.
 23. Deinde etiam in eo ipso labore Maledictio Dei,
 nempe quod nequaquā vel semper, vel pro spe, vel pro
 molestie gravitate fructuosū sit homini labor suus, Gē.
 3. 17. 19, 2. Thes. 3. 10, 1. Thes. 5. 14, Ps. 128. 2.

Pœna quoq; peculiaris Ischa (qua eadem Eva) duplex fuit imposita, videlicet Primum illius Subiectio sub Marito, ac proinde iuris in res omnes prioris (quod illa habebat) imminutio quædam, ratiocinationisq; etiã ipsius damnum: Deinde labor in partu, vexatioq; mulieris maxima, & incredibilis, quod hominem dum parit, pariat Dei hostem & aduersarium, ipsius mulieris culpâ, effectum, Gen. 3. 16, Ioan. 16. 21, Iſaia 37. 3. Et hæc quidem pœna Hominũ fuit. At Serpenti (cuius ministerio vsus est Satan ad impellendum Adamum in peccatum) pœna quoque & ipsi duplex indita est: Primum nempe Maledictio Dei cum secuta est gravissima. Nam præ cæteris Animantibus Serpenti laboriosissima vita est, incessus abiectus, & laboriosus, videlicetq; difficilis, asper, & inuicundus: imò etiam reliquis Animalibus iam exosus est serpens, velut venenatum & fœtidum etiam alyis animalibus. Deinde perpetue illi cum homine inimicitia intercedunt: Caput enim serpentis petunt homines, ut eum prorsus extinguant: Serpens autem calcaneum hominis petit, ut hominem vulneret, & deiciat humi, Gen. 3. 14, Psal. 58. 4. & 91. 13, Act. 28. 4, Iſa 65. 25. In reliquum autem Mundum uniuersum etiam Peccati hominis pœna existit, ac effusa est, velut in hæreditatem ipsi à Deo destinata, & rem hominis. Ac quidem in eos, qui ex utroq; illo Homine postea nascisuri erant, homines, pœna eadẽ transiit, quæ in primis illis Hominibus omnium hominũ parentibus supra descripta fuit. Nam quum totum genus humanum futurum representarent primi illi homines, (id est, & Masculos, & Fœminas futuras) ex ijs duobus

duobus Reatu primum in posteros omnes eorum & singulos, id est, in omnes & singulos homines, culpaque transgressa est: ex Reatu corruptio eorum in animo & corpore: ex corruptione pœna quoque in eosdem iustè, velut ob propriam iam labem secuta est. Quæ tria Peccatum Originale vocantur, quod ex Parentibus transiit in liberos. Vnde dicuntur Homines illi duo postea, id est, post peccatum suum generasse homines ad suam, non autem ad Dei imaginem, Gen. 5. 3, 1. Corinth. 15. 49. Rom. 5. 12, Ephes. 2. 3. In reliquis autem Mundi huius partes pœna eiusdem hominum peccati effusa est gravissima, quoniam hominis gratiam conditum fuerat, ut dixi, hic Mundus, illique velut domus & familia propria, datum a Deo. Ergo totus hic Mundus, eiusque partes omnes & singule ob peccatum istud hominis vanitati, Deique maledictioni subdita, & quidem ex eo tempore fuerunt, ut neque priores (quas à Deo acceperant) vires retineant, neque pulchritudinem usumque tantum homini prabeant. Præterea in maligno, id est, occasione peccandi; & rerum abusu positus est totus hic Mundus, malitiâ hominû depravatus, Gen. 3. 17. 18. Rom. 8. 20, 1. Ioan. 5. 19. Diabolo denique ipsi (qui fuit istius peccati princeps, & autor, suaque Homi-nibus Gen. 3, 1. Ioan. 3. 8.) pœna imposita quoque est, eaque maxima, quæ comprehensa est his verbis: [Ponam inimicitias inter te, & semen Mulieris, & conteret caput tuum,] uti postea docebitur.

3. Promissio Messie, seu Servatoris futuri.

DEVS tamen spem salutis Hominibus etiam

post peccatum reliquam fecit. Nam is futurum Seruatorē ex Semine Mulieris statim pollicitus est, nempe qui caput Serpentis, ac proinde Diaboli (cuius Serpens minister fuerat) contereret, ac illum regnū, & vīn minueret, ac prorsus tandem euerteret, tolleret, ac conculcāret, Gen. 3. 15. Apoc. 12. 9. & 20. 2, Mat. 25. 41. Is autem fuit Christus, ex semine Maria Virginis & Mulieris sine semine viri, natus, qui toti quidē generi humano datus est à Deo Seruator sufficienter: is tamē solis efficaciter, & efficienter, & re ipsa, qui hoc remedium à Deo sibi grauitur oblatum acceptant, & vera certāque fide amplectuntur, & recipiunt. Hi autem sunt soli fideles, & Electi Dei Mat. 26. 28, Acto. 13. 48. Porro hunc generis humani Seruatorem, non tantum Homīnē ex semine mulieris esse, & fieri oportuit: verumctiam Deum, ut caput istius veteris Serpentis, id est, Diaboli vires, potestatem ac regnum immensum euertere posset, Isa. 7. 14. Mat. 1. 23. Rom. 1. 2. 3. Nulla enim vis nisi verē Diuina, tanti tamque robusti hostis (qualis is fuit, qui hominem utrūque, & quidem purum, viuū integrāque Dei imaginem adhuc gestantem deiecit) regnum, & potestatem prostrare, & vincere certē quidem quibat. Non vis humana, quam iam superarat Satan: non Angelica, quoniam & ipsemet Diabolus est Angelus, naturā praestantissimus, Apoc. 5. 5. & 12. 9. 10. Ergo & Homo & Deus futurus erat hic Homīnū Seruator, ex mente Dei, & vera intelligentia huius Dei promissionis misericordissimae erga homines [Ponam inimicitias (ô Serpens) inter te, & inter Mulierem hanc: similiter inter Semen

tum,

tuum, & Semen Mulieris: ipsum conteret tibi caput, & tu conteres ei calcaneum, Genes 3.15, 1. Pet. 5.8.] Huius autem Dei gratuita planè, & ex summa Dei benignitate & misericordia profecta, Tit 3.4. promissionis triplex est effectum. Primum quidem generale, quod omnium hominū (quatenus sunt semen mulieris) commune est, nempe, Generale dissidium inter homines & serpentes, Num 21.6, 1. Cor. 10.9. hominūque maior vis, & ad nocendum serpenti potestas, quam serpentis animalis ad nocendum homini, Ecclesiastic. 39. 35. Secundum est peculiare fidelium hominum (qui sunt Christi, id est, illius Servatoris promissi membra) videlicet vires illis à Deo per Christum, & Servatorem illum concessæ, ad vincendum etiam nunc ex parte diabolum, Rom 16.20, 1. Cor. 15.57, 1. Ioan. 5.4. Tertium denique effectum est, Proprium unius & solius illius Servatoris seu Christi tunc vèturī, ac futuri hominis nimirū Plena de serpente illo victoria, & totius regni ipsius abolitio, eversio, & internecio ab ipso Christo, seu semine Mulieris futuro facienda tunc, & quidem per seipsum, Mat. 4.11, Ioan. 14.30, 1. Cor. 15.54: quæ ab eo iam facta est in sese: In nobis autem fit, ac impletur quotidie.

IIII. Mutatum nomen Mulieri Primæ.

ISCHAE verò (quæ erat Adami vxor, sicque prius ante peccatum vocabatur Ischa, id est, Virago.) Adamus nomen post peccatum immutavit, & pro Ischa [Chauam] appellauit: quod vocabulū [Eua] conuersum fuit, etiam ab ipsismet Apostolis. Sic autem

eam nominauit, à spe suscipienda ex ea postea prolis & sobolis, id est, propagandi generis humani, Gen. 3. 21, 1. Tim. 2. 13, 2. Cor. 11. 3. quo ipso nomine voluit Eua vxoris sue dolorem, & animi inœrorem de suo peccato maledictione & doloribus partus lenire ac consolari (ne absorberetur) vixit sapiens maritus, [Chauam] vocans eam, id est, hominum futurorum fontem & Matrem potius quàm [Motam] vel [Maueiam] id est, mortis generis humani causam, & autorem, propterea quòd Deus ipse consolatus Euam fuerat, quum dixisset, [Et Semen Mulieris conteret caput Serpentis.] Ergo eam Adamus Chauam appellauit, attendens ad Dei promissionem, cum de nascituro ex ea semine generaliter totius generis humani: tum peculiari-ter de Semine illo, hominũ nempe Seruatore, seu Christo ex eadem futuro. Nam ex Eua & Adami semine natus est multis post seculis Christus, Luc 3. 38. non ex coitu quidem viri, sed tamen ex utriusque stirpe, videlicet ex Virgine Maria.

V. Vestitus Hominum Primus & Unde, & Quis.

VESTIUIT postea Deus Hominem utrumque, duabus de causis. Primum, quoniam utrumq; hominem pudebat cum in vniuersum sue nuditatis: tum precipue eorum membrorum, quæ in utròque genitalia sunt, id est, quæ ad generationem hominum peccatorum, & Deo iam exosorum postea futuram erant destinata. Hac cernebat uterque ille homo Mas nimirum & fœmina

mina in se, & nuda, & prater cetera maximè pudenda propter peccati sui effectum, id est, propter suam sobolem, quam sciebat esse Deo iam maledictā: & propter motum, & affectum, qui in illis membris & primū, & maxime turpis, & immoderatus iam sentiebatur. Nam antequam ea operiret, perceptus ab utroq; homine fuerat statim post peccatum. Hic motus Libido nominatur, Gen. 3. 7 & 9 22. 23, 1. Corinth. 12. 23. Quamobrem, eas sui corporis partes velut indecoras iam texerat ipse uterque Homo ficulneis folijs, etiam ante accepta nimirum à Deo vestimenta, quibus reliquas sui corporis partes, & membra operirent. Deinde vestiuit Deus Hominem propter iniurias cæli, quas & tunc sensit, & postea sensurus erat. sentiuntque homines propter sua peccata iam molestissimas, Isa. 32. 2, Psal. 107. 29, Deuter. 28. 23. Vestes autem eas conficit Deus, & cōtexuit ex pellibus animalium à se videlicet occisorum. Nam eas pelles ydem bestijs mortuis Deus ipse detraxit, bestiasq; aliquas excoriauit, Gen. 3. 21, Mat. 25. 36. Ex quo apparet Vestitum iam esse partem unā quandam precipuam vultus hominis, 1. Tim. 6. 8. Porro Deus tunicas pelliceas, id est, ex pellibus mortuorum animalium potius, quàm ficulneas, id est, ex folijs ficuum vel aliarum arborum contexuit, atque ijs Hominem utrumque vestiuit, ac induit: Primū, ut hoc suo vestitu assidue admoneretur Homo uterque de sua conditione misera iam ac mortali effecta, imò etiam sese in media ipsa morte, & pellibus mortuarum bestiarum, quantumvis vitium, versari tamen agnosceret. Ergo viderunt Homines sese in illis pellibus adhuc

fatidis ac recentibus esse, velut in sepulcro, & ijs inuolui velut impedimentis quibusdā. Deinde ea se habere aduersus cœli iniurias intellexerūt (quibus iam obnoxij propter peccatum facti erant) velut munimenta necessaria. Proinde hoc tam tristi sſeſtaculo (quod ubique sicutum circumgeſtabant, atque etiamnum homines penè omnes geſtant) & ipsi Homines primi, & eorum poſteri terrerentur. Denique, ut pœnam mortis sibi denunciataſſet homo iam tunc ex parte animo ſentiret, apprehenderet, ac poſtea meminisset ſemper, Iobi 4. 19. Iac. 5. 2. dum ſe veſtitum cernit.

VI. Eieſſio Adami & Eue, poſt peccatum ſuum, ex Horto Edenico.

CAETERVM Deus Adamum & Euam prius à ſe contra cœli iniuriam, & ad tegendam eorum nuditatem poſt peccatum veſtitos, ex Horto tamen Edenico non manu leniter educit, ſed vi & terrore ijs inieſſo eiecit, & expellit, Gen 3. 23. 24. Fugerunt igitur illi velut iam fures, aut ſclerati, qui metu, conſcientiæque perpetrati grandis alicuius maleficij pauidi, perterriti, & trepidantes, ex eo loco, ubi deliquerunt, eripiunt ſe, ac fugiunt. Prius tamen Deus eos increpauit, & quàm falſu eſſent, ac fuiſſet Diaboli promiſſa, quàmque ſtulta & perſida Hominum ipſorum in ſe parentem infidelitatis, ironica oratione (ut eoſdē vehementiùs, atque acriùs compungeret) docuit Gen. 3. 22. ut ſaltem v l nunc malo iam accepto, & illi, & reliqui Homines ſapiant, nec in poſterum ullis Satane quantumvis ſe bene-

benivolam fingentis verbis, aut promissis credant: Deī verò verbum nunquam relinquāt, aut abiciant. 2. Cor. 11. 13. 14, Ephes. 6. 11, Jac. 4. 7. Verum ne in eundem illum Hortum postea isti ipsi Homines denuo ingrederentur: aut statim posteri eorum (antequam istius horti Edenici deleta facies esset) eundem adirent, Deus ad Horti istius Orientem, & in anteriore illius parte Cherubinos plures velut in statione collocavit, qui Homines aditu, seu ingressu in eum prohiberent, ac impediret, ne ab ijs excoleretur, aut eius amœnitās ab ijs spectaretur: sed ut desertus, incultus, & horridus locus fieret, & à beluis paulatim vastaretur. Denique mucronem flammæ, aut fulgidi gladij in quamvis partem circūvolitantis, & se mutantis, ac verientis in ipso horto collocavit Deus ad terrorem, quò viam hominibus omnibus, ad Arborem vitæ, eiusque fructum decerpendum, & edendum (ne fierent hīc immortales) precluderet, & immani metu obiecto eos ab ingressu impediret, Gen. 3. 24. Psal. 35. 6, & 78. 49.

VII. Propagatio prima Generis humani.

PRIMA verò Generis Humani Propagatio (nec enim propter peccatum, homines infœcundi facti sunt) facta est ab Adamo, & Eva ex iusto, legitimoq; coniugio, nempe suscepto primum ex Eva, ac prognato Caino, deinde Abele seu Hebele, tertio Setho post occisum à fratre Caino Abelem. Gen. 4. 1. & 5. 3. Genuit autem & Adamus, & Eva uxor eius, ei coæva seu æqualis Sethum, anno ætatis centesimo trigesimo. Ceterum hi (uti & quicumque post peccatum primum ab

Adam & Eva commissum, vel ab ijs ipsis, vel ab eorum posteris nati sunt, postea homines) illi inquam geniti natiq, sunt non ad veram illam Dei imaginem (quā primū Adamū à Deo ipso habuerat) sed ad Adamū & suorum parentum imaginem duntaxat, in quibus magnam partem iam illi pura & prior imago Dei per peccatum deleta est, fueratque, qualis etiamnum hodie in hominibus restat, nempe scadata, cōmaculata, defformis, & penè tota extincta. Quod enim est Gen. 5. 3: [Et genuit Adam filium ad imaginem suam, & secundum similitudinem suam,] non modò ad Adamū: verū ad omnes omnino, qui liberos naturali modo procreant homines in uniuersum, & quouis tempore, pertinet. Eos enim procreant sibi similes, ac proinde coram Deo reos & peccatores, quales ipsi sunt, qui sunt eorum parentes, 1. Cor. 15. 49, Iobi 14. 4, & 25. 4, Isa. 64. 6, Ephes. 2. 3. Quo verò atatis sue anno, ac tempore Adamus & Eva Cainū, & Abelem procreauerint, non apparet ex sacra Scriptura.

VIII. Artes Primæ Hominum, id est,
ab Hominibus primū inuentæ,
exercitæ, & institutæ.

ARTES verò, quas primas, & primi quidem Homines, exercuerunt, fuerunt hæc due, nempe Agricultura, qua terra colebatur: & Pastoritia, qua pecudes pascébatur, & alebatur, Gen. 3. 23, & 4. 2. Nam Adamus ipse fuit Agricola, & post eum Cainus: Sed & Noachus quoque, Mundo postea renouato, Gen. 9.

20. Abel verò fuit pastor, & custos gregis & pecoris. Ergo hæ sunt artes due prima, & imprimis naturales. Reliquæ verò postea sunt inuētæ, & magis ad quæstum & splendorem, & cupiditates explendas, quàm ad naturam, vitæq; huius sustentationem, & necessitatem .i. victum naturalem cōparatæ, ac proinde nominantur [Artificia] & [Quæstus] & ad *χενουασικὴν* potius quàm *φυσικὴν τεχνὴν* referuntur. Porro ex his artibus institutis apparet, quàm. fuerit immutata prima illa honestaq; hominum conditio, qui ut victum haberent, inseruerent iam terræ, ex qua sumpti fuerāt, quæq; antea sponte omnia profundeabat largissimè illis: qui item Pecoribus, id est, bestijs brutisque animantibus (quæ ad ipsorum obsequium, & seruitium antea condita fuerāt) obsequi, famularique cogerentur, ac cogantur, mutata nempe tam horribiliter & miserè propter hominū peccatum, vice rerū, ut qui Dominus omnium earum prius fuerat, Homo, seruus omnium nunc sit, & euaserit, 1. Cor. 9. 7, Ioan. 10. 5, Iob. 14.

IX. Sacrificium Primum Hominum Memorabile.

SACRIFICIUM primum memorabile fuit illud, quod eodem tempore à Caino, & Abele fratribus oblatum est Deo (ut refert Moses) à Caino quidem ex fructibus terræ. Nam is eos obiulit, velut sua opera, laboris, & artis benedictionem, & primitias: verum Abel obiulit ex pecore, non solùm velut suæ artis fructum, sed etiam: velut sacrificium, ex futuri passu-

rique Christi & Seruatoris promissi, quem apprehenderat fide, certaque notitia & expectatione. Ergo ex grege suo sacrificium obtulit Deo Abel, velut mortis Christi typum. Quamobrem ad hanc Abelis oblationem respexit Deus potius quam ad illā Caini. Respexisse autem Deum ad Abelem, visus est manifeste aliquo visibili signo (quod ipsi quoque Caino apparuit) ostenso & patefacto Gen. 4. 3. 4. Heb. 11. 4. Non videtur quidem fuisse illud primum omnium sacrificium, quod Deo fuerit oblatum ab hominibus post peccatū, quum multum temporis interpositū fuisse, & effluxisse dicatur, etiam à natiuitate utriusque, nimirum Caini, & Abelis (nedum à tempore primi peccati primorū hominum) usque ad hanc oblationem, sed fuit primum sacrificium memorabile. Denique Adamus toto illo precedente hoc sacrificium spatio, non vixit absq; eo, ut Deo sacrificaret ipse, eūque aliquibus publicis ritibus publice ex ipsius voluntate & reuelatione coleret. Verū hoc sacrificium primum ex omnibus etiam antecessis habuit manifesta & conspiciua diuini fauoris & acceptationis signa & testimonia, quibus anteriora illa caruerunt. Caterū in eo sacrificio, vel alijs, non ex omni genere pecudum etiam tum Abel obtulit Deo, vel offerre potuit: sed ex ijs tantū animalibus, quæ Deus ipse iam ad sacrificia sua designarat: quoniā distinctio inter Munda, & Immunda Animalia, tum quod ad victum hominum, tum etiam quod ad sacrificandum & Christum ac Seruatorem illum (purissimam hostiā futuram) representandum iam tum innotuerat hominibus, ex Dei reuelatione, fueratve ab eo explicata, ut
 appa-

apparet Gen. 7. 2. De tempore autem huius Sacrificij nihil defuit quoque Dei verbum, quando ab viroq² fuerit oblatum Deo.

X. Maleficio primum Publicum perpetratum in Mundo post peccatum primū.

PORRO maleficio, quod primum post peccatum primorum parentum publicè commissum est, fuit Homicidium, aut potius Fratricidium. Nam Cainus maior natu fratrem suum Abelem natu minorem, ex invidia illius sibi à Deo prelati, occidit vi, & quidem per insidias, & in solitudine, bladis eum verbis in agrū, & seorsum semotis arbitris pertrahens, Genes. 4. 8, 1. Ioan. 3. 12, Iude 1. Ergo quemadmodum Satā in ipso Homine imaginem Dei internam prius corruerat: sic Cainus ex ipso Mundo toto illam Imaginem totam expulit, hominem occidens, & ex hoc mundo fratrem tollens. Quod fuit gravissimum in proximum scelus, horribilissimumq³, alijs hominibus spectaculum: uti à Satana suatum Adamo facinus, fuit in Deum maximū. Adami verò & Eue ingens luctus, & mæror hic fuit: tristissimūque furoris humana mentis, & imprimis vindictæ, atque invidiæ exemplum, & effectum. Nam mens hominis effreni vitij sui per peccatum primorum parentum cōtracti impetu percita & agitata, nec Deū timet, nec sibi ipsa parcit, nec alijs, tam est præceps, insana, amens, & furiosa, desperataq³. Huius autem sceleris in corde humano fons fuit. & primum quidem Invidentia melioris alienæ conditionis, quàm sue: Deinde

animus & cupido vindictæ. Quemadmodum autem Homicidium fuit primū ab hominibus in primo mundo perpetratū publicè maleficium seu crimen: sic quoq; Mundo postea renouatio primum grauissima pœna fuit à Deo prohibitum, & interdictum, Gen 9.6. Porro publica quoq; pœna fuit à Deo punitum hoc Caini scelus, post ademptam illi omnem excusationem, factique sui defensionem. Nam excusationem omnem Caino Deus adimit, quæ esse potuit duplex, nempe vel quod nō fuisset munus oblatioq; sua equali fauore, quàm frateris Abelis à Deo dignata: vel quod propter hunc Dei fauorem, in contemptum fratris sui natu minoris venturus esset. Verū quod nō esset à Deo dignatus Cainus equali fauore, quàm Abel, fuit ipsiusmet Caini culpa, quandoquidem pœna, vel premium à Deo pro ratione fidei & operis cuiusque manat, & decernitur, Gen. 4.7 Rom 2.6, Psal. 62.13, Heb 11.4. Quod autem propterea contemptum sui à fratre minore metuebatur idem Cainus, frustra. Nam māsisset illi semper subiectus Abel frater, utpote minor natu, nec propter eum Dei fauorem ius & prerogatiuam suam Cainus amisisset: eratque ius, & ordo Politicus à donis cœlestibus distinguendus, non utrāque hæc confundenda, Gen. 4.7, Deut. 21.15. & deinceps. Sequitur iam istius Maleficii Caini publica pœna à Deo inflicta.

XI. Excommunicatio Prima, Pœnæque prima publica publici criminis à Deo imposita.

Pœna

POEN A verò publica, quæ Prima Primo illi & publico maledictio Caini, ac proinde Hominum post peccatum à Deo imponitur, est duplex, Animi quidem seu conscientie ratione, Excommunicatio à facie Dei, ex fidelium cœtu & Ecclesiæ quæ erro fit Cainus: Corporis autem seu Politie respectu, primum Maledictio eius etiam in ipsa terra, & quidem maior, quàm communis illa, quæ ad omnes homines generaliter propter peccatum pertinet. Deinde odium reliquorum hominū in Cainum, & perpetuus ipsius Caini ab iisdem sibi metus, terror, & trepidatio. Unde erro, & vagus toto reliquo vite tempore præ trepidatione illa & metu rationis fuit, fugitque sæpe cœtus hominum Cainus, Gen. 4. 12. 16. 17. Porro quum à toto eo tractu eiectus & extorrisit factus Cainus in quo erat, habitabatq; Adamus, atque ubi promissio de futuro Messia sonabat, ubi Deus ex ipsius verbo inuocabatur, ubi Sacramenta & sacrificia fiebāt, erantve: ubi denique collecta tunc erat Ecclesia Dei, non autem alibi, dubitari non potest, quin Eiectio Caini ex eiusmodi loco à Deo facta, fuerit vera Excommunicatio, qualis nunc sit ex Dei verbo in Ecclesia Christiana, 1 Cor. 5. 4. 5. 9. 11. 2. Thes. 3. 14. 2. Ioan 10. Ioan 9. 22. Unde verba hæc [A facie tehouæ] significant non tantum à consortio iucundissimo Adami patris fuisse expulsus, Gen. 4. 16: verumetiam ex toto Dei cultu, piorum cœtu, verbique ipsius auditione, & congressu Ecclesiæ priuatum eum fuisse demonstrant. Ex quo euenit ut & Cainus ipsemet euaserit, inseritque postea impœnitens, & impius, eiusque posteritas contemprix Diuini numinis, & ignara Verbi

ipsius extiterit, ac tãdem corruptissimã suã culpã Tamēnequis propterea existimaret sese posse lege Talionis Cainum ipsum Homicidã interficere, Deus signũ in Caino posuit, quo eũ à vi hominũ seruaret, ac iucetur.

XII. Urbs Prima in Mundo condita.

URBEM autem condidit postea Cainus, (illa verò fuit urbs prima omnium condita in orbe terrarũ) in qua velut in munitione & presidio tutus a pauore illo Panico, quo agitabatur, & metu hominum esset, & habitaret, saltem ad tempus, Gen. 4. 17. Illam autem de nomine primogeniti sui Enoch seu Canochi nominauit Enochiam seu Canochiam. Nam Cainus sibi semper ab hominibus metuebat, ne lege Talionis ab ijs interficeretur. Quauis enim signum in eo fuisset à Deo posuitum ne eum quisquam occideret, ille tamen cõscientiæ furys, & terrore perpetuò agitabatur velut Orestes quidam. Ergo urbem edificauit id est cœtum hominũ collegit, & munitiones muros, & portas (quibus se suosque clauderet, & seruaret) extruxit, in quam se recipiebat, ibique continebat tantisper dum licebat per intermittentem ipsius morbum ac furorem. Nam habuit Cainus horribiles mentis furores ipsum vexantes & exstimulantes à tempore occisi fratris, qui eum per interualla dilucida immaniter & ad tẽpus corripiebant, & postea intermittebant, tamen. Ergo tempore istius furoris sui vagabatur, fugiebat, errabãtque Cainus per deserta, sese ex hominum cœu in deserta subducens, substrahẽsque, horrendo, tristique cum eiulatu, & misero ceteris hominibus ira Dei in sceleratos spectaculo.

Quum

Quum autem furor ille remittebat, tempore illo inter-
 nallòque dilucido quiescentis furoris, Cainus cum cate-
 rio hominibus versabatur, & in illam sese urbem à se
 edificatam recipiebat. Quamobrem animi in Caino
 paucitudo, trepidatio, terrorque fuit potissima urbis
 prime in Orbe terrarum adificanda causa, quæ non ve-
 tristis carcer, sed vi valida munitio, Cainū, & reliquos
 homines clauderet, & ab aliorū fortiorū publicis pri-
 uatisq; iniurijs prohiberet, ac tutos redderet, Psal. 107
 36, & 147. 13. Hoc Caini adificium, & exemplum
 postea alij mortales sunt imitati, non tantum vi sese ab
 aliorum hominum insidijs, rapinis, & violentia tu-
 ros præstarent: sed etiam ab ipsarum bestiarum vi,
 & iniurijs.

XIII. Propagatio familie Caini, post occisum Abelem, in diuersas appella- tiones, autores, & Distinctio.

ETSI verò dignus erat Cainus post interfectum
 fratrem, qui internecione prorsus, æternoq; & animi &
 corporis exitio periret, & infœcundus maneret, Deus
 tamen naturà benignissimus, genus humanum multipli-
 care ex illo primo Adami semine, ordine naturali, cu-
 piens, & ipsum Cainum superstitem esse, & ex eodem
 illo magram postea sebolem nasci voluit. Ergo plures
 familie ex Caino post occisum à se Abelem propagata
 sunt, & quidem antequam Sethus nasceretur, ex quo
 Setho demum piorum familie sunt prognata. Hanc au-
 tem generis etiam ex ipso Caino multiplicationem na-

suralem Deus esse, & fieri voluit, ut vim istius sue vocis & benedictionis Homini-
bus primis facta [Crescite, & Multiplicamini] Gen. 1. 28, quanta quâque im-
mota esset, ostenderet: atque ut dona etiam illa qua no-
bis naturaliter eueniunt, atque dantur, qualis procrea-
tio seminis, & à Deo esse, & ex mera eius benignitate,
non ex hominum meritis, vel viribus etiâ naturalibus
proficisci omnes intelligant Gen 3. 2. Sunt ergo hæ fa-
milie ante natum Adamo Sethum (si modo, quod pu-
to, Moses in hac sacra historia contexenda secutus est
ordinem tēporis) ex Caino post occisum Abelem nate,
numero octo, nimirum prima familia Chanoci: 2. Hi-
radi: 3. Mechuiaelis: 4. Methuasaelis: 5. Lamechi:
6. Iabal: 7. Iubalis. 8. Tubalcaini. Nam Naamah
soror Tubalcaini non constituit familiā, Gen. 4. 17. 18
& deinceps. Ergo tot diuersarum familiarum capita,
iāque numerosa soboles iam ex Caino improbo nate
erant, antequam p̄y in terris propagarentur, imò nasce-
rentur, ut & quod p̄y ulli postea fuerint inter homines
prop̄e sit miraculum, certè summum Dei Opt. Max.
beneficium merēque gratuitum: & quod etiam Mun-
dus hic totus, id est homines omnes tam scelerati postea
extiterint, mirum non sit, quum improbi & impij ho-
mines Mundum hunc & diu iam obtinuissent, & mira-
biliter corrupissent, priusquam p̄y in terra ulli multi-
plicarentur. Verum hic peccati, corruptaq, ac penè de-
leta Dei imaginis in homine verus fructus, veraq, pœ-
na certè fuit, Psal. 12. 1. 9, Hab. 1. 1. 2, & seq.

XIIII. Bigamia Prima, seu Coniugij Prima

*Prima Violatio, & corruptela in Mun-
do, & à quo.*

BIGAMIA prima, seu prima instituti à Deo cōiugij Gen. 2. 24, corruptela facta est, & cepta à Lamecho filio Mathusaelis ex stirpe Caini, homine non tantum lasciuo, mulieroso, & libidinoso: verum etiam superbo, sauo, & truculento. Id quod ipsius cum ambabus suis uxoribus colloquium, minaque ijs facta (quales à Mose describuntur) ostendunt, Gen. 4. 19. 23. Antea enim homines uxore unica contenti erant. Verum iste nouus Precepti Dei violator non tantum audax & temerarius fuit: sed etiam sauius, ferox, & sanguinarius, ut à quo spiritu ingenioq; tentata primum, & postea inducta fuerit scelerum, & peccandi publica licentia, audaciæque appareat, nempe truculento, fero, & immani. Nam qui in Deum vel primus ipse rebellat, vel alios ad rebellandum docet, ac format, is est perditus vir audaciae, proiectiq; pudoris, & immanis naturæ, uti in Caino, Lamecho isto, Pharaone, Saule cernitur. Porro ex istis maleficiorum gradibus & incrementis facile colligitur, quomodo paulatim postea communis illa, & popularis omnium Hominum corruptio in Mundum inuasit, aggressa sit, grassata sit, planeq; tandem peruicerit, & obtinuerit.

*XV. Pastoritiae Artis Incrementum,
& Expolitio.*

ARS Pastoritiae (qua per Abelem primum in-

stituta fuerat) Abele occiso, vel (quia Cainus & Adamus erant agricola) intermissa: vel in odium Abelis à posteris Caini (qui soli supererant) reiecta, repudiataque ad tempus, qua tamen postea urgente necessitate (id est, ipsorum hominum usu sic monente) fuit repetita, resumptaque ab ipsismet Caini posteris: imò etiam ab iisdem aucla, expolita, & incertum perpetuūque vite genus propter tum victum humanum (qui bestiis partim constabat) tum etiam lucrum (quod ex iis percipiebatur) instituta, formataque certis regulis, observationibus, & pecorum cuiusque generis distinctionibus. Neque enim omnia pecora uno modo, uno victu & pabulo, eodem tecto & caula pascuntur, curantur, recipiuntur. Ergo Iabal filius Lamechi artem istam tanquam intermortuam restituit, distinxitque magna industria species pecudum, & greges animalium, qua sub cura & pastura hominis alii possunt, ut unumquodque genus commodè, & pro sua natura pasceretur, & haberetur. Denique quoniam hac ars pervigilem quandam hominum curam, & pecoris ipsius perpetuam custodiam desiderat, vixit ipse primus in Mapalibus, tugurijs, & tentorijs sub dio: & suis posteris idem vite genus & exemplum instituit, ac reliquit. Itaque homines isti extra urbes (quas superiores posteri Caini ad patris imitationem incolebant) vixerunt, sparsi per agros apertos, & sub dio habitarunt, sequentes ipsi greges pecorum suorum, & armentorum a se distributos, eosque in optima quaque pabula producētes. Qua ratione, vitæque instituto factum est, ut deserte & inculta terra partes primum paulatim inuiserentur, & habila-

bitarentur ab hominibus: deinde ut genus humanū sese per orbem terrarum sensim diffunderet. ac longius progredereetur, & dilataret, Gen. 4. 20, & 31. 40, Psal. 106. 13. Talis fuit postea gens, & vita Rechabitarum, (ut est Hieremia 35. 7, 2. Reg. 10. 15) & Nomadum.

XVI. Artium aliarum inuentio, & primum quidem Artis Musica.

MUSICA quoq, fuit eadem penè etate, certè paulò post inuenta, non quæ vocalis (est enim hæc naturalis) sed quæ organica est, & prior quàm vocalis in usu. Postquam enim homines Caini posterius artes victui suo necessarias, nimirum Agriculturam, & Pastoritiam, reperissent, vel saltem instituisent, excolerentq, artes eas postea magna, solertiq, industria, & mentis præclara vivacitate pepererunt, quæ voluptatem eis, delectationemq, animi maximam afferebat. Eas autem Musica Organica complectitur. Ergo Iubal filius Lamechi digami, & frater Labalis (qui antea Pastoritiam Artem auxerat, & docuerat) Musicam, Citharam, organicaq, Musices instrumenta commentus est, & excogitavit: eorumque sonore & modulati ad percipiendam voluptatem aurium & animi tractandorum & pulsandorum artem tum primus ipse inuenit, tum, posteris suis tradidit. ac reliquit, Gen. 4. 21. Postea verò Vocalem Musicam repertam esse ex Organica non dubito. Ex quo apparet artis Musices inter Mortales usum, ac institutionem esse antiquissimam, atque

ab ipso cepisse penè Mundi exordio quò detestabiliores sunt qui ea Arte tam nobili abutuntur. Porro Homines primi istius seculi fuisse voluptarios, & molles, ex hoc eorum ingenio, & inuenio apparet.

XVII. Artis Ferrariae, & Ærariæ Inuentio.

FERRARIA verò, & **ÆRARIA** ars inuenta quoque est a posteris Caini penè eodem tempore, nempe a Tubalcaino filio quoque & ipso Lamechi ex Tzila secunda eius uxore, seu potius prioris uxoris videlicet Hada pellice. Nam Tubalcainus primùm & ferrum atque as in terra primus ipse dignouit, & posteros suos dignoscere in terra venis docuit: deinde opera instrumentaque cuiusvis generis ex ferro, & ære illo cudere, & fabricari, quæ ad vsum hominũ, vel abusum etiam postea translata sunt, monstrauit. Quamobrem, artem ipsam Metalla fundendi, tractandi, fabricandi, ducendique malleo, & sub incude ferri, & aris primus habuit iste Tubalcainus, alijsque postea tradidit, Gen. 4. 22. Quæ res & industria magnum Dei donum fuit, cum erga ipsum Tubalem Cainum: tum etiam erga totum genus humanum, quum vita hæc nostra eiusmodi instrumentorum, & ferramentorum usu ad terram colendam, ad edificandam, ad scindendum, ad pugnandum omnino egeat. Exod. 36: & latè postea propagata est, & in diuersas partes, artes, species, & officinas distributa, partitaque à posteris. Porro ex istius artis inuentione videntur homines postea sauires, & ad eadem
mutuã,

mutuâ propensiores, truculentioresque facti, quum fer-
rum & arma iam in manu, & in promptu habere cor-
pissent ad sese mutuò ingulandos, & offendendos. Vnde
apparet quibus occasionibus, nempe propter beneficia
Dei in homines collata, item quibus sensim ac paulatim
gradibus tota illa Caini familia miserè, ac omninò sese
corruerit, & ferocior, superbiorque fuerit, atque etià
in Deum ipsum contumeliosa euaserit, adeò ut tanacm
etiam nomē ipsum & numen Dei (quod antea sacrosan-
ctum habitum fuerat) blasphemare, nihili facere, &
aspèrari auderet. Hinc totius Mundi corruptela, &
omnium hominum deprauatio postea contigit, eaq; im-
medicabilis. Ceterum, quandoquidem Mosē existi-
mamus sequi seriem & ordinem tēporis rerum gestarū
in hac Sacra historia describenda) hæc omnia Mundo
contigerunt, ante natum Adamo Sethum, ac proinde
ante annum ipsius Adam, seu Mundi conditi centesi-
mum trigessimum, Gen. 5. 3. Fuerunt autem ista con-
tempti blasphematiq; à Cainicis postea diuini numinis
caussæ, & præparationes miserrimæ, & indignissima.
Verum à nato Setho, ut postea dicitur, ad publicam
Nominis Dei Profanationem intercedunt anni 105.
Ergo tota hæc summa collecta efficit annos 235.

CAPVT II.

*Disputata, & agitata quedam in his
singulis capitibus septemdecim.*



LTHAEC quidem sunt illius aetatis historica: Verum in ijs multa disputantur, quae nos, Deo bene fauente, iam ad singula capita accommodabimus, ne quid vel obscurum, vel confusum, vel dubium in tam sacra historia saltem moderatis ingenijs relinquatur.

Ad I. De Primo peccato Primorum Hominum.

Queritur igitur, Cur Deus hominem fecerit ad imaginem suam, qui peccare posset, ac non potius qui peccare non posset, neque labi, neque deficere. *R.* Vitio deprauari potuit Adam, item & Eva, quoniam ex nihilo facti erant. Itaque, Deum non erant. Nam etsi de terra iam facta pulvere finxit Deus hominem, eadem tamen terra, omnisque terrena materies omnino de nihilo est: imò Animam etiam de nihilo factam, ac proinde creatam dedit Deus corpori, quum factus est Homo. Ergo excepto eo, quem Pater genuit de seipso, (Est autem Verbum, per quod omnia sunt facta) omnis alia natura & creatura facta est à Deo de nihilo, ac propterea obnoxia vanitati, id est, defectioni, lapsuique à summo bono ac proinde quae peccare posset naturam, & conditionem suam, nisi speciali quadam gratia à Deo confirmaretur. Sic Augustinus lib. 14. Ciuit Dei, cap. 11: Ergo ut esset Homo arbor mala, contra naturam illius factus est. Nam nonnisi suae voluntatis vitio (quod contra naturam proculdubio est) vitioque malus fieret Homo: sed vitio deprauari nisi ex nihilo facta, natura non poterat, ait idem cap. 3. Ac per hoc habet Homo à Deo ut sit quaedam

dam natura, quatenus ab eo factus est: *U*t autem ab eo, à quo factus erat, deficeret, ex eo est, quòd ex nihilo factus est. *Q.* *U*trum perturbatū fuerit Dei consilium de immortalitate & felicitate hominis, dum homines peccant. *R.* *Q*uum Deus Hominem peccaturum esse & præsuiisset, & decreuisset, Homo peccando non compulit Deum mutare, quod semel statuerat: Imò Deus præsciendo utrumque prænuit. Nam prænuidit hominem quem ipse bonum creauerat, malum futurum esse: & bonum quoque prænuidit, quod sic etiam de illo erat ipse factururus. *Augustinus lib. 14. cap. 11. Ciuit. Dei, & lib. Enchirid ad Laurent. cap. 100. Vide eundem August. lib. 11 de Genesi ad liter. cap. 4. 5. 7. & Petrum Lombardum, libr. 2. Sentent. Distinct 23.*

Q. *U*trum mala hominum voluntas praeceperit eorum peccatum, id est, factum eorum, & manducationem fructus interdicti. *R.* *E*isi & voluntas mala, quam homines habuerunt, & factum ipsum ex Satana suggestionem fuit: tamē ut ad malum opus perueniretur, praeceperit hominum mala voluntas opus ipsum seu esum vetiti fructus. In occulto igitur mali esse cœperunt, ut in apertam inobedientiam laberentur. Nec enim, ut praeclarè respondet *Augustinus lib. 14 Ciuit. Dei, cap. 13.* Malum illud opus factum est, (id est, illa transgressio euenit, videlicet ut cibo prohibito vescerentur) nisi ab ijs, qui mali iam erant. *U*t autem esset arbor mala, contra naturam eam factum est, in qua primum à Deo fuerant conditi. Porro male istius hominum voluntatis initium quod potuit esse, nisi superbia? ait *Augustinus.* Spontaneus igitur fuit iste hominum appeti-

tus. & defectus: quoniam si voluntas eorum in amore superioris immutabilis boni id est Dei (a quo illustrabatur, ut videret: & accendebatur, ut amaret) stabilis permansisset, non inde ad sibi placendum auersa fuisset, & ex hoc tenebresceret, & frigeret. Itaque neque tua verum dixisse serpentem crederet: neque Adamus ipse Dei mādato preponeret uxoris voluntatem. Porro mala voluntas prima (quoniam omnia mala opera precessit in homine) defectus potius fuit quidam ab opere Dei, ad sua opera: quā opus ullum. Et ideo mala, quia secundum se, non secundum Deum erat, ut eorū operum malorum tāquam fructuum voluntas ipsa esset velut arbor mala. Detrahitur porro malum, inquit Augustinus lib. 14 cap. 11 Ciuit. Dei, non aliqua natura, (qua accesserat) vel vlla eius essentie, que peccat, parte sublata. sed ea, que vitiata & deprauata fuerat, sanata, atque correctā. Arbitrium, igitur voluntatis tunc est verē liberum, quum vitijs peccatisque non seruit. Tale datum est Adamo primum: a Deo, quod amissum proprio vitio, nisi à quo dari potuit reddi non potest. Inde quippe liberator est Deus, vnde saluator.

Q. Ecquod peccati genus homines primi primum peccando admisserunt. R. Augustinus lib. 14. de Ciuit. Dei. cap. 12, & 13 Superbiam: Ait enim [Initium omnis peccati superbia est. Quid est autem Superbia, nisi peruersa celsitudinis appetitus? Peruersa enim celsitudo est, descriptio eo, cui debet animus inhære-
re praecepto sibi quodammodo fieri, atque esse principi-
um. Hoc fit quum sibi nimis placet homo: Sibi verò
ita placet, quum ab illo Bono immutabili deficit, quod
ei

ei magis placere debuit, quàm ipse sibi.] Relicto igitur Deo esse in semetipso, id est, sibi placere non iam est nihil esse, sed nihilo propinquare. Bonum est quidē sursum habere cor, sed non ad seipsum, quod est superbiæ: sed ad Dominum, quod est obedientia. Est igitur aliquid humilitatis miro modo, quod sursum faciat cor: & est aliquid elationis, quod deorsum faciat cor. Ipsum quippe extolli, deici est. Idem August. lib. 11. cap. 5, & 15. de Gen. ad luer. Sequuntur quoque hoc ipsum Scholastici, & Lombard. lib. 2. Sentent. Dist. 22. Alij & verè quoque infidelitatem huius hominum superbiæ fontem ac radicē fuisse scribunt & sentiunt. Q. An propter esum vnius arboris Pomus debuerit Deus tantum, tamque asperè irasci hominibus illis. R. Augustinus lib. 14. Ciuit. Dei, cap. 12. causam huius Dei iræ, & quidem verissimam sic exponit. [Non ideo, ait, quis debet existimare leue ac paruum fuisse illud primorum hominum commissum, quia in esca factum est, non quidem mala, nec noxia, nisi quia prohibita (nec enim quicquam mali Deus in illo tante felicitatis Paradiso crearet, atque plantaret) sed obedientia cōmendata est in precepto, quæ virtus in creatura rationali mater quodammodo est omnium, custosque virtutum. Hoc itaque de vno cibi genere non edendo, ubi aliorum tanta copia subiacebat, tam leue preceptum ad obseruandum: tam breue ad memoria retinendum, ubi præsertim nondum voluntati cupiditas resistebat (quod de pœna transgressionis postea subsequutum est) tanto maiore iniustitia violatum est, quanto ciliore posset obseruantia custodiri. Hæc Augustinus, & rectè. Ergo

non propter pretium Pomi ab Adamo gustati, sed propter inhumanem Adami rebellionem sic ei fuit iratus Deus. Q. Cur Serpente animali potissimum usus est Satan ad primos homines, sed Eum imprimis decipiendam. R. P. Lombardus lib. 2. Sentent. dist. 21. cap. 2. ait, Ne Diaboli fraus ab homine perciperetur, in aliena, non in sua forma Satan tentare hominē voluit. Serpentem autem Animal ex omnibus delegit, tum quia rationali creatura omnis irrationalis subiecta erat: tum quia per solum Serpentem id facere a Deo permissus est Diabolus, non autem per Columba formā, quod fortasse maluisset, ut melius fraudem subesse in Satanae verbis Homo ex eo, quod Serpens loquebatur, subolficeret: & clarius ipsius tentatoris, id est Diaboli natura, per colubrum illum tortuosis anfractibus mobilem, ac proinde magis operi isti congruum, significaretur. ait August. lib. 14. Civit. Dei, cap. 11, & lib. 11. Genes. ad liter. cap. 12. At verò S. Scriptura ait Diabolum idcirco delegisse unum hoc Animal, nempe Serpentem, quòd omnium animalium ἀλόγων erat Serpens astutissimus, Gen. 3. 1. Addunt verò nonnulli etiā Homini tunc familiarissimū, uti Iosephus lib. 3. Ant. Iudaic. cap. 3. Porro de duplici Serpentis prudentia vide Epiphanium lib. 1. De Hæres. tomo 3. hæresi 37. contra Ophitas, quæ ex ea, quam primū habebat, reliqua est. Fuit igitur Animal hoc omnium astutissimū, ac proinde à Diabolo delectum. Q. Itrum verba Serpentis fuerint ipsiusmet Serpentis, an potius Diaboli? R. Augustinus lib. 11. Genes. ad liter. cap. 27. ostendit Serpentem, dum cum Eva loqueretur, neq̃
intel-

intellexisse quid diceret: neque animam rationalem habuisse. Ergo Diabolum ipsum per Serpentem fuisse locutum, quemadmodum per Phanaticos & Energumenos etiam homines saepe loquitur. Itaq; Satan Serpente velut instrumento usus est, quo deciperet Hominem. Alia vero ratio est Asina Balaami, qua locuta est ipsa quidem, non Angelus Domini per eam, quoniam Asina isti vox humana & articulata à Deo concessa ad tēpus fuit, Num. 22.28, 2. Pet. 2.16: quod idem à Diabolo in Serpente fieri non poterat. Porro Deus pro voce sibilum tantum Serpenti reliquit: & pro verbis illis lenibus, quibus Enam persuasit, venenum et sub lingua posuit, ut est Psal. 140.4, Rom. 3.13, & annotat Iosephus lib. 1. cap. 3. Antiquitat. Iudaic. Q. Ecquod genus serpentis fuerit, per quod Satan tentauit primos homines. R. Multa quidem sunt Serpentum supra ventrem nunc repentium genera: ex eorum verò numero & genere fuit is, quo Satan usus est in decipienda Eua, Gen. 3.14. Itaq; non ex genere anguium iste erat, qui in aquis viuunt: non ex alatorum Serpentum numero, quoniam isti non repunt supra ventrem suum: Sed ex terrenis Serpentibus, id est, flexuosis, & in terra de terra puluere viuentibus. Hunc autem ex Colubrorum, quos vocamus, genere fuisse scribit Augustinus lib. 14 cap. 11. Ciuit. Dei. Idem & Basilus in Hexamero: Alij viperam potius: Denique non desunt, qui etiam aliud genus fuisse existimant. Id autem præcisè non definit Scriptura. Is tamen Serpens flexuosus iam, & terrenus fuit. Nec verum est quod scribit Iosephus, Pedes quos antea habebant, Serpentibus à

Deo fuisse ademptos in pœnam, ut supra ventrem ser-
pant. Nullum enim membrum ys demptum a Deo dici-
tur. *Q.* Ecquod Pomi genus fuerit, quod homini-
bus esse interdixerat Deus. *R.* Sed nec hoc ipsum
definit S. Scriptura. Ergo curiosi homines varie sese
torserunt in eo, sed frustra, designando. Nam alij puiat
id Pomi genus fuisse malum Persicum, quod in Oriente
(ubi peccauit Adamus) hodie est letale & venenosum,
si edatur, licet nobis in Occidente sit suauis cibus. Alij
Malum Cottonœum seu Cydonium fuisse malunt, quod
genus Pomi Dioscorides vocat *μῆλον ἀλνίδιον*, id est,
verum Malum, & præ ceteris germanum. Est autem
iam nobis omnino gustu ingratum. Alij Malum aureū,
quod & esu suauis, & aspectu iucundum est. Non de-
sunt, denique, qui illud Cerasum, vel Pirum vulgare
fuisse dicant. Verum quorsum ista tam incerta? *Q.*
Quandiu in statu illo suo felici permanserint homines
primi, & quando peccarint. *R.* De hoc etiam ipso
(quod tamen ex Dei verbo decidi non potest) anxie ho-
mines, imprimis autem Rabbini Hebræorum, inter se
digladiantur. Alij igitur volunt Adamum statim,
postquam conditus fuit, cecidisse nempe sub vespærum
eius diei, quo factus est. Alij post sex demum horas,
quàm creatus est à Deo. Alij post diem totum natura-
lem elapsam. Irenæus lib. 4. scribit Adamū & Euam
ea ipsa die, qua creati fuerant, edisse ex fructu verite
arboris: ac proinde eo ipso die, quo nati sunt, peccarūt,
ac perierunt, ait. Denique nonnulli censent, quòd quem-
admodum Christus in suo ministerio fuit per tres annos
& semestres: sic Adamum tanto temporis spatio in illo
suo

suo felici statu cum Eva perdurasse, & vixisse. Verum
 ἀδὴλα ἵστα relinquamus ἀδὴλα. Sunt enim incomperta
 nobis, nec iuveni etiam cognita. Certè Irenæus lib. 5. ad-
 versus Hæreses putat Adamum à Deo vespere repre-
 hensum fuisse. Alij tamen aliter hæc verba Moysi [Ad
 ventum diei] interpretantur. Math. Beroaldus lib. 1.
 cap. 7. Chronici putat Adamum in Autumno defecisse
 a Deo, uti in Autumno creatus fuerat, quoniā eo tem-
 pore poma & fructus arborum sunt maturi. Ex his au-
 tem edens Adamus, in Deum peccavit. Sed ut dixi,
 hæc ἀδὴλα sinamus. Illa potius explicemus, quæ utili-
 tatem & edificationem afferunt. Q. Cur a Deo
 data lex vlla fuerit Adamo, quem huius Mundi Do-
 minum, Regem, & liberū Moderatorem constituerat.
 R. Augustinus lib. Quæst. ex veteri Testam. cap. 4.
 in secunda parte Tomi 4. sic scribit, [Quāvis in Mū-
 do Dominus positus esset Adam, quia non utique ex se,
 sed a Deo id accepit, debuit huius rei & accepti ab alio
 imperij significationem ex lege accipere, ut ipse, qui do-
 minus videretur, per legē illi subiectus esset, qui ei hanc
 dederat potestatem. ne dominatio tāta extolleret Ada-
 mū, & immemor fieret Dei conditoris sui.] Q. Cur
 igitur Deus hominibus a primordio Legem suā (qua-
 lem postea per Mosem in monte Horebo dedit) nō præ-
 scripsit, ac promulgavit. R. In prima illa Lege seu
 primordiali, quæ data fuit Adamo à Deo omnia istius
 Legis (quæ per Mosem postea fusius & apertius pro-
 lata est) semina & præcepta breuiter & compendiosè
 inerant quemadmodum docet Tertullianus & Grego-
 rius Magnus, & Lombardus lib. 2. Sentent. Dist. 21.

cap. 4. Verum illam describi, & latius declarari, præsertim illo primo creationis tempore, nihil fuit necesse, ut ait August. in 1 parte Quæst. Veteris & Novi Testamenti, cap. 4. Primum, quia recens adhuc erat Lex illa, & in ipsa natura inserta erat Creatoris notitia. Deinde quia de malo non erat docendus aut commonefaciendus Adamus, quod ab eo prorsus ignorari Deum volebat: Atque Lex malorum & vitiorum meminit, quæ prohibet Denique, quia si primi Homines eam unicam Dei Legem sibi primum in Paradiso terrestri datam observassent, nullis alijs præceptis, legeque alia egebant. Nam sponte & natura in Dei obsequium ferebantur. At ubi lex illa naturalis evanuit, impressa consuetudine peccandi, tunc oportuit Decalogum Legem manifestari, ut eam in Iudæis omnes audirent: non quod penitus oblitterata in conscientijs hominum esset: sed quod maxima eius autoritas perierat. Quamvis enim & Diluvio Peccatum vindicatum fuisset. & Sodomæ & Gomorrhæ fuerant subversa in monumentum pœnarum peccati debitarum: tamen obliuio exempla ista deleuerat ex hominibus, ac proinde Legem scribi, darique à Deo oportuit. Et hæc quidem de Primo primorum Hominum peccato, hætenus. Iam videamus quæ de pœna Peccati istius queri, ac disputari solcant.

Ad II. De Pœna Primi hominū peccati.

Q. Vtrum omnis imago Dei fuerit in Homine per peccatum abolita. R. Nequaquam, sed magnā partem tantum deleta. Nam alioqui homines iam non homines forent, sed bruta, & αλογα prorsus animantia.

Et

Et quod Psal. 49. 20. nonnulli homines dicuntur similes brutis animantibus, illud *κατά τὴν* duntaxat intelligendum est, nempe quatenus de futura meliori^q illa vita (qua hanc sequitur) nihil cogitant, toti sunt huic terra affixi: non autem *ἀπὸ τῆς*, & simpliciter. Augustinus lib. 14. C^{on}s^ul^ur. Dei, cap. 13, [Nec sic defecit homo, ait, ut omnino nihil esset: sed ut inclinatus ad seipsum minus esset, quàm erat, quàm ei, qui summè est, inharebat. Nam homo plus appetendo, minus fuit, qui dum sibi sufficere delegit, ab illo, qui ei verè sufficit, defecit.] De quo ipso idem Augustin. lib. 12. de Trin^{it}. cap. 8, & 9. Atque huius nostræ sententiæ confirmatio est, quod S. Scriptura docet, In nobis imaginem Dei duntaxat renouari per Christum, ac proinde non omnino exstinctâ, sublatamq^{ue} fuisse: non autem prorsus creari, quasi amplius nulla in nobis esset. Sic Paulus Ephes. 4. 23, Colos. 3. 10. Sic Paulū secutus Augustinus lib. 7. Genes. ad liter. cap. 24 & 25. Q. Cur a Deo velut peccatrix punita est Eva quum seducta fuisse, deceptaque a Serpente dicatur. R. Non dicitur Eva a Serpente seducta, tanquam ignoraret quid ageret ipsa, aut quid illi Serpens offerret, tunc enim esset excusabilis. sed quòd eam primam velut imbecillio^{rem} Diabolus per Serpentem aggressus est, ac tentavit, illique prudens & sciens, libensque prima est assensa Eva: in quo est inexcusabilis reddita. Sic initium mali à Fœmina fuisse scribitur, Eccles. 25. 33. Sic à Paulo, Adam non seductus, sed Eva seducta dicitur, 1. Timoth. 2. 14. Sic Augustinus lib. 1. de peccatorum Meritis cap. 16. interpretatur. Ergo si Seduci sumpseris pro non Experiri verum id,

quod alius tibi pollicetur, uterq; nempe Adam & Eva seducti sunt, quo significato Paulus accipit Galat. 6. 3. Verum si [seducti] intellexeris, alicuius colloquio frui, & verba ipsius audire, quibus decipieris, & falleris, id est, falsa tibi dicuntur, à Serpente sola Eva seducta est, non autem Adamus. Illa enim sola Diaboli per serpentem loquentis verba suis auribus hausit, excepit, & audiuit: quæ ad maritum uti & pomum ipsum a se decerptum postea detulit. Ergo Eva à Serpente: Adamus autem ab ipsa Eva, non autem à Serpente audiuit ea verba Diaboli, quæ Moses narrat cap. 3. Geneseos. Sic igitur, eoque sensu exaudiendum est, quod [sola Eva] seducta dicitur, non etiam Adamus seductus, ut apparet Gen. 3. 13. Sic Augustinus lib. 14. Ciuit. Dei, cap. 11, & lib. 11. cap. 42. Genes. ad liter. Lombardus lib. 2 Sentent. Dist. 22. cap. 5. Q. Vtrum Eva fœmina plus, & grauius peccarit, quàm vir ipsius Adamus. R. Si tēporis ratio habeatur, peccauit Eva grauius, quàm Adamus: quoniā & prima peccauit, & Adamo viro suo incitamentum fuit ad peccandum, ad quem & fructū Arboris vetite detulit, & verba Serpentis promissionesque retulit, quem denique & suauitate & pulchritudine fructus seu pomi persuasit, ut ipse quoque de eo ederet. Sin verò ratio conditionis ac personæ spectetur, peccauit grauius Adam quàm Eva, utpote qui & primus imaginem Dei, & plus habuisset, & ipse Dei mandatū, ne ex eo fructu gustasset, accepisset, pœnamq; futura inde sibi mortis ipsis auribus suis ex Deo ipso audiuiisset, eamque ipse uxori suæ Eva antea significasset, & declarasset. Sic Augustinus lib. 14. Ciuit. Dei, cap.

cap. 11. ait Adamum magis scivisse id, quod faceres, esse peccatum, quàm Eva scinerit. Et idem quoque lib. 11 Genes. ad liter. cap. 42. Quod verò idem scribit, [Credendum esse illum virum sua fœmina, uni unum, hominem homini, coniugem coniugi, ad Dei legem transgrediendum, non tanquam verum loquentis credidisse seductum, sed sociali necessitudine paruisse:] quòdque ex eo colligit P. Lombardus lib. 2. Sentent. Dist. 22. cap. 5: Amicabili tantùm benevolentia Adamum peccasse, falsum est. Nam & infidelis, & superbus fuit Adamus, uti & Eva: neque ab eadem culpa vel peccato excusari potest. Q. Cur partus dolores pro pœna Mulieri imponuntur a Deo, Gen. 3. 16, quum Paulus affirmet Mulierem servari dià τῆς τεκνογονίας, id est, liberos gignendo, 1. Tim. 2. 15? R. Non partus, liberorumque procreatio pro pœna Mulieri a Deo data est: sed immensi illi labores. cruciatūs uteri ac dolores partus, quas Græci ὠδίνες vocant, sunt Pœna peccati Mulieris. Nam Mulier aliquin erat etiam in terrestri Paradiso, & statu innocentie, paritura iuxta illud, [Crescite, & multiplicamini,] sed absque ullo dolore. Nunc verò post peccatū, quia dum Mulier hominem parit, hostem Dei sua culpa profert in lucem (qui sit nempe Deo cōtradicturus, iam q̄ filius ira Dei, Rom. 8 7, Ephes. 2. 3.) idcirco summos cruciatūs & dolores Mulier sentit, quales ne in morte penè perferuntur, Ioan. 16. 21. Ergo non τεκνογονία, sed ὠδίνες sunt Pœna, eaque in hoc Mundo gravissima, peccati Mulieris. Vide Augustinum lib. 11 cap. 37. Genesi ad literam. Q. Ecquis primus verba Dei immutaverit, ac fal-

*sificauerit, Euāne, an Serpens? R. Eua prima videtur minas illas Dei certissimas (nempe Genes. 2. 17. [Quo die comedetis ex eo certe moriendo moriemini] labefactasse, & substituta dubitatione, aut dubitandi formulā pro voce certitudinis dedisse occasionem Serpenti seu Diabolo ulterius pergendi. Dixit enim mulier, referens verba Dei, tanquam de euentu eorum dubitās, [Ne comedatis ex isto, ne moriamini] Gen 3. 3. Itaque vulgaris versio habet, [ne fortē moriamini.] Lombardus lib. 2. Sentent. Dist. 21. cap. 3: [Attende, ait, ordinem, ac progressum humana perditionis. Primò Deus dixerat, Quacunq; die comedetis ex eo, morte moriemini. Deinde Mulier dixit, Ne fortē moriamini. Nouissimè Serpens dixit, Nequaquam moriemini. Deus affirmavit: Mulier quasi ambigendo illud dixit: Diabolus negauit.] Quae ergo dubitauit, ab affirmante recessit, & negati appropinquauit. Quod si Mulier restitisset Diabolo, Diabolus ab ea fugisset, ut est apud Iacob. Epist. cap. 4. 7. Q. Quid verba haec in pœna Serpentis significent, [Et tu conteres Mulieris semini calcaneum] Gen. 3. 15. R. Panā huius verbis afflictionemq; describi certum est, quam Serpens, quantum potest, infert hominibus, ut suam in eos inimicitiam, odiumq; etiamnum hodiè testetur. Ergo Serpens homines praesertim in pede, & calcaneo punire & vulnerat, ut corruant & cadant. Est enim ista pedis Hominis & calcanei (quae membra totum corpus reliquum ferunt, & sustentant) lesio, vulneratio, apprehensio quae signum voluntatis Serpentis nobis infestae, & antagonista nostri nos deicere, ac frangere cupientis. Sic
Iacobus*

Iacobus dicitur apprehendisse calcaneum fratris sui Esau. Gen. 25. 26. Sic David calcaneum ab hoste domestico in se sublatum esse scribit, Psal. 41. 10, Ioan. 13. 18. Psal. 56. 7. Sic Daniel. 2. 41. quum Monarchia quarta deturbatur à Christo, pedes eius ab eo inuadi dicuntur. Est enim formidolosus hostis & gladiator, qui primum omnium inuadit pedes. Superiores autem corporis nostri partes attingere Serpens non potuit, quum iam à Deo fuisset sic deiectus, ut humi perpetuo serperet, seque minimè iam attollere facile posset, Gen. 3. 14. Inferiores autem partes potest. In summa, qua colluctatio & pugna inter Hominem & Serpentem futura esset, & nunc perpetua durat, declaratur his verbis. Nam homo petit caput ipsum Serpentis animalis (tāquam fontem vite illius) ut illud conterat sicque Serpentem necet, & exstinguat. Serpens autem animal petit calcaneum hominis (qui est sustentaculum corporis totius) ut eum feriat, sicque hominem deiciat, & tandem occidat. Ergo maior ab homine serpenti plaga infligitur, quàm homini à serpente. Quæ quum anagogicè ad fideles, & Satanā (cuius fuit Serpens ille typus) referuntur certe quauis, ratione naturæ Satan, utpote angelus, & Princeps æris sit fortior homine, & contra eum de loco superiore pugnet, Ephe. 2. 2, & 6. 12: tamen homo fidelis, quia Spiritus Christi sit per fidem particeps, fortior est Satana, ratione istius Dei in se gratia, eumque iam à Christo sub pedes suos contritum, & fractum ligant iidem fideles, vincunt, & superant, ut est Psal. 91, Math. 12. 29. Rom. 16. 20: ut iam letaliter Homini nocere Satan non possit. Q. Cur præ-

termiffa eft pœna Diaboli, dum Deus peccatum Homi-
nis puniret, quum Diabolus fuerit verus peccati illius
autor & fuafor, Apoc. 12.9. R. Quoniam de
Diabolo nulla mentio facta fuerat à Mofe, idcirco pœ-
na Diaboli ab eodem eft prætermiffa. Præterea quem-
admodum recte monet Auguftinus Genef. ad liter. lib.
11. cap. 36, quod supplicium in Serpentem Animal à
Deo fuit pronuntiatum, eifi primum quidem in ipfum
Serpentum genus quadrat verè, & naturaliter: typicè
tamen & figuratè conuenit etiam in Diabolū, cuius fuit
inftrumentum Serpens. Itaque Deus Serpentem non
interrogat, cur id fecerit, quod egerat, quoniam ſciebat
Deus Serpentem id minimè operatum eſſe per ſe, & in
ſua natura, ac voluntate: ſed Diabolū de illo potius per
illum, & in illo ſeduxiſſe homines. Quāobrem id, quod
Serpenti dicitur, ait idem Auguſtinus, & ad eum, qui
per Serpentem operatus eſt, utique refertur. Ergo illud
ipſum, quod Semen mulieris conterit caput Serpentis,
quum ad Diabolum accommodatur, oſtendit Chriſtum
(verum ſemen mulieris, & quidem ſolius) vires, & re-
gnum Satana euertere ac contere, & pios omnes, qua-
tenus illi incorporantur Eph. 3.6, idem poſſe per fidē,
& Chriſti Spiritum, contra quem ne portæ quidem o-
mnes inferi quicquam valent, ac poſſunt, Mat. 16.18.

Q. Cur à primis illis parentibus & culpa, & pœna
primi iſtius eorum peccati tranſiit, tranſitque in ſingu-
los homines, id eſt, in eorum poſteros. R. Quoniam
Adamus & Eva totum genus humanum representa-
bant, promiſſionesq̃, uti & minas, non ſibi ſolis, ſed &
poſteris quoque ſuis vel ſaluti vel exitio futuras acce-
perant,

perant, idq; ipsi intelligebant. Ergo his duobus, qui fuerunt reliqui generis humani totius fons, corrumentibus, corrumpit quoque totum genus humanum: ijs reis coram Deo effectus, reum quoque redditum fuit totum genus humanum: ijs pœne obnoxius, tota quoq; natura & massa humana eidem pœna facta est obnoxia. Neque enim alius ex peccatore, quàm peccator nasci potest: nec rivus alius ex fetido fonte, quàm fetidus fluit, Job. 14. 4, Jac. 3. 12. Unde à Paulo omnes & singuli homines dicuntur peccasse in Adamo, id est, rei primum coram Deo redditi esse: Deinde ex eodem illo participes pœna facti, Rom. 5. 12, Psal. 14. 1, & 51. 7. Quare non tantum pœna, sed & culpa ex Adamo in posteros transijt: ac primum quidem culpa, postea pœna, ne immerentes eam pœnam ferre posteri videantur: quæ duo peccatum originale nominatur. Ergo ex corruptis parentibus nati sunt, ac nascuntur (& quidem æquissima lege & naturali) liberi corrupti, & peccatores. Vide Lombard. lib. 2. Sentent. Distinct. 30, & 31. per totum.

Q. Cur in Bruta Animantia, reliquasque Mundi huius partes transijt quoque huius primi peccati effectum, & pœna? R. Quanquam neque Bruta Animantia peccarunt proprie, neque etiam reliqua huius Mundi partes, utpote ἀνομα: tamen quoniam sunt res hominum peccatorum, & pars destinata dataq; ijs à Deo familia, effectum quoque peccati & hominum in Deum rebellionis sentiunt. Nam in crimine presertim laesa Maiestatis non solum criminis autor, sed & liberi eius, & tota rei consuetudineq; hominis familia punitur. Ex quo evenit, ut, quemadmodum ait Paulus Rom. 8. 19. res

creata sint vanitati subiecta, non sua sfonte, sed propter hominem, qui subiecit eas isti vanitati Quare rectè & meritiò illa quoque peccati effectum sentiunt. His autem explicatis, accedamus ad tertium caput, quod continet promissionem futuri Messie factam primis Homi-
nibus post eorum peccatum.

Ad III. Promissio Messie post peccatum.

Queritur, Verum hac verba Dei, [Et semen Mulieris conteret caput Serpentis, Gen. 3. 15.] promissionem de futuro Mundi Seruatore & Messia Christo contineant. R. Dubitari non potest quin hac Dei verba tunc fuerint, atque adeò etiamnum sint, hodie magna non tantum Eue, sed & Adami quoq; & omnium hominum contra Serpentem, & Serpentis impulsorem Diabolum consolatio & victoria. At illa nequaquam eiusmodi esse possunt, nisi propter aliquem; qui nò modò sit ipse superior viribus, quàm Homo: sed etiam quàm Diabolus, cuius caput conterit, Math. 12. 29. Nam nec inferior Diabolo, nec par ei tantum eum vinceret. Ergo fortior eo sit oportet quicumque eum per sese vincit. Atqui Diabolus est naturâ Angelus: Quare Angelica natura potentior esse oportet eum, qui Diaboli regnum sit euersurus, & veteris istius Serpentis caput contriturus. Iam, verò sola Divina natura est maior quàm Angelica. Quamobrem Deus sit necesse est ille de quo promissio tam excellens sit hoc loco. Sed & Homo quoque sit oportet, quoniam est Semen Mulieris. Ergo ut promittitur his verbis, qui & Deus & Homo futurus erat, unus & idem una persona. Iam
verò

verò qui est eiusmodi, non solum ipse potest & viribus, & aequitate caussa (utpote in natura humana plenè satisfaciens Deo pro natura humane peccato Heb. 2. 14. 16) vincere Satanam victorem Hominis: sed etiam alijs hominibus vires sumministrare (quatenus fide sibi coniunguntur, sui que Spiritus fiunt participes) ad superandum eundem seu Satanam, seu Diabolum. Porro qui talis est (nimirum & pro hominibus Deo plenè satisfaciens, & vires illis ad conterendum caput istius Serpētis suggerens) proculdubio is & Messias, & Mediator, & Seruator noster est, Rom. 16. 20, Ephe. 4. 16. Ex quo fit, ut illis Dei verbis & promissione verus Messias hominibus fuerit demonstratus: hominumq; salutis, & cum Deo reconciliationis fundamentum, & caussa explicata: denique plena cōsolatio ipsdem proposita: ac proinde Dei Filius Dominus noster Iesus Christus fuit his verbis promissus. Huic verò cōsentit, aut potius hanc nostram sententiam confirmat hoc dictum Ioannis Apoc. 13. 8. Christum esse illum Dei Agnum, qui mactatus fuit iam inde à iactis Mundi fundamentis, Item Augustinus lib. Quæst. Veteris & Novi Testamenti cap. 3. sub finem: [Priores, inquit, ergo omnes, quotquot fidem habuerunt vnius Dei (quam Saluator predicauit) iure Christiani dicendi sunt. Ab initio enim Saluator venturus promissus est. Vnde Ioannes in Apoc. ait, Agnus, qui occisus est à constitutione Mundi.] Eodem pertinet, quod tractat, disputatque idem Augustinus lib. 2. de Gratia contra Pelagium, cap. 26 & 27: & est apud Ioannem 8. 58. Q. Quid significant hæc verba, [Semen Mulieris.] R. Nonnulli

existimant de solo Christo ea esse intelligenda, quoniam unus ille ex solius Mulieris semine, absque coitu viri & masculi conceptus est. Nam ex Maria Virgine natus est Christus, Math. 1, Luc. 1, quicquid impij & impostores Turce ad eleuandam tanti miraculi fidem, mentiantur multos esse inter se ex Virginibus fœminis, & absque semine virili natos. Alij eadem, hæc verba ad omnes in uniuersum homines extendunt. Alij deniq; ad solos fideles & electos Dei. Certè propriè & per se ad unum & solum Christum ea pertinent: communicatiuè verò ad alios homines, & quidem omnes, quatenus de capite Serpentis animalis conterendo literaliter sumuntur: ad solos autem fideles, quatenus eadem illa verba anagogicè de Diaboli veteris Serpentis regno euerrendo dicuntur, & intelliguntur. Nam omnes homines Christo communicant, quatenus homo est: soli autem fideles eidem cōmunicant, quatenus Christus est & Messias. Porro ex eo apparet etiam Semen humanum (ex quo, uti ex Semine mulieris Homines naturaliter procreantur) in his verbis [Semen Mulieris] generaliter contineri: sed quia mulier à Serpente decepta ipsa fuerat, idcirco in eius consolationem dixit Dominus [Semen Mulieris.] Item Christum (cuius beneficio homines alij hoc habent) solius mulieris, non etiā viri Semen futurum fuisse, ex his Dei verbis facillimè, verissimeq; colligitur & efficitur. Q. Cur statim addita factaq; fuit à Deo promissio de Messia: non autem in longum tempus dilata, postquàm nempe pœnam sui peccati homines sensissent. R. Deus quemadmodū iustus est, ita & misericors, Exod. 34. 6. 7: imò & Hominum fau-

fautor & *παράκλητος*, *Ti. 3. 4. Osè 11. 4.* Ergo uti quâ iustus, pœnam hominibus statim post eorum peccatum denuntiavit: ita, quâ Misericors, consolationem, ac salutem seu liberationem ab ista miseria promisit, & fore declaravit. Quare summa quadam in genus humanum charitate Messiam illum, id est. Filium suum ijs promisit hominibus, etsi hostibus & inimicis suis, *Ioan. 3. 16. Rom. 5. 8.* Q. Cur Deus homines peccatores servare voluit, ac redimere: Diabolos autem peccatores noluit. R. Gregorius Magnus lib. 4. *Moralium*, cap. 9. sic scribit, [Est adhuc aliud propter quod & perditus homo reparari debuit, & superbiens Spiritus seu Angelus reparari non possit, quia nimirum Angelus suâ malitiâ cecidit: Hominem verò aliena prostravit.] Verum Lombardus lib. 2. *Sentent. dist. 21. cap. 5. & 6.* magis perspicuè hoc ipsum, atque his verbis, [Homo, quia aliqua, licet modicam, cadendi occasionem habuit, idcirco per gratiâ iuvvari potuit ad veniam, ut qui per alium ceciderat, per alium erigeretur. Qui ergo incitatore habuit ad malum, non iniuste reparatorem habuit ad bonum. Diabolus verò, quia sine alicuius tētatione peccavit, per alium, ut surgeret, iuvvari non debuit: nec per se potuit. & ideo irremediabile peccatum eius exitit.] Alia quoque est causa huius Dei consilij, quam ex Athanasio sumpsit, explicatque idem Lombardus ibidem, [Præterea, inquit, Angelica natura, quoniam non tota perierat, sed ex parte perstiterat, non est redempta. Humana verò tota perierat, & ideo ne penitus perderetur, ex parte redempta est.] Et hæc vera sunt. Iam venio ad quar-

turn caput, quod est de mutato nomine fœmine hominis
seu uxoris Adami.

Ad IIII. Mutatio nominis Mulie- ris Primæ.

AC primum queritur, Cur Adamus uxoris sue
nomen mutauit? *R.* Ut immutata eius conditio, &
dispar a superiore intelligeretur. Prius enim *Ischa* tã-
quam par marito, id est, *Virissa* vocatur, uti maritus
ipsius *Isch*, id est, *Vir*, dicebatur, *Gen.* 2. 23. tanquam
fœmina sicut nomine, ita potestate viro par esset, & æ-
qualis. Sed iam postquam per peccatum viro subiecta
fuit fœmina seu uxor, illique iam non par, sed subdita
Gen. 4. 16. nomen illi immutatum fuit. & pro [*Ischa*]
vocata est [*Chaua*] id est *Eua*, quemadmodum *Græce*
conuertit *Paulus* 1. *Tim.* 2. 13. ex communi receptaq;
iam inter *Iudeos* ipsos *Græcè* loquentes terminatione
& sententia. Dicitur autem disertè *Adamus*, non au-
tem *Deus*, hoc nomen uxori suæ, velut illius iam caput
& Dominus imposuisse, *Gen.* 3. 20. 1. *Cor.* 11. 3. Fuit
enim *Dominorum* nomen rebus sibi subditis imponere,
Gen. 2. 19 quemadmodū antea docuimus. *Q.* Quid
vox [*Chaua*] seu *Eua* significat. *R.* Cur sic nomi-
nata fuerit *Homo* fœmina à marito, diximus suprà in
Historia. Quid vox hac significet, nunc est explican-
dum à nobis *Chaua*, ut omnes *Hebraicè* eruditi norūt,
significat *Viuentem*, quòd omnium hominum futurorū
mater esset *Eua* futura: & ut lucē illum uxoris, quòd
posteris suis mortis causa extitisset, minueret *Adamus*.

Ergo.

Ergo quæ [Mota] seu [Maueta] id est, causa mortis ex ipsius peccato dici potuit: ex spe futura ex ea prolis, & Dei benedictionis, Eua potius fuit appellata. Miror autem quid Philoni Iudæo venerit in mentem, ut in libro de Nominibus Hebraicis scriberet, Euam [Va] vel [calamitatem] notare. Cui Iosephus perspicue lib. 1. cap. 2. Antiquitat. Iudaic. contradicit, & rectè.

Q. Quando sic ab Adamo Homo femina seu uxor nominata fuerit, Vtrum ante ipsius Eua peccatum, an demum postquam defecit à Deo, & eius voluntas marito subdita à Deo fuit. R. Nonnulli existimant Mulierem sic etiam ante peccatum fuisse vocatam (in quibus est Iosephus lib. 1. cap. 2. Antiquitat. Iudaic.) & Ischam dictam propter dignitatem illius supra cetera animantia: Euam verò seu Chauam proprio nomine. Tamen ex Genes. 4. 20. videtur verius colligi posse, eam id nominis demum postquam peccauit, sortitam fuisse, nec ante lapsum suum fuisse binomiam: sed tunc Ischam duntaxat dictam, Gen. 2. 23. Postea verò Chauam solum. Q. Num superbior fuerit ista mulieris appellatio, quam par esset, dum Chaua, id est, Viuens, nullo addito epitheto, & distinctione nominatur ista mulier. R. Dum Viuens appellatur Mulier & Chaua, eiusmodi nomen illi tribuitur. ut futura et ea benedictionis, posteritatis, ac sobolis spes, promissioq; Dei refricaretur illi, & ex ipso suo nomine ad consolationē proponeretur, & obuersaretur ante oculos, Hebr. 12. 9: non autem ut causa ipsa primaria vite posteris esse suis Eua agnosceretur, & censeretur (cuius, vite sunt uterque Parens causa duntaxat instrumentalis)

non item ut essentiatrix futurorum postea Hominum statueretur. Hoc enim est proprium unius Dei. Itaque non est appellata eo vocabulo, quod thema & originem cum voce & nomine lehoue (quod unius Dei peculiare est) communem haberet: sed quod cum animantibus eandem vocis radicē apud Hebraeos retinet. Animal enim ab Hebrais voce [Chaiā], que ab eodem verbo derivata est, appellatur. Iam vero de quinto capite, in quo primus Hominum Vestitus continetur agamus.

Ad V. Vestitus Hominum Primus.

Queritur, Cur homines suae nuditatis post peccatum puduit, cuius eos ante peccatū non pudebat, neque aliud membrum in se, quā Dei opus, id est, à Deo ipso recens factum cernerent? R. Augustinus lib. 11 Gen. ad liter cap. 34. scribit, Deus nō permisit homines ante peccatum suum advertere nuditatem suam, eorum intentionem in superna sustollens, nisi quum post peccatum pudendum in membris motum poenalis membrorum lege sensissent. Quod ipsum fusiùs lib. 14. Civit. Dei, cap. 16, & 17 explicās, sic ait, [Sicut scriptū est Gen. 2. 25, *Nudi erant, & non confundebantur homines,* non quòd eis sua nuditas esset incognita: sed turpis nuditas non erat, quia nōdum libido membra illa prae arbitrium commovebat: nondum ad hominis inobedientiā redarguendam sua inobedientia caro quodammodo testimonium perhibebat. Cognoverunt, ergo quia nudi erant, nudati scilicet eā gratiā, quā fiebat ut nuditas corporis nulla eos peccati lege menti eorum repugnante, confunderet. Proinde confusi inobedientiā carnis suae,

sanguam teste pœna inobedientiæ suæ, consuerunt folia
 fici, & fecerunt sibi campestria, id est, succinctoria ge-
 nitalium.] Hactenus ille. Quare non puduit homines
 illos primos, quatenus membra sui corporis omnia, Dei
 esse opus agnoscebant: sed quatenus in ijs motum iam a-
 liquem turpem, & suæ conscientia reliquis scintillis ad-
 uersantem senserunt. Id quod primum in membris ge-
 nitalibus suis manifestè perceperunt: (atque hic motus
 libido venerea nominatur, ut vult idem Augustinus)
 ac proinde primum ea membra ipsimet homines, quan-
 tum potuerunt, texerunt, uti & nunc tegunt quoq;: imò
 natura quoque ipsa postea textit obiectis illi corporis
 parti ac inductis densis pilis, ut apparet 1. Cor. 12. 23.
 Deinde etiam in cæteris corporis sui membris nudis i-
 dem viderunt quiddam propter suam iam infirmitatem
 & imbecillitatem Dei imagini indecorum, fragile, ca-
 ducum, ac inanis, quam in alijs animantibus etiam bru-
 tis (quæ natura pilosa tunc erant) robustum & firmum:
 Id quod ipsum in sese quoq; esse pœnam peccati sui pri-
 mi illi homines cognouerunt. Sic enim fuerunt, se ipsos
 cernentes nudos affecti, ut solent affici homines nudi sub
 oculis aliorum hominum: & talis affectio & pudor de
 Peccati pœna erat Gen. 3. 7, Iob. 1. 21. At hæc omnia
 nec erant in homine ante peccatum, nec ab eo quoq; sen-
 tiebantur: ac proinde ante peccatum eos suæ nuditatis
 non pudebat. Q. Cur Deus ipse Homines vestie-
 rit, eos autem ipsos sibi reliqui corporis vestimenta, &
 integumenta, (quemadmodum Genitalium membrorum
 iam fecerant) querere non fuit: aut nudos in perpetuum
 esse non permisit & voluit? R. Etsi Iosephus lib. 3.

Antiquitas Iudaica non meminit vestimentorum à Deo primis hominibus confectorum: verbum tamen Dei disertè eos à Deo ipso post peccatum vestitos fuisse docet, Gen. 3. 21. Quare Deus eos ipse vestiuit, idq; summe in homines benignitatis argumentum fuit. Primum, ne iniurijs & tempestatibus cœli, quæ propter peccatum futura erant, siveque maxima & tristissima, essent obnoxij absque ullo integumento & propugnaculo. Ergo Deus ijs vestimenta tanquam tecta quadam, ut inquit Plato, & presidia dedit aduersus tot mortis pericula, quæ è cœlo profluunt, & irruunt ubique in homines. Ea verò tecta sunt vestimenta, quæ com node secum circumgestarent, quorûmq; obiectu tutiores essent, ne statim nimio algore, vel aestu illi, eorumque posterius perirent. In quo incredibilis elucet, uti dixi, Dei in homines (qui recens ipsum offenderant, seque eius hostes prabuerant) q̄idavδ̄επιπλ. Deinde Deus ipse homines post eorû peccatum vestimentis operuit, tanquã eos iam cernere nollens, & opus in ijs suum (quod ab ipsismet erat corruptum & deprauatum) obtegens. Nam labefactato per peccatum corporis humani & robore, & valetudine, & firmitate, iam non videtur hoc ipsum corpus esse digna Imaginis Dei theca. Ergo fuit quodammodo tota ea theca occultanda, nisi in ijs partibus, quibus necessariò ad huius vite humane functiones assiduas egemus, quales sunt oculi, aures, nares, manus, os. Ceterum, eadem illa Dei immensa in hominem etiam sibi hostem, bonitatis, causa est, cur Deus hominem post peccatum noluerit permanere nudum id est, tam afflictum, & sibipsum alijsque aspectu fœdum & indecorum. Cur autè Deus
Ada-

Adamum & Euam non siuerit ipsos sibi querere aliarum quoque corporis sui partium vestimenta, ratio est, Quod quum illa ex pellibus vel pilis animalium essent conficienda & sumenda, non fuissent ausi primi homines statim post Peccatum, animalia attingere, qua iam sibi refractaria, triculenta, & inobedientia experiebantur. Præterea quum antea Deus non subiecisset homini Animantia in eum usum, Homo attentare ea in hunc quoque usum non potuit, nec debuit, ut ea excoriaret, & occideret, nisi hoc exemplo suo & in hominem beneficio Deus docuisset tacite se idem illud concedere hominibus in posterum, ut animalium pellibus & pilis se vestirēt ac proinde ea interficere in eum usum possent, quemadmodum & ad edendum seu vescendum. Hoc enim Dei factum fuit Lex subiecticq; imposita cæteris animantibus: & benigna iuris in eadem animantia concessio Homini, licet peccatori, facta de nouo a Deo. Malè tamen ex eo concluditur, feliciorē hominē conditionem ergo post ipsius peccatum extitisse. Id quod putat Iosephus: Fuit enim felicius non vestiri, quàm vestiri. Q. Vtrum Deus ipse animalia quadam, ex quorum pellibus vestes pelliceas faceret, occidit, qua postea excoriarit: an nouas quasdam pelles ipse creauit, non ex ullis animalibus detraxerit, quas ipsemet in vestimenta consuerit? R. Sive ipse Deus per se, sive per Angelos beatos vestes illas pelliceas confecerit, ac parauit, perinde est. Per se enim facere videtur, qui per alium facit. Certè pellibus recentibus & omnino scorteis, & adhuc sœtidis Hominem utrumque statim Deus inuoluit post eorum lapsum, tanquā mor-

tis odorem seu potius putorem naribus eorum obijceret,
 & eos his vestibus, tanquam ordinario quodā sepulcro,
 concluderet ac integeret, ut quæ sorditas & pavor mor-
 tis esset iam ex his exemplis discerent homines isti. Eas
 autem pelles nequaquam novas ex nihilo, vel ex terra
 Deus creauit: sed eas animalibus à se interfectis (sal-
 tem tunc mortuis) detraxit, quibus ipsis statim homines
 induit. Ergo hac ratione Deus homini & mortis ter-
 rorem incussit (quum sorditatem, horrorem, miseriamq;
 cadaueris illi in animalibus istis occisis proponeret) &
 vsum, iusque nouum in Animalia concessit. Itaque hoc
 Dei exemplo, (quod fuit velut praeceptum à Deo datū
 Homini) admoniti postea homines animalibus, eorum-
 que pellibus sunt vsi ad esum, & vestitum suum, tanquā
 cibis in eum finem creatis, & sibi à Deo benignè tradi-
 tis, & concessis, 1. Tim. 4. 3. Q. Cur ex pellibus
 Animalium potius, quàm ex folijs arborū, velut ficus,
 Palma Christi, qua vocatur Cucurbita terrestris con-
 textis (quod sine cade fieret) vestimenta fecit Deus ho-
 minibus. R. Hieronymus lib. 1. Epistolarum, Epist.
 de Vita Pauli Eremitæ, scribit Paulum istum Mona-
 chum vestem duntaxat ex folijs palmarum contextis,
 & inter se cōsutis habuisse, quam Antonius Monachus
 postea gestauerit: non autem vestem ex pellibus anima-
 lium. Nam ait idem Hieronymus, [Cibum, & vesti-
 mentum ei Palma prebebat.] Verūm duobus de causis
 Deus ex istis folijs vestimenta homini nō confecit: Pri-
 mū, quod huiusmodi materia nō erat ad prohibendas
 diuturnas cœli iniurias satis firma & robusta. Itaque
 solidiore fuit opus, ac duriore, qualis fuit quæ ex pelli-
 bus

bus animalium nondum expolitis, & pilo nudatis tangebatur. Hoc autem vestis pellicea genus rude, impolitum, & ἄτρυον Iulius Caesar lib. 6. Comment. de Bello Gall. Rhenones appellat, Germanica voce. Deinde, ut hoc exemplo suo Deus ostenderet Hominibus licere, & quidem ex ipsius beneficio, uti animalibus brutis ad vestitum, & ad victum. Nam absque hoc nouo Dei beneficio neque potuissent, neque ausi fuissent homines iis in eum finem uti, eaque villo prorsus modo attrectare.

Q. Vtrum primi Homines post peccatum (nam ante peccatum solis herbis & fructibus arborum utebatur) & ante Diluuium carnes animalium comederint. R. Grauis questio, & scitu non modò iucunda. sed etiam, propter Manichæos hæreticos, & Pythagoreos Philosophos (qui carnes animalium edendas esse negant) necessaria. Certe, quanuis de ea non habeamus expressum in Dei verbo testimonium, facit tamen rationum, quæ proferuntur, vis & momentum, ut fateamur deffendamusque veram esse eorum sententiam, qui existimant, homines statim post peccatum carnem Animalium comedis. Prima verò huius rei ratio est, quòd quum ad vestimenta sibi conficienda homines statim post peccatum seu lapsum suum, atque ante Diluuium Animalia occiderent, eaque excoriarent, id est, pelles iis detraherent, Gen. 3. non siuerunt animalium a se interfectorum carnes inutiliter perire, præsertim eas, quibus vesci cõmodè, id est, & cum valetudine, & cum voluptate poterat, quales sunt carnes Agnina, Ovina, Vitulina, Bovina, Capreolorum, & cetera huiusmodi. Deinde ante Diluuium, & statim post peccatum (saltem grandiore

iam factō Abele) Homines pastores fuerunt, & greges pecudum, & armenta pecorū aluerunt, Gen. 4. Quorsum verò? An tātūm ut lacte ex illis vescerētur 1. Cor. 9. 7: non etiam eorundem carne, si vellont? Quorsum enim tantus pecorum numerus ab uno homine pascere-tur? Præterea non omnia animalia lac habent. Ergo & ut lacte, & ut carne animalium, quæ pascebant, uteren-tur, Pastoritiam artem excoluerunt, primi Homines ante Diluvium. Tertia ratio est, quod statim post pec-catum, & ante Diluvium homines Animalia Deo sa-crificarunt: Ergo ex animalium carne ederunt Nam ex quo Animalium genere Deo sacrificabant homines, ex eodem edebant quoque Dent. 14. 12, Levit. 7. (ex-cepto postea, sed peculiari præcepto, holocausto tātūm) Ex quo factum est, ut sub Lege Dei sacrificātes homi-nes ex suis sacrificijs, .i. carne sacrificata, seu ex Ani-malium à se oblatorum parte vescerentur quoque, & quidem in medio Dei templo, & iussu Dei, Lev. 3. 6, 7, Deu. 12. Vnde illud est Athenai lib. 1. Dipnosoph. ex Epicharmo vetustissimo Poeta, ἐκ τῆς θύρας δοῖνν, id est, Ex sacrificio conuiuia manasse. Sed & mundorū atque immundorum animalium distinctio, quæ fuit an-te Diluvium, & ad victum & ad sacrificium similiter pertinuit, ut scirent homines quibus animatibus vesci, & sacrificare Deo possent. Atque hæc causa est cur in Diluvio Deus etiam animalia Bruta exstinxit, nempe quod ea Deus concesserat hominibus ad victum. Itaque quum Deus homines dele-ret, & ea quoque necavit, quæ hominum vitæ sustentandæ necessaria erant: & quum homines restituit Mundo, eisdem quoque animalia ve-lut no-

lut noua reddidit, & ius, ut prius, in eadem illa concessit. Denique non fuit post peccatum & ante diluuium purior hominum vita, quam est sub Euangelio, & Apostolorum D. N. Iesu Christi tempore. At Apostoli carnes animalium etiam ex Dei praecepto comederunt Act. 10. 13. Cur non igitur primi homines illi, qui ante diluuium vixerunt? Verum obstat, quod id disertè factum esse nusquam tradit S. Scriptura. Sed neq; eadem memoria prodidit eosdem illos homines illo tempore vixisse frumētō, bibisse aquā. Ergo frumento (quod ex terra cultura tunc nascebatur) homines illos victitasse, vel aquam bibisse minimè credendum est. Cur igitur erant agricola Adamus, & Cainus? Sed & obicitur Gen. 9. 3. ubi post eluuiōem Mundi vniuersalem primum videntur Animalia fuisse Homini à Deo in cibum concessa. Respondeo verò non tunc primum ea homini in victum fuisse data: sed illic reperi, aut potius confirmari (nempe quia nouus quodammodo videbatur ille Mundus restitutus) ius vetus, quod iam hominibus tribuerat Deus. Simile exemplū extat Gen. 8. 21. 22, videlicet de futuro Mundi in posterum ordine eodem, qui in priore Mundo, id est, ante aquarum diluuiōem fuerat. Quid si dixero amplificatam fuisse Gen. 9. 3. Dei concessionem de esu Animalium, à Deo prius factam, additaq; illi fuisse reptilia, quales sunt Pisces, & Aues pleraq; & testudines, quibus antea vesci non solebant homines, utpote animantibus à terra (in qua ipsi habitant) cognatoq; sibi elemento secretis, & velut in alio quodam Orbe habitantibus? In summa sic sentio homines ante eluuiōem carne vesci & potuisse, & solitos

fuisse. Et hæc de Primo vestitu Primorum hominum.
Nunc de eorundem eiectione ex Edenico Paradiso.

Ad VI. Eiectio Primorum Hominum ex Paradiso.

Queritur, Cur Deus hominem (quem & iam punierat, & ex Horto eiebat) irridet etiam amarè, Gen. 3. 22, [Ecce homo euasit sicut unus è nobis] quæ afflictio non sit afflictio danda, & cumulanda, Psal. 69 26, & 109. 16. R. Oportuit Hominem seriò pun- gi, & de suo peccato admoneri, illiq; mendacia Satana (à quo se decipi passus erat) detegi. Pœna ergo à Deo prius inflicta Homini, fuit admonitio de fœditate & gravitate peccati ab ipso perpetrati. Irrisio verò, & σαπνασιν iste, qui fuit additus [Ecce Homo euasit, &c.] fuit manifesta mendaciæ Satana demonstratio, quæ tunc Hominibus facta est à Deo. Vim autem & pondus maius habuit hæc Dei oratio homines irriden- tis. Nam hac ratione magis stupidum, & superbum illum Adamum perstrinxit Deus, & pupugit. Verùm sicut à Deo dictum fuit Adamo reo [Ecce homo:] sic innocenti Christo, peccatū Adami expianti dictum est à Pilato, postquā eum irrisum Pilatus flagellis penè excoriatset, [Ecce Homo] Ioan. 19. 9. Q. Quādo eiecti fuerint primi homines post suum peccatum R. Incertum est. Eodem tamen die eiectos fuisse, quo pec- carunt, verisimile est, ne si post peccatū in eo Horto diu remansissent, de fructu Arboris vite māducarent. Ergo statim depulsi sunt ex eo loco Gen 3. 22. Q. Quam in mundi

in mundi partem à Deo deducti sunt primi illi Homines ex Edenico horto eiekti? R. Nonnulli putant in Damascenam regionem, ex cuius terra & solo, aiunt, desumptus fuerat. Ait enim Moses Gen. 3. 23, dimissum à Deo fuisse Adamum in eam terram, ex qua desumptus fuerat. Verùm quis eos ista docuit, Nimirum Adamum in Damascena regione fuisse conditum à Deo, & ex illius terra humo, solo, seu pulvere desumptum? Deinde quod generaliter dixit Moses de terra ab homine colenda, restringunt isti ad certi loci solum & terram. Alij in terram Cananeam deductum à Deo Adamum malunt, propterea quòd, aiunt, in urbe Hebrone mortuus est Adamus. Sed quis hoc illis reuelauit? aut unde hoc habet? Quid igitur? ex ipso Mose Gen. 3. 24 apparet Adamum & Euam ex Edenico Paradiso expulsos, à Deo collocatos fuisse in Orientali Mundi regione, & anteriore istius Horti parte. Quæ prima igitur Mundi plaga ab hominibus habitata, cultaq; fuit, ea fuit Oriens Orbis terrarum. Q. Cur Deus ad custodiendum hortum, arcendosq; ab eo homines omnes constituit Cherubinos, id est, Spiritus ignota homini facie potius, quàm Angelos, id est Spiritus nota & familiari homini facie & vultu? R. Vt magis omnes homines terreret Deus, Angelos & Spiritus eiusmodi vultu illic ad prohibendum aditum Horti collocauit, id est, forma ignota, horribili, & tremenda. Nam si Spiritus facie & forma hominibus nota fuissent in Horti constituti, non sic, nec tantum homines perterrefecissent. Q. Verum etiã pecudes ab aditu Horti Cherubini illi post Hominis peccatum prohibuerunt?

R. Incertum quidem est: non puto tamen Cherubin prohibuisse pecudes, quominus in Hortum ingrederentur, eumque conculcarent, & velut prophanarent, etsi illius aditus hominibus interdictus erat. Et hac quidem haecenus. Nunc ad caput 7. historia veniamus, quod est de prima generis humani propagatione.

Ad VII. Propagatio prima Generis Humani.

Quaritur, Quo etatis anno, aut quo primum tempore seu die Adamus cognoverit uxorem suam, utrum in Paradiso Edenico, an postquam ex eo fuit eiectus: Vtrum ante peccatum, an demum post peccatum. R. De Setho quidem Adami filio, quo etatis Adami anno susceptus ab eo ex Eva fuerit, commemorat, agi q̃, S. Scriptura Gen. 5. 3. De alijs autem (velut Caino & Abele) eius filijs nihil traditur. Potuisse quidem Adamum in Edenico horto, & ante peccatum cognoscere uxorem suam, antea demonstratū est à nobis: imò etiam fortasse cognovit. Verum utrum in eo loco, & eo tempore, id est, antequā peccasset, conceptus fuerit Cainus, ex Dei verbo nequaquam apparet. Alij quidem aiunt, alij verò negant. Ego verò eorum accedo sententia, qui volunt demum post peccatum, & eiectum ex Edenico Paradiso Adamum & Euam Cainum fuisse conceptū. *Q.* Vtrum ante Cainum alij liberi Adamo nati sint, sed mortui, & non superstites. *R.* Nec hoc ipsum tradit S. Scriptura, nec verisimile est alios ante ipsum fuisse susceptos. Idcirco enim eum Cainum Eva mater

nomi-

nominauit quòd is primus ex se natus esset, eúmque sibi Deus primùm dedisset seu cōcessisset, Gen. 4. 5. adeo ut in ipso Caini nomine notetur Eua desiderium de suscipiendo ex se saltem aliquo: quem quum Eua Deus esset post longam ipsius exspectationem largitus, eum Cainū ex Dei in se beneficio vocauit Eua. Ex quo colligi potest satis diu Adamum & Euam simul absq̃ liberis vixisse: neque Cainum illis statim atque è Paradiso eiekti sunt natū, ac procreatū fuisse. Q. Cur Cainus, Abel, & Seth sic nominantur à suis parentibus Adamo, & Eua? R. Cainus dictus est à beneficio Dei, quòd eum primùm suscepissent, primi homines, & acquisiuisissent, seu potius possedissent à Deo, sibi concessum, Genes. 4. 1. Ergo in eo primùm senserūt vim illius Dei benedictionis [Crescite, & multiplicamini:] Euáque se primùm in eo vidit verè Chauram & matrē. Ergo sese consolata est mirificè. Nam leta de partu suo, etiam in ipso Caini nomine notauit potius Dei beneficium, quàm partus sui dolores. Imò docet hæc appellatio filios omnes, quos ex coniugio suscepimus, esse Dei donum. Verùm in Abele aliud est obseruandum. Nam [Abel] dictus est, id est, luctus, vel quodam spiritu prophetico, quasi qui postea magnum utrique parenti suo luctū, & mœrorem ob immaturā mortem esset allaturus: vel quòd in secundo partu maiores, quàm in primo, dolores Eua sensisset. Id quod omnes mulieres nunc quoq̃, experiuntur: nam in secundo, tertioque puerperio grauius affliguntur, quàm in primo. Itaque à sensu doloris istius tristissimi, quem experta erat, Eua in hoc secundo partu & filio suo adendo, eum Abelem nominauit, Gen. 4. 2. id est, fi-

lium doloris. Porro Sethus dictus est, quasi Repositus & restitutus. Quum enim hic loco filij Abelus iam occisus esset Adamo & Eva à Deo substitutus, & velut redditus, repositusque, vocatus est à Parentibus seipsos consolantibus, & Dei beneficium in se agnoscentibus, [Sethus] .i. Restitutus, à quo est tota, qua postea secuta est, Dei Ecclesia in Mundo propagata Gen. 5. 3. 4. 5. & deinceps. August. lib. 15. Civit. Dei, cap. 17: [Quum ergo esset Adam, ait, utriusque generis pater (id est, & cuius series ad terrenā, & cuius series ad cœlestem pertinet civitatem) occiso Abele (atque in eius interfectione commendato mirabili Sacramento) facti sunt duo Patres singulorum generum, Cain & Seth: in quorum filijs, quos commemorari oportebat, duarum istarum civitatum in genere mortalium evidentiùs indicia clarere cœperunt.] Ergo Cain improborum societatis Pater est, qui terrenam quoque condidit civitatē. Seth verò, qui Resurrectio, ait Augustinus, interpretatur, Ecclesia Dei, bonorumque societatis est stirps & pater, qui Enoschum procreavit eum, qui in cœlum à Deo raptus est. Nam qui verè sunt Ecclesia Dei, cum Christo resurrexerint necesse est, ut in cœlum raptantur. Q. Utrum præter hos tres, alios liberos Adamus & Eva susceperint, masculos vel fœminas: an hos tres solum? R. Utrum inter Abelem & Cainum alij liberi internati sint Adamo, & interpositi: itemque Utrum post eos alij sint ab eodem ex Eva procreati, nō deffinit S. Scriptura. Philo tamen Iudeus in Biblicis Antiquitat. sic scribit, [Initio Mundi Adam genuit tres filios, & unam filiam, nempe Cain, Noaba, Abel, &

& Seth. Et vixit Adam postquam genuit Seth annos
 D. CC. & genuit filios duodecim, & filias octo. Et hæc
 sunt nomina virorum, Aeliseel, Suris, Aelarniel, Bra-
 bal, Naat, Harama, Zafam, Maathal, & Anath.
 Et hæc filia eius, Phua, Ieflas, Arebica, Siphatecia,
 Sabaasin.] Qui locus Philonis planè corruptus est:
 nam nec duodecim masculorum nomina habet, nec octo
 fœminarum. Præterea in numero annorū vite Adami
 post natum Sethum, mendum est. Nisi fortè eos tātūm
 liberos Adami nominavit Philo, quorum appellationes
 ex veteri traditione supererant, nō autem omnes. Certè
 nec Cainus ducere uxore potuisset, nec Sethus, si Ada-
 mus alios nullos liberos omninò suscepisset, quā quos
 recitat Moses. Nullas enim fœminas cōmemorat: quas
 ex eo tamen nasci oportuit, ut & Cainus, & Sethus ma-
 trimonium contraherent. Nec enim ex Caini stirpe du-
 xit uxorem Sethus: sed ex familia ipsa Adami, sorore
 nempe suam. Nam Gen 6.2, damnantur ij p̄y, qui ex
 Caini familia coniuges sibi acceperunt. Abel quoque
 nullam familiam reliquisse videtur, nec ullos ex se li-
 beros. Sethus enim in Abelis occisi, & absque liberis
 mortui locum à Deo substitutus, datusq; Adamo fuit.
 Vnde Sethus dictus est. Siqui enim ex Abelis interfe-
 cti stirpe filij remansissent, eum Adamo representassēt,
 & eius locum tenuissent, non autem Sethus minor eius
 frater. Deinde in familia Abelis Deus cōstituisset Ec-
 clesiam suam, quum Abel primum piorum & Electo-
 rum Dei exemplum à Christo ipso statuatur, & iustus
 appelletur Math. 22. 35: non autem in Sethi familia.
 Id quod tamen contigit, factum ē fuit. Ergo plures na-

ti sunt Adamo filij, quàm tres isti, quos enumerat Mo-
 ses. Id quod etiam contendit Augustin. lib. 15. Civit.
 Dei, cap. 15. Q. Quid hac Mosis de Setho ab A-
 damo creato loquentis verba significat Gen. 5. 3: [Ge-
 nuit Adamus filium in imagine sua, secundum similitu-
 dinem suam.] R. Nonnulli sic ea explicant, ut ve-
 lint ea pertinere ad formam externam, velut oris ve-
 nustatem, que fuit in Adamo, & illam compositionem,
 constitutionemque corporis pulcherrimam, qua Ada-
 mus à Deo conditus constabat, quam repræsentavit ad
 vinum Sethus. Quasi nempe neque Cainus, neque A-
 bel tam formosi fuisset, & similes Adamo patri, quàm
 erat hic Sethus, ex quo Deus postea genuit ac progeniit
 Ecclesiam suam. Verùm quum eadem phrasi sit usus
 supra Moses Gen. 1. 27, & 5. 1: que ad externam for-
 mam corporisve lineamenta pertinere non potest, certè
 neque etiam hoc loco sic est explicanda. Significat igitur
 ὡς ἦν illam, quam Philip. 2. vocat Paulus inter-
 nam, à qua res quaque naturam sortitur. Ergo quum
 post peccatum Homines nascentur peccatores, utpote
 ex hominibus peccatoribus, que in homine iam restat
 natura non est integra illa, incorrupta, lucidæque Dei
 imago, ad quam Adamus ipse primus homo fuerat cõ-
 ditus: sed est deformata ista, & penè deleta, quam Ho-
 mo, id est, ipse adeo Adamus post peccatum à se perpe-
 tratum reliquam habuit Colos. 3. 10. Ergo Adamus
 genuit Sethum filium suum ad imaginem tantum suam,
 id est, qualem (summo quidem Dei beneficio) retinue-
 rat post offensam suam (nimirum ne esset brutum pecus)
 & quam habent post peccatū omnes homines Ioan. 1. 9.
 (Hanc

(Hanc autem dat Christus omni homini venienti & nascenti in hunc Mundum) non autem ad imaginem illā primam & incorruptam Dei, quam Adamus ante lapsum habuerat, Sethum genuit. Q. Cur demum, quum de Setho agitur, dixit Moses Adamum genuisse filium ad imaginem suam: non etiam de Caino, & Abele idem scripsit, qui tamen, propter peccatum, & post peccatum Adami nō perfectiorem Dei imaginem portabant, quam Sethus. R. Hoc quidem verum est, & ex ipsa Caini vita & factis apparuit. Sed quoniam intra centum illos & triginta annos, post quos à creatione Adami natus est Sethus, malitia hominum, manifestè apparuit, & tunc Dei imaginis labefactatio in hominibus populariter cernebatur, denique tristissima peccati Adami effecta diffundebantur in Mundum: idcirco dixit Moses Sethum, & eos, qui post illud tempus ex Adamo peccatore nascebantur, ab eo perspicuè genitos fuisse ad suam, non autem ad Dei ipsius imaginem, ac similitudinem. Quinetiam ut melius clariusq; tanta hominum corruptio ex prioris status cum eo, in quo iam post peccatum sumus, comparatione intelligeretur, priusquā Moses id de Setho, & alijs postea natis diceret, breuiter & expressè priorem illam hominis conditionem repetit, & commemorauit, in qua primum à Deo fuerat conditus, Gen. 5. 1. 2. Quamobrem quū tanta iam labefactata Dei in homine imaginis signa extarent, scripsit Moses tunc in posteris & filijs Adami non eam aut tantam (quātam prius Adamus ipse habebat) remāsisse Dei similitudinem: sed eam duntaxat, quā post peccatum, Dei benignitate, retinuerat. Dein-

de hoc ipsum quoque eo maxime loco cōmemorasse videtur *Moses*, ut quum de *Setho* patre, & fonte futura in *Mundo Ecclesie* acturus esset, intelligeret & ipse *Sethus*, & eius posteris, se, quòd tales sint, solà Dei gratiâ existere, quoniam naturâ essent, & sint, sicut ceteri homines, corrupti, filij ira, & iam in *Adamo*, deleta Dei imagine, maledicti, *Eph. 2. 3.* Ergo ut electio illa Ecclesie, qua fit ex *Adami* posteris, perspiceretur, & agnoscat^{ur} etiam nū hodie esse gratuita, & ex sola Dei misericordia, & electione, *Deut. 6, Rom. 9, Malach. 1,* de prima Ecclesie origine, & distinctione dicturus *Moses*, ostendit eos ipsos (ex quibus & primum constituta est, & nunc restat Ecclesia) esse naturâ ceteris mortalibus pares, nempe deformes mente, corruptos, miseros, & damnatos. *Q.* Virum in primo illo seculo anni sterilitatis erant in fœminis *Anni* quinquaginta vel paulopost, quemadmodum, nunc, ut post eos annos fœmine concipere non possent, *Luc 1. 36.* *R.* Apparet Etiam illo seculo concepisse anno atatis sue *130.* (fuit enim coeua *Adamo* viro suo) nec id miraculo factum dicitur, (quemadmodum, de *Sara* uxore *Abrahami*, *Gen. 18. 10,* & *21. 1.* narratur) sed tanquam ordine naturæ & communi lege ceterarum Mulierum. Præterea satis intelligi potest ex alijs liberis, qui eo tempore suscepti sunt, ex alijs mulieribus, illas etiam post centum atatis sue annos concepisse. Quare qui anni iam sunt post diluvium steriles fœminis, ydem ante diluvium erant ysdem fœcundi. Sed post quā Deus vitam hominum coarctavit, ut apparet *Gen. 6:* sic etiā tempus fœminis ad concipiendum brevius, quàm antea, dedit.

dedit. Et hac quidem de prima generis humani propagatione. Accedamus ad primas hominum artes, & videamus ecquæ fuerint.

Ad VIII. *Primæ Hominum Artes.*

Queritur, Cur has primùm & potissimum Artes, nimirum Agriculturam, & Pastoritiam primi illi homines post peccatum exercuerunt, non autem alias, quæ postea tamen inuenta, & in usu fuere inter mortales, atque adeo nunc sunt. R. Etas artes præcipuè à primis hominibus post peccatum excultas fuisse dico, ex quibus victum sibi, eúmque naturalem & necessarium: non autem superfluum, sumptuosum, & cupidias compararent. Ergo Agriculturam, ex qua & frumentum, & terra fructus etiam ex arboribus perciperent, didicerunt Gen. 4. 1. Agricultura enim nomen extendo nō tantum ad ipsam aruorum culturam, nempe arationem & sationem, ut inde fruges proueniāt: sed etiam ad arborum curā, ut inde fructus homines perciperent. Audierat namque Adamus ex Dei ipsius ore post peccatum suum Gen. 3. 17: [Maledicta esto terra propter te, cum molestia comedito ex ea omnibus diebus vite tue.] Id quod ad omnem prouentum, qui ex terra fit, generaliter pertinet. Quare Agricultura hoc loco & Hortensem (quæ in herbis & arboribus colendis posita est) & Agriculturam (quæ propriè dicta est sita q̃ in arvis ferendis) complectitur. Hanc igitur artem excoluerunt Homines illi primi, ut & frumentum, & triticum, & arborum fructus, herbasque ad victum utiles, visi dixi, haberent. Verùm & Pastoritiam quoq̃ (qua

& in minoribus, & maioribus pecudibus pascendis ver-
 satur) ut inde carnes ad victum sibi necessarias habe-
 rent semper in parato. Quare quum hæ artes due vi-
 ctum eiusmodi, id est, naturalem & necessarium homi-
 nibus prebeāt, primæ quoque omnium & Dei beneficio
 cognita, & excolta fuerunt. Sic Abrahamus utramq;
 exercuit, Gen. 21. Sic Isaacus, Gen. 26. Reliquæ ve-
 rò, quæ ad delicatum hominum cultum & victum per-
 tinent, postea sunt reperta, atque ab omnibus probata,
 & usurpata. Q. Quomodo ista hominū servitus
 ac vilis status in pascendo pecore conveniat cum Psal.
 8. [Omnia subiecisti sub pedibus eius.] Turpe enim
 videtur ut homines pecorū domini, illis tamen serviāt,
 sintque addicti, quales sunt tamen dum ea pascunt, cu-
 rant, & sequuntur. R. Hæc tam abiecta conditio,
 ut rebus sibi prius subditis Homo iam post suum in-
 Deum peccatum subiciatur, Homini competit, & qui-
 dem meritò. Nam Homo deserendo Deum à quo do-
 minatum illum habebat, & seipsum perdidit, & domi-
 nium suum. Ergo iam pecudum servus est, qui dominus
 earum antea fuerat, Psal. 49. 21, & tam abiecte deie-
 ctus à Deo. Per Christū verò in illius dominatus par-
 tem (quantum quidem ad huius vite usum est opus) ta-
 men in his terris restitutus est homo, idq; ipsum decla-
 rat Psal. 8. 5, Heb. 2. 8: non autem in plenum illud,
 quod antea possidebat ius, ac dominium. Quamobrem,
 æquum est hominem, quatenus peccator est, & primæ o-
 riginis suæ desertor, Deiq; contemptor, servire pecudi-
 bus ipsis brutis, Gen. 31. 40. 41, & ys subyci, quatenus
 de ys curam propter suum ipsius victum habet. Q.

Cur

Cur primi homines eas solas Artes duas tenuerunt, & excoluerunt: reliquas autem non item, quales quæ Ferraria sunt, adificatoria, Musica, quemadmodum tamen postea in hac prima Mundi ætate, & ante Diluvium factum est Gen. 5. R. Quia nondum istis posterius artibus egebant. Ergo serijs, & omnino necessarijs huic vitæ rebus primum Homines animum intenderunt, postea verò alijs, quum ijs egere, aut ijs delectari cœperunt. Nam verum est illud,

[Et labor ingenium miseris dedit, & sua quemq;
Aduigilare sibi iussit fortuna premendo.]

Labor enim omnia vincit improbus, & duris urgens in rebus egestas. Ergo quæ primam hominum ætatem subleuabant Artes, ea prima sunt procurate, & in pretio habite. Ad nonum verò caput Historicum, quod est de Primo hominum Sacrificio in his terris, veniamus.

Ad VIII, seu IX. Primum Hominum Sacrificium.

Quæritur, Vtrum vero Deo prius fuerit ab hominibus sacrificatum post eorum peccatum, quàm Idolis, vel Diabolo, cui primi illi duo Parentes fidem contra Dei verbum adhibuerant. R. Prius vero Deo fuit sacrificatum, quàm Idolis ac Diabolo. Prius enim vera religio fuit, vixitque: postea verò Idololatria recepta est & introducta (quemadmodum & quidem verè docent Tertulianus & Lactantius) quæ fuit puta sincereque Religionis corruptela, & *ῥακενλία*. Nec enim peccans homo, aut post peccatum agnitionem Dei pror-

sus amisit, sed cum in se iratum sensit Gen. 3. 8. unde se ab eo abscondit. Porro Epiphanius affirmat toto illo primo Mundi seculo, quod aquarum diluuium praecessit, nullum inter homines fuisse idolorum cultum. Hoc enim malum demum post diluuium natum est: Diabolum autem aut Serpentem, à quo deceptus fuerat Homo, nequaquam pro Deo suo agnouit, vel coluit: sed verum duntaxat Deum, cui tamen instinctu Diaboli non paruit. Q. Unde homines primum cognouerunt esse sacrificandum Deo. R. Ex ipsomet Deo, id illis post eorum peccatum reuelante. Ratio est, Primum quod nulla unquam ἰδολοδρῶσια Deo placuit, gratave fuit Colos. 2. 23, Deut. 12. 8, Math. 15. 9: sed is demum cultus, quem ipsemet Deus sibi instituisse, ac poposcisset. Deinde, quod dicitur Abel per fidem sacrificasse Hebr. 11. 4. Ergo ex Dei mandato. Quicquid enim sit absque fide, peccatum est, Rom. 14. 23. Fides autem absque precedente & praecunte Dei verbo esse nullo modo potest, Hebr. 11. 1, Isa. 1. 12. Ergo quum ex fide sacrificarint primi parentes post peccatum, eorumque posteris, fueritque hic cultus Deo gratus, praecceptum de Sacrificando habuerint necesse est. Nec verò Deus celauit homines mysterium salutis eorum futurae, quam is ipsis post eorum peccatum promiserat his verbis, [Et Semen mulieris coteret caput Serpentis] Promittere autem eam, & eandem explicare, fuit eiusdem Dei misericordiae. Eius autem promissionis explicatio in precepto de Sacrificando, & sacrificiorum declaratione, quid nempe significarent, quidve repraesentarent, posita fuit. Q. Cur alia, & priora hominum sacrificia

ficia, velut *Adami* (nec enim fuit, tandinq³ ante *Abelis* & *Caini* oblationem vixit *Adamus* post peccatum suum absque eo, quin Deo sacrificarit) non cōmemorat *Moses*, sed primum hoc *Caini*, & *Abelis*. R. Quoniam hoc primum insigne quidpiam, ac notatu dignum habuit, quod non fuit in prioribus sacrificijs. Siquis tamen hoc fuisse primum omnium sacrificium voluerit, quod sit ab hominibus oblatum Deo, non repugnabo, quemadmodum cōtra *Julian. lib. 3.* scribit *Cyrillus*: Sin alia precessisse malit, eius sententiā ipse probabo. Q.

Cur *Abelis* oblatio fuit Deo gratior, quā oblatio *Caini*, quū uterq³ primitias, saltē munus sue artis offerret, & magis innoxia fuisse videatur oblatio *Caini*, utpote qua sanguinis effusione caruerit, quā *Abelis*, qua cruenta fuit. R. Varia in eo varij sentiunt. Nōnulli ex *Hebr. 11. 4.* existimant *Abelis* munus fuisse Deo gratius, quia fuit maioris pretij, nimirum ex primogenitis gregis. *Caini* verò oblatio fuit tantum ex fructibus terra. Verum pinguedine pecudum, aut pretio rerum minimè Deus per sese delectatur, *Psal 50, 1. Sam, 15. 22.* Alij censent idcirco placuisse Deo sacrificium *Abelis*, quod ex primogenitis gregis sui obtulisset, id est, ex primis animalium suorum fatibus. *Cainus* verò fructus quidem, sed non primos & optimos dedisset Deo. Sic *Cyrillus lib. 10. contra Julian. sect. 6.* At verò propter fidem, non propter rem ipsam oblatam, dicitur *Abelis* sacrificium acceptum fuisse Deo. Quāobrem alij volunt gratius fuisse hoc munus *Abelis*, quia Deo magis placuit, quā *Caini*. Placuit verò propter fidem, quam Dei promissionibus habuit *Abel*, praefer-

tira illi, quæ erat de futuro Messia & eodem ex genere humano exituro, iuxta illud [Et Semen mulieris conteret caput Serpentis.] Quñ igitur ille spectaret hanc Dei promissionem, totusque ex ea penderet, maiore & zelo & studio, & animo sinceriore sacrificavit Deo, quàm frater ipsius Cainus. Itaque & sacrificium illud obtulit Deo, quod magis Christum illum futurum representabat, nempe pecudem obtulit iugulatam, & cuius adipem cremavit, quod sacrificium peccatorum coram Deo per eundem Christum abolitionem significabat, Leuit. 3. Ergo in Christum promissum respexit Abel, ac proinde fidem iustificantem habuit, quæ nos, nostraq; omnia Deo grata efficit, Rom. 5. Hac autem eadem caruit Cainus, contentus obtulisse Deo, ut supremo suo Regi, terre sue fructus, quæ terra fruges erant, siue flores siue simila, siue poma arborũ. Et si verò sacrificia à Deo postea instituta, & sale, & simila (quæ est ex tritico) Dei iussu fuerunt cõspersa, & fruges habebant, Numer. 6, & Mincha, quæ Deo offerebatur, omnis ex frugibus erat oleo & thure aspersis: representatio tamen Christi fuit potissima in ipsa víctima, seu pecude iugulata, & igne postea cremata, qualem Abel obtulit. Denique quod affertur sacrificium Caini fuisse magis innoxium, utpote quòd erat incruentum, ex hominum, scriptorumq; profanorum opinione dicitur, non ex ipsa rei veritate. Nullum enim sacrificij genus Deo gratius fuit, quàm Expiatorium peccatorum. Atqui illud semper cruentum fuit, Hebr. 9. 22. Verùm ut concludam, Dico rationem cur Abelis sacrificiũ fuerit gratum Deo, fuisse, solam eius fidem de Christo. De

quo ta-

quo tamen anxie & variè disputat, imò ambigit Cyril-
lus lib. 10. contra Iulian sect 10, uti dixi. Q. Quo-
modo Deus ostendit Abelis sacrificium esse sibi gratius,
quam Caini? R. Aliquo visibili signo id testatus
est, quod etiam Cainus ipse percepit. Itaque propterea
accensa est ira Caini in fratrem, Genes. 4. 4. 5. Ergo
Heb. 11. 4. dicitur testimoniū ipse Deus perhibuisse de
illa muneris sibi ab Abele oblatis acceptatione, & mu-
neris Caini reiectione. Quod ipsum quoque sentit Au-
gustinus lib. 15. Civit. Dei, cap 7. Siue verò ignis de
cælo descendit, qui sacrificiū Abelis consumpsit (quē-
admodum & in primo Aaronis sacrificio euenit, Leuit.
9. 24: & Elia Propheta sacrificante coram populo fa-
ctum est, 1. Reg. 18. 36) siue quidpiam aliud tunc ex-
titerit à Deo, unde ista munerum distinctio aperit ab
utroque sacrificante deprehenderetur, dici non potest.
Visibile tamen signum ac testimonium istius accepta-
tionis fuisse negari non debet. Q. Quid Cainus &
Abel, eorumq; sacrificia nobis hodie demonstrant? R.
Augustinus toto lib. 15. Civit. Dei, sed in primis cap.
5. & 17, ostendit in Caino & Abele (qui ex primo ho-
mine Adamo fuerunt procreati primi) duarum, que
in hoc Mundo cernuntur, Ciuitatū fundamenta descri-
bi & proponi: quarū una Terrena est nimirum ea, que
à Caino fratricida exordium habuit, atque in eius po-
steris continuauit, Ioan. 3. 12, Gen. 4. & 5. Altera,
Cælestis, & Spiritualis, que est Ecclesia Dei, cuius pri-
mum exemplum est Abel, Math. 23. 35. Sed quoniā
Abel sine successore mortuus est, à fratre suo Caino in-
terfectus, ab eo non est propagata hac Dei Ciuitas &

Ecclesia, sed à Setho, qui pro Abele defuncto substitutus est à Deo, & in cuius Sethi posteris mansit Ecclesia Dei. Hinc verò etiam intelligitur, qualis sit conditio utriusque Civitatis in his terris, nimirum ut Dei & Cælestis Civitas à terrena affligatur, ac persecutionem patiatur, quemadmodum Abel à Caino, Isaac ab Esauo, Gal. 4. 29. Porro sacrificium seu munus Caini, & Cainus ipse representat, nobis quale sit ingenium hypocritarum, & dona qua offerunt Deo, nempe velle quidem eos videri ceteris sanctiores, & tamen non esse. Abel autem, & eius munus ostēdit verè piūm animum esse, ut vera fide Deum unum querāt, & in eo acquiescant. Ergo non sunt contenti videri ab hominibus boni, sed reipsa tales esse student. Verūm ad decimum caput historia venio.

Ad X. Maleficio primum Publicū post primum peccatum admissum.

Queritur, Quando perpetratum est à Caino illud fratricidium Abelis? R. Multo quidem tempore post peccatum primum Adami, ut docet S. Scriptura, Gen. 4. 3. Sed tamen ante annum 130. Adami seu Mundi conditi, ut apparet Gen. 5. 3. Philo Iudeus in Antiquitat. Biblic. scribit Cainum fuisse quindecim annorum, quā Abelem fratrem suum occidit. Id quod mihi facile non suaserit. Nec enim solēt homines adhuc ea ætate arare terram, quam tamen arabat Cainus ante istud fratricidium à se perpetrātū. Quare tempus huius cædis à Caino commissæ incertum est, nec potest à nobis

nobis deffiniri. *Q.* Quomodo Cainus fratrem suum occiderit, quum nondum ulli enses, ullave ferramenta essent: imò nec Ars ipsa Ferraria (quæ enses & gladios cudit) adhuc inuenta, quemadmodum apparet Gen. 4. 22. *R.* Siue lapide siue ossibus animalium mortuorum aliquibus repertis, (ut Sampson Philistinos cecidisse dicitur, Iudic. 15. 16) siue pugno fratrem Abelem occiderit, perinde est: occidit tamen. Prima verò inter homines arma fuerunt ungues & pugni, postea lapides, deinde fustes, postremò enses, quos homines fabricarunt in suam cadem. Horat. lib. 1. Serm. Sat. 3.

*Q*uum prorepserunt primis animalia terris,

Muiũ, & turpe pecus, glãdem atq; cubilia propter
Vnguibus, & pugnis, dein fustibus, atque ita porrò
Pugnabant armis, quæ post fabricauerat vsus.

Ergo quocunq; modo & instrumento tale facinus cõmiserit Cainus interfecit, & quidem perfide fratrem suũ, prius à se verbis lenibus & blandis deceptum, ac in agros seu solitudinem pertractum. ut sine teste eum sceleratè iugularet. *Q.* Cur Cainum interrogat Deus ubi esset frater eius? *R.* Non ignarus facti Deus, sic Cainum interrogat: sed ut eum & perfricta frontis, & proiecli pudoris, & audacissimum, ac nefarium hominem esse argueret, qui repugnante conscientia ausus est negare Deo factum, aut coram eo tergiversari. Quobrem se quoque impœnitentem probauit Cainus, & hominem perditum, & hypocritam summum, qui Deo crimen suũ non fuerit confessus, quem ut pungeret Deus, & sceleris sui conuinceret, sic interrogat. [Vbi est Abel frater tuus?] Gen. 4. 9. Porrò Iosephus lib.

1. *Antiquit. Judaic. cap. 4.* scribit Cainum. postquam fratrem suum Abelem nefariè, ac proditorie occidisset, occultaſſe cadaver eius, quasi lateret Deum: ac propterea fuisse sic a Deo interrogatum, ne putaret Cainus se celasse Deum. Scribit vero idem Iosephus eundem Cainum fuisse hominem tota vita rapacem, avarum, invidum, ac propterea mensurarum (quibus homines deciperet) inuentorem. Sive verò hæc vetus Iudaorum traditio fuit. siue commentum Rabbinicum, certe Cainus fuit, ut apparet, summus hypocrita, vir impietens, & sceleratissimus. Q. Cur in secunda Legis Divina Tabula, ubi hominum peccata in homines describuntur, præceptum [Nō occides] non ponitur primo loco, quā homicidium sit primū scelus, ac maleficiū ab homine in hominem publicè perpetratū. R. Quoniam sancienda fuit Lege Dei primum paterna auctoritas, qua natura præcedit, utpote Dei in his terris imago. Imò etiam patris sui Adami præceptum suūque erga eum officium primum violavit Cainus in occidendo fratre. Ergo præceptum de honorandis parentibus in secunda illa Legis Tabula primum collocatum est, & quidem meritò. Secundum autem præceptum est, De Homicidio: Tertium de Adulterio. Nam prius homo occisus fuit, quàm Lex coniugij à Lamecho violaretur. Vnebant enim adhuc homines continenter, & absque lascivia. Unde x̄xi & x̄xi, .i. Saturnia vita; id est continens à libidine & crapula dicta apud Horatium, est Vita antiquissima: & Cœna, Vitaque Deorū, id est, tenuis & frugalis, quemadmodum præclarè observavit ac collegit D. Gulielmus Stukius in Quæst. Con-

Coniugalibus, lib. 1. qualis solet esse piorum hominum continentia. Sed de capite undecimo, in quo pœna istius Caini sceleris continetur, iam agamus.

Ad XI. Excōmunicatio Prima: ac Pœna Maleficij primi post peccatum Adami.

Queritur, Cur Adamus. vel Deus ipse Cainum nō punierit morte statim, quum Deus hanc Legem homicidio sanciuisset Gen. 9. 6, [Qui effuderit sanguinem hominis, sanguis eius per hominem effunditor.] R. Adamus non puniuit filiū suum Cainum morte, (licet esset illius Magistratus, ut Iuda Tamara nurus sue, Gen. 38. 24) tum propter amorem paternum, tum etiā propter paucitatem hominum, quæ tūc erat in toto terrarum Orbe. Solus enim ipse mas cum Caino restabat, occiso Abele. Ne igitur Caino interfecto Adamus solus omnino ad gignendos homines, & propagandum genus humanum superesset, reliquit Adamus Cainum superstitem, nec eum occidit velut Magistratus. Deus verò Cainum non sustulit, sed grauissimis, ut apparet, pœnis propter illam cadem fratris affecit, atque in exemplum alijs quamdiutissimè in hoc Mundo reliquit, & statuit, ut ceteri terrentur, nè tale quidpiam ipsi committerent. Atque hæc causa est non statim sublatis Caini. Q. Cur Deus signum Caino imposuit, quem puniebat ipse, ne quis eum interficeret, quum ipsius pœna satis terrere ceteros à tali facinore potuerit, Gen. 4. 15. R. Quoniam effrenis est hominum licentia, & furiosus impetus, desperataq; audacia: Ergo nè quis ho-

minum Cainum occideret, vel in vindictam interfecit ab eo Abelis: vel quapiam alia mala voluntate, signum & notam istam Dominus ei apposuit, impressitq. Voluit enim eum in caterorum mortalium metum servari. Præterea nec eam pœnam per priuatos exigi priuata autoritate Deus voluit. Ergo fuit hoc signum velut interdictione à Deo facta priuatis, ne sua ipsi autoritate in quenquam vendicarent, aut vendicent maleficia hominum. Quemadmodum autem Cainus ipse nō sapuerat, seque a peccando non abstinuerat, exemplo patris sui Adami, & tristissima illius pœna: sic nec homines alij sapientiores futuri erant, propter pœnam impositam Caino, ne eum necarent, nisi Deus aliquo speciali signo ceteros admonuisset, & deterruisset ab eodē irruendo & iugulando. Ecquod autem fuerit istud signum, non aliter, aut aliud videtur explicare S. Scriptura, quàm fuisse eiulatus miros, furores, & vagam Caini fugam, ac per agros errorem, dum stimulis & furijs sua conscientia palam agigaretur, & se detestaretur. Id quod non quidem semper faciebat ille: sed nonnunquam, uti furiosi homines nunc quoque facere solent, interpositis nimirum intervallis, & spatijs aliquibus dilucidis. Alij hoc signum putant fuisse perpetuum corporis tremorem, & trepidationem, que in Caino apparuerit. Alij notam quandā à Deo in Caini fronte inusitam, & impressam, ex qua dignosceretur à ceteris hominibus. Ego verò in mea illa senectia & interpretatione persto. Q. Quis fuerit ille Caini error, & vagatio, que cū pœna illa coniuncta fuit, & propter quam urbem primus, in qua viveret, condidisse dicatur, Gen. 4. 12. 13. 14. 17. R. Non

Non sic vagus fuit, & erro Cainus, ut semper hominū societatem fugeret, atque per agros, & deserta miserē flebiliterque detestans suum factum, & iram Dei cohorrens erraret: sed tunc solū quum furore, & furys sceleris à se perpetrati conscientia eius corripereetur, & agigaretur: quod, uti dixi, per dilucida temporum intervalla fiebat, illique accidebat. Ergo velut hominis à Deo aeterna morti damnati tunc effigies quadam Cainus erat, ceteris mortalibus horribilis, & ipsimet Caino intolerabilis. Ergo planè miserabilis erat omnibus hominibus Cainus, ut nemo eum miseriore vellet. Quū autem cessauerat, aut interquieuerat ille furor, & conscientia stimulus, & flagellum tunc sese in hominum societatem aliorū quietus recipiebat, cum ijs erat, & versabatur & in urbe manebat, quam primus ipse exedificarat. Sic Saul ad tempus furore, post neglectum Dei mandatū sapè corripiebatur 1. Sam. 16. 14. Sic Nabugadnezer, post profanatū à se, & eversum Dei templum superbus mania agitatus est, ac per septennium, in sylvis erro & vagus in pœnā sceleris habitavit, fuitque, Dan. 4. 27. Sic Orestes occisa matre: sic Oedipus occiso patre furys agitati ac perciti, per dilucida tamen intervalla, sese tempore furoris à cœlu hominum subducebant, & tunc vagi erroneſq; per deserta furiosi vagabantur. Sic Bellerophon quoque in campis Cilicie errabat furiosus

Ipse suum cor edens, hominum vestigia vitans, quemadmodum ait Homerus. Denique sic olim in Gallia Rex Carolus, nomine Sextus, Dei iudicio punitus scribitur. In summa, Cainus tamen nō legitur propterea

pœnituisse: sed de pœna tantum sua conquestus. Quod etiam annotat Iosephus lib 1. cap 4. Antiquitat. Quid sit [Facies Iehoua,] à qua se expulsus conquestus. Cainus, Gen. 4. 14. & 16. R. Notanda sunt Caini verba. Nō enim simpliciter, ait, dum me exulem & vagum facis, Eycis ac expellis me à facie Adami patris mei, vel matris Eue (quod quidem iam erat per se durum, & in tanta terra vastitate mœstum, ac in pecudū iam ferarum ferocia tāta periculosissimum:) sed inquit, [Expulisti me à facie tua, Domine.] Et postea additū est, [Egressus est Cainus à facie Iehoua.] Ergo plus quiddam dicit & significat, quàm si suauissimo illo vultus paterni aspectu solum privari se cōquereretur: vel sese in magna iam manifestaꝝ pericula expositum à Deo esse expostularet. Imò exclamat, Maior est mea pœna, quàm ut eam sustinere possim. Genes. 4. 13. Præterea quomodo dicitur Cainus egressus à facie Iehoua, quum Deus sit ubiqꝫ, ubiqꝫ, clarè videant ac spectent eius oculi homines, & hominum facta, Psal. 139. 7. Amos 9. 1, Heb. 4. 13? Cur in eo uno loco, ubi prius cum patre suo Adamo & matre Eua habitabat, dicie esse faciem Iehoua, à quo quum expellatur, cōqueritur se eyci non à facie & conspectu parentum, vti dixi, sed Dei ipsius? Putauitne Cainus Deum. Deique potentiā vni cuiusdam orbis glebe & loco ascriptā, quum pœnam ab eo sibi impositam ipse ubique sentiret, & circumgestaret? Certè ista non coherent & melius de infinita ac ubique sparsa Dei potentia, & presentia sensit Cainus, quàm ut Deum per sese uno quodam loco circumscriptum ac conclusum esse indicaret. Quid igitur hic vo-

cat [*Faciem Iehouæ?*] Cornelius Bertramus olim collega meus, Vir in Hebraeis, siquis alius, eruditissimus, in libello, quem scripsit, verè aureo, De Politia Iudai-
ca, cap. 2. præclare verèque sensit, & docet (cui pro-
pterea ego quoque assentior) *Faciem Iehouæ* hîc notare
certum locû, in quo Dei iussu, sacra, sacrificia, cultusq;
Dei externus a Deo ipso præscriptus exerceretur, ac
fieret. Ex quo quum expelleretur à Deo Cainus, dicit
se eijci à facie Iehouæ. Est enim cum ex tota S. Scri-
ptura, tum ex Iona cap. 2, & Leuitico, Numeris, &
Deuteronomio certissimum, ac notissimum locum eum,
in quo erat Dei Arca vel Templum (quoniam illic ex-
ternus Dei cultus à Deo mandatus agebatur) dici *faci-
em Dei*: & eos agere, laudari, iurare, stare co-
ram Deo, Deiq; facie, qui illo in loco erant, ubi Deus
externè colebatur. Ex quo fit, ut proculdubio ista Caini
expulsio à facie Iehouæ significet Excommunicationem
à Sacris, quam Deus pro pœna istius fratricidy Caino
imposuit & inflixit, quæ certè quidem est grauissima
pœna, & prima Excommunicatio, quæ fulminata est in
homines. Hac autem est testis ira Dei in peccatum, &
pœna illius æternæ ac tristissima, quæ in damnatos para-
ta est typus, & preludium, Math. 25. Hac illustrior
in ista Caini excommunicatione fuit, quòd in eo perpe-
tuo, totoq; vite illius tempore durauerit. Q. In qua
Mundi regione Cainus habitauerit, quum esset expul-
sus à facie Iehouæ. R. S. Scriptura, Gen. 4. 16, ait
ad Orientem Edenis eum habitasse, non tamen cum pa-
tre Adamo. Sed progressus est ulterius ad Solem ori-
entem Cainus, & versus extremam Indiam, quæ nunc vo-

catur. Ex quo apparet primas illas Orbis partes nimirum Orientales, fuisse ab hominibus cultas, & habitatas: postea verò alias. Quoniam autem disertè in loco versatus sit Cainus, quæsitum est. Iosephus lib. 1. Antiquit. Indaic. cap. 4. sic scribit: [Multam verò peragrans terram cum uxore sua Cain, collocatur in loco, qui Naida nuncupatur, ibique moratus est: in quo ei etiam filij nati sunt.] Lib. 1. Chron. 5. 9. fit mentio populi Nodabi, qui fuit Agarenius, & in Arabia habitavit. Sed ille populus in Oriente nequaquam fuit, & ad hunc locum non pertinet. Illud verò potius facit ad hunc locum, nempe quod apud Plinium lib. 6. Natur. Hist. cap. 20. inter extremos Indos [Nobunda] populi nominantur, qui verisimilius à Nod dicti videntur, vel potius Nod Hebraeo. (facilis enim est mutatio literæ d, in b, præsertim peregrinis hominibus, & Hebraicè nescientibus) Nod verò dicta est terra illa ob errorem & demigrationem Caini in eam post occisum fratrem, Gen. 4. Hanc autem Nod Hebræâ vocem LXX. Interpretes Naiada nuncuparunt, & Græcè converterunt. Verùm alij existimant Nod apud Mosem non proprii cuiusdam loci nomen esse, sed appellativum & generale pro quavis regione, in qua quis errat & vagatur. Ego tamen iudico Nod certa regionis in Oriente & in India sita appellationem esse, quæ sic à Caino, eiusque posteris propter errorem patris nominaretur. Vnde & Nodûba populi, uti dixi, quos Plinius Nobundas vocat. Quomodo Cainus in certa quadam Orbis regione habitasse dicatur Gen. 4. 16: imò etiâ in certa urbe, vers. 17. qui iussus est à Deo esse vagus & erro, vers. 12.

Non

R. Non perpetuò & semper erro fuit Cainus, uti diximus: sed tunc tantum quum conscientie, & nefarii illius fratricidæ a se perpetrati furys & stimulus percelleretur, & agigaretur (qualem hoc nostro seculo vidimus ipsi virum quidem doctissimū sed quia Christum abnegauerat, sic æstro conscientie percitum, nomine Nicolaum Cruentum. Ille enim sic nonnunquam vagabatur furore & metu iudicii Dei exanimatus.) Ergo quum quies erat ab eo furore, Cainus & prudenter se gerebat, & quietus erat, & terram colebat, & in vrbe a se condita habitabat, certamque illam Mundi regionem tenebat. Nec tamen quum Cainus vagabatur, errabat per totum terrarum orbem, velut Isis, seu Io illa Ovidy & Aeschylæ Poetarum: sed in Nod regione duntaxat. Sed hac hæcenus. Accedamus ad caput duodecimum Historie.

Ad XII. Urbs Prima in Mundo cōdita.

Quæritur, Cur Cainus condidit urbem Gen. 4. 17.

R. Iosephus lib. 1. Antiquitat. Iudaic. cap. 4. scribit ob eam causam conditam esse primū à Caino urbem, quòd ille bestiarū in se impetum formidaret, nempe ne ab ijs dilaniaretur, aut alio aliquo modo periret, & occideretur. Utumq; ceriè verissimum est, primam huius primæ urbis à Caino edificandæ, potissimamq; causam fuisse ipsius metum tum ab hominibus ipsis, tum à feris & bestiis ne ab ijs interficeretur. Quū enim (eum accusante conscientia) semper trepidus esset, nec pœnam illam à Deo imposita pro emēdatione haberet, sed pro perpetuo supplicio, & animi cruciatu (nec enim unquā

verè pœnituit, & ad Deum conuersus est Cainus) remedium sibi quesuit ipse contra istos sue conscientie terrores, qui eum vexabant. Itaque se muro circumcinxit, & conclusit, velut carcere voluntario: mœnia & turres ad vim irruentium prohibendam addidit: portas ad se custodiendum adiunxit: & quantum potuit, metum illum à furore & vi hominū & bestiarum sibi aemit. Ergo paup̄ conscientie & metus: non affectus humani generis sparsi colligendi prima precipuaq; urbis condende causa Caino fuit. Nam sine isto carcere & munitione eodem tempore vivebat Adamus pater eius etiam in medio orbe terrarum: vacuo, & deserto: nec sibi à feris & beluis (quas omnes & cicures & sibi subditus antea expertus erat, & tamen iam sentiebat sibi rebelles) tale quicquam metuēbat, quoniam carebat Adamus ys conscientia terroribus, quibus Cainus vexabatur. Et quidem de genere humano (quæ sua erat posteritas) colligendo nō minus sollicitus fuit Adamus, quā Cainus iste: verū propterea oppida nō exstruxit Adamus, nec homines in ea tanquam in custodias coniecit. Q. Cur sibi Cainus metuebat vel ab hominibus, vel à feris, quum haberet signū sibi à Deo impositum, ne quis eum caderet, vel occideret, Gen. 4. 15, ac proinde promissionem Dei certam cerneret de sua salute futura? R. Cainus, quū urbem edificare cogitaret, imò edificaret, non spectabat verba vel promissionem Dei de se tuto futuro: sed solos conscientie & mentis sue terrores attēdebat, quibus percitus se in isto munimento condiderat, aut potius abdiderat. Ex quo apparet etiam Caini infidelitas, qui Dei promissionem

nequa-

nequaquam fecerit tanti, ut se per eam solam tutum fore speraret, absque aliquo alio presidio. Ergo suum illud presidium in urbe tutius indicavit, perfecitque, prout quinit. *Quamobrem* 1. Ioan. 3. 12, Cainus dicitur fuisse à Malo illo, nec inter Dei filios unquā recensetur. *Augustinus* quoque lib. 15. *Civit. Dei*, cap. 7 ostendit eundem fuisse cōtumacem in Deum ipsum. Cui sententia accedit etiā *Iosephus* lib. 1. cap. 4. *Antiquit. Judaic.* Scio quidem media iusta nostra incolumitatis conservanda nequaquam esse spernenda. (Nam *Dauid* arma capit, & insidias hostibus struit, de quibus vincendis habebat Dei promissum, 2. Sam. 5. 19) Verūm *Cainus* iste nec eo animo fecit, quo *Dauid*: nec dubitare de sua incolumitate post signum à Deo acceptū desinit. *Q.* Ubi sita fuerit urbs hac prima, quæ à *Caino* adificata est. *R.* Quā ab eo tempore tota terre facies per Diluvium fuerit immutata: deinde, quum tot gentium migrationes facta terminos nationum regionumq; confuderint, difficile omnino est locum & situm primæ illius urbis certò describere, vel commemorare. Tamen eam in Oriente fuisse, & quidem ab *Edene* regione remotissimo apparet. Quæ regio ea esse videtur, quæ nunc *Cambalu* ab Historicis nominatur, in extremis *Indiæ* trans *Imaum* montem sita finibus, ubi etiamnum hodie sunt amplissima oppida & urbes. Si quis tamen aliter iudicat, & sentit, is suo iudicio per me fruatur, licet. *Stephanus* mihi adstipulatur: nam in libro de urbibus, [*Heniochia*, ait, est regio ad *Caucasum* mōtem,] qui idem est *Imaus*. Vox autem ista *Heniochia* veteris istius nominis quadam sunt reliquie. *Q.* Utrum

unicam duntaxat Urbem per totam vitam condiderit Cainus. R. Aliarū non meminit S. Scriptura, quam unius huius, quam ex nomine Henochi primogeniti sui, saltem filij, Henochiam vocauit, Gen. 4. 17: cuius, ut dixi, vestigia quedā & nominis, & res videntur adhuc extare in India. Nam huius quedā pars & provincia à posteris vocitata est Heniochia, ut ait & Strabo, & Stephanus in lib. de Urbib. Caterum Philo Iudeus in Biblicis Antiquis sic scribit, [Ex eo cœpit Cain edificare ciuitates, quousque conderet septem. Et hæc sunt nomina ciuitatum: Nomen prima ciuitatis secundum nomen filij sui Enoch: Nomen autem secunda ciuitatis, Maich: tertia, Iared: quarta, Tehe: quinta nomen, Iesca: nomen sexta, Celet: & nomē septima, Iebbat.] Et hæc quidem Philo, quibus paria non habet Iosephus tamen. Q. Quomodo Cainus ciuitatem condere potuit, aut cui condidit, quum tunc temporis homines tam pauci numero fuerint? R. Hanc questionem mouet Augustinus in Quæst. in Genes. cap. 1. quam sic idem desinit, & soluit, cuius ego sententia subscribo suffragorq̃, [An ideo, ait, questio est, (id est dubitatio) quoniam, qui legunt, putant solos tunc fuisse homines, quos diuina Scriptura commemorat: nec aduertunt eos, qui prius sunt conditi, duos: vel etiam eos, quos genuerunt, tandem uisisse, ut multos gignerent. Non enim & Adam eos solos genuit, quorum nomina leguntur: quum de illo Scriptura loquens ita concludat, quod genuerit filios & filias, Gen. 5. 4. Proinde quum illi multo pluribus uixerint annis, quàm Israelita in Aegypto fuerunt, quis non videat quàm multi homines nasci potuerunt, unde illa
ciuitas

ciuitas impleteretur, si Hebraei multo minore tempore ita multiplicari potuerunt?] Ergo Cainus eam ciuitatem condidit tum multiplicato iam suo semine: tum posteris ex se futuris de habitatione maturè prospiciens & cogitans. Et ceriè Philo Iudæus eodē, quo superius, libro, scribit Cainum suscepisse ex uxore sua sex liberos partim mares, partim famiras, quorum nomina recēses, uti uxoris Caini, quam vult fuisse Themech: quæ eadem est, quæ Themis illa Dea antiquissima Profanorum hominum. Q. Utrū Chanoch, vel Henoch, ut alij verunt, fuerit primogenitus Caini. R. Id sentire videtur Philo, & Iosephus. Et quum tam præclarum opus suum, nimirum urbem à se primam conditam, ex illius nomine vocarit Cainus, non est incredibile eum fuisse Caini primogenitum. Tamen disertè ex Dei verbo colligi id nequaquam potest. Nec enim qui primi nominantur omnes, sunt primogeniti. Porro [Chanoch] Hebræis est Eruditus Latinis, & *μακάριος* & Græcis, siue ex voto, ut talis esset, sic eum appellauit Cainus pater: siue ostendēs qualem eum esse oporteret, eruditū suo exemplo in Dei metu: quam nominis interpretationem prætermisit Philo in nominibus Hebraicis. Sed ad caput tertium & decimū accedamus, in quo describitur propagatio familia Caini post Abelem fratrē à se occisum.

Ad XIII. Propagatio Caini familiæ.

Queritur, Cur Deus multiplicauerit genus & familiam Caini, quum ille esset tam impurus: cur non potius eum sine liberis susceptis mori voluerit Gen. 4. 17 R. Deus naturā non tantum bonam, verum etiam be-

nignus & clemens benefacit omnibus, id est. tam malis quam bonis, ut est *Mat* 5. 45. 46. Ergo eadem causa genus Caini, quantumvis mali, multiplicauit & accreuit. Præterea quum in genere dixisset cuius rerum generi Deus, [*Crescite, & multiplicamini*] oportuit genus quoque humanum hanc Dei benedictionem sentire, ac proinde crescere. sine ex bonis siue ex malis homines nascerentur. Gignunt enim mali liberos, non quidem quatenus mali sunt, sed quatenus homines, ut ait *Augustinus contra Iulianum*. *Q.* Cur tot homines ex Caino improbo nati sunt, & ipsi quoque improbi, minimeque Dei Ecclesia, prius quam Sethus nasceretur, vel Sethi posteri ulli in quibus tamē fuit Ecclesia Dei, quum hos prius, quam illos nasci ac propagari oporteret, ut boni piique mores prius, quam mali in Mundo, atque inter homines obtinerent florereutue *Gen.* 4 & 5 *R.* Quandoquidem homines naturā bonitatem, quam à Deo primum acceperant, non seruauerunt: sed magnā suā culpā in improbitatem & prauitatem conuerterunt, æquum fuit ut tales nascerentur, & multiplicarentur homines, quales ipsi seipsos effecerant. Quare improbi & mali homines primum post peccatum extiterunt, nō autem recti probive. quales iam nasci naturā nulli possunt, ut effectum sue illius in Deum nefarie rebellionis homines ipsi perciperent ac viderent. Tale igitur multiplicatum est genus humanum (& quidem sic postulante Dei iustitia, & pœna peccato imposita) quale se reddiderat, nimirum nefarium & sceleratū, non modò malum. Quod autem postea Deus Sethum virum bonum dedit Mundo, ex quo propagata est ipsius Ecclesia, id

sia, id præter ordinem naturæ humanæ iam corrupta factum est, singularissima videlicet Dei Opt. Max. in genus humanum misericordia, ne totum genus hominū periret, non modo hic diluvio, quod secutum est: sed etiā post hanc vitam æterno exitio, quod sceleratis in futuro seculo inferitur. Vt igitur Deus ostenderet Ecclesiam suam, quæ in his terris est, non naturā, sed gratiā nasci, & esse Ecclesiam, voluit primū Caini filios existere, id est, homines tales, quales seipsos per peccatum suum effecere, ut quæ appareret in alijs hominibus probitas, & emendatio vite, illa non natura hominum, non Legi genitura: sed soli Dei gratia tribueretur. Q. Cur multi ex Caini, & Sethi dissimillarum tamen stirpū & generum posteris fuerunt, vel moribus, vel nomine similes, & quidem nomine plures, ut habet vetus versio nominum: ut autem recens, & eruditior, saltem hi tres fuere inter se cognomines, nempe Hanoch filius improbi Caini, Gen. 4. 17: & Hanoch filius Ieredi, ex familia Sethi pī, Gen. 5. 18: item Metuschael filius Iradi, ex familia Caini, Gen. 4. 18, & Metuschelah filius pī Hanochi Gen. 5. 21. Denique Lemech bigamus, filius Metuschaelis, ex stirpe Caini, Gen. 4. 19: & Lemech pī & pater Noachi filius Metuschelah pī ex genere Sethi, Gen. 5. 26. Moribus autem longè plures Sethi posteris fuerunt similes posteris Caini, qui unā cum illis propterea diluvio perierunt. R. Quod moribus corruptissimis fuerunt pleriq; Sethi pī posteris, similēsq; posteris impij Caini, factum est ex cōmuni lege nascendi, & ex conditione pœnæ, cui post peccatū genus humanū uniuersum est obnoxium, nimirū ut ex pecca-

toribus (quales iam natura sunt omnes & singuli homines Eph. 2. 3) peccatores nascantur, Iob. 14. Ergo iam nascuntur omnes homines natura corrupti, filij ira Dei, vitiosi, Psal. 51. 7. Ex quo fit, ut quia posterij Sethi erant homines, essent quoque natura mali & depravati, atque hac in ijs naturalis vitiositas & mansit, & aucta est, in quibus eam Deus suo Spiritu S. non correxit, compressitve. Inde illa morum similitudo pravorum in posteris dissimillimorum Patrum nempe Sethi, & Caini. Porro nominum similitudo nihil habet incōmodi. Constat enim iisdem duntaxat literis & syllabis: non autem moribus iisdem, quum qui ex Sethi prosapia fuerunt, cognomines posteris Caini fuerint piissimi: illi verò Cainiani pessimi, & Numinis contemptores. Ac fortasse ad nominum ipsorum significationem attendebant pii Parentes, dum filijs suis hac nomina, quae impij sibi usurparāt, imponebant, non autem ad illos Caini liberos, qui eadem appellatione fuerant nominati. Ergo miseria huius vitae eiusmodi vocibus designabant etiam pii Patres in vocandis sic filijs suis, nam Hanoth seu Chanoch significat eruditū: Metuschael vel Metuschalah, mortem suam vel exitum suum à Deo postulantem potius, quam in his terris diuturnam vitam: Lemech, pauperem, afflictum, & vexatū, ut docet Philo in nominibus Hebraicis, & ipsa thematū ratio id probat lingua Hebraea peritis. Porro non fuerit fortasse iniucundum ea, quae de Caini generationibus observat Augustinus, hoc loco transcribere. Is enim lib. 15. Civit. Dei, cap. 17. sic ait, [Hucusque porrectae sunt omnes generationes Caini, quae sunt omnes ab Adam octo (annumerato ipso Adamo)]

damo) septem usque ad Lamech, qui duarum maritus
 uxori fuit: & octava est generatio in filiis eius, in qui-
 bus commemoratur & femina. Vbi eleganter significatū
 est terrenam ciuitatem usque in sui finem carnales ha-
 bituram generationes, qua marium & feminarumq; con-
 iunctione proneniunt. Sicut autem Cain, qui interpre-
 tatur Possessio, terrena conditor ciuitatis, & filius eius
 (in cuius nomine condita est) Enoch, qui interpretatur
 Dedicatio, indicat istā ciuitatem & initium, & finem
 habere terrenū, ubi nihil speratur amplius, quā quod
 in hoc seculo cerni potest. Sic Seth interpretatur Re-
 surrectio, &c.] *Q.* Cur Deus Caini posteros tam in-
 dustrios esse voluit, ut artium non modò ad victum ne-
 cessariarum, verumetiam ad voluptatem comparatarū
 autores, inuentoresque essent, praesertim quū ijs Dei do-
 nis in se collatis superbierint postea, & Deum ipsū con-
 temperint. *R.* Quoniam Deus beneficus est, etiam
 hac dona sua tam egregia in homines istos improbos cō-
 sulit, ut eos magis redderet inexcusabiles. Sed dona hac
 fuerunt terrena duntaxat, & tēporalia: non autem spi-
 ritualia & salutaria. Hac enim postrema familia Se-
 thi, id est, Ecclesia sua Deus reseruauit, quemadmodū
 demonstrabitur postea. Fuerunt autem homines isti po-
 steri Caini seculū hoc duntaxat, vitamq; terrenam di-
 ligētes terreni, & carnales: ac proinde in ijs quoq; rebus
 & artibus terrenis vehementer industry, iuxta illud
 Christi, [Filij huius seculi prudentiores sunt filiis lucis
 in suo genere, Luc. 16.8] Sic Ethnicis regibus Deus
 largitus est Monarchias huius mundi, non autem Da-
 uidi, vel sua Ecclesia. Nam meliora dona filiis suis, uti

filys Sethi, (qualis est Fides, Pietas, Prophetia) Deus dat: minora verò alijs, uti posteris istis Caini artes tantum terrenas. Sed iam de capite 14. tractandum.

Ad XIIII. Bigamia Prima, seu prima Coniugij violatio.

Quæritur, quid hac Lamechi Bigamia fuit, Gen. 4. 19. R. Fœdissima puritatis vinculiq, coniugalis ac Matrimonij corruptela, eaq, prima & publica. Nam ante Lamechum istum institutio cōiugij, qualem Deus primum præscripserat, ut Vnus duntaxat uni adhereret, sancte fuerat semper observata. Hæc autem impurus iste, lascivus, libidinosus, superbus, & mulciosus homo primus violavit, & reliquis mortalibus ad eam violandam dux & exemplū fuit. Itaque scribit Philo Iudeus in Antiquit. Biblic. [Ceperunt postea habitatores terra exemplum hoc secuti etiam violare uxores alienas, easque contaminare, nimirum unusquisque proximi sui uxorem.] Sic nimirū paulatim crescebat vis peccati, hominumq, immanis libido, audacia, & impudentia, præsertim in Caini familia. Quemadmodū igitur Cainus primus homicidiū perpetravit: sic iste Lamechus ex eius stirpe primū stuprū admisit, sed postea & sequenti tēpore. Ex quo fit, ut in secunda Legis Divina Tabula præceptum [Non mæchaberis] ordine ac proximè sequatur illud, [Non occides] uti hæc vitia publicè & consequenter ab hominibus perpetrata sunt. Illud autè Non mæchaberis, uti & illud Non occides, mentibus hominū ex prima lucis reliquijs inhærebāt,

& insculpta erāt, Rom. 2. 14. homines q̄ inexcusabiles
 reddebant. Q. Cur tāto opere Bigamia in Lamecho
 isto damnatur, quum Iacobus Patriarcha, David, &
 alij pleriq̄ viri sancti multas simul uxores habuerint,
 retinuerintque, Gen 30, 2. Sam. 3. 2. 3. R. Quo-
 niam tum primus iste tāto scelere fenestram patefecit,
 alijsque suo exemplo prauit: tum etiam quod sola libi-
 dine, & turpi impetu & carnis lasciuia impulsus, id
 fecit: Illi verò non victi fœda libidine, sed ad promissio-
 nem Dei de futura seminis sui numerosa prole, & bene-
 dictione respicientes, duxerunt habueruntq̄ simul ux-
 ores plures, quemadmodū scribit Augustinus. Et tamen
 etiam illud ipsum in Patribus illis, quantumvis alioqui
 pijs, dānat Malachias Propheta cap. 2. 15. Q. Cur
 & quorsum Lamechus iste tam truculentus fuit, & a-
 pud mulierculas de suo furore in eum, cui irasceretur:
 & de futura sui vindicta tam iactabundè gloriatur, aut
 concionatur, Gen. 4. 23. R. Videtur sic minitabun-
 dus inter mulierculas fuisse Lamechus iste, quod suis
 illis uxoribus metum sui inycere voluit, quas se contra-
 ius & fas retinere, teste propria conscientia, sciebat, ne
 quid ille nimirū in eum tentarent, & aggredierentur: sed
 ut metu illo perculse eum timerēt, ac vererentur. Itaq̄
 minatur grauissimam fore pœnam, si quisquam ipsum
 occiderit, longēque duriores, quàm si quispiam Cainū
 volens & ex professo interfecerit, quam pœnā Cainica
 pœna septuplo maiorem fore Deus ipse pronūtiauerat
 Gen. 4. 15, & 24. Ergo trux iste videri voluit, tum
 quod omnes improbi (qualis Lamechus iste fuit) sunt,
 feroces, & naturā superbi: tū quod sibi à suis uxoribus

uti dixi, metuebat. Et fortasse iam iurgia inter istas uxores suas domestica (qua in Bigamia sunt, plurima & ordinaria) senserat Lamechus. Quamquam autem amor muliebris dicatur emollire hominum crudele, & ferum ingenium, uti Polyphemi ferociam leniit amor Galatae: tamen non fuit mitior, quod esset mulierosus, iste Lamechus. Q. Vtrum Lamechus iste Cainum, qui erat è suis maioribus, occidit. R. Hoc quidem nonnulli censent, quod tamen nusquam ex Dei verbo potest probari. Certè ex hac Lamechi oratione apparet & tunc Cainum adhuc vixisse: & poenam Caini posteris eius notam fuisse. Hæc autem omnia, meo iudicio, contigerunt ante natum Sethum, quia Moses sequitur ordinem, seriemque temporis, & historia: ac proinde ante annos 130. à Mundo primum condito, Gen. 5. 3. Sed de capite XV. iam agamus.

Ad XV. Pastoritiae artis Incrementum.

Queritur, Cur Pastoritia ars potius aucta, excoltaque fuerit, quam Agricultura, quum & Agricultura quoque ipsa variam rerum cognitionem habeat, & varias partes. R. Primum Pastoritiæ seu Pecuariam artem differre ab Agricultura præclare docet M. Varro lib. 1. cap. 2. Re Rustica his verbis, [Quare tota pastio, quæ coniungitur à plerisque cum Agricultura, magis ad Pastorem, quam ad Agricolum pertinere videtur. Quocirca Principes, qui utrique rei preponuntur, vocabulis quoque sunt diuersi, quod unus vocatur Villicus, alter Magister pecoris.] Deinde plures esse partes Agricultura, .i. discipline agrorum bene colendorum docet,

docet, traditque idem Varro, easque ostendit esse quatuor, ut est cap. 4. lib. 1. eiusdem operis. Cur tamen potius aucta, distincta quæ fuerit ars Pastoritia, quam Agricultura, ratio hæc mihi videtur esse, nempe, Quod quum post mortem Abelis (qui fuit Pecuarium seu Pastor) à Caino occisi fuisset vel in odiū Abelis, vel quoniam Adamus, & Caimus (cuius sola posteritas restabat) erant Agricola, non Pastores, ars Pastoritia fuisset intermissa: tamē postea repetita fuit à posteris Caini, idque suadente hominū & necessitate, & cōmoditate. Et necessitate quidem, quoniam carne Animalium homines vescebantur post peccatum: Commoditate verò, propterea quod magnum inde, .i. ex ea pastione lucrū faciebant. Quod verū esse probat Plinius lib. 18. cap. 3. Natural. Hist. qui scribit diu ex solis pecoribus inter homines velligal fuisse. Vnde, .i. à pecude pecunia quoque dicta est, quemadmodum etiam tradit Varro. Ergo lucri quoque sui causa homines, posterius Caini, Pastoritiam artem repetiuerunt, eamque potissimum auxerunt, & eam in disciplinam habuerunt, statueruntque Artem aliquā potius, quam in Agricultura, quoniam, ut docet idem Varro lib. 1. de re Rust. plures partes ea cura habet, quam Agricultura. Habet enim primū nouem, id est, sex ternas: Agricultura verò solum quatuor. Earum autem nouem partium pars unaqueque partes quoque habet nouenas, quarū in pecore parando necessariae quatuor: altera in pascendo totidem: una cōmunis. Ita sūnt omnes Pecuarie artis partes minimū octoginta & una, & quidem necessariae, nec parue. Hæc Varro. Ex quibus apparet quā diligenter tractāda.

cognoscenda, tradendâve sit ac fuerit hac Ars, utq; distribuenda in suas species, quod fecit Iabal filius Lamechi, Gen. 4. 20. Imò etiam pecoris pascendi gratiâ, novum vitæ genus à suis Maioribus, nēpe Caini prioribus filiis (qui in urbibus habitabāt) diuersum Iabal secutus est, ac instituit, nimirum ut sub Papilionibus, Mapalibus seu Tugurijs ac tentorijs sequendi transferendiq; pecoris gratiâ habitaret homines. Quod idem postea Abrahamus fecit, & Iacobus Patriarcha, Gen. 31. 40 & 47. 3: & Rechabita verè pecuarijs istis similes, Ierem. 35. Imò praeclariore visam esse Pastoritiâ, quàm Agriculturam, apparet ex eo, quod, ut Varro scribit, veteres vocabant Pecuariâ artem Primam, & Incensiuam: Hanc autem Agriculturâ, Posteriores, & succensiuam. Ergo Pastoritia meritò, sic usu suadente, prius exulta est. Q. Quinâ fuerint isti Iabalis posterij, qui in Tentorijs pascendi pecoris gratiâ habitabant, fuerintque Nomades & vagi, vitrum Scythæ, an Afri? R. Nec ij Afri erāt, nec Scythæ ij, quos nouit Orbis, habuitque post Diluuium. Nam posterij omnes Caini illa terrarum elunione fuerunt extincti. Verum hoc vitæ genus (quod hîc cōmemoratur, estq; eiusmodi, ut pascendi sequendiq; cōmodius pecoris gratiâ, homines sub papilionibus habitet, nec certam sedes habeant) hoc, inquam, vitæ genus à Iabale primum institutū secuti sunt eius posterij: & ijs deletis atque orbe renouato ij, qui & in Scythia maximè Asiatica (quæ pertinet ad Orientem) & in Africa habendi tuendiq; pecoris gratiâ in Magalibus, curribus, & tentorijs postea vixerūt totū suæ vitæ spatium. Ac quidem ij Scythæ, qui sic vi-

tam

tam suā instituerūt, dicti sunt *Hamaxobij*. *Afri* verò,
 qui sic palantes pecudes pascebātur, appellati sunt *No-*
mades: ex veteri nēpe eius vite memoria, quæ à *Iabale*
 primū instituta, deinde à filijs *Noachi* retenta fuerat,
 & culta post diluuiū. *Q.* Cur hoc *Iabalis* inuentū à
Mose laudatur, ac commemoratur, quod miserrimum
 & laboriosissimum, & planè homine indignū vite genus
 continere videtur, utpote in quo homines mancipia &
 viles perpetuique serui pecudum euadant, vagi fiant:
 quòdque etiam nonnullæ gentes exosa fuerunt, tanquam
 humane societati contrarium, velut *Aegyptij*, *Gen* 46.
 34: & *Persæ*, ut in *Cyropadia* tradit *Xenophon*. *R.*
 Ipsa quidem hominū seruitus, & occupatio tam affixa
 additæque pecudibus, est pœna peccati. Pecudes enim
 homini inferuire debent (cuius caussa sunt condite) non
 autem homo pecudibus. Nec enim pecudū gratiā natus
 est homo. *Iudustria* verò scientiæque huius cura & pe-
 corū passionis rectè tractanda, & gerenda in tanta hu-
 mani ingenij cecitate, & tanta tamen huius rerū generis
 utilitate, est proculdubio donū *Dei Opt. Max.* & ars
 maximè laudanda. Quare quicquid est in ea re, vel
 arte laboris, tadij, difficultatis totum id est fructus pec-
 cati, *Gen.* 31. 40: quicquid autē in eadem est industrie,
 ingenij, utilitatis, est pulcherrimū munus *Dei*. Ex quo
 fit, ut hoc ipsum à *Mose* iure & laudetur, & cōmemo-
 retur. *Q.* Utrum hoc vaga & pecuaria vite genus
 sit à *Christianis* hominibus ullo pacto sequendū, quū
 qui illud amplectuntur, sint ἀπόλιδες, id est, sine certa
 vlla ciuitate. Id quod inter *Dei* maledictiones recen-
 setur, *Deut.* 28. 52, *Psal.* 109. 10. *R.* Quum *A-*

*brahamus, Isaacus, & Iacobus Dei serui hanc vita-
 tionem amplexi fuerint, non est à viro Christiano alie-
 na, damnandæve hac vita, Gen. 21, & 31. 40. Nam
 prout vel regionis ratio ac cōmoditas suadet, vel mores
 hominum (inter quos versamur) nos mouent, vel agri-
 cole statarij, vel pecuarij vagi, vel certi loci & urbis
 ciues & incole, vel contrà palantes viuere & esse possu-
 mus, modò Deum verū verè & ex ipsius verbo in quo-
 nis vita genere colamus. Nihil enim interest statariā,
 an eiusmodi palantem vitam degamus, modò ne simus
 Spoliati, vel odio humani generis, vel temerè per Orbē
 terrarum discursandi animo, quod est agrestis vel disso-
 luti hominis: non autem humani mansuetiq₃. Et hac de
 capite xv. dicta sunt. Verū ad xvi. accedamus.*

Ad XVI. Artis Musicæ Inuentio.

*Queritur, Cur Deus voluit Musicam statim, atq₃
 ab ipso penè Mundi initio & exordio inueniri ab ho-
 minibus? Gen. 4. 21. R. Primū, ut suam in genus
 humanum quauis perditū & per se miserum benigni-
 tatem testaretur Deus. Praclarè enim Augustinus lib.
 22. Ciuit. Dei, cap. 24. [Præter artes, ait, & bene vi-
 uendi, & ad immortalem perueniendi fœlicitatem (que
 virtutes vocantur, & solâ Dei gratiâ, qua in Christo
 est, filijs promissionis regniq₃ donantur) nōne humano
 ingenio tot, tãaque artes sunt inuenta, & exercite par-
 tim necessaria, partim voluntaria (aliq₃ voluptaria) ut
 tam excellens vis mentis atq₃ rationis, in his etiã rebus
 (quas superfluas, imò periculosas, perniciosasque appe-
 tit) quantum bonum habeat in natura, unde ista potuit
 vel inuenire, vel discere, vel exercere, testetur? Vesti-
 men-*

mentorū & adificiorū ad opera quā mirabilia, quam stupēda industria humana peruenit? quō in agricultura quō in navigatione profecerit: quae in fabricatione quorūque vasorum, vel etiam statuarum, & picturarū varietate excogitauerit? &c.] Deinde ut hac ratione etiam ad pietatem suique cultum ardētius homines excitaret. Quod enim ad suam voluptatem homines conuerterunt, hoc est, Musica instrumenta, id ipsum Deus in externo suo cultu adhiberi etiam tunc volebat, uti postea sub Lege ab eo data factū ac preceptū est, Psal. 149, & 150: quō magis accenderet homines etiam ex istis rebus externis ad se colendum, & ad publicos cœtus sacros seu Ecclesiasticos, ubi adorabatur, frequentandū. Denique ut eodem libentiùs conuenirēt homines. Musica igitur vsi sunt primi homines psallēdo, instrumentaq; pulsando, ut seipsos oblectarēt. Deus autem eam artem statim inueniri voluit, ut hoc quicq; rerū genere homines ad laudes Dei canēdas uterentur. Porro hic ordo fuit artium ab hominibus excusarū ac repertarum, ut in ijs primum inueniendis, exercendis, excolendisq; studium & operam suam ponerent, quae ad victum humanum erant omnino necessaria, qualis est Agricultura, & Pastoritia. Postea in ijs excogitandis laborarent, quae ad Dei cultum adhibita sunt, erantque ad hominū delectationem cōparata, qualis est Musica. Denique in ijs reperiēdis sudarent, quae ad hominū tuitionem, defensionem, & commoditatem erāt necessaria, qualis ferraria ars, fabrilis seu mechanica. Sed & illud quoque dici potest, Musicam summā Dei providentiā inter primas artes inuentā, idque à Caini posteris viris

industrijs, ut ingenij eorū ferocitas huius artis Musices beneficio & suauitate leniretur, ac quodammodo molli-
retur. Caterū Artes ista omnes reperta sustulerunt, animos hominum, atque arrogātes effecerunt, ut magis contumaces in Deū, sua tamen culpa & ingratitude, euaderent: Nam de eorundem hominum, qui harū ar-
tium inuentores existēre, pietate & fide in Deum, aut Dei metu nihil traditur à Mose, neque etiā à Philone in Antiquit Bibl. neque à Iosepho lib. 1. Antiquit. Iu-
daic. cap. 4. qui tamen hac commemorant. Ergo Caini posterorum ingenium quidem, sed carnale: industria, sed terrena his rationibus commendatur: nō autem pietas, fides, aut probitas Nec enim in istis hominibus fuit Ec-
clesia Dei, sed in posteris Sethi, de quibus postea. *Q.* Vtrum ex coeli, Astrorumque motu homines Musicam didicerint, ut vult Plato: an ex ferrariarum officinarū & operarum in illis ferrum in numerū tundentium, tin-
nitu & sono numeroso, qui percipitur auribus, quemad-
modum sensit Pythagoras, ut Macrobius in Comment. in lib. M. Ciceronis de Somnio Scipionis refert. *R.* Primum, Platonis sententia, ut ait Plautus, est λήγου, id est, nuga nugerrime. Quomodo enim, aut ubi unquam homines cōcentum illum cœlorum in terris au-
diuerūt? Secundo loco, opinio Pythagora falsa est: nam Musica prius inuenta est, quā ars fabrilis aut ferra-
ria. Quāobrem ex huius numeroso tinnitu & sono illa reperiri non potuit. Quid igitur? Quum essent Caini posterī, qui has artes pepererūt homines planè terreni, & voluptarij, industrij tamen, (utpote qui semina pri-
mi illius vigoris adhuc retinerēt, quem hominū ingenijs
Deus

Deus indiderat) istas omnes artes facile excogitarunt. Primum quidem eas, quæ victui erant necessariae: postea verò voluptarias, magnis tamen ingenij viribus cõnixi, tamen libidini carnis immersi, ut apparet. Vetusissimam autem fuisse artem Musicam praesertim Organicam (nec enim de illa, quæ vocalis est, .i. sit hominum voce modulata certis partibus, hic agitur) satis intelligi potest ex antiquissima historia Arionis, qui Musicus fuit, de quo & Herodotus, & Ovidius in Fast. & A. Gellius scripserunt. Q. Cur ars Navigatoria, Mercatura, & Tinctura, aliaeque artes vel lucrosæ, vel oblectantes animũ, non sunt prius ab hominibus tentatæ & excogitatæ, quàm musica, praesertim Organica? R. Propterea quod homines nondũ eo tempore tam avari erant, quàm fuere postea, minimèque tam lucro dediti, quàm nunc sunt: atque nondũ pecunia & opum splendor tantus tunc repertus erat, quantum postea: Idcirco eas artes, quæ tota lucri causa cõparatæ sunt, & exercentur (qualis est navigatoria, mercatura, & similes) minimè quasierunt primi illius seculi homines: sed has tantũ, quæ victũ necessarium, & voluptatem preberent. Ceteras verò artes, quas xpuasixes, id est, lucratinas vocant, postea ætas inuenit, quũ auaritia ad lucra maiora inuestigãda homines impulsisset. Tinctura verò & pictura, quanquã sunt voluptaria artes, nõdum tamen fuerunt repertæ, quòd quæ ex ijs capitur voluptas, non tam naturalis est, quàm quæ ex arte Musica: quòdque ad Dei cultum tunc non erant, ut hæc, necessaria, & adhibenda. Navigandi verò artẽ Noachus primus, Dei iussu, instituisse, didicisseq; videtur, dũ Arcam illã ce-

perberrimam fabricatur, & regit in submersione mundi, ne ipse cum liberis, & in eadē impositis animalibus pereat. Et hac quidem de cap. xvi. huius historia. Iam verò pergamus ad xviij. quod etiam est postremum.

Ad XVII. Artis Ferrarie, & Æ- rarie Inuentio.

Queritur, Cur ex una Lamechi hominis truculentā & libidinosi, vitiosiꝑ, familia tot, tamque industrij novarum artium non modò artifices, sed & inventores extiterint. R. Ut Deus ostenderes etiam ea, quæ homines habent naturalia ingenij ornamenta, non pro meritis habere: sed ex mera ipsius gratia accipere, quemadmodum apparet in Beselele, & Ooliabo, Exod. 36. 1. 2. iuxta illud, [Omne bonū est supernè à Patre lumen] Iac. 1. 17. Ergo vires etiā ingenij, quantumvis naturales, sunt mera Dei in homines dona. Quid enim habent, quod non acceperunt? Quod si acceperunt, cur de ijs gloriantur ipsi, & totam eorum donorum laudem cur non acceptam suo autori ferunt? 1. Cor. 4. 7. Deinde ex ijs apparet, magnam eius corruptionis, quæ postea totum Mundum inuasit, partem ex una hac eadem Lamechi seuissimi & spurcissimi hominis familia & gente olim emanasse. & ortam esse, quā una illa, primæ lucri artes, prima voluptatis incentiua, prima ferocia & audaciæ exequēda instrumenta porrexerit hominibus, dum Pastoritæ artis incrementum, musicam, & Ferrariam artes excogitavit. Ergo ab istis Lamechi posteris tanquā ex primo fonte dimanarunt postea
hac

hec vitia, nimirum Avaritia, Libido, Sanctia ac Audacia, quæ in alios mortales postea fuerunt propagata. Recte enim ille, quanquam profanus, scribit, nimirum Tibullus lib. 1. Elegia 10.

Quis fuit, horrendos primus qui protulit enses?

Quam ferus, & verè ferreus ille fuit?

Tunc cades hominum generi, tunc prælia nata,

Tunc breuior dira mortis aperta via est.

In summa illa Christi sententia quovis tempore vera fuit, Filij huius seculi prudentiores sunt, & magis industrij in hac vita, quàm lucis seu Dei filij & serui, Luc. 16. 8. Verùm ut multa de istorum hominũ, Casni nempe & Lamechi posterorũ industria, ingenij vinacitate, & viribus narrantur: sic nihil de eorundẽ in Deum pietate & fide extat. Imò propter hac ipsa dona ydem isti Deum primi contempserunt, & contemnendi exempliũ alijs fuerunt, inducta postea publica nominis Dei Profanatione. Q. Vtrum Aes & ferrum è terra visceribus eruere nouerant homines, ante Ferraria artis inuentum: an Tubalcainus simul & metalla ista, eorumq; venas dignoscere homines docuerit: & agnita eruere, ac effodere: denique eruta, & è terra effossa malleo cõtundere, igne subigere, atque ex ijs ita preparatis varia opera fabrilia facere, monstrauerit. R. Omnia hac docuit homines Tubalcainus, & quidem primus: nõ solum autem opera quadam & ferramenta ex ijs, id est, ex are & ferro iam inuentis cudere ad hominum usum (velut agriculturã, & adificationem) necessaria. Nam & eorum, si qui prius metalla ista reperissent, facta fuisset mentio: & quũ ait Moses Gen. 4. 22. de Tubal-

caino, [qui erudit in omnem fabrum ararium & ferrarium,] hoc sibi vult, quamlibet harum artium partem (est autem earum pars maxima in terra venis ea metalla primum dignoscere, & agnita effodere) esse hominis illius inuentum. In summa, hic est Tubalcainus, qui à Latinis & profanis postea [Vulcanus] contradiore vocabulo ex veteri illa traditione, quā hic scribit Moses, fuit dictus, estque ab ijs faber, & fabrorum, artisq; ipsius ferrariæ autor, & parens appellatus, cuius uxor nominatur Venus, quæ hic Noëma, id est, Venusta seu voluptas, ut vult August. lib. 15. Ciuit. Dei, cap. 20. à Mose vocatur. Q. Cur iste Tubalcainus vocatus est, non autem simpliciter Tubal, uti fratres eius dicebatur Iabal, & Iubal: nō Iabalcainus, vel Iubalcainus. R. Sic nominatus est iste, nō tantum ut ab alijs hominibus distingueretur, quorum nomen fuit Tubal (velut inter posteros Iapheti fuit alius Tubal Gen. 10.2) verumetiam ut in eo, tāquam viro quodam egregio & industrio, memoriam nomēque Caini primi sui parentia & familie autoris parentes renouarent. Ex quo apparet Tubalcainū (uti quoq; conseruata est per tot postea secula istius viri & appellatio, & memoria) pro magno celebrique viro & suo iam tempore, & postea habitū, cultūque fuisse: de quo sic Iosephus lib. 1. Antiquit. Iudaic. cap. 4. [Tubalcain, qui Lamecho ex altera uxore natus est, cunctos fortitudine excelluit.] Philo Iudeus Tubal & Tobal interpretatur [Conuersus, seu aptus ad omnia. Alij verò quasi [Orbis possessione dignus.] sic nempe ceteris mortalibus admirabile fuit insitius artis inuentum, quod tamen Aristoteles lib. 1. Po-

litico-

liticorum, inter sordidissimas artes recenset. Fortasse verò, quia cædis & homicidij, quod primus Cainus perpetrarat, primus instrumenta repererat, nempe ferra-
 menta & enses, Cainus quoque ex primi hominis fra-
 tricide nomine per ignominiam cognominatus est, nō so-
 lum Tubal. Ego verò honoris ergo impositum illi Caini
 cognomē potius existimauerim, quasi vir esset egregius:
 atque inde non simpliciter Tubal, sed Tubalcainus ap-
 pellatus est. *Q.* Cur in libris Chronicorū, ubi Ada-
 mi prosapia recensetur, istorū hominum (nempe totius
 familie Caini) tam industriorū, & qui tam necessarias
 artes vite humana excogitarāt, nulla tamen fit mentio.
R. Tum quòd tota gens ista diluvio periit: sola autem
 Sethi soboles seruata fuit, & superstes, non quidē tota,
 sed ex ea persona solum octo, ex quibus postea propaga-
 tum est totū genus humanum, Gen. 8. 16, 1. Pet. 3. 20:
 tum quòd institutum erat eorum librorū, qui Chronica
 dicuntur, non totam Adami prosapiam describere, sed
 eam duntaxat, ex qua Israëlita, & Dei Ecclesia nata
 est. Quamobrem posterì Caini in eo Catalogo, quū non
 essent de Ecclesia, fuerūt prætermissi. *Q.* Quid ho-
 minibus ex istius araria & ferraria Artis inuentione
 acciderit, vel accesserit. *R.* Magnus certè quidem
 est, fuitq; tunc temporis in omnibus vite humanae par-
 tibus istius artis utriusque usus ad arandum, ad adifi-
 candū, ad secandum (nam primi cuneis, non ferro scin-
 debant fissile lignum, quemadmodum scribit Virgil. lib.
 1. Georgic.) & ad alia postea opera, velut ad nauigā-
 dum, ad quidpiam compingendum, ad pugnandum, si q;
 aduersus alios tuendum vel armis indutis, vel ense stro-

Eto. Porro de usu ferri, & quæ ex eo percipitur, cōmoditate, vide Pliniū lib. 34. hist. Natur. cap. 14. Magnus tamen abusus earundem illarum artium postea quoque inter mortales secutus est, dum his ferramentis sese mutuò inuadunt, ingulant, vulnerant, bella parant, & gerunt. Id quod non artibus tamen istis propriè: sed hominum malitia est tribuendū, sicut idem Tibull. lib. 1. eleg. 10. testatur hisce versibus, de reperiore ferri agēs:

At miser iste nihil meruit: nos ad mala nostra

Vertimus in sauas quod dedit ille feras.

Diuitis hoc vitium est auri: nec bella fuerunt,

Fagus adstabat quum scyphus ante dapes.

Plinius metallum ferri optimū vita, pessimumque instrumentum esse scribit. Denique tunc quoq; Idola fabricari esse cœpta ait Philo Iudeus in Bibl. Antiquit. quoniam homines ea ex ære & ferro tunc cuderunt, ait: quæ tamen primum post Diluuium, ætate Tharæ patre Abrahami, inuenta fuisse vult, scribitque Epiphanius in Panario. Et dubia quidem hæc lenus.

C A P V T III.

Vestigia superioris historię, & veritatis.

AD I. PECCATVM HOMINIS.



SUPERIORIS autem veritatis eque etiam inter ipsos profanos vestigia extant, explicemus, quò & homines irrisores & emulatores seu potius Athei refellantur: & pii timentesque Dei in fide confirmantur. *Ac pri-*

mum ex Ethnicorum, qui Christi aduentum pracesse-
runt, (quorum duntaxat, etsi non omnium, testimonia
quarimus: Esset enim infinitum omnia colligere) libris,
scriptisque apparet, Hominem quidem, quatenus Dei
opus est, esse bonum: eundem autem suâ culpâ & malû,
& miserum effectum. Ergo à Deo bonus erat Homo: à
se verò factus est nequam, prauus & malus. Trismegi-
stus in Pimandro, quemadmodum ait, rubigo nequaquâ
est ab artifice: sic neq; sunt à Creatore sordes. & lutum
seu vitium, quod est in nobis. Plato in Polit. editione H.
Stephani, pag. 273. Tom. 2. scribit hominem suâ culpâ
à prima sua felicitate, & primæ Mundi ætatis curri-
culo excidisse. Aristoteles primam illam hominis crea-
tionem speclâs, lib. 2. Ethic. putat hominis voluntatem
esse fuisseq; à natura velut Tabulâ abrasam à Deo fa-
ctam, quæ vitio vel virtute (prout ipsa voluerit, seque
inclinauerit) prædita fuerit, ac fiat. Sed & Platone &
Aristotele antiquior Homerus, & ipse quoque Ethni-
cus lib. 1. Odyssæa sic scribit,

Ὡ πόποι, οἷον δὴ νῦν θεὸς βροτοὶ αἰτιόωνται.

Ἐξ ἡλῶν γὰρ φασὶ κακ' εἶναι. οἱ δὲ καὶ αὐτοὶ

Σφῆσιν ἀταδάλισιν ἑσθ' μόρον ἄλγε' ἔχουσι.

[Papa, quàm sanè mortales homines nos deos accusât.

A nobis enim aiunt mala esse. At illi ipsi

Suis stultitijs, præter fatum, miseriae & angores sibi
accersunt.] Hierocles deniq; qui in vetustissima illa
Pythagora carmina, quæ vocantur Aurea, cōmentarios
scripsit, vetus sanè autor, & Stoicus: [Homo, ait, à
scipso propriâque voluntate procliuus est ad malum se-
quendum, & bonum deserendum.] Quemadmodum &

illud quoque vetus & Menandri, & Terentij Poëtarū
 Comitorum, [Proclive est hominis ingenium à labore
 ad libidinem.] Deinde addit idē Hserocles. [Ne blas-
 phememus interea, dicentes Deum esse autorem nostro-
 rum criminum. Contrā verò, euasit Homo malus pro-
 pria voluntate, & quum peccauimus, id egimus, quod
 erat in nobis: non autē id, quod erat Dei in nobis.] Hac
 ille ex vetustissima Stoicorum secta, quā profitebatur.
 Et hac quidem ostendunt id quod S. Scriptura docet,
 Hominem iam malū effectū esse, sed suo vitio & culpa:
 quatenus verò Dei opificium erat, fuisse bonum. Prae-
 termitto enim Plotini, magni Platonici, infinitas in eā
 rem sententias, quas ex Enneadibus eius varijs in locis
 collegit accuratissimē Philippus Plesseius in opere De
 Veritate Christiana cap. 17. quod is autor post Chri-
 stum passum aliquot seculis vixerit. Hoc igitur ipsum
 quod suprā diximus, confirmat quoque idem Trismeg.
 in Pimand. docetq; Dial. 4. Malorum causam à nobis
 esse, extrāque Dei culpam. Itaque cap. 6. irridet eos,
 qui hominem volunt esse bonum. Nam solus Deus bonus
 est, non homo, non Mundus hic, neque boni causa, ait i-
 dem cap. seu dial. 10. Itaque à solo Deo lumen esse in
 homine: in homine verò iam meras esse tenebras: ac pro-
 inde regenerandum hominem esse, ut Deum cognoscat,
 atque ad eum accedat. Id quod in hymno de regenera-
 tione cap. 13. eiusdē operis copiosius tradit idem Tris-
 megistus. Porro quæ fuerit prima in homine ipso pec-
 candi & bonam illam naturā, quā à Deo acceperat,
 amittendi causa, idem illi Ethnici ex vestigijs verita-
 tis sacra pingūt vel describunt, ceriē saltem adumbrāt.

. EST

Est autem, fuitque, aiunt, ambitio hominis superbiaq³, dum vult homo Deo similis esse: dū eius opera imitari: dum nimium seipsum diligit: dum corpus suum, & quæ ex eo voluptates sentiuntur, amat plus equo. Amor enim corporis fuit illi causa mortis, ait idē Trismegist. in Pimand. cap. 1. ubi etiam hæc extant, & si quibusdā fabulis (aſtu Satana) obscurata, tamen vera veritatis nostra testimonia: [Hominem, ait, sibi similem procreavit Deus, atque ei, tanquam filio suo, congratulatus est. Pulcher enim erat, patriſq³ ſui ferebat imaginē. Deus enim reuerā propria forma delectat⁹, opera ſua omnia uſui conceſſit humano. Homo autem quum cōſideraſſet in tempore ſuo omnium creationem, ipſe quoque fabricare voluit, unde à cōtemplatione Patris ad Spharam generationis delapſus eſt, &c.] Hierocles, [Ambitio, inquit, eſt nobis lethalis, atque hoc malum à nobis ipſi habemus, quum à Deo defecimus.] Sed quæ fuerit homini externa peccandi cauſſa ab iſdē illis Ethnicis explicatur quoque, quò magis etiam ex iſs ipſis conſtet de noſtra veritate. Fuit autem illa cauſſa Serpens à Demone impuſus, qui primum per fœminam peccatum in Mundū, ex eſu pomi ſeu mali (quod primi homines vetiti fuerant attingere) introduxit, Gen. 3. De quibus ſingulis veſtigia veritatis, quæ reſtāt, expendamus. Ac primum quidē à Serpente deceptos fuiſſe primos mortales apertè ſcripſerat Sibylla, cuius verſus extāt apud Lactant. lib. 2. Inſtitut. Chriſtianarū, cap. 12. quos nos Græcos iam citauiſſimus, & quorum hic eſt ſenſus,

*Ipſe ſuis hominem in uinibus Deus adidit, illum
Decepit Serpens, dāns noſſe bonumq³, malumq³.*

Eundem verò Serpentem à Cacodemone fuisse ad id operis suscitatum, docuit dixitque Pherecydes Syrus, quem eundem appellat ὁφιογενῆ, καὶ ὁφιοβόον, quemadmodum tradit Origenes contra Celsum, à quo esse scripsit ille idem Pherecydes. & quidē consentienter veritati, quicquid est malorum in hoc Mundo. Quomodo verò cum muliere prima, quā decepit, loqui Serpens iste potuerit idiomate humano, docet etiā ex Ethnicis ipsis Cyrillus lib. 3. contra Iulian. sect. 2. nempe instinctu Satane id factum, quandoquidem Magorū (qui sunt famuli duntaxat Diaboli) vi, & incantationibus multa belua & nunc loquuntur, & olim sunt locuta (ut pratermittam Asinam Balaami, quæ Dei iussu locuta est, de qua est, Numer. 22. 27) velut Equus Achillis, Argo navis, Quercus & Columba in Dodoneæ sylva, flumen Causius Pythagoram salutavit, Arbor Ulmus Apollonium Philosophum, & Iouis Taurus in Rhodo insula. Sed nonne Pica & Gracchulus nostra verba discunt, & loquuntur? Porro à fœmina, nō autem à mare initiū mali & peccati ortum esse tradiderunt Homerus, & Hesiodus. Ac Homerus quidē lib. Iliad. 19. Nam quod ibi Aten quandam fœminam canit omnibus nobis mortalibus fuisse noxiam & perniciosam, proculdubio alludit ad omniū nostrum parentem Euam, (quæ primū peccavit) idque ex reliquijs veritatis, de qua Homerus quidpiam inaudiuerat. Ait enim,

Πρῶτα Διὸς θυγάτηρ Ἄτη, ἣ πάντας ἀΐται Οὐλομένη.

[Filia prima Iouis, quæq; omnes perdidit, Ate Perniciosa.] Quid quod ibidem Homerus alterius fabula integumento eandem historiā attingit, dum

ait Iouem omnium mortalium sapientissimum tamen à
 Iunone uxore sua olim deceptum fuisse? Et hæc quidem
 de initio malorum, quòdque à fœmina ceperit, & per
 eam hominum prudentissimus deceptus sit. tradit Ho-
 merus. Hesiodus verò lib. 1. Oper. & Dier. idem qui-
 dem sentit & scribit, sed diuersis verbis, aliàue fabula
 conficta ex veteri traditione. Nam ait, [A Pandora
 muliere (quæ omnium fœminarũ & formosissima & pri-
 ma condita à Dys fuerat) mala omnia in Orbem terra-
 rum sparsa fuisse,] quanquam & Palæphatus de Fa-
 bulosis narrationibus, & Placiades Fulgentius libr. 2.
 Mythologic. aliter interpretantur Pãdoram, dum ad
 nostram veritatem non attendunt. At verò Hesiodus
 nobiscum facit, ex cuius carmine, quod nos cõtendimus,
 ostendetur facilè.

Ἀλλὰ γυνὴ χεῖρασι πίθου μέγα παρὶ ἀφελῶσα
 Εὐκείδης, ἀνδρῶ τοιοῖσι δ' ἐμήσατο κῆδεα λυγρὰ.

[Námq̃, prius vixêre homines, verum absq̃, labore,
 Absque malis, morboque graui tristisque senectâ.

At Mulier rapto de poclo tegmine sparsit

Omne mali genus, & morbos, curasque molestas.]

Itaque Mulierem ex ira Iouis natã, & χαλὸν κακὸν ἀρ-
 pellauit idem in θεογονίᾳ, ut lib. 3. contra Iulian. scribit
 Cyrillus in principio libri. Non desunt etiam qui [væ]
 ab Eua velint deduc̃tum per metathesin literarũ. Hinc
 quoque illud est Platonis lib. 10. de Legib. Mulieres
 esse mortalium superstitionissimas, utpote quæ sunt na-
 tura valde imbecillis. Itaque fœminã potius quàm ma-
 rem aggressus est serpens, ut eam falleret. Deniq̃, quod
 in esu pomi dicitur perpetratum primũ hoc hominum

scelus, nonne videtur cum eo consentire, quod de malis aureis scribunt Poetae, quae ne homines attingerent per-
uigilem draconem ijs à dijs appositum voluit, ut draco
iste homines, ne ex ijs ederent, prohiberet. Et hac de
primo nostra veritatis capite, & illius reliquijs, quales
in Ethnicis scriptis extant.

Ad II. Pœna peccati Hominum.

Nunc de secundo dicamus, in quo Pœna peccati, id
est, tristissima Miseria, atque non modo ipsorum homi-
num ruina calamitasque cōtinetur, verumetiam totius
huius Mundi. Quod ipsum ut melius ex Ethnicorum
hominum scriptis intelligatur, conferamus ea, quae tra-
dunt illi de prima & pura adhuc hominum etate (quā
Auream vocāt) cum ijs, quae de Ferrea scribunt ydem,
in quam homines post peccatum inciderunt. Nec enim
dubitari potest, quin Aurea illius etatis enigmatē fœ-
licem illam vitam designarint, quam homines ante pec-
catum vixerunt. Aetatis verò ferrea nomine eam, quā
iam post offensum à primis hominibus Deū omnes ex-
perimur. Auream autem etatem Seculum Saturni no-
minant. Praclarè enim Plato in Cratylo, [Nempe e-
quidem arbitror, ait, Hesiodū Auream etatem appel-
lare, non quae aurea quidem esset naturā, atque auro cō-
staret: sed bonam & praeclaram significasse. Cui rei ar-
gumentum mihi est, quòd etatem nostram Ferream no-
minarit.] Ergo idem in Polit. Plato hoc idem tempus
& Saturni seculum & aureum dici tradit, cuius sum-
mam omnibus in rebus felicitatem describit. Nam ait
omnia tunc spon̄te homini è terra nata: ipsos homines
tunc

tunc fuisse immortales, aut ex seipsis renouatos: cœli quoque temperiem tunc optimam. Sed ante Platonem Hesiodus lib. 1. Operum & Dierum sic scripserat:

Χρύτεον μὲν θεῶπσα γένετ' μερόπων ἀνθρώπων

Οἱ δὲν ὅπῃ Κρόνῳ ἦσαν, ὅτ' ἔσαν ἑυβασιλεύον.

Ὡς εἰ θεοὶ δ' ἰζῶον ἀκίδητα θυμὸν ἔχοντες, &c.

Id quod pulcherrimè Ouidius lib. 1. Metamorph. non tam imitatus, quàm conuertisse, & expressisse videtur his versibus:

[Aurea prima sata est atas, quæ vindice nullo

Sponte sua sine lege fidem, relictumque colebat.

Nondum precipites cingebant oppida fossæ:

Non galea, non ensis erat, sine militis usu.

Ipsa quoque immunis, rastròque intacta, nec ullis

Saucia vomeribus per se dabat omnia tellus,

Contentique cibus, nullo egente, creatis,

Arboreos fructus, montanæque fraga legebant.

Ver erat æternum, placidisque, tepentibus auris,

Mulcebant Zephyri natos sine semine flores.

Atque etiam fruges tellus inarata ferebat.]

Quibus consentiunt ea, quæ Virgilius, reliquique vetustissimi Poëta tum Græci, tum Latini de Saturni seculo tradiderunt: quæ nos, breuitatis gratiâ, minimè ex illis in hunc locum transcribemus. Sed postquam homo peccauit, mutata est aurea illius conditio & atas in Ferream, summa felicitas in summam miseriam & infelicitatem conuersa, qualem etiâ ipsimet Ethnici declarant, adeo ut Sibylla scripserit metuendum esse, imò tempus fore, quo Deus uniuersum genus humanum deleat à terra, quemadmodum extant, varij illius de ea re versus

apud Lactantium in libro De Ira Dei. Ergo Hesiodus Ferrei istius Hominum seculi infelicitatem & pœnam ostendit, quæ secuta est hominum mutatos mores, id est peccatum ab ijs in Deum Creatorem suum perfidissimè admissum, idque cōgruenter verbo Dei. Imò idem tradit tantam hominum miseriam (qualis nunc est) non repente extitisse, quod verum est, sed per quosdā gradus, & temporum ætates, momenta, & successiones succreuisse: in quibus tamen intermiscet quædā tum ipse, tum alij de fabulis, quoniam veritas ipsa lucida, qualis est in verbo Dei, semper à suis umbris (quas solas Ethnici habuerunt) differt. Illa enim sunt interpolatio & obscuratio veritatis. Ait igitur Hesiodus eiusdem operis lib. I. his verbis,

Νῦν γὰρ δὴ γένε' ὅτ' σιδήρεον ἔδέσποτ' ἦεν
 Πάύονταί τε καὶ δ' αἰῶνος, ὃ δ' ἐπὶ νύκτωρ
 Φθιέσμενοι χαλεπᾶς θεοὶ δώτε πικρυνᾶς. &c.

Ergo post peccatum statim immutate sunt rerū vices, ipsaque huius Mundi facies & felicitas amissa, quam ætatem Ioui tribuunt. Nondū tamen summa erat mundi corruptio & calamitas, quæ sequentibus temporibus propter succrescentia multiplicataq; hominum peccata demū exorta est. Ergo de Ioue illi scribunt sub eo fuisse, non sub Saturno initium, misera illius conditionis, quæ propter hominum peccatum iniecta est in Mundum: de quo sic Virgil. lib. I. Georgic. his versibus:

[Ante Iouem nulli subigebant arua coloni,
 Nec signare quidem, aut partiri limite campum
 Fæderat: in medio querebant, ipsaque Tellus
 Omnia liberis, nullo poscente, ferebat.

Ille

*Ille malum virus serpentibus addidit atris,
 Prædarique lupos iussit pontumque moveri,
 Mellâque decussit folys, &c.] Esi Laëtant. lib. 5.
 cap. 5. aliter ista interpretatur. Ergo crescente homi-
 num malitia (postquam semel esse cœpit) tandem omne
 genus ut peccati, sic miserie in Mundum irrupit. Vnde
 Ferrea, id est, miserrima hominû ætas nata est, propter
 quam immissum est a Deo postea diluvium, uti ex eis-
 dem Ethnicis dicitur. Caterum de ista ætate Ferrea,
 quanta & scelera, & scelerum supplicia pepererit, sic
 Ovid. lib. 1. Metamorph. - De duro est ultima ferro.*

*[Protinus irrupit vena peioris in ævum
 Omne nefas, fugere pudor, verumque, fidesque:
 In quorum subire locum fraudesque, dolique,
 Insidiaque, & vis, & amor sceleratus habendi:*

*Vivitur ex rapto, non hospes ab hospite tutus, &c.]
 Ergo & miserie quoque, nempe pœna peccatorum isto-
 rum subsecuta sunt, quas lib. 6. Aeneid. describit Vir-
 gilius. Nam iam inter nos & post peccatum est*

*[Luctus, & ultrices posuere cubilia cura,
 Pallentesque habitant morbi, tristisque senectus:*

*Et metus, & malesuada fames, & turpis egestas.]
 Extat libellus Græcus inscriptione [Axiochus,] in quo
 humana vite calamitates commemorantur, qui Platoni
 tribuitur (certè est auctoris & Ethnici, & vetustissimi)
 ex quo quanta sit hominum iam, id est, post peccatum,
 miseria & infelicitas, apparet in quavis ætate, sexu, vi-
 ta genere, adeo ut tandem concludatur vitam hanc ho-
 minis, id est, in his terris esse magnû & arduosum ma-
 lum. Legat illum libellum (est enim utilissimus) qui*

volet. Exstitit Philosophus ante M. Tull. Ciceronem quidā ut ipse Tuscul. 1. testatur, nomine Hegeſias, qui propter eiusmodi tantāſque miseras, quibus hac vita obnoxia eſt, diceret, docerētque Optimū eſſe vel omnino non naſci, vel ſtatim mori. Alcidaſmus idem docuit. Denique Thracum fuerunt autem illi Europa gens nobiliſſima) mos is fuit, ut ſcribit Herodotus lib. 3. & Valerius Maximus lib. 2. ut in hominum natiuitate lugerent fœtum circumſtantes: in morte verò hominum laterentur, quòd natiuitas eſſet malorum initium: mors verò finis. Cui ſententia in Cteſiphonte aſtipulatur Euripides, his verbis,

[Nam nos decebat cœtus celebrantes, domi
Lugere, ubi eſſet aliquis in lucem editus,
Humana vita varia reputantes mala.
At, qui labores morte finiſſet graues,
Omnes amicos laude, & lætitia exequi.)

Quin & Homerus quoq; quem citat Plutarch ſic ait,
[Haud quidquā eſt miſerum magis, ærumnoſius atq;
Eſt hominum in terris, quæ ſpirant, quæq; vagantur.
Et hæc quidem in genere pœnam peccati in hominibus
exiſtiſſe, & extare oſtendunt, atque inde infuſam in
vniuerſum hunc Mundum calamitatem ſummam. Peculiariter verò Maſculum in excolenda terra: Mulierem in partu: ſerpentem in victu maledictum eſſe idem illi Ethnici etiam teſtantur. Nam poſt peccatum & mutatam propterea Mundi huius primā conditionem (quod ſub Ioue contigisse volunt, Prima enim ætas & felix ſub Saturno fuit) eſſe fortè idē fuit Saturnus & Iupiter, ſed diuerſa ei iſdem hominis conditio diuerſis]

nomiſibus ab ijs notata eſt: vel Iouis nomine Cainū illi proculdubio ſignificant. Poſt mutatam, inquā, ob ſcelus hominum primā huius Mundi totius conditionem. poſt additum ſerpentibus venenū, ut ait Virgilius, vita hominum miſerrima fuit, & in quærēdo ē terra victu laborioſiſſima. Ergo prima illorum occupatio in terra aranda colendāque exiſtit, ut idem Virgilius ait lib. I. Georgicorum: ---[Nam Iuppiter iſte

Et paſſim riuus currentia vina repreſſit:

Ut varias uſus meditando extunderet artes,

Paulatim & ſulcis frumenti quæreret herbam.]

Eodē pertinet quod tantopere agriculturā à vetuſtate iſdem Ethnici laudant. Imò Caſo Maior & Cenſorius dicebat habere ſe eam pro oblectamento potiùs, quā in fructu. Philopœmenes quum eſſet Princeps Achæorum, ea tamen ſummè delectabatur, quemadmodum in eorum vitis ſcribit Plutarchus: Item Laërtes rex pater I'lyſſis, ut vult Homerus, tamen, ut in Axiucho ſcribit Plato, etiam illa vita eſt & laborum, & moleſtiarū plena, & durum ac miſerum omnino, ſed primum vite genus. Id quod etiam docet Horatius lib. I. Epiſt. Ad Mæcenatem [Quinque dies] de Mena loquens. Mulieres autem in pariu ſummos dolores experiri ac tolerare cū ipſa rerum experientia docet, quæ quotidie cernitur: iū illud Euripidis, [Decies mori mallet, quā parere vel ſemel,] ait apud eum ſœmina. Vnde ſi iſtas diſſi ſummi dolores à Grecis, quales in pariu ſentiunt mulieres: & illud quoq; Homeri, quod non Homerum ipſum, ſed Homericā quandam potiùs poëtriā, quæ iam puerpera fuiſſet, ſcripſiſſe putat Plutarchus

in libello τοῦ τῆς φιλοσοφίας, tam est nemp̄ verum,

[Quñ labor, atque dolor partus, & acuta & amara
Tela graues feriunt uteros, quūmq̄ Isthysiæ
Iunonis nata accurrunt mala multa ferentes.]

Quaquam verò in Cōiunio rectè Plato ait, Ἡ δ' ἀν-
δρὸς καὶ γυναικὸς συνουσία, τόκος ὄσιν. Ἐστὶ δὲ θεῖον τὸ παρ-
μα, καὶ τὸ ἐν δυνάμει ὄντι τῷ ζώῳ ἀδανάτον ἔσιν, ἢ κύνσις καὶ ἢ
γέννησις, .i. [Ex mulieris sanè & viri cōgressu partus
existit. Est autem hoc diuinū opus, & in animali mor-
tali immortale hoc est, Conceptio videlicet, & Genera-
tio.] Tamen immensos esse mulierum parturientiū do-
lores negari non potest. Quam fuisse pœnam peculia-
rem mulieris scribit, docetque S. Scriptura. De Ser-
pente, & quātas cum homine exerceat inimicitias, utq̄
illum fugiat, vulneret tamen, notius est, quam ut dici
possit, vel debeat: de quo luculenter Plinius lib. 11. Na-
tural. Hist. Lucanus lib. 9. Pharsalidos. Et primum
quidē Animal (quod ab hominibus fuerit occisum) vo-
lunt fuisse Serpentem, quem à timore Pythonem ap-
pellarunt, & sagittis confossum ab Apolline peritissimo
sagittario. Nec verò his obstat, quòd Phylli, & Marfi
ut scribit Plinius lib. 28. cap. 3. à serpentibus non le-
duntur Id enim fit Magicis & Satanicis incantationi-
bus. Sed & quòd nonnulli populi vescuntur quoq̄ ser-
pentibus, ut Cādei in Aethiopico sinu, quemadmodum
idem tradit libr. 6. cap. 29. & de Americanis populis
scriptores Hispani, non officit huic sententiae. Hi enim,
qui ibi serpentes appellantur, quosq̄ homines isti edunt,
non sunt propriè serpentes, sed potius anguilla quaedam
terrena, vel aquea, felle venenòque carentes (quod ta-
men

men habent serpentes omnes) qua propter formam, corporisque similitudinem Serpentes nominantur: Ergo non serpentes, sed anguilla dici debuerunt illa animalia. Sunt enim illa innoxia hominibus: at Serpentes sunt semper noxii, venenatique, quos esse homines absque mortis periculo non possunt. Quod verò Iulianus Apostata contendebat Serpentem ab hominibus velut benefactorem, (vipote qui cognitionē boni & mali ijs dedisset) potius amandum, quàm odio prosequendum, aut maledicendū, refutat luculenter Cyrillus lib. 3. contra Iulian. sect. 4.

Ad III. Promissio Messiae.

Verum ad tertium caput nostra historia veniamus, in quo promissio futuri Messiae (qui Deus & homo futurus esset) continetur. Huius autem, tam, ut videtur, Christianorum duntaxat propria, & Ethnicis ignota historia, & cognitionis vestigia tamen apud eosdem illos Ethnicos extant plurima, qualia sunt hac, que proponemus breuiter, etsi nos omnia colligere (ne cuiquam sua industria laudem eriperemus) minimè studuimus. Ergo docent illi, Primum, Quod post lapsum hominis, casumque vniuersi Mundi, Deus illius administratio- nem curamque, magnā suā misericordiā, & bonitate, nō abiiecit. Id quod scripsit disertè Plato in Politico, Tomo 2. operum, his verbis, [Itaque Deus ille huius ordinis parens, & autor cernens Mundum in tātas angustias (propter hominum nempe ἀταξίαν, qua supervenerat) coniectum, sollicitus ne tumultu tam turbulento fluctuans dissolueretur, & in locum dissimilitudinis infinitum mergeretur, rursus Mundi gubernacula repe-

rit, & ijs sollicitè insidet, agrotasque atque dissolutas
 Mundi partes, & quasi luxatas ad pristinum circuitū
 reuocatas ornat, atque emendat: ipsumq; proinde à senij
 & mortis iniuria vendicat.] Deinde, aiunt Deum hoc
 ipsum sola bonitate sua impulsū fecisse. Id quod Tris-
 megistus docet, citante Lactātio lib. 4. Institui Christ.
 cap. 7, Αἰτία τί τε, ἢ τὸ θεῦ ἀγαθὸν βέλους. Verūm mo-
 dum quoque addit idem Trismegistus, per quem bonus
 Deus huic Mundo ruenti succurrit, & subuenit. Ad-
 iungit enim, ἢ θεὸν θεοήνεσεν, ἢ τὸ ὄνομα αὐτοῦ σωαται ἀν-
 θεοπίνω σώματι λαλῆθῆναι, id est, [Causa huius rei est
 boni Dei voluntas, qua Deum produxit (nempe filium
 suum) cuius nomen humano ore proferri non potest,]
 quem & Sapientiam Dei, & Sanctum vocat ibidem i-
 dem Trismegistus. Hic igitur est, fuitque modus ser-
 uandi Mundi, ac imprimis hominum qui perierant &
 omnino, & uniuersi, Quod Deus Pater Filium (quem
 ab aeterno progenuerat, cuiusque nomen est ineffabile)
 produxerit, ac promiserit hominibus post eorum rui-
 nam. Is enim Filius est, qui homines perditos statim &
 ab initio seruauit, seruat, ac solus seruabit, quem etiam
 Sibylla & verum Deum esse, & ab hominibus venerā-
 dum, & caterorum Deorum, id est, piorum & fidelium
 hominum rectorem (Id enim [Dy] nomen significat a-
 pūd veteres Philosophos, ut ex Pythagore aureis ver-
 sibus apparet) ac gubernatorem testantur, quarum hi
 versus extant apud Lactantium lib. 4. quem iam cita-
 uimus, capite 6.

Παντὰ φερον κτῆσιν, ὅς τις γλυκὺ πνεῦμα ἀπασί
 Κάτθετο, ἢ ἡ γητῆς θεῶν πάντων ἐποίησε

Αὐτὸν

ΑΥΤὸν ἔδωκε θεὸς τοῖς ἀνδράσι γεγεῖσθαι,

ΑΥΤὸν δὲν γίνωσκε θεὸν δεῦ ὃν ἔοντα.

[Constituit Deus hunc cunctorum námque piorum
Rectorem, qui cuncta creat, nutritque, fouéique,

Quique homini suauem voluit concedere mentem.

Hunc Deus à cunctis iussit rectis honorari:

Ergo Deum hunc agnosce tuñ, quia Filius est Dei.]

Sed & eundem (qui Dei Filius, & Deus erat, & ater-
nus) fore tamen θντὸν κατὰ σάρκα, .i. mortalem & ho-
minem secundum carnem, eadem Sibylla Ethnicorum,
prophetissa prædixerant, quarum versus refert Laclā-
tius lib. 4. cap. 13. Ex quibus omnibus colligitur hactē-
nus prophanos cum Mose consentire, quòd ex obscuris
quidem, sed tamen ex veritate sacra superstitiibus reli-
quijs & vestigijs intellexerint Deum post hominū pec-
catum succurrisse & ijs ipsis hominibus, & toti mundo
ruenti, hoc nimirum pacto, quòd Filium suum ijs pro-
miserit, & eundem piorum rectorem, .i. Ecclesie prin-
cipem & caput constituerit, per quem omnia iam con-
dita fuerant & sustinētur: & qui postea homo futurus
erat, ut homines à suis peccatis liberaret. Praclara vo-
rò est illa Augustini aduersus Porphyrium disputatio
lib. 10. Cinit. Dei, cap. 22. 23, & 32, nempe prophā-
nos ipsos ex oraculis suis, teste ipsomet Porphyrio, iam
pridem audiuisset, & didicisset etiam ante natum Chri-
stum opus sibi, ac cunctis mortalibus esse Mediatore,
& conciliatore apud Deū, qui Mediator homines, ho-
minumque animas à vitijs ipse per se purgaret. Nam-
neque per Teletas & sacrificia, quæ Lunæ vel Soli fa-
cerent, neque per alia sacrificia propriè peccata pur-

gari: sed per eos dūtaxat, qui sunt totius rerum nature principia. Quos idem Augustinus ex ipsorummet profanorum sententia docet esse Deum Patrem & Filium. Sic enim cap. 23. scribit: [Dicit etiā Porphyrius divinis (id est, Delphicis & profanis) oraculis, fuisse responsum nos nō purgari Luna teletis atq; Solis: ut hinc ostenderetur nullorū Deorum teletis (id est sacrificijs) hominem posse purgari. Cuius enim teleta purgant, si Luna Solisve non purgant, quos inter Deos principales habent? Denique eodem dicit oraculo expressum, Principia posse purgare, ne forte (quum dictū esset non purgare teletas Solis & Luna) alicuius alterius Dei de turba valere ad purgandum teleta crederentur. Quae autem dicat Principia, tanquam Platonici, nonimus. Dicit enim Deum Patrem, & Deum Filium, quem Gracē appellat Paternum Intellectum, & Paternam Mentem: De Spiritu enim sancto aut nihil, aut non aperte aliquid dicit.] At cap. 24. addit idem August. [Sed subditus Porphyrius invidis potestatibus (utpote qui erat idololatra, & persecutoribus Ecclesiae Imperatoribus, nempe Diocletiano & Maximiano faucebat) noluit intelligere Dominum Iesum Christum esse principium, cuius incarnatione purgamur. Eum enim in ipsa carne contempsit, quam propter sacrificium nostrae purificationis assumpsit. Sed is solus peccata nostra potuit solvere moriendo, quia & mortuus est, & non pro suo peccato. Principium ergo (quod se esse dicit Christus, Ioan. 8. 25) suscepta anima & carne, & animam credentium mundat, & carnem. Propterea ergo nobis per Mediatorem praestita est gratia, ut peccati carne pol-
luti,

luti, carnis peccati similitudine mūdaremur.] Id quod idem Augustinus eodem lib. 10. cap. 32. fusiùs quoque persequitur. At quem malitiosè negat Porphyrius Iesum Christum esse nostrarum animarum, & peccatorū purgatorem & conciliatorē apud Deum Patrem, eundem tamen Sibylla iā pridem ante Christi ipsius in carnem aduentū agnouerat, & ingenuè fuerat confessa esse talē in Acrostichide illa, cuius meminit Tullius in libr. de Diuinat. (quòd primæ versuum literæ Iesum Christū contineant) Huius autem particulam tantū ad refutandam ac reiiciendam Porphyrii cōtumaciam ex ipsis illius Prophetis proferemus, uti est à Ioanne Lango cōuersa, extātque in fine operum seu historia Nicephori Callisti:

I [Iudicij metuet sudans præsagia tellus:
 E Et Rex aeternus magno descendet Olympo,
 S Sublimis carnem, mundumq; ut iudicet omnem.
 V Vnum suspicient numen prauique, bonique,
 S Summum supremo cum sanctis tempore mundi.
 C Carnifer ille homines iudex inquiret in omnes.
 H Horrida terra vias cœli, spinaque tenebunt.
 R Reicient simulacra viri, gazamque repostam.
 I Ille domos cecas, & Ditis claustra refringet.
 S Sanctior à mortis iam nexu libera lucem
 T Turba hominū cernet, sceleratos flāma cremabit
 V Vltrix perpetuū mala quæ quicunq; patrauit
 S Sontica, suppressitque diu, producet in auras.]

Ex quibus omnibus perspicuè colligitur etiam eum per quem mandus hic, & homines à suis peccatis purgandi erant, atque adeo sunt, esse IESVM CHRIS-

STVM Filium DEI, Regem æternum, idque eum effecturum, quoniam humanam carnem assumpturus erat, & in eadem passurus, ac tandem Mundum iudicaturus. Quæ omnia cum Mosis doctrina, seu veritate Divina, velut eiusdem vestigia, planè consentiunt. Verùm qui Ethnici suis illis Prophetis (sic enim Sibyllas nominaverim, quemadmodum Paulus Cretensem Epimenidem Prophetam appellat, Tit. 1. 12.) non attenderunt, in diuerticula varia discessere ex his veritatis vestigijs, quæ inter eos tamen retenta fuerant, digressi. Ergo in uniuersum omnes Ethnici fatentur quidem nobis apud Deum purgatione, & conciliatione opus esse, quoniam is nobis propter peccata nostra meritò sit infensus, ac iratus. Verùm in modo variant. Alij enim teletas & sacrificia, sacramentaq;, .i. opera externa constituunt esse verissimas illius animorum nostrorum purgationis apud Deum causas. Sic enim ex quorundam veterum Philosophorum traditione homo portentosa religionis Iamblicus in lib. de mysterijs scripsit. Alij eam animorum nostrorum purgationem apud Deum in sola animi pietate interna statuunt, uti Plato ipse, & ex eo Platonici: sed & alicubi quoque Trismegistus, ut docent Macrobius, & Lactant. Ille in Somno Scipionis, hic in lib. 2. Institut. Christian. cap. 15. Alij per Angelos seu Demonas eam in nobis fieri malunt, eosque duntaxat bonos, quos Deus hominibus post eorù peccatum custodes apposuit, velut Hesiod. lib. 1. Operum, & Dierum, his verbis,

*Τεῖς γὰρ μύεοι εἰσὶν ὅτι χθονὶ πρυβοτείρη
Ἀδάι αὐτοὶ ζηνὸς, φύλακες θνητῶν ἀνθρώπων.*

Alij

Alij aliam purgationis anima nostra rationem cōmentī sunt, velut Persæ, quemadmodum scribit Agathias lib. 2. de Bello Pers. Illi enim anniuersarium festū olim instituerunt, quod vocabant Vitiōrum in homine Interitum. Indi, ut tradunt Historici Hispāni, Indi inquam recens reperti aiunt, Deum offensum non placari sacrificijs, nec se ab Aquanis, id est, Dæmonis sibi infesti potestate, & manu sua propter ea eripi. In summa, fuerunt infinita penē diuerticula inter ipsos Ethnicos, qui nō attendētes ijs primæ veritatis vestigijs (quæ Deus inter eos restare voluit) sed qui ea retinuerunt, uti demonstrauimus, planè nobiscū, & cum Mose consentiūt. Et hæc quidē de tertio capite, & illius reliquijs hætenus. Accedo ad quintum, quod est de primo vestitu hominis. Nam quartū à nobis prætermittetur, ubi Mulieris nomē à viro suo, nimirū Adamo, mutatum fuisse docetur, uti diximus, quòd illius pauca inter Ethnicos vestigia, imò nulla reperimus.

Ad V. Primus Hominum Vestitus.

Nuditatem homini iam turpem esse, ac præsertim in pudendis (quæ vocantur) testatur S. Scriptura, postquam ab illa morum innocentia deflexit homo, in qua primum conditus fuerat: & cum primum pellibus vestitum fuisse eadem illa testatur. Hæc verò etiam ex manifestissimis vestigijs (quæ in Ethnicorum hominum scriptis passim extant) colligi quoque possunt. Ac primum quidem totius corporis nostri nuditatem esse rem aspectu fœdam, imprimisque genitalium membrorum intuitum, idq; ex communi nature sensu, ac populorum

omnium consensu docet Herodotus in Clio, .i. lib. 1. his verbis: [Apud Lydos, ait, & ferè apud ceteros quoq; barbaros (.i. homines) magno probro est etiam virum, nudum mulierem, conspici nudum.] Id quod etiã apud Gracos obtinuisse ad sua usq; tempora docet Plato, lib. 5. de Rep. Ergo apud omne mortalium genus ea res, id est, nuditas corporis, turpis, velut natura voce, habitata est. Homerus, qui utròque illo scriptore longè fuit antiquior, idem testatur Odys. lib. 6. Nam de vestimentis in genere loquens, ait,

Εκ γὰρ τοι τῶν πάντων ἀνθρώπων ἀναιδέες ἑσσι. Εἰδή.

[Ex his fama viris bona contigit omnibus esse.]

Itaque negat idem Ulysses naufragum, & quantumvis afflictiissimū, quia nudus erat, ausum sese Nausicae primum ostendere, vel in urbem Phaeacum absque vestimentis proficisci. Et quum primum nudus ad mulieres ille accessisset, mulieres illae, ait idem Homerus, ex communi natura voce

Τρεῖς αὖ δ' ἄλλαι δὲ ἅπληθιν ἦσαν ἡἰόνας πρηνέσας,

[Diffugere illae atque hac per littora sparse.]

Deinde quantumlibet incitatus à filia regis Nausicae, ut in urbē accederet, respondet Ulysses, Αἰδέουμαι γὰρ Γυναικας, καὶ ἦν ἑὺπρόχρητοι καὶ ἑλιδών. Nam pudet esse

Me nudum, quanquam pulcris accedo puellis.]

Cui verò? Nisi quia Natura ipsa docet id esse iam homini inhonestum. Age verò, etiam vetustissima hominum traditione scribit Athenaeus lib. 1. Diogenes philosophus.

[Cura fuit & veteribus ut vestem decenter colligerent, ac eos irriderent, à quibus hoc negligenteretur. Plato in Theaeteto illos, qui nesciunt ingenuè apteq; vestem inducere

duere, nec deorum vitam ait posse celebrare.] Denique vestem etiam ad eruditionem quidpiam cōferre tradit ex Hermippo, & Aristarcho idem Athenæus: adeo ut malint homines etiam crudis animalium pellibus, quā- tumvis ferarum, atq; ysdem impoliis tegi, quā nudi esse. & sic cōspici ac incedere. Ex quo fit ut M. Tullius lib. 1. de Officijs ex eo ipso Cynicos Philosophos confu- tet, qui neque nuditatem esse obscœnam censebant, neque alia pleraq; quæ verecundia repugnant: [Nos autem naturam, inquit Tullius, sequamur, & ab omni (quod abhorret ab ipsa oculorum, auriūque approbatione) fugiamus. Scenicorum quidem mos tantam habet ve- tere disciplina verecundiam, ut in Scenam sine subliga- culo prodeat nemo. Verentur enim, nō, si quo casu eue- nerit, ut corporis partes quadā aperiātur, aspiciantur non decorē.] Quamobrem idem eodem libro postea sic concludit, [Cynicorum ratio tota est eicienda: est enim inimica verecundia, sine qua nihil rectum, esse potest, nihil honestum.] Pugnat igitur ipsa natura cum eius- modi hominum Nuditatem probantium opinione, etiā testibus ipsismet Ethnicis, quorum antiquissimum, ac naturale indicium sic refert Augustinus, lib. 14. Ciuit. Dei, cap. 17. [Porro Campestria Latinum quidem verbū est, sed ex eo dictū, quod iuuenes, qui nudi exer-cebantur in campo, pudenda operiebant: Vnde qui ita succincti sunt, Campestratos vulgus appellat. Ex hoc omnes gentes (quoniam ab illa stirpe nempe libidinis ac vitioforum hominum procreate sunt) usque adeo tenēt insitum, pudenda velare, ut quidam Barbari illas cor- poris partes nec in balneis nudas habeant: sed cum earū

tegumentis lauant.] Atq; hic pudor, naturalisque tum totius corporis, tum pudendorum nuditatis verecundia est illius veritatis (quam tradit Moses) amplissimum testimoniū, ac vestigium. Nec obstat, quod inter Indos Gymnosophistæ Philosophi vivebant nudi. Nam, ut ait ibidem Augustinus, adhibet genitalibus tegumenta. Præterea nec in eo probandi sunt, uti nec hodie Adami- ta Monachi: nec Lacedæmonij, Cretensesve luctatores, de quibus Plato lib. 5. de Repub. quod nudi conspiciebantur. Abhorret enim hoc tam fœdum, spectaculum natura & communis sensus. Imò verò sylvestres homines (quia vestimentorum usu carent propter solitudinem, in qua procul ab alijs hominibus versantur) Deus ipse pilis grandioribus vestiuit, ut eorū nuditatem obtegeret. De quibus ysdem hoc traditum est, ut exploratum, eos brevioris & imbecillioris vitæ esse, quod nudi vivant, & cœli gravissimis iniurijs pateant. Itaq; malè Plutarchus in libro de Connubialibus præceptis Herodotum reprehendit, qui dixerat, Mulierem unā cum veste pudorem quodammodo exuere. Nuditas enim reddit homines & impudentes, & inuerecundos. Cæterum eius quoq; ipsius (quod addit Moses) nempe primum hominum vestitum fuisse crudas pelles Animalibus detractas, vestigia sunt, Primum id, quod scribit Hesiodus lib. 2. Oper. & Dier. rusticos naturali vestitu usos suo tempore solis pellibus animalium sese cooperuisse, quas nec pilis spoliabant, nec adornabant: sed quales erant bestijs detractæ, easdem induebant. Hæc sunt Poëta verba:

Ἄμφι δὲ πρὸς πέδιλα βοῶς ἰφὶ κλῆμένον

Ἀρμενα δ' ἡσαυδς, πῖλιν ἐντοσε πυκνῶσε.

Πετογονέων δ' Ερείφων (ὅπόταν κρύος ὤειοτ ἔλθῃ),

Δείματα συρ' ῥάτλιν νεύρω βοὸς, ὅφρ' ὅπῃ γῶτω

Ἦ' εἴ' ἀμφιβάλλῃ ἀλέην.

[Calceus in pede sit ex corio crudoque, bubulcōque,
Et corij pilos intra composito densos.

Sic quum frigus erit, primorum sumito pelles

Hædorum, nervōque bonis quas consue firmo,

Imponāsque tuo, pluviāli tempore, collo.]

Deinde quod tradit Iulius Caesar lib. 6. Commentar. de Bello Gall. loquens de omnibus Germanis, quæ fuit gens latissima, populosissimaque, cuius vestitus erat naturalis, non artificialis: purus, & simplex, non pretiosus, & adornatus [Pellibus] ait, aut [parvis renonum tegumentis] utuntur, magna corporis parte nuda.] Est autē [Reno] pellis cruda, & pecudis recens detracta, non expolita, quales exuvie pecudum: cuius etiam, meminit Varro lib. 4. de lingua Latina. Hanc putat esse vocem Gallicam Iosephus Scaliger in eum Varronis locum: Isidorus autem lib. 19. Etymologiarum, Germanicam. Quod si p̄iives sunt oves, renones erunt pelles ovium, aut his similium aliarum parvarum, pecudum, quales Capra, hædi, arietes, ex quarum pellibus vestes & tegumēta fieri precipit quoq, Hesiodus, uti demonstrant: & sibi Germani, quemadmodū docet Caesar, vestimenta naturaliter conficiebant. Ex quibus apparet retensam fuisse ab hominibus memoriā primi illius sui vestitus, qualem is induit Deus post eorum peccatum. Atque huic sententiæ suffragatur Plato, qui in Politico scribit Vestimentum primo repertum fuisse ex eo Rerum ge-

nere, quod ille *αὐτοφύκτες ἀνδραγίων κλίμα* appellat, & quod ait fuisse *ἀζω, διτον, ἐὶ δὲ ἐμίας ὀπισθίμους ἐργον*, .i. primigenium, simplex, incompositum, & nullius scientia opus & artificium. Fuisse vero summi cuiusdā ac prestantissimi ingenij & viri, docet idem in Protagora, rationem Vestimentorum & Calceamentorum consue-
dorum inuenisse. Id quod ex eo postea Tullius quoque Tusculano primo descripsit. Ceterum postea & artifi-
cia, & pretia vestimentis accesserunt, ut monstrat Pli-
nius lib. 8. *Natur. Hist. cap. 48.* Sed prima fuerunt simplicissima, qualia ea, quae cōmemorat Moses à Deo primum Adamo data fuisse: Denique quemadmodum lingua & idiomate: sic genere ipso vestitus, gentes ipse inter se distingui cōpère, sicut ex Herodoto colligitur, lib. 1. 2. 4. 5. Alia enim postea fuit Ionica vestis, alia Dorica, alia Aegyptiaca, alia Persica, alia Carica, alia Thebana, alia Graeca, alia Romana: sed primum omnes uno modo vestiebantur, eoque simplicissimo. Et has quidem sunt pulcherrima eius, quam ex Dei verbo tuemur, veritatis vestigia. Verum ut illa magis magisque adhuc confirmetur, etiam illud ostendamus esse verum, quod diximus, nempe animalium carne usos fuisse homines statim post peccatum, & post primam illam, innocentemque mundi etatem finitam. Cuius rei quoque haec extant apud Ethnicos quoque scriptores vestigia. Primum, quod ipsi magno inter se firmoque consensu hoc tradiderunt, nempe toto Saturni seculo, vel aurea, quā vocant, Mundi etate (quae fuit illa innoxia, & peccatum hominum praecedens aetas) Homines esu carniū absti-
nuisse. Hic enim Saturnus fuit Adam ille adhuc pu-
rus, &

rus, & nondum peccator. Ergo sub Saturno nulli homines carnem animalium comedeant, testibus ipsismet gentilibus seu Ethnicis. Virgilius lib. 2. Georgic.

[Ante etiam sceptrum Diæi regis, & ante
Impia quam casis gens est epulata iuuentis,
Aureus hanc vitam in terris Saturnus agebat.

Necdum etiam audierant inflari classica: necdum
Impositos duris crepitare incudibus enses.] Hæc
eadem sententia confirmatur autoritate Platonis, lib. 6
de Leg. ubi docet primos homines etiam sacrificijs cruentis caruisse: & carniū Animalium esu abstinuisse, omnibusq; rebus ἐν ψυχῇ, .i. animatis: sola verò ἀψυχα, quæ vocat, esitavisse. Ergo primus & naturalis hominum nōdum peccatorum victus erat is, quem describit Moses, & cuius vestigium Ovidius lib. 15. Metamorphos. expressit: Pythagorici autem, sed frustra, in usum renocare etiam post peccatum studuerunt. Sic igitur Ovidius:

[Parcite mortales dapibus temerare nefandis
Corpora: sunt fruges, sunt deducuntia ramos
Pondere poma suo: tumidaque in vitibus vuae:
Sunt herba dulces, sunt quæ mitescere flammâ,
Molliri queant.]

Deinde fatentur idem Ethnici primum hominum victum fuisse, quod ad cibum quidem, fruges terre, .i. ea quæ terra sponte producebat: quod ad potum autem meram aquam. Id quod tradit Ovidius lib. 1. eiusd. operis. Verum ante Ovidium Euripides, cuius versus Græci extant apud A. Gellium, lib. 7. Noct. Attic. cap. 16. Horum verò ista est sententia:

[*Nam quid, præter duo, est opus mortalibus,
Nempe frugibus terra, ac aqua potu leni:*

Quæ nobis obuia sunt, ac data, ut nos alant?]

Plane cum istis consentiunt, quæ vetustissimus Poëta Teleclides scripsit in *Amphictyonibus*, & refert Athenæus lib. 6. *Dipnosoph.* tot nempe nostræ veritatis vestigia restant. Demum docent ydem, postquæ Pandora malum in mundum inuexisset, & prima illa ætas aurea esse desisset, homines & sacrificia ex animalium carnibus obtulisse Deo: & ex ysdem carnibus edere quoque cœpisse: quæ omnia cum Mose consentiunt. Nec enim ante peccatum hominis animalia fuerunt oblata Deo: post peccatum autem, fuerunt, & carnes eorum quoque comese. Quod ipsum dicimus in *Ethnicorum* quoque scriptis inueniri. Id primum, ex ijs Athenionis Poëta vetustissimi versib⁹ apparet, qui extat apud Athenæum lib. 14. *Dipnos.* etsi quædam fabulosa, velut in vestigijs veritatis fieri solet, admiscet. Sic igitur Athenion:

[*Minimè stultus, vel fatuus vir quidam fuit,
Primus qui hostiam mactauit, & carnem assauit:
Visa tunc fortè est, quàm humana, illa suauior.*

Itaq³, exinde mactatas pecudes assauerunt, & ederunt homines.] Id quod, quemadmodum dixi, statim post auream ætatem seu lapsum hominum in ferrea ætate euenit. Id testificante quoque Germanico Cesare, cuius hæc sunt carmina:

[*Aurea sed postquam proles terris data, nec iam
Semina virtutis vitij diuersa resistunt,
Ferrique inuento mens est letata metallo,
Palluit & Taurus mensas assuetus aratro.*]

Idem

Idem Empedocles scripsit hoc versu

Βαμὸν ἐπὶ δὲ θύρας μεγέθυσι θεμελίῳ ποροῖσι,

Diūm aspergentes altaria cade calenti.

Consentit cum hac sententia quod ex veteri traditione scribit Plinius lib. 7. Natur. hist. cap. 56. Hiperbium Martis Dei filium, item & Prometheum (qui duo fuerunt vetustissimi homines) & animalia, & Bouem (cuius caro editur) occidisse: imò ignem ab eodem Prometheo raptum, & excitatum testatur Hesiodus libro 1. Oper. & Dier. ut bouis à se occisi, & Ioui oblati ac sacrificati carnes concoqueret, & ederet. Sed hac fabulis obscurata sunt. Eò tamen summa redit, quo nempe tempore animalia Deo maclari ab hominibus in sacrificiū cœperūt: eodem tempore carnes animalium ab hominibus edi cœpisse. Nec enim homines formidarunt, aut nefas putarunt comedere ac vesci ijs ipsis rebus, quas offerebant, ac sacrificabant Deo. Quæ cum Dei verbo conveniunt: ac proinde vera sunt. Nec tamen propterea verum quod refert Diodorus Siculus lib. 1. Bibliothec. cap. 1. & ex eo Plutarchus, Orat. 1. de Esu carniū, Primos homines aurea illa ætate carnibus non vixisse, quòd tunc nihil terra produceret, cœlum suum cursum non conficeret, neq; frugibus ferendis idoneæ tempestates anni essent distributæ. Itaque tunc durissima, ait, esset, miserrimæque hominum vita. Id quod repugnat cum ipsi rerum veritati (fuit enim in prima Mundi ætate, & ante hominum peccatum perbeata eorum vita, & fœlicissimus totius huius Mundi status) tum omnium Philosophorum calculo cōprobata diuini Platonis sententia in Timæo, quam iam exposuimus. Sed hac satis.

Ergo ad caput Historiæ septimum, quod est de prima generis humani propagatione, veniamus. Nam sextum, quod continet hominum electionem ex Horto Edenico, superiore disputatione breuiter, & velut per compendium complexi sumus.

Ad VII. Prima Generis Humani Propagatio.

Ceterum de ista hominum prima Multiplicatione dicturi, & quenam illius apud Ethnicos scriptores vestigia supersint, inuestigaturi, explicaturique, duo quedam omnino necessaria pramittimus, tanquam future disquisitionis lucem ac fundamenta: è quibus primum est sumptum ex Genes. 6. 4: nempe Posteror Caini, ac Cainum ipsum (qui ante Diluuium vixerunt) esse potentes illos, industrios, & claros viros qui à seculo, omniq; hominum memoria celebres notiq; fuerunt, & per totum terrarum orbem, etiam post diluuium laude insignes, quique fuerunt præstāissimis nominibus (velut Saturni, Iouis, Mercurij, Vulcani, Dionysij, & similibus) etiam inter Ethnicos ipsos (qui Mosis scripta nō legerant) prædicati, ac rerum gestarum fama celebrati ac cōmendati Postquam enim Moses eos Caini posteror recitasset, addidit, [Isti sunt potentissimi homines, qui à seculo vel olim fuerunt viri nominis,] .i. celebres, & fama noti inter omnes mortales, etiam post ipsorū mortem, atque adeo ipso adhuc Mosis seculo, & quum illa memoria literisq; proderet. Hoc primum est, ex quo perspicuè intelligitur eos, quos posteritas, & Mosis æ-
tas,

tas, & sequens quoq; postea seculum magnificè celebrauit, coluit, pro summis viris, fortissimis Heròibus, imò etiam pro Dijs habuit, fuisse posteros Caini, qui Diluvium precesserunt. *Ii autem sunt, quos Ethnici, uti monui, dixerunt Saturnos, Ioues, Mercurios, Vulcanos, alijsque eiusmodi nominibus appellarunt, ut ex eorum scriptis apparebit. Illi enim, etsi pro Dijs ab Ethnicis culti sunt, homines tamen, & quidem mortales fuerunt: sed qui propter artes egregias à se primū inuentas, immensaque illa dona in totū genus humanum à se primis collata innotuerant hominibus, & apud posteros in admiratione fuerant, huiusmodi appellationibus donati celebratiq; sunt. Id quod mecum sentit M. Tullius lib. 1. Tusculan. Quæst. & Varro in libris Rerū Diuin. testante Augustino lib. 4. Ciuit. Dei, cap. 27. & lib. 6. cap. 6. Sed imprimis id docet verum esse idem Varro, eodem lib. 4. Ciuit. Dei, cap. 24. Secundum verò, quod tanquam premunitionem quandam premittendum iudico, est Nimirū istas siue Græcas, siue Latinas Κεῖν, Διὸς, Ερμῆ, Ηφαίστου, Διονύσου, .i. Saturni, Iouis, Mercurij, Vulcani, Dionysi, & similium appellationes multis quidem datas & communicatas fuisse (prout videlicet unaquaq; gens quempiam vel sua originis autorem, vel suum benefactorem, vel primum sibi notum virum strenuum & industrium celebrare, & immortalem posteritati reddere voluit, studuitque) Vnum tamen fuisse, cui primum, & ab antiquissimo tempore hoc nomen vel Saturni, vel Iouis, vel Mercurij, &c. impositum fuit: ad cuius similitudinem alij (& quidem illi primo & antiquissimo longè ætate posteriores) Saturni, aut Io-*

ues, aut Mercurij, &c. postea fuerint nominati. Quod idem de mulierum Dearum, quæ vocantur, nominibus est sentiendū. Ergo plures reperientur, qui & diuersis temporibus, & à diuersis gentibus, & [Saturni, & Ioues, & Vulcani] fuerunt vocati: omnes tamen nomen ex admiratione illius (qui primus eo nomine dictus est) sortiti, ac consecuti. Ex quo fit, ut in Ethnicorum libris multos dici Saturnos reperiās, multos item Ioues, &c. inter quos tamen unus est vetustissimus, ex cuius laude & celebritate nomen illud alij sibi desumpserunt, vel impositum habuerunt. Id quod locupletissimè ex Cicerone probatur. Ille enim lib. 3. de Natura Deorū plures Ioues, & Saturnos, & Mercurios, & Soles, & Vulcanos in diuersis nationibus, varijsq; temporibus recenset. Verūm ex his unum semper antiquissimum, & cæteris priorem, imò primum omnium sic dictum demonstrat. Confirmat nostram sententiam M. Varro doctissimus (quemadmodū Augustinus testatur lib. 19. Ciuit. Dei, cap. 22) Romanorum, qui alios Deos, ac proinde Saturnos, & Mercurios, & Ioues Politicos: alios Naturales: alios Fabulosos seu Poeticos, in libris Rerum Dinin. scripsit. Confirmat Diodorus Siculus, qui lib. 1. Biblioth. cap. 2, & lib. 5. cap. 1. eiusdē operis ostendit alios fuisse Aegyptiorum Ioues, Mercurios, Vulcanos, quales Osiris, Orus, Tiphæus: alios verò Grecorū. Confirmat Eusebius lib. 1. de Preparat. Euang. cap. 7, & lib. 2. cap. 2. 3. 4. & 5. Ubi ex vetustissimorum scriptorum profanorum monumentis probat in unaquāque gente, velut Phœnicum, Atlāticorum, Phrygum (præter Aegyptios & Græcos) Cretensium, suos Ioues fuisse, Saturn.

Saturnos, &c. Confirmat denique idem hoc autor gravissimus Arnobius lib. 4. contra Gentiles. Quid enim Xenophontem in Aequiuocis, qua inscribuntur: & frat. Ioannem Viterb. suffraganeos mihi asciscam, qui licet à nonnullis reijciantur, verum tamen in eo, quod iam dico, sentiunt? Ex quibus efficitur, nemini mirum videri debere. si quedā hic ad Saturnum, & Iouem, & similes accommodemus, qui non omnibus ijs, qui [Saturni, Ioues, vel Mercurij] &c. dicti sunt, cōueniunt. Nos enim hic de primis illis dicturi sumus, qui [Ioues, & Saturni] &c. vocati sunt, quiq; sunt celebres & potentes illi viri, qui à seculo, i. statim ab ipso Mundi initio fuerūt viri commendati posteris, & fama semper postea celebrati, (quemadmodum testatur Moses, etiam post diluuium, etsi ante diluuium illi vixerunt) inter Ethnicos, & in. uniuerso terrarum Orbe. M. T. Cicero in lib. de Leg. ait quosdā Deos semper pro Dijs habitos fuisse ex infinita quadam hominum memoria: alios verò fuisse Adscriptitios, quos in cælum merita in unamquamq; gentem vocarunt. Id quod etiam Augustinus observauit, lib. 8. cap. 5. Ciuis. Dei. Nam ut ait Pausanias lib. 8. Dijs postea sepè sunt ex hominibus nati. Plato in Apologia Socratis. Sed his expositis iam doceamus, ecqua sunt vera & prima hominum seu generis humani propagationis (qualem describit Moses) vestigia seu reliquie. Ait igitur ille Primum fuisse Adamum & Eua: ex quibus natus sit primogenitus Cainus: post Abelus. Sed ex Abele nulli posterī fuerunt, superstites. Caino verò plures nati sunt tum filij, tum nepotes, n̄ abnepotes & posterī, viri insignes, celebres, & industrij numero.

decem, si Noemam filiā Tubalcaini his annumeres, ut Moses fecit. Quod si his decem, Adamum & Euam addideris, fient omnes numero duodecim, qui proculdubio sunt duodecim illi Dij antiquissimi, & maiorū gentium Dij ab Ethnicis appellati: inter quos dua sunt fœmina nimirum Eua & Noema, id est Rhea, sine Terra, mater Deorum omnium, & Verus. Decem autem sunt mares, nēpe reliqui, Adamus, Cainus, Lamechus, Iabal, Iubal, Tubalcain, & ceteri, quos recitat Moses ibidem: Id est, Saturnus, Iupiter, Mercurius, Apollo, & Vulcanus, quemadmodum ab Ethnicis nominantur. idem isti sunt, quos profana antiquitas deos Samoethracū, deos Cabiros, .i. deos vocat arcanos, & ceteris (qui postea in deorum numerum collocati sunt) angustiores habitos. Et quidē hec in genere dicta sunt. Iam quedam sunt specialiter declaranda: ut vera esse, etiam ex ipsismet Ethnicorū monumentis, intelligantur, qua scribit Moses. Dico igitur Adamū Mosi, esse eum ipsum, quem posteritas verbi Dei ignara & contemptrix Latine quidem vocauit Saturnum, Gracè verò Κρόνον. Veterem, non nouum Cainum Mosi, esse antiquissimum Ethnicorū Latinorū Iouem, Græcorum Ζῆνα, vel Δία, non autem recentem quendam, aut vnius duntaxat gentis cognominem Iouem. Saturnum igitur hunc, qui primus Orbi innotuit, esse Adamū, etiā testibus Ethnicis, ex his colligas, quod Saturnus iste dicitur Saturnus, à voce linguae Hebraeae, quae primum omnibus mortalibus communis fuit. Vox autem illa est verbum [Satar,] quod latitare, seu occultare significat. Fuit autem hoc nomen vestigium fuga & latitationis à Deo, quam molitus

litus est Adamus post suum peccatum, ut est Gen. 3. 8. Nonnulli verò malunt Saturnum à Satione dictū, quoniam, ut scribit Arnobius ex Ethnicorū arcanis lib. 4. Sationibus præerat. Quod etsi verum fuit, tamen Saturnus à Satione derivari non potest, quum in Saturno [Sa] syllaba sit longa: in satione verò brevis. Saturnus, aut aliq, dictus est, quòd sationibus inter Ethnicos præerat, utpote qui primā rerum ferendarum, terrarū, excolendæ, & agricultura rationem inuenisset, ceterosque docuisset. Quod de uno Adamo verè dici potest Gen. 3. 17, & 23. Nam fuit primus in Mundo agricola, & Sator rerum & hominum. Quòd Saturnus cæli ipsius filius, utpote ex nullo superiore homine genitus, dicitur crediturque ab Ethnicis, Cicero lib. 3. de Nat. Deor. Adamus autem Dei filius vocatur, Luc. 3. 38. quoniam à Deo immediatè creatus est, non ex alio homine natus, nonne nostræ veritatis vestigia sunt? Quòd Saturnus nominatur Κεῖρος, ut ait Plato in Cratilo, velut Χεῖρος, i. æternus, & ab omni huius mundi ævo existens: (est enim Adamus coævus & contemporaneus Mundo ratione ortus sui.) Quòd sub solo Saturno seculum aureum, ac primam Mundi ætatem fuisse consentiunt omnes Ethnici, nonne hac proculdubio demonstrant hunc Saturnum fuisse verū Adamum. sub quo tum ætas prima Mundi, tum aurea fuit, ut diximus, ante illius peccatum? Quòd Saturnus primus in orbe terrarum imperium tenuit, nonne idem fecit primus Adamus, tum iure Creationis, tum privilegio ætatis, quum esset omnium hominum primus Parens? Quòd Saturnus fuit maritus Rheæ seu Cybeles, quæ eadem mater Deorum, id est, ho-

minum (qui primi ingenio & industria praestantes fuerunt) dicitur. Imò eadem & Pandora quoque nominatur, ut ait Diodorus Sicul. lib. 4. cap. 5. Biblioth. & mater Iouis, ut scribit Euseb. lib. 2. cap. 3. Preparat. Euāgel. quae mala omnia in Mundū, ut docuimus, inuexit: nōne pro nobis ista faciunt? Est enim haec Rhea seu Pandora Eva uxor Adami primi hominis. Denique quod Saturno veteres Ethnici aperto capite, quemadmodum tradit Plutarchus in Rom. Quaest. 11. sacrificabant, nostram veritatem cōfirmat, ut veraci, & ceteris sanctiori Deo. Fuit enim Adamus Caino filio, eiusque posteris longè religiosior, ac sanctior. Et haec quidem ex Ethnicorum monumentis descripta declarāt eundem fuisse veterem illum eorum Saturnum, & Adamum nostrum primum hominem: quae proculdubio sunt, illustra, & optima nostra veritatis vestigia, quemadmodum apud eosdem extant. Ceterum, plura quoque vestigia sunt, maioraque ea, ex quibus probatur vetustissimū seu antiquissimū Ethnicorū Iouem fuisse eum ipsum, quem S. Scriptura vocat Cainum, veluti, quod Iuppiter ille, ut scribit Plato in Euthydemo, cognominatur ἑρμείος, & ἑρμῆος, Septorum, urbium, & tribuum, consociationisque hominū praeses. Vt autem tradit Pausanias lib. 1. etiam πολιεὺς, quod urbium curam habeat. Quae planè cōueniunt Caino primi Adami filio, quia primus (ut ait S. Scriptura) urbes condidit, societatemque hominum in vnum locum congregavit. Sed & idem Iuppiter dicitur [Sabasius,] vel, ut Graci homines pronuntiant [Sabazius,] quemadmodum ex ipsorummet profanorū literis ostendit Clemens in Protreptico. Eusebius

sebius lib. 4. de Preparat. Euangel. & Arnobius contra Gentes, lib. 5. Est autem Sabasius vel Sabazius Suppiter, Tremens, Trepidus, à nomine Hebraeo [Sabais] quod tremorem & infirmitatem (que accidit ob gladij percussione[m]) significat. Quid autem melius Cainum demonstrare potest, qui propter occisum fratrem tota vita tempore & Trepidus, & Pallens fuit? Quod autem ad nomen ζεύς attinet, quo nominatur à Græcis: à Pythagora verò vetustissimo Philosopho, ζῶν, ut scribit ex Porphyrio Cyrillus lib. 20. contra Iulian. sect. 4. videtur ea vox ex voce Cain malè & sono peregrino pronuntiata fluxisse: vel saltem ex imitatione Adami vocantis uxorem suam Chaua, .i. Vitam, & futura propagationis generis humani fontem, fuisse nomen ζεύς impositū huic homini à suis posteris in ipsius velut auctoris sui honorem & commendationem? Ac quidem facile fuit ex Cain Chaua facere peregrinis hominibus id est, non Hebraeis. Chaua autem idem est atque ζεύς, & ζῶν, id est, Vita, & vite seu viuendi principium dans alijs. Ergo ut grata Caini posteritas testaretur futuris seculis hunc originis sue parentem Cainum esse eum, à quo post Saturnum, primumque hominem, satum esset genus humanum, ζῆνα eum vocauit, quod idem est atq[ue] Chaua. Et certè hoc verū est. Nam ex duobus Adami liberis (nimirum Abele & Caino) Abele sine liberis vllis mortuo seu interempto, solus Cain extitit, superstesque mansit, à quo genus humanū postea propagaretur. Itaque fuit Cainus seu Chaua, seu ζεύς, id est, viuentiū Pater. Quanquā alij malunt vocabulum ζεύς, pro Δεύς (à quo postea sit genitiuus Διός,) substitutum esse facili

usitatâque harum literarum ζ, in δ, contrâque commutatione, quemadmodum in Cratylo scribit Plato. Deus autem vel à rigando, ut vult Phornutus in lib. de nominibus Deorum, dicitur, quòd omnia irriget: vel ut alij (quorû verior est sententia) à metu, quòd hic Iuppiter & homo metû sui omnibus incusserit, ne quisquâ eum attingeret: quod Caino optimè cõuenit, ut est, Gen. 4.15. Plato tamen in Cratylo putat in declinatione huius vocis anomala (quum dicatur N. ζεύς, G. δίδς) contineri hanc sententiâ, hunc hominem esse generis humani stirpem, δὲ ὅν ἀπὸς ζῶν, nempe per quem, & ex quo reliqui mortales propagati sunt, & viuunt. Et hæc quidem de nomine ζεύς, ex ipsorum Ethnicorû scriptis prolata satis ostēdunt Iouem hunc eorum antiquissimû esse Cainum Moſis. Verûm quoniâ ea res ad damnandam Idololatriam pertinet, eiûsq; originem explicandam (ut intelligatur eos omnes, quos Ethnici & Idololatra pro dijs primos & communiter coluerunt, fuisse mortales homines, atque adeo ex impura Caini stirpe: Alios enim peculiâres Deos & Ioues & Saturnos, & primorum illorû nomine dictos, quos quæq; gens postea sibi asciiuit) huius meæ sententiæ aliquot alias rationes addam præterea, quò sit cõfirmatior, veriôrque censeatur: Eæ verò sumuntur ex comparatione tum personæ, tum rerum, quæ à Caino, & ab isto antiquo Ioue gesta dicuntur ab ipsismet Ethnicis, & imprimis Poëtis. Nam ut lib. 1. cap. 11. ait Lactantius, [Vera sunt quæ loquuntur Poëta: sed obtentu aliquo, speciei que velata] Ergo fabulas veritati admiscuerunt Ethnici Poëta impulsî Spiritu Satana, partim ut veritas rerum, verbiq;

Divina

Divini certitudo nutare, & obliteraretur, partim,
 ut his fallacys, & deorum suorum exemplis redderen-
 tur homines ad omne scelus & flagitiū audaciores, uti
 Lactantius docet lib. 2. cap. 15. & ex eo Augustin. lib.
 2. Civit. Dei, cap. 22. Verūm ad cōparationem Caini,
 & veteris illius Iouis Ethnicorum, veniamus. Cainus
 fuit primogenitus Adami: Iuppiter ille primogenitus
 Saturni illius antiquissimi, quem fuisse Adamū antea
 declarauimus. Cainus patrem suum Adamum spe suc-
 cessionis, praterquā ex seipso, priuauit, dum Abelem
 fratrem suum occidit: Iuppiter ille Saturnum patrem
 castrasse, Titanas expulisse dicitur, ne quis alius, prater
 se unum, illi succederet. Quod Plato in Eutyphrone
 Dialogo commemorat. Vnde Iuppiter iste & αἰθέρας
 & παλαιῶν, id est, homo sanguinarius dictus est, ut
 tradit Lactant. ex ipsis Ethnicis lib. 1. Cainus secun-
 dus fuit, qui tum propter atatem, tum propter autori-
 tatem, Orbis huius totius princeps habitus est. Ada-
 mus autem primus fuit: Iuppiter ille secundus dicitur
 toti mundo imperasse patre suo Saturno expulso. Cai-
 nus fuit primus in Orbe homicida, & propterea à Pa-
 tre Adamo exul, & in Oriente sedes habuit: Iuppiter
 ille primus homicida, malorū & scelerum publicè per-
 petratorū reliquis mortalibus autor, quiq; propterea
 ut scribit Arnobius, ex Ethnicis homicidio colebatur:
 & ut tradit Lactant. lib. 1. cap. 28. Cicero libr. 3. de
 Nat. Deor. in Oriente habuit imperium. Cainus pri-
 mus sacrificasse Deo commemoratur, & propterea A-
 belem fratrem occidisse: Iuppiter ille dicitur primus
 cœlo sacrificium fecisse, Lactant. lib. 1. & propterea

*Prometheo germano & consanguineo suo iratus, eum
 Caucaſo clauis affixiſſe, & feris dilaniandū expoſuiſſe.
 Cainus liberos & nepotes habuit, qui fuerunt Artium
 inuentores: Iuppiter ille plures liberos, & Higginus
 cap. 155. & Diodorus Siculus lib. 1. cap. 2. aſſerunt,
 qui Artes mortalibus reperiunt, velut Mercurium,
 qui paſtionem: Apollinem, qui Muſicam: Vulcanū, qui
 artem ferrariā inuenit. In Caini familia primū veri
 Dei nomen blaſphemari cœpit, & ipſius cultus deprauari:
 Ab iſto Ioue tradunt Ethnici primū ritus voluntarij
 Dei cultus, id eſt, idololatria inuentos, eundemque poſtea
 pro Deo cultum ibi eſſe, Laſtant lib. 1. cap. 22. ubi &
 poſtquam fuiſſet ſepultus. Nam vt & Clemens
 Alexandrinus, & Cyrillus lib. 10. contra Iulian. &
 Auguſtin. lib. 18. Ciuit. Dei, cap. 3. ibi primū fuerunt
 falſorum deorum templa, ubi eorum ſepulcra cernebantur.
 Id quod in impuriſſimo illo Mahumete, & illius, quæ
 dicitur Mecha, verum apparet. Primus Phlegous Ioui
 diuinos honores tribuit, quicunq; ille ſit ex poſteris
 Caini, vt ait Auguſtinus. Sepulcrum autem Iouis iſtius
 non eſt in Creta inſula, ſed in Oriente. Nam Iouis
 Cretenſis, & Iōgè iſto Ioue poſterioris (quem Enhemerus,
 & ex eo Ennius deſcripſit, vt ait Laſtantiuſ lib. 1.)
 atq; vita, res geſtæ, & ſepulcrum eſt in Creta: ſed
 non huius antiquiſſimi Iouis. Cainus denique ſororem
 uxore habuit, quā Philo Iudeus vocat Themech:
 Iuppiter ipſe ſororem uxorem habuit, quam alij Themeneſſe
 volunt, alij Iunonem. Illud verò etiā cum Dei verbo
 planè conſentit, quod Trimegiſtus ſcribit in Pimandro,
 Hominem, poſtquam peccaſſet, & in ſeiſpo ac-
 quie-*

quieuisset, deſiſſe procreare liberos ad Dei imaginem. Et hac quidem ſatis ſunt de hoc hiftoria capite, ſatiſq; oftendunt inter Ethnicos rei quidem ipſius veritatem manſiſſe: nomina verò ſolùm, magno aſtu Satana, immutata tandem fuiſſe. Ergo ad reliqua pergamus.

Ad VIII. Artes Primæ hominum, & quæ poſtea repertæ.

Sequitur Artium, quæ inter mortales prima reperta ſunt, uſumque habuerunt, enumeratio. Hæ autem in uniuerſum quatuor recenſet Moſes, nempe primam, Agriculturã: Secundam, Paſtoritiã artem, cui magna poſtea incrementa acceſſerint, additaq; fuerint per Labalem filium Lamechi: Tertiam, Muſicam organiçã, qua vocatur: Quartam, Aerariam, & Ferrariã artem. Sed quæ huius veritatis veſtigia ſuperſint, inter Ethnicos, videamus. Multi quidem de harũ, quas iam commemorauimus, & aliarum quoque artium inuentione, multa tradiderunt, uti Plinius lib. 7. Nat. Hiſt. cap. 56. Ante Plinium Ariſtoteles, & varij varijs in locis: poſt Plinium Solinus: poſt Solinum etiam longo poſtea tempore Polydorus Virgilius. Sed hi omnes in recentioribus autoribus penè ſubſtiterunt, nimirum ijs, qui à primis (quos Moſes nominat) vel immediatè, vel longa etiam annorum ſerie per poſteros eas artes didicerant, quas poſtea unicuiſdam dũtaxat genti communicarunt, veluti Græcis, vel Aegyptijs: non autem eas toti terrarum Orbi primi tradiderunt, quod fecerunt ij, quos recitat S. Scriptura. Verùm nos non querimus qui primi

mortales Græcos, vel Gallos solùm eas artes docuerunt
 (est enim hæc omnino recens historia) sed qui toti ipsi
 generi humano eas inuenerunt primi. Hos autem desi-
 gnat, & nominat Moses. Ergo huius veritatis, uti di-
 ximus, quæ sunt apud Ethnicos reliqua vestigia scrutemur,
 & ex eorum scriptis inuestigemus. Artium quidem
 fit ab ijs varia distributio, ut quæ primæ ab hominibus
 repertæ & exercitæ fuerint, demonstrarent. Plato in So-
 phista vult Artium in vniuersum esse duo genera: Aut
 enim in querēda possidendæve re aliqua necessaria ver-
 satur hominum ars & industria, & τέχνη nominatur:
 aut in eadem efficienda & producenda, quæ ποίησις ab
 eodē vocatur. In Philebo Artes aliter distribuit: Vult
 enim eas aut esse ἐπιστήμας διωκυμένας, aut circa παι-
 δειαν & ἔργον hominum versari. Idem in Politico aliter
 quoque. Sed tandem eò res redit, ut eas artes primum
 ab hominibus (Dei munere & concessione) repertas sen-
 tiant, quibus res ad hanc vitam, necessarie queruntur,
 qualis est victus, & cultus. Itaque idem in Politico to-
 tidem verbis, & consentienter Sacra Scriptura scribit,
 [Quæ verò de hominibus contigerunt, (post peccatum
 in Deum) & breuiora sunt, & magis instituto nostro
 conueniunt. Quum eius enim Demonis (i. Dei) cuius
 veluti pastoris & domini presidio homines tenebantur,
 prouidentia destituti: & animalia multa (quæ suapte
 naturā immania fuerant) efferata iterum essent, infirmi
 homines & custodia orbati ab illis beluis passim dilani-
 abantur. Atqui tellus hand ultra victum sponte sup-
 pedibat: parandi verò industriā nondū inuentā, quia
 nulla necessitas illos antè coegerat. Propter has causas,
 in sum-

in summum discrimen, atque penuriam illorum redactæ res sunt. Quocirca dona illa, quæ olim à Dijs tributa hominibus commemorantur, ob necessariam disciplinam, & institutionem data fuerunt. A Prometheo quidem, ignis: Artes autem à Vulcano, ipsiusque coniuge, eiusdè artis socia: Semina quoq; & terra cultus ab alijs. Omnia summatim vite hominum adminicula tunc, deorum beneficio, sunt cõparata, quum homines (propter ipsorũ intemperiem, ut docuit Plato) deorum providentia deseruisset, & iam ipsos oporteret sui & alendi, & propagandi curam gerere.] Hæc vir ille penè Moïsans, & Christianizans. Ex quibus hæc tria manifestè colliguntur: Primum eos, qui primi artes humano generi necessarias pepererunt, pro dijs, & quidem primis & vetustissimis, habitos. Secundum, Eas artes prius inuentas, quæ ad nos alendos, & tuendos omnino sunt necessariae, qualis est proculdubio Agricultura, & Pastoritia. Eæ enim duæ imprimis alimenta nobis præbent. Tertium, Inuentas esse eas artes demum quidem postquam Deus homines propter eorum intemperiem abiiecisset, .i. post peccatum hominis: statim autem postquam homines se desertos & destitutos prioribus illis in se Dei beneficijs agnouerunt, & senserunt. Necessitas enim seu egestas artes inuenit, ut rectè ait Publius Maro:

--- [Labor omnia vincit

Improbis, & duris vrgens in rebus egestas.]

Et ex eo Manilius:

[Et labor ingenium miseris dedit, & sua quemq;
Aduigilare sibi iussit fortuna premendo.]

Quamobrem ex Platonis Ethnici sententia, Primi.

ab hominibus artes sunt inuenta, quā propter peccatum suum querere victum labore, atque sudore vultus sui cogerentur, & a Deo damnati essent. Deinde, Ee primum artes reperta, quæ victum illum sumministrarēt, .i. cibos corpori alendo necessarios: quales sunt fruges terra, & frumenta, ex quibus panis fit: fructus mansueti, non autem agrestes arborum: & Carnes beluarum edulium. Ab hac eadem sententia non procul dissidet Aristoteles. Nam lib. 1. Politicor. cap. 5. postquam partitus est omnem victus querēdi curam & ὀνημείαν in κτήσιον & χρηματικὸν, id est, in rationem eam, qua per se victus comparatur, vel lucrum queritur, ex quo postea contrahendo cōmutandōve cibos querimus, ostendit eas artes (quibus victus per se & naturaliter queritur, habeturve) esse & primas & naturales, & prius in usu inter homines fuisse, inter quas Agriculturam, & Pastoritiam artem imprimis idem Aristoteles recenset. Est enim, ut ait Plato in Eutyphrone, Agriculture praeipuum opus ἡ ἐκ τῆς γῆς τροφή, ut è terra alimentum, victumque praebeat. Vult quidem Aristoteles huius artis, per quā naturaliter victus paratur, esse quinq; species, nempe Νομαδικὸν, Γεωργικὸν, Λησιικὸν, Αλιευτικὸν, Θηροποικὸν, Pastoritiam artem, Agriculturam, Prædatoriam, Piscatoriam, & Venatoriam: è quibus Prædatoriam quidem etiam laudat, & Venatoriā præfert cæteris quatuor vite generibus, quoniam sit copiosior, & latius se extendat, quàm reliquæ (Est enim & in paludibus, & lacubus, & fluuijs, & mari, & syluis, & montibus, locis apertis, & tectis, deniq; ubiq; mari & terra & in aëre quoque venari possumus.) Verùm Agricul-

turam,

turam, & Pastoritiam inter primas artes enumerat. Et hætenus quidem ille cum ipsa veritate consentit, quatenus usum agricultura, ut ex ea victus habeatur, & naturalem & primo tempore repertum esse confitetur. In reliquis ecquæ sit Ethnicorum hominum cum Mose cõcordia, perpendamus. Agriculturã facit Moses & primam omnium inuentam ac exercitam, & ab Adamo primo homine. Quid Ethnici? Varro lib. 1. cap. 4. de Re Rust. scribit Agricultura eadem fuisse initia, quæ Mundi ipsius. Quamobrem antiquissima sit oportet. Et quod idem scribit cap. 2. Pastoritiam vitã esse incentiuam, Agricolarum verò succentiuam, quòd homines primis temporibus Pastoritiã vitam agerent, quum neque scirent arare terrã, aut serere arbores, aut putare. Ergo ab his postea susceptam Agriculturam, quòd homines, ut ait idem lib. 2. cap. 1. viderent primũ ex his rebus, quas inuiolata ferro ultro ferret terra: ex hac vita descendisse homines in secundam, nempe in Agriculturam: quum, inquam, hæc scribit Varro, non ex sua, sed ex Dicaarchi, & Aristotelis Stagyrita sententia loquitur. Atqui Aristoteles ipse Agriculturam eo, quem citauit, libro. 1. Politic. cap. 5. Primam recenset, licet, ut inconstãs, postea variet. Deinde rerum natura hæc Aristotelis de nata posterius Agricultura sententiam planè refutat. Nam prius est, semperque fuit, vesce pane (quæ agricultura sumministrat) quàm carne animalium (quã Pastoritia præbet.) Ergo Agricultura naturã prior est, quàm Pastoritia. De Agricultura verò primo Inuentore acerba & vexata est inter ipsos Ethnicos diuulgatio, quoniam à Mose recesserunt: &

particulares eius artis apud quasdam duntaxat gentes
 monstratores (qui longis seculis fuerunt Adamo primo
 eius parente posteriores) pro primo tamen sumunt. Ergo
 eorum alij aiunt Cererem esse terræ frugum inuentricem,
 sed Græcis. Itaque ut ait ex Platone in Cratylo Cicerō
 lib. 3. de Nat. Deor. dictam Cererem Διωνυσίαν, quasi
 Διὸν ὕμνῳ τῆς γῆς, quod eos docuerit alimenta ex terra colli-
 gere. Quo verò primum tempore hoc beneficium ab
 Adamo ipso, Adamique posteris longè antea Mundo
 communicatum, illa Græcis hominibus cōtulerit, tradit
 Augustinus lib. 18. Ciuit. Dei, cap. 6. nempe regnante
 Argo in Peloponneso (qui ex Aegypto eò, uti & Ceres
 illa, venerat) postquam primi posteri Adami, imò &
 Noachi, iam per totum terrarum orbem sparsi fuisset.
 Alij malunt à Triptolemo Rege Atheniensium terra
 colendæ præcepta primum tradita, sed Græcis, quemad-
 modum dixi. Sic Palaphatus, & Pausanias lib. 1. Alij
 à Brige quodam Atheniensi malunt, velut Plin. lib. 7.
 cap. 56. Alij ab Osiride Aegypcio, sicut Plutarchus
 in Osiride. Alij denique (& hi omnino veriùs) ab an-
 tiquissimo illo Saturno, qui idem est atq; Adamus. Ita-
 que cum falce, qua fruges matura metuntur, solet à ve-
 teribus Saturnus ille vetus pingi. Certè vetustissimum
 inter mortales fuisse hoc vitæ genus omnes fatentur, ma-
 ximeq; naturale & necessarium, quo vita humana post
 peccatum omnino carere non potuit. Inde illius laudes
 passim & à Oratoribus, uti M. Tul. Cicerone lib. De
 Senectute: & à Poëtis, velut à Virgilio lib. 2 Georgic.
 & ab alijs scriptoribus, quemadmodum à Varrone lib.
 1. De re rustica: Columella lib. 1: Plinio, lib. 18. Nat.

Hist.

Hist. cap. 5. & 6. decantata: & ut ait Pollux lib. 9. in honorem Agricultura, Ninus ipse Rex Assyriorum filium sibi in agris natum Agrenem vocavit. Porro Agricultura nomine plures artes continentur, velut Hortensis, & arbores plantandi, putandi, & ferendi, simileſq; ijs omnes alie: etiã mellifica ars, .i. mel ex apibus colligendi, quemadmodum vult Plato lib. 8. de Leg. & in Eutyphrone: & Plinius lib. 18. cap. 26.

PASTORITIA ars sequitur, ordine secunda, quicquid & Aristoteles & Dicaarchus contrà senserint. Perperam enim & contra ipsam rerum naturã putant prius homines carnem, quàm panem, ad vivendum quasinisse, quum vita humana post peccatum illã carere possit, hoc non possit. Imo verò usque adeo necessarius est panis, ut eius nomine reliqua huius vita alimenta comprehendãtur, quæ sunt solum velut quadam panis condimenta. & accessiones. Præterea primus homo Adamus addictus à Deo fuit post rebellionem, præsertim ad colendam terram, unde desumptus fuerat, non ad pascendos animalium greges. Id quod tamen ex peccato fluxit. Illud verò eiusdem Aristotelis lib. 1. Politic. cap. 5. falsissimum, [Tigerrimi hominum fuerunt, ait, qui primi pastoralem vitam secuti sunt, quoniam à mansuetis animalibus victus ipsis proveniebat otiosis.] Imo verò laboriosissimum esse, semperq; fuisse hoc vita genus apparet ex ipsis eiusdẽ, quæ illic sequuntur, verbis hisce, [Quumque, ait, sit necesse mutare locum animalibus, & ipsi Pastores coguntur unã sequi, quasi agriculturam quandam viam sequentes.] Nam quid laboriosius est, & minus otiosum, quàm perpetuò

vagū esse, sequi pecora, pascere ea, curare, sanare, tractare, distinguere, ablaetare? adeo ut *M. Varro lib. 2. De re rustica* Pastionem infinitis penè partibus cōstare & dicat, & sentiat: quum tamen *Agricultura* paucis omnino contineatur, ut idem *lib. 1. eiusdem operis* docet. Ergo quemadmodū *Agricultura*, sic & *Pastura* fuit ars victus naturaliter querendi: sed hæc posterius & usurpata & nota, quàm *Agricultura*. Itaque secunda fuit. Cui veritati assensiens *Plato lib. 8. de Leg.* prius de *Agricolis*, quàm de *Pastoribus* leges ferens, nimirū ordinem naturæ, & inuentionis harum artium secutus. Nomine vero *Pastoralis* vitæ seu pasturæ, præcipuè pastionem animalium cicurum & mansuetorum hîc intelligimus, quanquā alij postea *Venatoriam* artem huic subiecerunt, quæ tamen demum post diluuium videtur & vsitata & exercita, & primū quidē à *Nembroto*, *Gen. 14. 9.* Et si verò *Pastoritia* ars posterius, quàm *Agricultura*, inuenta est, vberiùs tamen, & diligentius postea fuit excolta, quàm *agricultura*, maioraque ab hominum industria incrementa accepit. Nam *Isabel Lamechi filius* (qui fuit ex posteris *Caini*) *Pastionem* hanc mirificè auxit. Cuius rei & facti exemplum secuti sunt homines alij postea, retinueruntque. Ille enim *Isabel* primus pecoris multiplicis, & copiosi, quod habebat, pascendi gratiâ vitæ genus à maioribus suis diuersum instituit. Quū enim illi, exemplo patris *Caini*, in urbibus & oppidis habitarent, seque continerent: iste primus, sequēdi pascendiq, pecoris gratiâ, tabernacula in agris & syluis habuit, & tentoria, quæ prout pecora ipsa progredierentur, aliò trāsferret, eoque ipse migraret.

ret. Quod vite ac hominum genus à Gracis Nouades appellatur. Hinc igitur Nomadum genus exortum, quod per totum Orbem postea innotuit. sparsumq; est: tamen à primo illo labelle cœpit. Nulla est enim Orbis terrarum pars, in qua aliqui Nouades & pecuarij eiusmodi iã non sint. Ratio autem est duplex, Huius vite nempe necessitas, & utilitas, quæ ex eo vite genere promanat. Ac necessitas quidem, ut pecora, quorum carnis, lacte sero, caseo, pinguedine vescimur, conseruentur. Utilitas autem, quod magnus, imò vberimus quaestus ex hac passione provenit. Nam, ut vult I. Iunius lib. 7. cap. 56. ex ea lanificia etiam Aegyptij inuenere postea, & vestimentorum parandorum rationem. Ergo rectè Aristoteles loco iam citato, [Animalia hominũ causa facta sunt (ait) mansueta quidem propter utilitatem & cibum: fera verò (etsi non omnia, sed pleraq;) propter cibum, & alia adiumenta, ut est vestis, & cetera instrumenta.)] Et Plinius lib. 18. cap. 3: [Pascua, inquit, diu sola inter homines veltigalia fuerunt.] Varro in lib. de ling. Latin. Pecuniam (in qua posita sunt diuitia) à pecude dictam scribit quod olim soli diuites y essent, qui pecudes pascere. Vnde præclarissimarum inter Romanos & vetustissimarum familiarũ cognomina, ait idem lib. 2. De re rust. cap. 1. derivantur, velut à minore pecore Porcius, Quinius Caprilus, à maiore, Equitius, Taurus, Vitulus. Ceterum, per totum terrarum orbem dispersos fuisse Pecuarios huiusmodi & Nomadas apparet Erant enim Nomades inter Iudeos & Israëlitas Rechabita, Hierem. 35. 2, 2. Reg. 10. 18: Inter Scythas y, qui Hamaxoby diceban-

tur, tum Europeos, tum Asiaticos, Plin. lib. 4. cap. 12. Afri, Nomades, Arabici, Euphratai, Indi, Parthi, Thraces, Oenotrij, ut & idem Plinius, & Plutarchus, & ante eos Virgilius, & Herodot. lib. 4, & 7. testantur. Sed & Pomponius Mela lib. 3. de Sin. Orbis. [Nomades autem, inquit Plinius lib. 5. cap. 3. dicuntur à permutandis papilionibus, mapalia sua, id est, domos plaustris circumferentes.] Virgilius lib. 3. Georgic.

[Quid tibi pastores Libye, quid pascua versu
Prosequar, & raris habitata mapalia tectis?
Sapè diem, noctemque & totum ex ordine mensem
Pascitur, itq; pecus longa in deserta sine ullis
Hospitijs, tantum campi iacet. Omnia secum
Armentarius Afer agit, tectumque, Larèmque,
Armag, Amyclaumq; canem, Cressamq; phratrã.]
Athenæus lib. 11. Dipnosoph. ait, [Libycis Nomadibus (sed & alijs quoq;) nihil aliud in bonis est, quàm poculum, gladius, Aqualis: Mapalia verò ex Asphodelo ijs construuntur angusta, umbra tantum capiende gratiã, quæ, quocunq; ierint, circumferunt secum.] Vivunt autem tum ferina, tum carne mäsuetorum animalium, ut Boum & ovium & caprarum, eorumq; lacte, caseo, sero lactis ovis, & alijs similibus. Et hæc quidem de Pastoritia arte, & eius incrementis.

TERTIA Ars in Mundo reperta fuit Musica, eaq; organica, quam Iubal filius Lemechi ante diluvium inuenit. Hæc autem veritas etiã apud homines Ethnicos ex parte mäsit, eiusque vestigia non pauca in eorundem libris extant. Ac primùm Plato in Politico Musicam quinto loco cōstituit inter eas artes, quæ prima sunt

ma sunt ab hominibus excogitata: quod non abest longè à nostra veritate. Itaque falsa est, & meritò irrita illa Iuliani Apostata sententia à Cyrillo lib. 5. contra eum, qui scripsit Musicam primùm à Græcis repertam, & demum post Astrologiam & Geometriam iam notas, quasi Musica postrema ab hominibus reperta esset. Est quidem illud verū. quod diuinus Plato in Phædro tradit, Hominum genus extitisse ante Musas natas: sed tamen artis Musica inuentum ex omnium consensu est antiquissimum. Nam Musas (quod perinde erat, atque si Musicam dicerent) cœli filias esse dixerunt, ut cōmemorat Pausanias lib. 9. Cœli autem filij dicebātur vetustissima quæque inter Ethnicos. Ergo, inquit Plato eodem illo Dial. (qui Phædrus appellatur) prisca mortales sic Musica delectati sunt, ut cibum, dum eā audirēt, capere negligerent. Vnde Horat. lib. de re pœtica:

[Dicitus & Amphion Thebana conditor arcis
Saxa mouere sono testudinis, & prece blanda.

Ducere quò vellet, fuit hac sapientia primùm.]

Et M. T. Cicero Tuscul. 1. idem sentit. Per Musicā igitur artis studiū primos homines excultos fuisse omnes Historici fatentur. Duplici enim disciplina, ut idem Plato lib. 7. de Leg. & ex eo Aristoteles lib. 8. Politic. scribit, vetustissima hominū etas utebatur. Ad corpus quidem exercendum, arte Gymnastica: ad animum autem expoliendū, arte Musica. Ex quo fit ut Plato lib. 3. de Rep. precipiat, ut ipsi adeo ciuitatis Principes, eorūque filij diligenter in Musica instituantur, ex cuius imutatione innumerabilia mala & pericula cuiq; ciuitati idem censet accidere, lib. 4. eiusdem operis De

republ. tanti nimirum momenti, tamque vetusta ea ars ab Ethnicis iudicata est. Quod cum S. Historia concordat. Caterum & a quo Muscam ydem illi Ethnici repertam fuisse velint, & ecquā primum eius speciem, videndū est. Ac quidem de prima illius inuentione nequaquam inter eos cōstat. Quum enim unaquaq; gens ambitiosè tam excellētis artis inuentum sibi vendicare vellet, plures illius autores esse dixerunt: De primo autē illo excellentiq; viro, qui eam mortales docuerat, non quæsierunt. Ergo Graci contendunt Amphiona suum, primum illius repertorem fuisse, ut & Plinius lib. 9. & Plutarchus in libro de Musica cōmemorant. Thraces autem id potius tribuunt Orpheo suo: Aegyptij Mercurio, qui apud se natus sit, quem eundē Toth seu Trismegistum vocant, ut ait Eusebius lib. 1. Prepar. Euāg. Plato lib. 3. de Republ. distinguit. Nam quā Lyram pulsat & alia instrumēta, Musica, ea, ait, ab Amphione reperta est: sed qua voce, & oris sono velut tibijs. fit & modulatur à Marsya (qui Lydus fuit) & Olympo. Plinius lib. 7. cap. 56. varios variarum Musices partium, variorumq; instrumentorum repertores recitat. Verū nulli istorum primi Muscam pepererunt: sed quum inuenta iā esset, eam duntaxat primi ad suos homines deportarunt, & transtulerunt. Itaq; Augustinus lib. 18. cap. 13. irridet fabulam de Amphione Graco: Nimirum eum mouisse saxa sono cithare, quemadmodum etiā eandem explodūt & Palephatus & Phornutius homines Graci natione, & religione Ethnici. Quin imo Plutarchus in lib. de Procreat. anima in Timæum, ait omnes penè veteres Deos cum Musico instrumento

in manu pingi solitos fuisse, quasi omnes eius artis autores esset, ac proinde illius primus autor apud eos incertus esset (quemadmodum etiam scripsit Heraclides, teste Plutarcho) vel quod in omnium Deorum sacris Musica adhiberetur. sicut Arnobius lib. 6. contra Gentes docet. Sed tandem eò res redit, ut velint Apollinem primum omnium huius artis Parentem habendum esse, ut tradit lib. 6. Pausanias. Hic autem antiquissimus fuit, & longè ætate superior his omnibus, quos nominavi, nimirum Orpheo, Marsya, Amphione. Nam cum alij cœli, alij Iovis filium (ac proinde vetustissimum) fuisse fatentur, quemadmodum apparet ex Cicer. lib. 3. de Nat. deor. & Arnobij lib. 4. contra Gentes. Quamobrem cum inter Deos maiorum Gentium recensebant, ut demonstrat Lactantius lib. 1. Instit. Christi. cap. 15. Ergo quemadmodum Mercurius ille Iovis filius & antiquissimus. i. Iabal rei pecuarie prima precepta Mundo dedit: sic Apollo Iovis filius & primus (multi enim fuerunt post primum) id est, Iubal Musices primus Repertor fuit. Sed & [Iubal] nomen cantum significat. Athenæus autem lib. 9. Musicam inuentam fuisse ex vetustissimis scriptoribus tradit, ad imitationem avium, qui in solitudine degunt & cantillat. Macrobius verò manult ad imitationem fabrorum ad numerum certumq; ordinem et ferrum sub incude contudentium. Verum hæc sunt sola coniectura. Veritas autem est ea, quam nos ex obscuris de Apolline eius inuentore reliquijs collegimus, quæq; sunt nobis ab ipsismet Ethnicis tradita. Sed equod genus Musica primum ex Ethnicorum sententia repertum est? Est enim Musica, ut definit August. lib. 1.

de Musica, generalis bene modulandi scientia. Itaque Plato lib. 3. de repub. primarium Musices opus cōstituit in modulorum rationibus & symphonijs miscendis, ac temperandis: atque etiam varias eius species facit. Sed quum idem Plato de Phrygio, & Dorico sono scribat, eos ad Musicam pertinere: & quū autores reliqui de Musica inuentione agentes de Lyra, Cithara, Monaulo, Tibijs, Chordis, & ceteris similibus tunc disspulent, perspicue apparet omnes de Musica Organica loqui, & sentire, ubi de prima Musica inuenta loquuntur & scribunt: nō autem de Vocali, quæ vel postea reperta est, vel quia naturalis est, (nam voce canere docet ipsa: nec natura) non dicitur à quoquam inuenta, sicut illa, quæ est organica. Quod ipsum planè cum Mose, id est cum Dei verbo conuenit. Denique de Musices usu, & causa (quamobrem reperta sit) ex ipsorum eorundem Ethnicorum sententia dicamus. In quo malè, meo quidem iudicio, Xenophon sensit Musicam nequaquam ad pietatem utilem vel nunc esse, vel unquam fuisse, licet Xenophōtis iudiciū amplecti videatur Eusebius lib. 14. de Preparat. Euangel. cap. 4. Melius verò & sanctius, ut alia plerāque, Plato lib. 3. de Leg. his verbis, [Non enim, mihi credite, antiquarum legum olim erat dominus populus, sed ipse quodāmodo sponte, ac volens legibus parebat. M. Ecquibūsnam verò? A. Iis videlicet primū, quæ illius Musica (quæ tunc temporis vigeat) rationibus continebantur, ut ab initio arcessamus liberioris vitæ incrementum. Musica enim tunc in certas quasdā formas suas distribuebatur: & una erat illius, Precatio ad Deos, quæ Hymnorum nomine notabatur:

batur: & illi speciei alia erat contraria, quæ Threnos: alia, quos Peanas nuncupabant: & alia Liberi Patris inuentum, Dithyrambi nomine: alia Citharædica leges nuncupate.] Idem verò eiusdem operis lib. 7. Secunda erat lex Musica, ait, ut preces fiant illis Dijs, quibus quotidie sacrificamus. Tertia lex erit, ut Poëta intelligant Preces ipsas esse hominū petitiones, quibus à dijs aliquid postulant: Quare videant diligenter ne mala pro bonis à dijs imprudenter precentur. Plutarchus in lib. de Musica, [Perspicuum est, inquit, veterem illam Græciam studiū operamque rerum omnium meritò impendisse maximam, ut imprimis Adolescentes Musica erudirentur. Eorum enim animos molles ac teneros ad modestiam atque moderationem componi & temperari Musica oportere existimabant, quippe quam ad omnes occasiones, actionesque omnes, quas intenderes, utilem, & commodam esse putarent: atque imprimis ad bellicos terrores, ad quos alacriter & fortiter capeffendos & sustinendos alij, ut Lacedæmones, tibijs canentibus Castorium appellatum modum instructa acie cum hoste conferturi manus promouebantur: alij ad cantum Lyra in certamen aduersus hostes procurrebāt.] Cui consentit Horatius. Nam à Poëtis & Musicis pueros ad virtutem edoctos fuisse scribit lib. 2. epist. 1:

[Os tenerum pueri, balbūmq; Poëta figurat,
Arcet ab obscænis.] Ad prælia quoque adhibitam antiquitus Musicam idem lib. de Arte Poëtica docet:

--- [Post hos insignis Homerus
Tiræusque mares animos in Martia bella
Versibus exacuit.] Denique in deorū cultu & ora-

culis Musices usus fuit. --[*Dicta per carmina sortes*

Et vita monstrata via est.] Et lib. 2 Epist.

[*Disceres unde preces, Vatem ni Musa dedisset?*

Poscit opem chorus, & præsentia numina sentis:

Cœlestes implorat aquas docta prece blandus:

Avertit morbos: metuenda pericula pellit:

Carmine Dii superi placantur, carmine Manes.]

His consentit Athenæus lib. 14 Dipnosoph. ubi varia Musica laudes describuntur: & imprimis hæc, quod Musica & mores format, & iracundos placat, & mente discordes lenit, atque inter se conciliat. Ad eam fortium virorum facta canebantur: urbes cōdebantur, Pausan. lib. 4. Imo verò etiam quā Atheniensium longos muros (qui ab urbe ad Piræum portiū pertinebant) discerere Lyfander ad fistula & Tibiarum cantum, eos diruit, quemadmodū in Hellenicis scribit Xenophon. Ex quo factum est, ut multis in locis Musica certamina instituerentur, ut & Augustin lib. 6 de Musica, & Pausanias docet, quod & in sacris, & profanis: in publicis, & privatis rebus: domi, forisq; in cōuiuijs, & alijs hominū cœnibus huius artis usus esset maximus. Huius enim esse triplicem usum ex I'teribus scribit in lib. de Musica Plutarchus, nempe Voluptatem, Dolorem & Enthousiasinon. Quæ sunt vestigia veritatis de inuenta primū Musica. Homines enim eam tum voluptatis sue gratiā reppererunt: tum ut in Dei cultu eam adhiberent. Et hæc quidem de Musica.

AR. S quartā fuit Aeraria: Quinta, Ferraria: quam utramq; Tubalcainus inuenit, cui adiungitur soror ipsius Nahhama, tanquā laboris socia. Huius veritatis

ritatis vestigia manifestissima extant apud ipsos Ethnicos. Hec enim sunt verba Platonis in Politico, Πῦρ μὲν ὁ Πρωμηθεὺς, τὰ τέχνη δὲ παρ' Ἡφαιστῆος, ἡ τῆς σωτέ-
 χης. [Ignis quidem à Prometheo: artes autem à Vulcano, ipsiusq; cōiuge, eiusdem artis socia.] Quid magis cōsentiens dici potest? Nam quis dubitat, quin Ἡφαιστος Græcorum id est, Vulcanus ille vetustissimus (plures enim fuerunt, ut docet Tullius lib. 3. de Nat. Deor. & Arnobius lib. 4. contra Gentes) Latinorum sit Tubalcainus Moſis, quum si mutetur T, in V, (quarum literarum facilis est in sese migratio) nomen ipsum & vox [Tubalcainus] sit [Vulcanus?] Præterea quis nescit [Nabhamā] significare pulcrā, seu Venerem, quæ quum ab ipsis Ethnicis dicatur, uti & Vulcanus, filia Iouis, certe soror est Vulcani: eadē verò ab ijs ipsis Ethnicis dicitur uxor quoq; Vulcani, ut planè illi cū Moſe in eo concordent. Verum ut hac ipsa maiorem apud omnes fidem habeant, sunt paulò latiùs explicanda. Ac primùm quidē fuisse Aes priùs quàm Ferrum inuentū apparet ex ipsismet profanis. Nam Plinius lib. 7. cap. 56. Nat. Hist. utriusque artis inuentionem recitans, priùs æs & ævariā artem, quàm ferrum & ferrariā commemorat. & repertam fuisse docet. Hanc eandem sententiam confirmat Pausanias lib. 3. Nam inter mortales usum æris, quàm ferri priùs fuisse scribit. Confirmat etiam Homerus, qui heròum antiquissimorū hominum arma ex ære, nō ex ferro facta scribit. Caterum & æris, & ferri inuentionem & usum non modò post peccatum intemperiemq; hominis omnes Ethnici collocāt: sed etiam post longum tempus, & tunc primùm, quum

homines iam inter se contendere, rixari, & pugnare cœ-
cœpissēt. Plato in Politico id disertè docet, & testatur:
atque idem lib. 12. de Leg. vetat ne Deorum imagines
fiant ex are, & ferro, quia ea sunt belli instrumenta.
Virgilius lib. 2. Georgic. idem demonstrat:

[Ante etiam sceptrum Dictai regis, & ante
Impia quàm cæsis gens est epulata iuuenis:
Aureus hanc vitam in terris Saturnus agebat.
Necdum etiam audierant inflari classica, necdum
Impositos duris crepitare incudibus ignes.]

Horatius lib. 1. Sætyra 3.

[Quum prorepserunt primis animalia terris,
(Mutū, & turpe genus) glādem atq; cubilia propter
Vnguibus, & pugnis: dein fustibus, atque ita porro
Pugnabant armis, quæ pōst fabricauerat usus.]

Denique Tibullus libro primo, Elegia decima:

[Quis fuit horrendos primus, qui protulit enses?
Quàm ferus, & verè ferreus ille fuit?]

Cui consentit id, quod scribit Pansanius libr. 8, & 10.
vtriusq; huius artis nimirum araria, & ferraria usum
esse multis seculis post homines natos: quodq; Diodorus
Sicul. lib. 1. cap. 1, & 2. tradit: Aeraria tamen, quàm
Ferraria, vetustior est. Illius autem meminit Aristot-
eles tum lib. 1. Politic. cap. 5. quam χαλκουργικὴν appel-
lat: tum etiā in lib. de Admiral. Audition. his verbis,
[Ferunt, ait, Mossinœcum es nitidissimū & candidissi-
mum esse, cui non admisceatur stannum: sed terra quod-
dam genus, quæ ibi gignitur, & unā cum are coquitur.
Narrant autem eum, qui temperamentum istud inue-
nerit, neminem hoc docuisse, & ideo opera illo loco ve-

tera eximia esse, recentiora verò non item.] Hac ille. Caterùm Ioachimus Camerarius in suis annotationibus in Politica Aristotel. adhuc Germanico nomine hoc æs Mossinæcum appellari, & fortassis est χαλκολίβανον S. Scriptura, Apocal. 4. 1. 15. Caterùm quis æs primum, aut arariam artem .i. fundendi æris rationem repererit, dubitant Ethnici, & in eo sunt inter se varij, quum de primo illius autore non querunt: sed illius innuere gloria posteris, & alijs, quàm primo, tribuunt. Aristoteles æris conflandi, & temperandi artem Lydo Scythæ vindicat: Theophrastus autem Delæ Phrygi, ut autor est Plinius lib. 7. cap. 56. Ipse verò Chalybus, & Cyclopibus eam tribuit. Pausanias lib. 8. Ræcum Phæi filium, & Theodorum Teleclis viros Samios primos æs fudisse, & ex eo simulacra conflasse mauult. Plinius ipse planè nutat, quia lib. 4. cap. 12. vult æs primum in Chalcide oppido Eubææ insula repertum: Lib. verò 7. cap. 56. in insula Cypro: at lib. 33. cap. 3. in Hispania. Ferri quoque inuentorem, quis fuerit, ubi à primo discessere, non reperiunt. Alij enim Dactylos Idaos in Creta primos ferrum inuenisse volunt: alij Polydorum Samium, ut scribit Pausanias lib. 3. Alij Glauconem, ut idem vult lib. 10. Plinius lib. 34. cap. 14 ferrum ubiq; reperiri ait, in Catabria tamen esse montem totum ferreum. In Serica regione, quæ est Orientalis, esse optimū. Tubalcainus autem in Oriente vixit, quod cum nostra veritate cōsentit. Denique ut obiter dicam, ferrum humano sanguine contactum, statim rubiginem contrahit, ut idem Plinius scribit. Verùm nos, his omissis, quod ceteri verè dixerint, perpendamus. Constat porrò inter

Ethnicos omnes eum Vulcanum quendam fuisse vetustissimum, quem Iouis filium propterea vocant. Quoscunque enim antiquissimos esse volunt, eosdem facere filios Iouis, vel cœli. Ab huius Vulcani nomine primi, postea alij sunt Vulcani dicti isto multis seculis iuniores. Hic verò Vulcanus antiquissimus est, ut nomen ipsum ostendit, Tubalcainus Moysis. Ab hoc igitur Vulcanico Aerariam, & Ferrariam artem, adeoque instrumentorum eiusmodi conficiendorum rationem primum repertam esse ipsimet Ethnici scribunt. Itaque omnes opifices eiusmodi illi consecratos esse docet Plato, lib. 11. de Legibus. Quare sic pingebatur, ut Albericus in lib. de imaginibus Deorum ait, videlicet Deus Ignium, fabri similitudine, malleum in manu tenens, & iuxta eum officina pingebatur: etsi Herodotus lib. 3. ridiculè eum postea ab Aegyptijs depictum fuisse narrat. Ergo de Vulcanico sic scribit Homerus, ὃν ἦπας & δέδαν, καὶ παλάς ἀδόν, & apud eundem Iliad. lib. 18. facta est mentio Tripodum admirandorum à Vulcanico fabrefactorum. Sed & arma ab eodem Dijs facta scribit ex Ethnicis Lactantius lib. 1. cap. 17: quanquam Pausanias lib. 9. ait nullum in tota Græcia egregium Vulcani opus extare præter sceptrum Agamemnonis: sed nos non de Græco Vulcanico, qui recens est: sed de primo, de quo Homerus & Lactantius, loquimur. Ergo hic est Vulcanus, qui etiam ab Augustino Deus Artium ex Ethnicorum mente nominatur; lib. 4. Ciuit. Dei, cap. 10. Quod & ante eum Plutarchus in lib. Aquæ & Ignis Comparat. dixit. Nam usum ignis ad fundendum, & conflandum metalla primus invenit Vulcanus iste, ut ait Lactant.

lib. 2. cap. 6, & lib. de Ira Dei, cap. 13. Ignis autē vsu
 istiusmodi reperto, facile fuit artes ferrarias & ara-
 rias inuenire, uti docent Diodorus Sicul. lib. 1. cap. 1,
 & Plato. Porro quum vox [Vulcanus] ex voce [Tu-
 balcainus] manifestè formata sit, (Nā & Osirim Ae-
 gyptij vocant Thamec, ut ait Euseb. quem dicunt Vul-
 canum) inepta est Fulgentij Placiadis etymologia, qui
 Vulcanum quasi βελήγανον dici putat, id est, cupidum
 fumi & fuliginis hominem. Phornutus ἥφαισος ab in-
 cendendo deriuari putat. (Est autem ἥφαισος Græcis,
 Vulcanus Latinis) nempe ἁπὸ τοῦ αἵθερος, quod & spirare,
 & inflāmare significat. Melius Plato in Cratylo ἥφαι-
 σος deducit à verbo φαίνειν, & φῶς, quod quū igni pre-
 sit Vulcanus, & luci quoq; præfectus est: Est enim ignis na-
 turā lucidus, & calidus. Nahhama verò est procul-
 dubio Venus, quæ Vulcani illius primi & soror fuit, &
 uxor. Nam Nahhama significat Pulcrā, formosam,
 venustā, & eam cuius coitu delectantur homines. Vnde
 pro Voluptate, Venus (quæ fuit mulier pulcherrima)
 sumitur, ut docent Athenæus & Augustinus lib. 4. cap.
 11. & 15. cap. 20. Ciuit. Dei. A qua dicta sunt omnes
 mulieres, quarū coitum expetunt, Veneres, qualia sunt
 ferè scorta. [Venus] autem Latine à veniendo dicta
 est, sicut Iosephus Scaliger annotauit, quoniam nulla
 inter populares mulier scortari sinebatur, id est, quæ es-
 set eius loci ciuis: sed duntaxat si quæ erat peregrina &
 aduena, ut apparet ex veteribus Comædijs: imò ex ipso
 Dei verbo velut ex libro Prouerbiorum, ubi Meretrix-
 ces aduena & extranea vocantur. Sed ad reliqua
 pergamus.

Ad IX. De Primo Hominum Memorabili Sacrificio.

ORDO verò historia requirit, ut de Primo hominum Sacrificio, quod quidem fuit memorabile, dissertamus: & quæ illius in Ethnicorum scriptis vestigia supersint, exponamus: præsertim quum totam hanc historiam suggillavit Iulianus Apostata, ut est apud Cyrillum Alexandrinum lib. 10. sect. 6. contra hunc eundem Iulianum. Ergo docet S. Scriptura Cainum primū obtulisse sacrificium Deo è frugibus terra: Abelem verò eidem sacrificasse postea ex primogenitis sui gregis, cuius sacrificium fuerit Deo gratum, nō item Caini: Vnde invidia commotus in Abelem fratrem Cainus eum occidit insidiosè, & perfidiosè. Huius autem veritatis quæ in Ethnicis vestigia supersint, explicandū. Et certè quidem multa extant, licèt fabulis, velut tenebris, ea veritas fuerit à Satana inuoluta, ne perspicuè cerneretur, aut intelligeretur. At verò dico ego, sentioq̃, Sacrificium hoc per illud representari, quod Ethnici scribunt à Ioue & Prometheo fuisse oblatum Cælo auro, & in quo Promethei potiores partes fuisse aiunt: Iouis autem peiores. Nam addunt propterea Iouem in Prometheum iratū fuisse, eūque postea afflixisse, & miserè ad tormenta seuissima monti Caucaso affixisse, & alligasse. (Sic Homerus, Hesiodus, Aeschylus, Plato, Higinus, Phornutus, Lucianus, & ante hos tres posteriores M. T. Cicero Tuscul. 2.) Dico, inquam, ista esse huius historie sacra & nostra obscuras quidem sed tamen verissimas, & tanquam ex tabula vetustissimæ relictas lineas,

lineas, colores, picturas, & reliquias. Hoc autem his rationibus confirmo. Ac primum quidem iam docui Iouem illum Ethnicorum, qui fuit vetustissimus, esse Cainum Mosis. Nunc igitur mihi probandum est antiquissimum eorundem Ethnicorum Prometheus esse, imo fuisse Abelem Mosis: dico autem antiquissimum, quoniam ut Ioues multi ad primi imitationem dicti sunt: sic & Promethei, præsertim à Grecis (ut ex Pausania lib. 2. & 7 facile colligi potest) qui vanitatis ambitionisque studio res novas & veteres interpolarunt, & veras obscurarunt, ut sua genti vetustatem Mundi omnem ascriberent, & falso. Quorum errorem secutus Eusebius in Chronicis Prometheus in annum Mundi 3520 demum reiecit, quum omnium consensu ille Ioui equalis ætate, ac tempore fuerit. Esto igitur hac inter Prometheus, & Abelem comparatio: Abel cum Caino fratre simul vixit longo tempore, & usquequò ab eo occideretur: Sic Iuppiter & Prometheus vnâ simulq; floruerunt, vixerunt, & cõuersabantur, uti Phornutus scripsit lib. de natura Deorum. Abel & Cain erant fratres: sic Iuppiter & Prometheus consanguinei. Abel & Cain primi homines fuere, viri heròes, & præstatiissimi: sic Iuppiter & Prometheus primi mortalium, adeo ut ceteri homines à Prometheo fidei & ex luto formati dicantur, fueruntq; hi duo viri illustres, & heròes primi & summi. Itaq; inter se ab Ethnicis comparantur Iuppiter & Prometheus tanquam coeui, & virtutibus pares, quemadmodum ait Plato in epist. 2. ad Dionysium. Et ut Iuppiter Deus à posteris habitus est, sic & Prometheus, ut docet Hesiodus in Theogonia, cuius etiam ara angusta

habita fuit in Attica, remansitque diutissimè, quemadmodum Pausan. lib. 1. tradit. Abel primus cum Caino sacrificauit Deo, fuitque piorum iudicio hoc Primum hominū sacrificium: sic Iupiter & Prometheus omnium primi Cælo sacrificarunt. Abel primus animal obtulit & mactauit Deo: Sic Prometheus ille antiquissimus primus bouem mactasse Deo scribitur à Plinio lib. 7. cap. 56. Cainus propter sacrificium (quod uterq; fecerat, nimirum ipse & Abel.) inuidit Abeli fratri suo, quòd potior, gratiorque Deo fuerat Abelis oblatio, quàm sua, proptereaque Abelem, semotis arbitris, in Oriente occidit: Sic Iuppiter in cōmuni sacrificio (quod primum omnium fuit) inuidit Prometheo consanguineo suo, quoniam in eo potiores Promethei partes fuerant: eumq; uti dixi, crudelissimè ob eam causam ad Orientem in monte Caucaaso, id est, in solitudine Iuppiter afflixit. Abelis sacrificiū idcirco Deo gratum apparuit, quòd cœlitus ignis delapsus illud assumpsit, saltem de cœlo eiusmodi aliquod fauoris Dei signū extitit: Prometheus post sacrificium suum de cœlo ignem rapuisse, & eum hominibus dedisse ex veterum Ethnicorum traditione fertur. Sic Hesiodus, & Higinus in fabul. cap. 66, & 144: quod Plato in Philebo interpretatur fuisse Dei in Prometheus ipsum munus, non autem Promethei furtū. Ignis autem usum & inuentionem in Græcia Pausanias lib. 2. tribuit ex recentiorum fabulæ, Phoroneo. Augustinus tamen lib. 18. Ciuit. Dei, cap. 8. hæc de Prometheo vetustissimo narrationem aliter, sed frustra, explicat. Præterea idem Higinus tradit Prometheū instituisse, ut in sacrificijs pars viclimæ adoleretur Deo,

Deo, pars cōiunio reseruaretur: id quod in veris sacrificijs, & tunc etiā in Abelis sacrificio obtinuit. In summa, sacrificia esse rem antiquissimam apparet, adeoq; ab ipsis Arcadibus (qui primi mortalium censentur, & Luna ipsa priores) usurpatam. Sic Higinus in fabulis cap 66, & 274. Denique Πηγυνδῆς dictus est nō proprio nomine: sed à cognomine quodam à fide & prudentia, quod res futuras prouideret: uti & Abel ex fide & prospicientia futuri & venturi in mundum Messia sacrificauit, proptereaque illius sacrificium Deo gratum fuit. Vnum autem obijci potest in ista Promethei & Abelis comparatione, quod est refellendum, Nimirum Abelem nullos liberos reliquisse: Prometheum autem plures, velut Acthneum, ut ait Pausanias libro 9: & Deucalionem, ut scribit Ouidius lib. 1. Metamorphos. Respondeo enim Græcos in ea re fuisse deceptos æquocatione nominis Promethei, dum filios recentissimi cuiusdam Promethei vetustissimo illi temerè & falso attribuunt, & tempora confundunt. Falsum enim est Deucalionem Promethei primi filium fuisse. Et hæc quidem ostendunt eorum sacrificiorum (que separatim à Caino. & Abele facta sunt Deo) vestigia, quum Iuppiter, Cainus sit: Prometheus autem Abel. Porro Cainum prius ex terra frugibus obtulisse sacrificium seu donum Deo, verum est: Abelem verò postea ex primogenitis gregis & animalium suorum. Atque huius ipsius veritatis inter Ethnicos reliquie hæc sunt, Nēpe, Quod ipsimet scribunt, primum oblationes Dijs ex frugibus terra factas, & datas: postea autem victimas seu animalia eisdem oblata. Quod utrumque ex eorum scri-

Q

ptis & monumentis probandum est. Ac primum quidem terre fruges, & quæ ex ea nascuntur oblata Deo fuisse docet Theophrastus, ut refert Theodoritus in libro Ελληνικῶν παθημάτων. Unde vult eas frugū, veluti spicarum tritici, florum, fructuum arborum oblationes θυμιάματα, id est, suffitus, & odores appellatas: non autem θυσιάς, id est, sacrificia & mactationes. Θυμίαμα enim ὑπὸ τῷ θυμῷ, id est, vaporem vel suffitum emittere, deducitur. Vnde & Thus Latinum vocabulum, quod sit suffimentum odore, dum adeoletur, gratissimum. Sacrificium autem, ut ait Isidorus, dicitur quasi sacrum, factum, quod prece mystica Deo consecratur: At verò ut alij malunt, à [Sacrum & facere,] id est, mactare. Nec enim quævis actio sacra, sacrificium est: sed ea demum, in qua victima Deo fit, id est, ingulatur, & mactatur. Virgilius in Eclogis:

[Quum faciam vitula pro frugibus, ipse venito.] Sed ut ad rem redeam, quæ primum diis, ex Ethnicorū sententia, offerebantur, erant duntaxat suffimenta, fruges, flores, odores: non autem victima, aut animalia mactata. Quamobrem Plinius lib. 18. cap. 7. ex Maiorū Libris ritualibus scribit frugum sacrificium fuisse primum omnium, ac antiquissimum. Verum ante Plinium Plato rerum inter Ethnicos diuinarū scientissimus, lib. 6. de Leg. sic ait, Τὸ δὲ μὲν θύειν ἀνθρώπους ἀλλήλους ἐπὶ καὶ καὶ ὧν ἀφαιροῦμεν πολλοῖς. Καὶ τεταντίον ἀκρόμεν ἐν ἀνοίς, ὅτε ἐδὲ βόας ἐτολμῶμεν Σερέδς θυμιάτατε ἐκ τῆν τοῖς θεοῖς ζῶα πελανοὶ δὲ, καὶ μέλισι καρποὶ διδρυμένοι, καὶ τοιαῦτα ἀνὰ ἀγνὴ θύματα, id est, ex Ioannis Serrani doctissimi viri interpretatione, [Atqui ut alij homines alios homines

homines sacrificent, apud multos etiamnum id perdurare videmus: contrariū etiam de alijs audiimus sicuti quū nec bouillas quidem carnes gustare audebamus, neque animalia Dys immolabamus: sed liba, & fructus melle imbutos, & alia huiusmodi pura sacrificia.] idē docet Cyrillus lib. 9. contra Iulian. sect. 5. ubi tū ex veteris cuiusdam Poeta profani versibus, tum ex Porphyrij libris, tum etiam ex antiquis monumentis testimonia eius rei, nempe Sacrificia prima fuisse ex frugibus, profert: Fuisse apud Delum insulam etiam vetustissimum altare ubi nullum animal offerretur dys, vel sacrificaretur: sed soli odores, & suffitus: quod, Piorum altare vocabatur. Idem Cyrillus ex Ethnicis scriptis tradit. Itaque huiusmodi sacrificia vocarunt Ethnici ipsi, propter eorum vetustatem (quæ purior semper, quam posterior aetas apparet) & quoniam erant ἀναιμακτα, id est, incruenta, appellarunt inquam, θυσίαν, & ἀλυσίαν, & ἀκαπνον, & ἀγνόν, quemadmodum docent Athenæus lib. 14. Dipnos. & G. Stuckius amicus meus, vir diligentissimus in vario & erudito opere Conuiual. Quæst. lib. 1 cap. 5. quod carerēt huiusmodi sacrificia vino & obsonio .i. carne cocta & sacrificata, qua tamen homines animalia sacrificantes vesci solebat: Lac enim, & thuris aliquid, mel, fruges, & corollæ Dys tunc offerebātur, quæ postea exigua sacrificia visa sunt, præsertim Romanis hominibus, crescente hominum luxuria, & velut duntaxat rustica. Verū, ut scribit Plinius in præmio lib. 1. Hist. Nat. non tantū Rustici: sed etiam gentes pleraque eum sacrificandi morem, atque illud sacrificij genus potius retinuerunt, ut lacte solū,

& mola salsa dijs suis litarent. Fiebant autem potissimum post fruges collectas, ut idem Stuckius eodem lib. cap. 23. vult. Imo verò ab isto sacrificiorum genere Latina voces [*Immolare, & Adorare*] sunt profecta, quae pro quavis Dei colendi specie iam usurpantur, nempe quòd is primus Dei cultus publicus, notisque hominibus fuit. Nam *Immolare* dicitur à *Mola*. Est autem *Mola* placenta genus, quae primum ex hordeo tosto fiebat, quoniam hoc frugis & messis genus primum in usu fuit inter mortales, ut ait Athenaeus lib. 1. Plinius lib. 18. cap. 7. [*Antiquissimum in cibis hordeum.*] Deinde autem ex tritico tosto fieri cepta est, quod sale conspergebatur. Sic enim Veteres molam vocabant Far tostum sale conspersum, quòd eo molito hostia, (id est, caput victimae) & ignis ipse, quo adurebatur, & cultri, quibus illa ingulabatur, aspergebantur. Festus Pompeius, [*Immolare est mola, id est, farre molito, & sale hostiam, aspergere, ait.* Maxima enim (ut scribit Plinius lib. 31 cap. 7) etiam in sacris fuit salis autoritas, quando nulla conficiuntur sine mola salsa.] Quod ipsum doctè observavit idem Stuckius lib. 1. Coniunct. Quaest. cap. 30 Hoc autem faris genus, unde mola ista fiebat, erat optimum, & Ador ab Edendo dicebatur. Ex quo Adorea, & Adorare verbum derivatum. Idem Festus, [*Ador faris genus, ait, Edor quondam appellatum ab edendo: vel quòd aduratur, ut fiat tostum: unde in sacrificio Mola salsa efficitur.*] Nonius Marcellus, [*Ador, inquit, faris genus, quod epulis & immolationibus pium putatur. Unde Adorare Propitiare religiones potest dictum videri, & agere aliquid in alterius honorem,*] ut vult

vult Festus Pompeius. Ex quo fit, ut inepta proculdubio appareat Isidori sententia, qui lib. 6. Etymolog. sic scribit, [*Immolatio ab antiquis dicta, quod in mole altaris posita victima caderetur.*] Nec enim Immolatio à Mole, sed à mola dicta est: nec victima in mole .i. supra altare cadebatur, sed ante altare, quemadmodum intelligitur ex lib. 4. Aeneid. Virgilij. Maza verò Grecorum (quæ erat placenta ex tritico & lacte, nonnunquam etiam ex aqua & oleo constans, ut ait Athenæus lib. 14. plebeius, communis, & promiscuus cibus) non est Mola Romanorum, etsi tamen idem Athenæus lib. 3. scribit *Μαζαν*, quæ dicebatur Hygea, in sacris adhiberi, dijs offerri, & à sacrificiis degustari solitam fuisse. De quo vide Stuckium meum libro iam citato cap. 27. In summa, etiam ex Leuit. cap. 23, & Deut. 26. apparet sacrificia ex frugibus grata fuisse Deo, & imperata: adeo ut etiā victima ipse, quæ Deo vero mactabantur, oleo, smilagine, vino, & sale aspergerentur sub Lege veteri, ut est Leuit. cap. 6. ubi Cyrillus tomo 1. Nimirum ut ex eo Deus autor omnium bonorum, ex sola sua misericordia, esse intelligatur, ac propterea hæc omnia bonorum ad vitam hominum necessariorum genera in eius sacrificijs adhibentur. Porro post oblationem ex frugibus Dijs factam victimas quoque ipsæ oblatas, & mactatas fuisse scribunt idem illi Ethnici autores, uti Plato, Theophrastus, & alij: adeo ut, quemadmodum tradit Athenæus lib. 14. Dipnosoph. propterea sacrificijs Ethnicorum præfati fuerint Coqui, quod scirent illi animalia & mactare seu iugulare, & in frustra disseccare. Nec autem Pythagora ratio audienda, qui (ut est

apud Ouid. lib. 15. *Metamorph.* & *Cyriſtum* lib. 10. contra *Iulian.* ſect. 6, & lib. 9. ſect. 5.) exiſtimauit im-
pium eſſe Deo viſtimas ſeu animalia ſacrificare, quod
cedē & ſanguine nequaquā gauderet Deus. Nam ve-
rum quidem eſt, Deum per ſe cede animalium minime
delectari: nec eorum nidore, offibus, vel carne paſci, ut
recte ſenſit Poëta vetus & *Ethnicus* apud *Porphyrū*,
lib. 2. de *Abſtinentia carniū*, his verbis:

[Quis ſic ſtultus, aut tam diſſolutus
Persuaſibilis vir, qui ſperet Deos
Offibus ſine carne, & felle accenſo

Gaudere, & honorem illum ſortiri?] Sed quo-
niam illa viſtimarū, & caſorum animalium ſacrificia
erāt futura *Chriſti Paſſionis* (in qua peccatorū *Mundi*
expiatio continetur) umbræ, & repræſentatio, illa Deo
grata fuerunt, ut oſtendit *Auguſtin.* lib. 20. *Ciuit. Dei*
cap. 26. Non autem quod eiſdem elementis Animalia
illa conſtent, atque nos ut ſcribit *Arnobius* lib. 7. Ergo
Athenienſes, ut ſcribit *Plato* lib. 7. de *Leg.* ſolebāt ex-
citare homines in huiusmodi animalium ſacrificijs ad
planctum, & lacrymas etiam adhibitis ribijs, quod ille
maſtationes animalium triſtis pœne hominibus propter
peccata debite ſymbolum ac ſignum erant. Fuit igitur
triſtis ſignificatio iſtorum ſacrificiorum, nempe mortis
Chriſti, ad quam reſpiciebat Deus in iſ ſacrificijs, quæ
ipſe præceperat: non etiam in iſ, quæ *Ethnici* ex volun-
tario ipſorum cultu abſque fide offerebant, ſicut docet
Auguſtin. lib. 10 cap. 5. *Ciuit. Dei.* Alioquin, & abſq;
ea ſignificatione, & mortis *Chriſti* adhuc futura fide,
& repræſentatione, vera eſt illa *Platonis* in *Alcibiade*
ſecundo

secundo sententia, *Sacrificia Animalium* non tam placant Deum, quàm pius animus, piâq; precatio. Imo verò Apollonius aras ipsas hoc animalium in ijs sacrificatorum sanguine pollui potius, quàm sanctificari, Ethnicis (quâvis ipse Ethnicus) verè tamen exprobrauit. Erant enim ijs inutiles rerum sibi ad victum necessariarum cades, & damna, quia carebant fide in Christum venturū. Nec obstat etiam quod lib. 10. cap. 19. Cuius. Dei, querit Augustinus, Cur Deus, qui est inuisibilis, visibilia sacrificia & oblationes sibi dari præceperit. In eo enim Deus sese nobis, nostròque captui attemperauit, ut ea à nobis exigeret, quæ & tractare, & offerre possemus: non autè inuisibilia, quæ contrectare nequimus. Ex quibus omnibus apparet huius nostre veritatis vestigia extare etiam apud Ethnicos, primùm Deo oblatas fruges terra: postea verò, animalia. Et ut totum hunc locum breuiter concludam, quæ sacrificia à bonis & pijs Patribus acceperant primùm homines Ethnici, ea non retinuerunt: sed sacrificia illa prorsus deprauarunt. Nam magnificentissimis quibusdā hostijs, & argenteis muneribus, tanquam pretio, Deos emere sibi, eorūque fauorem studuerunt illi, ut ex Euhemero scriptore antiquissimo tradit Eusebius lib. 2. cap. 4. de Preparat. Euangel. Vnde Alexander Magnus Leonide præceptori suo profusionem sacrificiorum reprehendenti respondit, Dys sine parsimonia sacrificandum. At Spartani contrà, utpote longè ab hac superstitione remoti, ut ait Plutarchus, Dys tenuia & facillè parabilia sacrificia instituerunt, velut capras, & gallos gallinaceos. Ex quo factum est, ut ea potissimum reliquæ gentes dys

suis animalia in sacrificijs offerrent, quæ erant tabida, scabiosa, clauda, enectæ: atque ex ijs ipsis solum caput, & ungulas pedum detruncatas daret dijs suis, ut docet Tertullianus in *Apolog.* cap. 14: quod nimis sumptum in ijs fierent. Esi autem de die solum & in aperto Dijs suis illi Ethnici sacrificabant, ut ait Lactantius lib. 2. cap. 2. præterquam Cereri seu Bonæ Deæ (cuius sacra Romæ fiebant in operto) tamen obscæna omnino & turpia erant, quæ illi in suis sacrificijs agebant, & committebant, qualia adulteria (Nam & sacra quadam nuda mulieres celebrabant, Plin. lib. 22. cap. 1) furta, cades, ut scribit Arnobius lib. 8. contra Gentes. Ergo, ut ait Athenæus, In sacris præco pronuntiabat, ut sacrificantes ante Solis occasum & noctem discederent, ne quid turpe in ijs perpetraretur. Denique in suis sacrificijs Ethnici ex sanctorum, & à Deo institutorum sacrificiorum *ἱεροῦ* adhibebant far, merum, odorem seu suffitum thuris, salem & sanguinem victimæ, Lactant. lib. 6. cap. 6. Institut. Christian. Demum & preces, ut docent Horatius, & Persius, & ante utrumq; Plato, & Cicero in libris de Legibus in ijsdem sacrificijs fiebant. In quibus erant tam miseri, ac superstitiosi, ut ne quid in ijs concipiendis vel recitandis ab ijs præposterum diceretur, solet aliquis præponi, qui sacrificantibus præiret verbis: deinde custos dari, qui observaret, Vtrum sacrificans dictata sibi rectè & ordine pronuntiaret, ac redderet, ut ait Plinius lib. 28. cap. 2. *Hist. Natur.* Atque ista quidem de hoc veritatis capite, eiusq; reliquijs dicta sunt. Nam qui Dijs Tempa primi instituerint, qui eisdem simulacra, omitto dicere, quoniã illa ad no-

strum

strum hoc argumētum, istamq; comparationem à nobis institutam minimè pertinent. Accedamus ad reliqua, velut ad caput vndecimum Historiæ, ubi de Excommunicatione agitur, quæ prima in homines à Deo ipso propter crimen fulminata est, nimirum in Cainum homicidam seu potius fratricidam, ut quemadmodū ea pœna ex Dei verbo intelligitur horribilis, piacularis, tremenda, ipsaque morte grauior, & in conscientiam hominum ferri: Sic apud Ethnicos ipsos huius doctrinæ ac pœnæ vestigia quædā semper extitisse doceamus. Nam quod ad caput X. Historiæ nostræ pertinet, illud coniunctim cum capite I X. complexi sumus, ubi Prometheus à Ioue per inuidiam afflictum in solitudine montis Caucasii ad Orientem docuimus; quod Promethei sacrificiū Deo Cælo suo auctori gratius fuisset, quàm suum .i. Iouis.

Ad XI. De Excommunicatione, quæ fuit Prima scelerum, præsertim homicidij, Pœna.

Ergo expendamus, Vtrum Ethnici quoque ipsi Excommunicationem voluerint pœnam esse scelerum perpetratorum, eamque teterrimā existimauerint: ac præsertim homicidijs imposuerint, homicidâsque ipsos vagos & erroneos esse decreuerint, uti ex Dei præcepto & pœna illi data fuit Cainus. Est autem, fuitq; illis Excommunicatio, quemadmodum & nobis, Interdictio à Sacris, & cultu Dei externo, cœtūque aliorum hominū Deum colentium: in quā qui incurrebant, diris, execrationibûsque publicis feriebantur, subiciebantur, & dijs

Manibus ac inferis sacri, .i. post hanc vitā torquendi
 vouebantur. Ergo uiaegi dicebantur, id est, nefarij, &
 εὐαγῆς, detestādi, ὅτι ἔεαγιζεν. Εὐαγίζω verò Expio
 significat. Unde εὐαγῆς homines expiandi dicti sunt,
 & quales qui à Latinis [Sacri] .i. Deo planè maclan-
 di, & ex hominum consortio eyciendi nominantur, ac
 proinde abominabiles. Hinc quoque est illud Virgilij
 [Auri sacra fames] id est, detestabilis: & apud Liuiū
 Pecunia Cereri sacra .i. deuota: & Sacrata Leges ap-
 pellata, ut ait Pompeius [quibus sancitū est, si qui quid
 aduersus eas fecerit, sacer alicui deorum sit cum fami-
 lia, pecuniave.] Εὐαγίζω autem verbum ὅτι ἔεαγιζω
 deducitur, cui tamen contrariam, ut inquit Iulius Pol-
 lux lib. 1. Onomastici, significationem habet. Αἷμαζω
 enim Sāctifico: Εὐαγίζω per antiphrasin Expio, voueo,
 & occido significat. Αἷμαζω, & Εὐαγῆς, contraria pror-
 sus notione intelliguntur. Αἷμαζω enim dicuntur, qui puri
 sunt, & mundi. Εὐαγῆς autē, qui prorsus impuri pol-
 luti, immundi, & execrabiles. Vnde ydem à Platone
 lib. 7. de Leg. ἀκάθαρτοι vocantur. Pollux igitur eo li-
 bro, quem iam citauimus, τοῖς εὐεργετητοῖς ἀκαθάρτοις
 χρησάμενοι, καὶ ἀεὶ οἱ δ' εὐαντοῖς ἀκαθάρτοις ὡς τὸ καὶ τὰ εὐ-
 ναπία τῶν ἀκαθάρτων, ὁμοῦς, ὁποιμένους, ἀγνοῦς, ἀγίους. τὰ
 μεγάλα, ἅγιον, καὶ ἀεὶ ὅπον, ἀγνόν, εὐαγῆς, ἀχευόν.
 τὸ δ' εὐαντόν, Εὐαγῆς, ἐξ ἁγίων, εὐαγῆς, καὶ ἀεὶ ὅπον, καὶ ἀεὶ
 ὅπον, καὶ ἀεὶ ὅπον, id est, Qui sacris ablutionibus &
 purgationibus vsi sunt, ac uiuantur, ij Puri dicuntur: cō-
 tra verò ijsdem interdīcti qui sunt, vocantur Impuri:
 quemadmodum hec sunt, que Impuris istis non conue-
 niunt, Sanctè, sanctificatè, purè, impollutè. Res autem
 ipsa

ipsa est Sanctitas, puritas, sacrum, impollutum, inabominabile, incontaminatum. Quibus rebus hæc sunt contraria, Abominabile, exsanctificatum, detestabile, sceleratum, nefarium, pollutio, abominatio.] At Latinè quoque idem homines appellatur Profani. Unde illud Virgil. lib. 6. *Aeneid.* [Procul ô procul este Profani, Conclamat vites, iotoque absistite luo.] Et Claudianus lib. 1. de *Raptu Proserpine* [Gressus remouete Profani,] tanquam qui procul à deorum phanis & templis arcentur vel abiguntur. Ex quibus apparet, quàm execrabiles & odiosi inter Ethnicos ipsos olim censiti fuerint, quibûsque vocabulis & probris ornatî ἐξερρόμενοι, ut loquitur Plato, id est, homines inter eos sacris & templis Deorum suorum interdicti, ac excommunicati: Ἐσι γὰρ, ait Plutarchus lib. *Quæst Rom. quæst 44* κατὰ τὰ δούσημιον καὶ σκυδεσπὸν. Ἐπὴν ἐν γούῳ Ἀθήνησιν ἡ ἱερεὶα μὴ θελήσασα καθαρίσασθαι τὴν Ἀλκιβιάδην δὴ καὶ λευοντος, [Est enim huiusmodi execratio res tristis, & infamis. Vnde Athenis laudata est sacerdos, quæ, populo quamvis iubente, tamen Alcibiadem deuouere, & eo modo execrari noluit.] Ea autem fuit Theano Menonis filia, quemadmodum tradit idem Plutarchus in vita Alcibiadis. Plato lib. 7. de *Leg.* hanc poenam & infamiam grauem fuisse ait, & qui tales erant, à sacrorum participatione remouebantur, etiam iussu Magistratus, & vi militari, si se ingerebant. Itaque eiusmodi poenam vetat Plato cuiquam temerè infligi. Ait enim, τὸν ἱερός τε, καὶ τὰς ἱερείας κατὰ Νομοθυλάκων ἐξείργοντας, ὁσίως ἐξείρσειν, καὶ κατὰ νόμον. Τὸν δ' ἐξείργόμενον, ἂν μὴ ἐὼν ἐξείρηται, δίχως ἀσεβείας διὰ βίην παντὸς τοῦ ἐδελήσαντι

παρήμεν, id est, [Sacerdotes tam mares, quàm fœmine, unà cum Legum custodibus, quum aliquem à sacris arcent, id piè & sanctè ex Legis formula agant: Id verò, cui sacris interdictum est, nisi lubēs morem gesserit, impietatis pœnas per totā vitam cuilibet persoluat.] Hac Plato, & cum eò alij scriptōres Ethnici, quæ cum gravissima illa Caini per excommunicationem pœna a Deo indicta plane conveniunt. Statuebāt enim, qui modò ex ijs non erant prorsus ædē, post hanc vitam sceleratis & excommunicatis hominibus in inferis pœnas restare, quas sentirent, & quibus eos, dum sacris suis interdicebant, subijciebant, Dysque propterea Manibus eosdem denovebant, ut colligi, facillè potest ex eodem Platone, lib. 2. de Rep. Virgilio, lib. 6. Aeneid. atque adeo ex ipsa Homeri Odys. qui utrumq; atate præcessit. Extat etiam & aliud istarum execrationum, & dirarū exemplum in sceleratos pronuntiatarū apud Plutarchum in vita M. Crassi. Ille enim ab Atteio Tribunopl. hoc modo ijs obnoxius factus est. Atteius præcurrit ad portā, quā M. Crassus paludatus Roma exiturus erat: Ibi focum accendit, quò quum pervenisset Crassus, suffitibus iniectis, factisque libaminibus, diras capiti Crassi atroces, & horrendas imprecatus est, & immanes Deos, ac tetros ibi in Crassum appellavit. Porro addit ex veteri traditione Plutarchus, [Has arcanas & vetustas devotiones Romani ea vi præditas ferunt, ut nemo, adversus quem conceptæ sint, evitare illas queat. Vnde neq; qualibet de causa has imprecari fas est.] Loquitur autem de publicis, non de privatis imprecationibus. Eiusmodi enim imprecationes Interdictioni Sacrorū addeban-

debantur, ut apparet in interdictione Alcibiadis ab Atheniensibus facta. Quae tamen erant horribiles, & conscientia homines ad Dei tribunal citante timebantur etiam ab Ethnicis, ut pro ijs expiandis & aqua lustrali vterentur, & ablutionibus, & sacrificijs, quas, ut ait Plato, τελευτὰς vocabant, lib. 2. de Repub. nimirum quod ἐν τελευτῇ id est in morte ea sacrificia fierent Djs Manibus, ne isti defuncti ullos paterentur manes & pœnas. Expiationes igitur pro interdictis fiebant, & Deos in morte eorum exorabiles per teletas fieri ijsdem credebant: Imo verò etiā Agyrta quidam & impostores homines eas ipsas pecuniā, pretioq; appretiato vendebant, quas per carmina & quaedam incantamenta se facere posse iactabant. Vnde Virgil. lib. 4. Aeneid.

[Hæc se carminibus promittit solvere mentes,
Quas velit: ast alijs duras imponere curas.]

Propertius lib. 1. Elegiarum, Eleg. 1.

[At vos deducta quibus est fallacia Luna,
Et labor in Magicis sacra piare focis.]

Quod scelerata dinundinationis, & false expiationis genus notum ibidem irridet idem Plato. Soluti autem & expiati, qui prius fuerant excommunicati, ἱερά ἐστὶ dicebantur. Vnde verbum ἱεραΐσθαι, quo in Phadro utitur Plato, id est, [Expiare.] Aemilius Probus in vita Alcibiadis [Resacrare] dixit, cuius hæc verba sunt, quæ describam, ut ratio & forma istius Excommunicationis inter Ethnicos usurpata, & si quæ postea fiebat, Absolutionis, intelligatur. [Postquam autem, ait, Alcibiades se capitis damnatum, bonis publicatis, audiuit, & (id quod usu venerat) Eunolpidas sacerdotes

à populo coactos ut se deuouerent : eiusque deuotionis, quo testatior esset memoria, exemplum in pila lapidea incisum esse positum in publico, Lacedaemonein demigravit.] Causa verò, cur sacræ prohibitus publicè fuerit Alcibiades à populo Atheniensi hac erat, ut scribit Plutarchus in eius vita, & post eum Iustin. Histor. lib. 3. quod mysteria Cereris, ceremonias Eumolpidarum, arcana sacerdotum Eleusinensium, insua sacrorum (nullo magis, quàm silentio) solennia euulgasset domi, & enuntiasset. Et tamen illa erant per se absurda & obscœna, ut ostendit Eusebius in lib. de Preparat. Euang. viaq; adeo ipsa, qua Athenis Eleusin, & ad ea sacra ibatur, erat scortis, & scortorum statuis plena quemadmodum tradit Pausanias lib. 2. Verum, ut ad rem redeam, hac fuit Interdictionis formula. At verò Absolutionis ista, ut describit idem Aemilius Probus, [Restituta ergo, ait, sunt Alcibiadi publicè bona ab Atheniensibus. Iidemq; illi Eumolpidae sacerdotes rursus resacrare sunt coacti, qui eum deuouerant. pilaq; illa (in quibus deuotio erat scripta) in mare precipitata.) Et hac quidem de Excommunicatione & Interdictione à Sacris vestigia extant apud Ethnicos Scriptores: ex quibus probatur illius usum inter eos fuisse propter grauissima peccata, habitamq; eam pro pœna durissima, ut etià apud Mosem Ceterum pro homicidio praesertim impositam eam ipsum pœnam, fuisseq; eos inter mortales vagos & erroneos, qui ea censura ferirentur, ex eorundem Ethnicorum scriptis apparet. Herodotus lib. I. Histor. narrat Adrastum Phrygem, quum fratrem suum occidisset, sic patria sacrisque profugum ad Cræsum Lydia Regem per-

peruenisse, & ab eo expiatum fuisse. Quem morem & inter Lydios, & inter Gracos suo seculo vsitatū fuisse scribit idem Herodotus. Huic consentit Thucydides. Nam lib. 1. Belli Peloponnes. refert Eurystheum propter cadem Chryssippi patriā & sacris interdētū, prohibitūque fuisse, donec absolueretur. Ouidij testimonio nihil clarius, qui id etiam inter Romanos obtinuisse docet: Sed & idem istius pœne in homicidas varia exēpla recitat, uti Patrocli, qui Astydamanis filium occiderat: Pelei, qui Phocum: Medea, qui Absyrtum, fratrem: Alcmaeonis, qui matrem: quibus addi quoque potest Orestes, qui, uti superiores illi, & sacris interdētus & erro vagūsq; fuit: quemadmodum etiam Oedippus, & quidē omnes propter homicidia perpetrata fugitiui, & sacris patriāq; interdētī. Ouidij verò ver, sus lib. 2. Fastorum, hī sunt:

[Omne nefas, omnēque mali purgamine caussam
Credebant nostri tollere posse senes.

Gracia principium moris dedit, illa nocentes
Impia lustratos ponere facta putat.

Aetoridem Pelem, ipsum quoque Pelea Phoci
Cade per Aemonias soluit Acastus aquas.

Uellam frenatis per inane draconibus Aegens
Credulus immerita Phasida fouit ope.

Amphiaraides Naupaëto Acheloo
Solue nefas dixit: soluit & ille nefas.

Ah nimium faciles qui tristia crimina cadis
Fluminea tolli posse putatis aqua.]

De Oreste, Virgil. lib. 4. Aeneid. De Oedippo, Euripides in Tragædijs. Vnde Aqua lustrales & expia-

torie apud eosdem, de quibus etiam Pausanias lib. 2. Porro Iouem suum illi Ethnici profugum & sacris interdictum fuisse propter cadem Promethei manifestè non referunt (quanquam tamen Iouis exulis meminit Pausanias lib. 3.) quoniam talem Dei sui summi ignominiam tegunt, quem tamen gaudere sanguine humano scribunt idem, & humanis victimis, quæ ne ei offerrentur, Darius rex Persarum vetuit, ut ait Iustinus lib. 10. Sed non semper omnia nostra veritatis vestigia retinuerunt, aut in ijs sunt querenda.

Ad XII. Vrbs prima in mundo cõdita.

DE Vrbe verò, quæ prima condita fuerit in mundo, videamus. De qua Moses ait & à Caino edificatã, & Enochiam vocatam, & quidem post primi hominis peccatum, aliquot seculis, propter metum, à reliquis hominibus. Huius autem historia quæ restent, apud Ethnicos vestigia, perpendamus: quod fortassis eò difficilius erit, quod Græci totã huius inuentionis laudem sibi tribuere, & in ea tempora, quæ sunt posteriora, collocare conantur. Enitar tamen reliquias istius naufragij, etsi vetustissimas, colligere. Ac primùm illud cõsentiri cū Moses dicto, nempe Vrbem primùm à Caino conditam fuisse, quod illi scribunt ab antiquissimo illo (quæ appellant) Ioue rationem & primùm condendarum, & postea conseruandarum Vrbium traditam, ac inuentã esse. Id quod docet ex veteri Maiorũque memoria Plato in Protagora. Iouem autem illum fuisse Cainum Moses antea perspicuè demonstrauius. Verba verò Platonis hæc sunt, Ζεὺς ἐν δειοῦς ἀπὲρ τῶν γένηται ἡμῶν, καὶ

ἀπόλοιτο πᾶν, Ἐμὴν πέμπει ἄγοντα εἰς ἀνδράπους Αἰδῶτε
 καὶ Δίκην, ἵνα εἴεν πόλεων κοσμοί τε καὶ δεσμοὶ φιλίας σωα-
 γωγοί. καὶ γὰρ ἐγένετο πόλεις, εἰ ὀλίγοι αὐτῆς μετέχουσιν. ἰ.
*Ioanne Serrano interprete, [Iuppiter ergo, dum generi
 nostro metueret (ne prorsus periret) Mercuriū mittit,
 qui Pudorem & Iustitiam ad homines deduceres, quæ
 nimirum essent Ciuitatum ornamenta & vincula, san-
 ctasq; inter ciues amicitia auspices & cōciliatrices, alio-
 qui ciuitates minimè existerent, si pauci essent ipsarum
 participes.] Confirmat hanc Platonis sententiam Hi-
 ginius, qui in libro de fabulis, cap. 275 (quanquam va-
 rias à varijs urbes conditas recenset) primam tamen ab
 antiquissimo Ioue edificatam fuisse tradit, & quidem
 in India ac Oriente (quod planè cōuenit cum Mosis hi-
 storia) latissimam, quæ Theba Thebaide, & Hecatom-
 pyla (quòd centum portas haberent) dictæ fuerint. Eo-
 dem verò pertinet, quod idem Iupiter ab Ethnicis πο-
 λιεὺς, Urbium autor est nuncupatus est: & Ἐφερος seu
 Ἐρκιος ἀπὸ τῆς ἑρκίης (quod septimū & vallum significat)
 quæ sunt urbium condendarum partes, & conditarum
 munimenta, quoniā illa excogitauit Iupiter ille, quem-
 admodum & Phornix in lib. de Nat. Deor. & Pau-
 sanias lib. 4. 5. & 10. memoriæ prodiderunt, & Iouis
 Hercæ statuæ passim posite, cultaq;. Eusebius ex Eth-
 nicorum monumentis lib. 1. cap. 7. Preparat. Euangel.
 scribit primam urbem à Saturno conditam: sed pro Io-
 ue Saturnus substitutus est. In summa, Urbium exstru-
 ctionem fuisse Deorum inuentum perspicuè censuerunt
 veteres Ethnici: ac proinde vnāquamque urbem ali-
 cui Deo suo cōsecrarunt, ut scribit Plinius lib. 28. cap.
 2. Porro ante Urbes conditas habitabant homines in*

viciis & pagis, qui *ῥῆμοι* dicebantur, quod simul convi-
nabantur. Vnde talis victus, vitæque ratio, *Comessatio*
fuit appellata, quemadmodum vult *Festus Pompeius*.
Ceterum etiam ante Diluvium Urbes fuisse inter mor-
tales ex nostra veritatis superstitiis reliquijs tradi-
derunt idem Ethnici. *Plato* in *Protagora*. Docet enim
postquam aliquandiu extitissent homines, statim urbes
ab *ys* conditas fuisse. Quin & ante diluvium hoc fa-
ctū fuisse tradit idem disertè lib. 3. de *Leg.* [Ait enim
infinittum esse temporis spatium, quo Urbes inter homi-
nes esse cœperunt: usumque habuisse etiam ante *ἑδοξεὺν
τῶν τε καὶ κατακλυσμῶν ποτὲ γενόμενον*, id est, ante eam hu-
mani generis cladem, qua per celebre illud Diluvium,
quondam contigit.] Nec aliud sentit *Diodor. Siculus*
lib. 1. *Bibliothec. cap. 1.* dum ait homines paulò post-
quam feras sibi infestas sensissent, habitacula tuta, &
urbes sibi comparasse. Quod quum post hominis pec-
catum acciderit, certè demum post hominis lapsum hu-
iusmodi externa munimenta quesita sunt, ipsis quoque
iam testibus Ethnicis. Hoc ipsum est, quod ait in *Polit.*
Plato: Nullas quidem in Mundo fuisse Urbes prima
illius ætate, & ante hominū intemperiem: verum post-
quam Deo immorigeri & inobsequentes esse cœpissent,
tunc urbes, & præsidia sibi excogitasse. Quo quid ma-
gis cum nostra veritate concordare potest? Certè qui
diligenter Ethnica scripta legerit, fatebitur, eos hac ve-
stigia veritatis retinuisse, ut & statim primis Mundi
temporibus, & à prudentissimis ac perspicacissimis ho-
minibus urbium condendarū rationem extitisse docue-
rint. Sic *Cicero* lib. 1. de *Inuent. & Tuscul. quæst. 1.*

Sic

Sic Q. Horatius in Arte Poëtica his versibus:

--- [Fuit hæc sapientia quondam

*Publica priuatis secernere, sacra profanis,
Concubitu prohibere vago, dare iura maritis,*

*Oppida moliri, leges incidere ligno.] Qua ille ex
Poëtis Græcis sumpsit. Sed & propter metum Urbes
primas ab hominibus conditas fuisse sentiunt idem Eth-
nici, velut Plato in Protagora, his verbis, [Hunc in-
modum, ait, homines instructi atque comparati princi-
pio, dissipati varijs in locis sparsim habitabant, necdum
Urbes existebant. Fere igitur illis, quod imbecilliores
essent, passim perniciem importabant. Ut igitur aduer-
sus hæc incommoda pararent remedia, suaq; saluti pro-
spicerent, querebant, & in unum congregari, & Urbes
cœtibus excipiendis condere.] Eodem planè modo &
Diodorus Sicul. scribit lib. 1. cap. 1: [Beluas in super
hominibus infestas fuisse, quibus ut obsisterent, cœtus
hominum ob timorem factos aiunt communis utilitatis
gratiâ: auxiliaq; inuicem præbita, & loca habitaculis
quæsitâ.] Ex quo factum est, ut oppida & mœnibus,
& vallo, & fossa ad firmiorem tutelam cingerentur, ut
docet Plutarchus in vita Romuli primi Romanorum
Regis. Nec obstat quod idem Plato lib. 2. de Repub.
contendit, Propter usum nempe, & mutuam hominum
altiorum ab alijs commoditatem ac necessitatem Urbes
& oppida primum fuisse fundata: Hoc enim ipsum no-
stram sententiam confirmat. Egent enim homines mu-
tuo auxilio ad se tuendos, quoniam & à feris bestijs, &
ab alijs etiam hominibus metuant sibi homines. Deniq;
primam, quæ in Mundo existit, Urbem Enochiam in-*

Oriente vocatam fuisse vult, & quidem verè Moses: cuius veritatis hæc sunt ex Ethnicorum scriptis vestigia. Primum, quod Plinius lib. 6. cap. 16. prope Bactros in Oriente constituit Henochios. Sic enim apud Plinium pro Heniochys legendum puto. Atque idem eodem lib. cap. 20. collocat in India Orientali Nodumbas populos. Hæc autem planè cum Mosaicis [Enoch, & Nod] conveniunt. Nam abundè, ut ait Plato, gratulandum nobis est, ac satis esse debet, si tantæ, tamque penè abolitæ & obsolete vetustatis vestigia quædã saltem ex veteribus regionum, locorum, & populorum appellationibus restent, uti hîc fit. Deinde quod & Plinius, & Pomponius Mela distinguunt Heniochios populos ab Henochis seu Henochijs. Nam Heniochy à Mela lib. 1. Situ Orbis, cap. 22. collocantur cis mare Caspium, vicini Colchis & Alanis populis, quemadmodum & à Valerio Flacco lib. 6. Argonaut. eosque nonnulli scribunt Haniochios, uti Valerius ipse: alij per æ, Oenochios, sicut apud Lucan. lib. 3. Pharsal. Plinius eos Heniochios constanter nominat, lib. 6. cap. 4 & 11, quos, uti dixi, circa Caucasum montem cis Caspiũ mare sitos ait, & latè per multas gentes extendi. Idem asserit Strabo lib. 2, & 11 Geographie. Idem ante hos omnes Xenophon in lib. de Expedit. Cyri. Denique hos ipsos Heniochios à Græcis, & præsertim Lacedæmonijs (nimirum à Castoris & Pollucis aurigis) oriundos fuisse, & propterea sic vocatos scribit Dionysius Alexandrinus in descriptione Orbis. Verùm eos ex posteris & filijs Abrahami ex Cethura natos ac profectos esse potius ipse crediderim, uti & Medos illis vicinos populos

argu-

argumento eorum quæ extant Genes. 25.3. & 4. Et hi quidem sunt Heniochi, nempe prope Pontum Euxinũ, & cis Caspiũ mare. At Henochi seu Enoche (ut vocat Pompon. Mela lib. 1. cap. 2) sunt in ulteriore Oriente trans mare Caspiũ, ut ex eodem illo Mela loco apparet, & Plin. lib. 6. cap. 16, uti iam docui. Hos verò Enochos quis dubitet esse illius Enoche vel Enochie urbis primæ & vetustissimæ (ut etiam & Ioseph. lib. 1. cap. 4. Antiquit. Iudaic. & Augustinus lib. 15. Cinit. Dei, cap. 8. scribit) verissimas reliquias, & tãquam ex notissimo memoria ac Orbis terrarũ naufragio tabulas, quæ (summo Dei beneficio) nobis ad fidem tanta antiquitatis faciendam supersunt, etiam in ipsis Ethnicorũ scriptis? Itaque quod Stephanus in lib. de Urbibus Heniochiam vult esse eam, de qua Strabo agit lib. 11, quæq; est Heniochiorum metropolis, rectè ille quidem: sed illa Stephani & Strabonis Heniochia cum hac nostra Enochia vel Enocha (à qua dicti sunt Enochi vel Enoche populi planè Orientales & Indici) non est cõfundenda. Nostram autem hanc nonnulli in ea regione Orientis sitam fuisse putant, in qua est urbs Cambalu quæ nũc vocatur, & Orientalis Scythia seu Tartaria. Et hac quidem nostra veritati vestigia durant etiam inter Ethnicos. Porro ineptiũt, qui aliam urbem primam omnium statuunt, velut Phenices suam Biblida, ut ait Eusebius lib. 1. cap. 7. Preparat. Euang. Athenienses & Græci, Cecropiam, Plin. lib. 7. cap. 56: Latini, Saturniam & Ianiculum, Virgil. lib. 8. Aeneidos: Peloponnesij, Argos: Assyrij, Ninivem: Chaldei, Babylonem: Aegyptij, Thebas suas. Ha enim sunt nostra illa Enochia longè

recentiores, & demum post diluuium edificata: deinde non prima omnium. sed in his demum populis, quarum sunt metropoles condita prima: nos autem de ea, quæ omnium prima fuit disputamus. Et hæc quidem hætenus. Reliqua vero historie capita partim supra fuerunt explicata, quum de primarum artium Inuentione ageremus: partim ex ijs, quæ iam demonstrauiamus, colligi, & quidem facile possunt, quale illud, Qui fuerint Caini posterii, & quæ illius familia propagatio, atq; totius huius historie ecquæ reliquæ apud Ethnicos. Docuimus enim, ut breuiter id repetam, Adamum esse antiquissimum illum Ethnicorum Saturnum: Cainum Mo-
sis esse Iouem eorundem: Tubalcainum æraria, & fer-
raria artis repertorem, esse Vulcanum: Noemam eius
sororem esse Venerem illam Ethnicorum, veterem: &
utrumq; ex Iouis illius, id est, Caini stirpe, & prosapia
natum. Restat igitur, ut quemadmodum Iabal, & Iu-
bal dicuntur ex Caini genere, & nepotes (quorum ille
pastoritiam artem & commercia auxit: hic verò Mu-
sicam inuenit) sic idem isti censeantur esse Iabal quidẽ
antiquissimus Ethnicorũ Mercurius: Iabal autem A-
pollo, qui omnes itidem Iouis illius primi feruntur esse
filij & genus. De quibus Lactantius lib. 4. cap. 27. Hos
enim omnes nefarios fuisse docet idem scriptor, & in
inferis. Quos verò Iouis filios Higinus in fabul. cap.
155 recenset: ij sunt Iouis Græci & iunioris liberi, non
antiqui. Denique conferantur cum his omnibus Caini
posteris Aegyptiorum Thamus, Osiris, Isis, Mercu-
rius, de quibus & Diodorus Siculus lib. 1. & Eusebius
lib. 1. cap. ultimo, & lib. 2. Preparat. Evangelica, &
multa

*multa nostra veritatis testimonia, vestigiaq; certissima
adhuc supererunt, atque apparebunt.*



C A P V T I I I I.

*¶ Que Politia tum Civilis, tum Ecclesia-
stica toto illo seculo (&) tēpore (quod 235.
annos à Mundo condito complectitur)
extiterit inter homines.*

S*EQVITVR* autem discere que fue-
rit toto illo seculo Politia tum Civilis, tum
etiam Ecclesiastica. Seculum autem hoc
Tempus à primo lapsu Adami ad publicā
Nominis Dei profanationem complectitur, quod penè
habet annos ducentos triginta quinque, dempto nimirū
ex eo numero dierum tanto spatio, quanto purus idem
Adamus permāsit. Hi verò siue unus dies fuerit post
illius creationem, siue plures (est enim incertū, & verbo
Dei indefinitum) hi tollendi sunt. Sed tam parua por-
tio numerum illū annorum rotundum imminuere neq;
debet, neque potest. Porro Civilis Politia illius ætatis
in his quatuor potissimū posita est, ac querenda, *Quis*
fuerit illo tempore Magistratus: Quæ forma Reipub.
Quæ leges: Quæ hominū instituta, & mores. Ac qui-
dem communis Magistratus & rex (qui omnibus im-

peraret) nullus ea etate creabatur: sed (quemadmodum
 & ipse pudor naturalis à Deo insitus monebat, & Dei
 verbum declarat Gen. 4. 7) maiores natu minoribus in
 eadem familia imperabant, eosque sibi subiectos habe-
 bant, ac retinebāt, velut Adamus Cainum & Abelē,
 quā diu Cainus cum patre Adamo vixit: imo verò etiā
 Abel Caino fratri maiori natu subiectus erat, in eadem
 familia manens. Postquam autem discessit Cainus à
 familia Adami, ipse posteris suis magistratus erat: &
 inter ipsos Caini posteros maior natu minori, quandiu
 in eadem familia, atque sub eodem tecto, & autore ge-
 neris sui manebant. Vbi verò ab eo separabātur, & fa-
 miliam seorsim sibi constituebant eiusdem patris liberi,
 tunc ipsi in suos Magistratus erant, quisque nimirum
 in illa familia, cuius ipse erat autor & caput. Nemo
 autem vnus Rex, aut Dominus censebatur, uti dixi,
 omnium (que tunc in Mundo, aut in eadem Orbis Re-
 gione erant) familiarum. Itaque nulla tunc erant inter
 mortales regna, id est, nulla imperia in plures, distin-
 ctas, diuersasque familias: nulla totius Orbis Monar-
 chia, quemadmodum postea tamen, id est, post diluviū,
 existerunt. Id quod ex Dei verbo facile colligi potest,
 ubi nulla sit omnino Regum, aut Principum, aut Im-
 peratorū similitudinē, inter homines potestatum mentio,
 licet post diluviū earum Moses meminerit, velut Nē-
 broti, Melchisedechi, Pharaonis. Idem confirmatur
 autoritate Platonis in Politico, Aristotelis lib. 1. Po-
 liticorum, Iustini lib. 1. Historia, Diodori Siculi lib. 1.
 cap. 1. Itaque, ait idem, qui primi in Orbe terrarum
 reges fuerint, incertum est. Ex quo apparet ius primo-
 geni-

genitura iam inde à Mundi exordio, & maximè post lapsum Hominis à Deo ipso saltem in eo constitutum fuisse, ut minores natu maioribus in eadem familia pateret: omnes autem ipsius familia auctori & capiti. Verbes habebant, quas incolebant, & in quibus hoc modo regebantur per familias singulas. Nec enim unus in omnes inspectionem habebat: sed unusquisq; in suam duntaxat, non in alienam familiam. Ex quo apparet, ecqua tunc fuerit Respub. forma, non Regia, si propriè spectetur: non Aristocratica, neque enim plures, sed unus maior natu alijs imperabat: non Democratica, neque enim tota familia velut populus tenebat ius. Quid igitur? Erat duntaxat Paternum in liberos imperium, quod (ut ait Aristoteles lib. 1. Politic. & lib. 8. Ethic. ad Nicomachum) est regio minus: Proximè tamen accedit ad regium, id est, in liberos homines est imperium, non est tamen verè Regium. Pudore enim potius, quàm metu: voluntate, quàm vi: spontanea obedientia, quàm pœnis, carcere, & coactione in inuitum illud paternum imperium continetur. Ergo penè parebat unusquisque tantum, quantum volebat, & cui volebat. Nulla vis, nulla coactio, nulla manus militaris, nulla pœna adhibebatur, qua parere alijs alijs cogerentur, aut etiam rectè viuere: nulli carceres erant: nulla vincula legum incisarum, & promulgatarum, quibus homines in officio, & rationis gyro inuiti continerentur: sed tunc libera erat (exceptâ naturali verecundiâ) parendi, aut non parèdi voluntas. Primum autem imperium minis plenum, sauum, & tyrannicum natum est in familia Lemechi ab ipso Lemecho in mulieres, id est, in suas coniuges, à quibus sibi ti-

mebat ille propter Polygamiã, ut apparet, Gen. 4. 23: antea verò nullum etiam in feminas eiusmodi erat, nec etiam erat in mares. Denique, ecquæ leges tunc fuerint, ex superioribus quoque apparet. Nullæ enim erant tunc Leges scriptæ, & edictis pœnisque sancitæ. Reliquæ tamen erant boni, malique notitiæ, ex prima nativâ luce (quam Deus hominis mēti inseruerat) superstites. Hæ erant voces, & testimonia conscientia nondum omnino depravata, vel diuturna consuetudine peccandi, vel opinione hominum, quemadmodũ postea fuit, & nunc est. Hæ lucis primæ scintillas nondum obsoletas, & communes boni, in aliq̃, evolvat homines illo seculo sequebantur, his regebantur velut publicis legibus: quibus tamen neque semper parebant, neque eas etiã tunc retinuerunt illibatas. Verũ quantũ, & quandiu volebant, ijs velut legibus mutis obsequebantur. Ergo paulatim posteri Caini primũ, post etiam reliqui mortales eas ipsas leges ac scintillas, conscientiaque notitias licentia effreni peccandi, p̃erque magnam iniustitiam suppresserunt, ac tandem penitus deleverunt, ut nullo prorsus modo sonarent in mente hominum, sed planè cõitescerent. Itaq̃ illud evenit, quod ait D. Paulus Rom. I. 18, & 32. nimirum ut homines veritatem Dei iniuste detinerent, occultarent, ac tandem in sese extinguerent. Denique hæ ipsa docent, Quales tunc fuerint mores hominum, imprimisque posterorum Caini, qui soli (Abel sublatò) in Mundo restabãt, qualiaq̃, eorum instituta, & facta. Primũ, quũ Nemo unus pro summo imperio in omnes inspectionem & coërcitionem haberet, sed singuli autors solũ in singulas suas, uti diximus, familias, fiebat,

ut quauis in urbibus habitarent, nemo tamen in istis urbibus vnus esset eorum omnium Magistratus cōmunis, ad quem recurrerēt, qui ceteros ad officium faciendum cogeret, maleficia publicè puniret: sed quisque suæ tantum familie autorem spectabat, & sequebatur, ad eū offensus cōfugiebat, uti nunc etiam liberi lesi ad parentes, serui ad dominos suos solum refugiuunt, ut est Psal. 123: & res ipsa id verum esse declarat. Deinde accidebat, ut malefactorū nulla esset publica animaduersio, & pœna, quæ ab hominibus velut Magistratibus infligeretur, tam dissoluta fuit illius seculi disciplina, & forma viuendi. Propter enim lenes in suam familiam affectus faciliè suis peccantibus parentes parcebant. Sic manebant inulta scelera. Sic neque Adamus ex nimia lenitate Cainum filium propter fratricidium puniuit vlla publica pœna: sed Deus solus eum castigauit: neq̃, Cainus ipse in Lamechū, qui erat ex sua familia propter violatum coniugium & veram scortationem pœnā vllam statuit. Denique factum est, ut esset effrenis hominum vita, sena, voluptaria lasciuia, licentiæque in peccando immanis tum in Deum, cuius reuerentiam & numen paulatim contēnere homines cœperunt: tum etiā in homines seu proximos suos, in quos iniuriæ esse ausi sunt, & ad omne genus flagitij licentiosè dediti, & procliuēs extiterūt. Interea tamen fuit valde ingeniosa, & industria Caini posteritas, quæquam improba. Nam & Pastoritiam, & Agriculturam artem, & Musicā, & Aerariam, & Ferrariam, & Urbium exstructionem reperit. Imo verò propter tanta Dei in se dona insolēs, & Dei contemptrix euasit. Ceterum antequam vrbes

conderentur, homines in pagis & vicis simul habitabāt. Quod autem querunt nonnulli, verum Cainus expulserit Adamum patrem, ut Iupiter Saturnū iam senem, ex Dei verbo definiri non potest. Et hæc quidem de Civili Politia illius seculi: iam de Ecclesiastica videamus. Illa autem ex his quinque spectanda est, nempe Quod Dei verbum in Dei Ecclesia tunc sonabat, & predicabatur: Quis cultus Dei externus: Quis Minister: Vbi erat & colligebatur Ecclesia, siue Quis locus externo Dei cultui assignatus, ac consecratus erat: Denique ecquod tempus à Deo definitum erat externo ipsius cultui peragendo, ac celebrando. Ac quidem verbum Dei, quod tunc sonabat in Ecclesia Dei, nō fuit quidem scriptum, erat tamen ore Dei emissum, ab eo ipso traditum Adamo, & pronuntiatum, uti postea idem Deus eodem ore suo Legem in monte Horebo pronuntiauit, Exo. 20. Continebat autem illud Verbum Minus Dei in peccatum, & Promissionem de futuro Messia & Redemptore mundi, qui nasciturus erat ex semine solius Mulieris, non autem Viri, & qui caput Serpentis seu Diaboli erat contriturus, eiusq; vires fracturus, Gen. 3. 15. Hoc verbū atque hanc promissionem fide amplexus est Abel, ut est Hebr. 11. 3: atque postea Enoch, vers. 4. Vnde uterq; propterea Deo placuit, & Abelis sanguis Deo pretiosus fuit, & præstantia coram eo loquebatur Hebr. 12. 24. Hoc idem Verbum Dei & firmissimè memoria ad suam cōsolationem retinebat Adamus, & toti familie sue sæpè inculcabat, uti & Minus Dei in peccatum, ut eam doceret viam salutis eterne, utque in eam doctrinā posteri futuriq; homines crederent certissimè.

tissimè. Et hac de Verbo Dei, & fide, quæ tunc erat. Nondum enim sciebat Adamus ex qua distinctè familia nasciturus erat ille Messias, quem tamen sperabat, quemadmodum postea distinctius id ipsum cognovit Abrahamus, postquam illi à Deo dictū est, [In semine tuo benedicentur omnes Gentes, Gen. 17] Et magis adhuc perspicuè cognovit David, nempe ex qua domo, & ex sua oriturus esse Messiam, postquam illi patefecit Deus, Psal. 132. 11 [De fructu ventris tui ponam super sedem tuam.] Ergo per tempora magis inclaruit hæc Dei promissio & fides. Externus verò Dei cultus tunc positus erat in precibus ad Deum, & Sacrificijs, quæ eadem erant Sacramenta quoque. Ac homines direxisse preces suas ad Deum natura ipsa conscientiaq; probat, quæ omnes homines id facere docet: & quòd Sacrificia absq; precibus ad Deū sint res mutæ, & inanes, ut etiam inquit Plato. Sacrificia verò, quæ Deo tunc offerebantur, erant partim incruenta, velut ex frugibus terra: partim cruenta, sicut victimæ, quæ in representationem passuri pro genere humano Messia seu Christi mactabantur, & Deo ex fide à pijs offerebantur. Quare oportuit tunc quoque esse Aram seu Altare, in quo cremaretur victimæ: & sacerdotem, qui eam offerret Deo: & Preces pro peccatis eius, qui offerret, delendis ad Deum concipi, ne hæc sacrificia essent inane spectaculū, & mutum theatrum. Porro eadem hæc sacrificia erant quoque Sacramenta: nam & ijs (quum erant Eucharistica) epulabantur homines, quemadmodum postea sub Lege, Levit. 3. factum est (neq; enim omnia sacrificia erant expiatoria, & iilasus.) Epulum autem illud sa-

crum erat sacramentum & signum donorum & gratiarum spiritualium, & salutarium (velut alimonia cœlestis animarum) quas sese à Deo propter Messiam habere homines pijs fatebantur. Et quæ ante Legem fuerunt Patribus sacrificia, illa quoq; fuerunt eisdem sacramenta, & salutis æterna, & remissionis peccatorum pignora, & significationes. Caterùm, Minister huius externi ritus & cultus diuini, id est, à Deo ipso sibi instituti, quis fuerit, queritur. Responderi verò breuiter potest, In singulis familijs quemq; maximum natu fuisse cultus istius externi ac diuini Ministrum, & sacerdotem. Itaque Adamus fuit sacerdos & Minister primus in mundo: post eum maiores natu in ijs familijs, in quibus Dei metus, cultusque retentus fuit, uti Sethus in sua familia. In summa ex pluribus fratribus semper Primogeniti erant sacerdotes, mortuis patribus, quandiu illi in eadem familia manebant. Fuit enim & hoc ipsum Ius primogenitura nempe Sacrificare Deo, quæ admodum & regere familiam, illiq; imperare, uti ex cap. 19. 22. & 24 Exod. & Num. 8. 16, & 17 facile colligitur. Nam in singulis familijs fuerunt sacrificatores, antequam Leuitæ, & Aaronitæ ad id munus à Deo deligerentur. Quod ipsum doctè Cornelius Bertramus obseruauit in libro de Politia Ind. cap. 2, & ante eum Hieronymus Epistola ad Euagrium, Tomo 3. Epistol. Non erat igitur tunc vnus duntaxat summus Sacerdos in Ecclesia, ut postea fuit post constitutam nimirum in Horebo monte Ecclesiam: sed plures erant, nempe singuli in singulis, iisque diuersis familijs, ubi verus Deus colebatur. Quod verò Cainus, & Abel in Adami familia

manen-

manentes adhuc, dicuntur tamen sacrificasse. sic intelligendum est, quod ad Patrem Adamum sua sacrificia Deo offerenda adduxerint ipsi. Adamus autem ea obtulit Deo, utpote illius familia sacerdos: id quod verbi Hebraici proprietas, quo vititur Moses, [Adduxit] declarat. Porro postquā à facie Dei, & consortio Adami patris, cōiūque Ecclesie fuit à Deo ipso eiec- tus Cainus propter suum fratricidium, neque ipse legitur Deo sacrificasse: neq; ex eius posteris ulli. Fuerūt enim illi impij, & contemptores numinis diuini. In sola igitur Adams familia, ubi Sethus vixit, mansit & Sacerdotium, & Dei cultus, ac inuocatio, quam retinuit postea Sethus. Locus autem, in quem Ecclesia publicè ad preces & sacrificia cōueniebat, fuit is, in quo Altare sacrificijs destinatum exstructum erat. Qui locus [Facies Iehona] dictus est, Gen. 4. 16. Sic Iosua 24. 1. Facies Dei vocatur, ubi erat Arca fœderis, & Deo sacrificabatur. Sic Iona 2. 5. Sic Psal. 84. Sic passim alibi in S. Scriptura Fuit autem is locus & Altare vel in tentorio & adibus Adami, & Primogenitorum: vel in loco aliquo illis vicino, ad quem vicini omnes, totaq; familia congregabantur. Et tot Altaria fuerunt, quot diuersæ familie, in quibus verus Deus colebatur, quæ ob locorum distantia simul conuenire non poterant. Non fuit autem unicū duntaxat Altare in orbe terrarum, velus sub Lege: nec unicuique locus vel Templum in toto terrarum Orbe, in quod omnes p̃ij simul conuenirent, sed loca plurima. Tempus denique, quo ad preces & sacrificia in ea loca publicè conueniebant singula Ecclesia Dei per suas familias, fuit Septimus cuiusque Septimana dies.

Ille enim dies ab initio mundi fuit sanctificatus à Deo, & suo cultui destinatus, ut facile intelligitur Gen. 2. 3. Exo. 20. 11. Ergo is fuit sollemnis Ecclesiastici conventus dies. Disciplina ecclesiastica hac fuit, Quòd Excommunicationis usum Deus ipse in Ecclesia instituerat, dum Cainum eiecit à facie sua, & eum censura pœnæque ista primus ferit. Quod genus Ecclesiastica pœna p̃j postea, Ecclesiæq; usurpauit, ut infrà ostendetur. Virū autem ea tota ætate fuerit Idololatria, id est, homines præsertim Caini posterì idola pro vero Deo coluerint, velut Cainum ipsum generis sui autorem, quem Græci Ζῆννα, Latini Iouem postea dixerunt, dubium est. Putat enim Philo Iudeus Idola tunc à Tubalcaino fuisse fabricata & culta. At Epiphanius Idololatriam demum temporibus Thara patris Abrahami introductam, notamque fuisse inter Mortales existimat. Sed hæc hæctenus.

LIBER



LIBER SEV SECTIO

TERTIA PRIMAE MVN-

DI AETATIS, QVAE CONTINET PV-

blicam Nominis Dei Profanationem, & quae postea

vsque ad Annum vniuersalis Diluuij contigerunt.

Habet autem annos à Creatione Mundi, 1655.

A Profanatione Nominis Dei, 1421.

CAPVT I.

Continet Historica XII.



VPRA quidem complexi
sumus & extendimus secundum
seculum Prima Aetatis huius
Mundi, vsq; ad publicam No-
minis Diuini Profanationem,
que incidit, ut diximus, (atque
etiam ex S. Historia facile col-
ligitur) in annum à Mundo con-

dito 235. Quod tēpus natiuitas Sethi (qui fuit filius
Adami) praecurrit. Natus enim est anno à condito mū-
do 130. detraētis duntaxat diebus septem, post quos à
Deo creatus est Adamus. Ergo frustra iam repeti vi-

deretur illa natiuitas Sethi, quoniã inter illam, & immanem publicumque Nominis Dei contemptum (qui centum & quinque totis annis postea contigit, si modò concesserimus Mosẽ ordinem seriemq; temporis esse secutum, quod maximè verum iudico) quoniam, inquã, intra illam Sethi procreationem ex Adamo, & publicam istam Nominis, maiestatisque Diuinae totius irrisionem, & abiectiõnem S. Scriptura nullam notabilem *ἐποχὴν* notat vel obseruat, neque nouum rarumq; euentu quicquam, euenit. Ergo & nos quoque antea totius istius primæ Mundi ætatis facilius distinguẽda, & memoria cõmendanda gratiã, natiuitatem Sethi sub priorẽ proximẽque præcedenti seculo comprehendimus, quã neque nũc repetimus, quoniam suprà à nobis explicata est abundè: sed ab eo, quod coniunctum est cum ista profanatione nominis Dei, ordiemur. Est autem Natiuitas Enoschi seu Enochi ex Setho, à qua ad tẽpus ipsum vniuersalis Diluuij tertiam sectionem seu partem seu seculum tertium primæ Mundi ætatis extendimus, & complectimur. Habet autem hoc temporis spatium à Creatione Mundi annos 1656. Ab ipsa Profanatione Nominis Dei, annos 1421. Præcessit enim tanto temporis & annorum numero Diluuium hæc Profanatio. Continet historica capita duodecim, è quibus est

I. Natiuitas Enochi, seu, quemadmodum alij scribunt, & verius, Enoschi.

ABEL E occiso, videbatur spes propaganda in Mundo Ecclesia (postquam extinctus foret Adamus)
 pror-

sus sublata. Nam solus Cainus eiusq; posteri viri, licet
 industry, tamen impij restabant ac affundebantur, qui
 & Dei contemptum inducebant in Mundum, & omne
 vitij nefarij genus. Adamus quidem ipse, & Eva Deū
 timebant: sed quoniam erant mortales, prorsus tandem
 Dei cultus, & Ecclesia post eos sublato videbatur pe-
 ritura. Cui malo & desperationi Deus ut mederetur,
 Adamo Sethum dedit filium, quem illi Abelis pijs loco
 substituit Gen. 4. 25: ac propterea cum Sethum Ada-
 mus nominavit, tanquā sibi repositū a Deo, restitutum-
 que semen, pium nempe virum cum futurum, & Dei
 zimentem presagens. Natus verò tunc erat Adamus
 annos 130. quum Sethum ex Eva suscepit, Gen. 5. 3.
 Ergo in Setho denuo instaurata fuit Ecclesia, vel potius
 prima eius Propagatio condita, preparata, fundataq;
 Nam ex Setho postea natus est Enoschus vir Dei &
 pius, uti & ex Enoscho alij, quos recenset Moses. Erat
 autem annorum 105 Sethus, antequā Enoschum pro-
 crearet, ullūque successorem, heredem & spem conti-
 nuanda pietatis & Ecclesie, promissionisque illius Dei
 de futuro Messia servanda Mundus haberet: adgo ut
 totis 235 annis ante hunc Enoschum Sethi filium, A-
 dami nepotem, Dei cultus propagatorem, impietas, in-
 iustitiæque in Mundo fuerit liberè grassata, & per li-
 beros Caini iam plures, atq; per varias familias & ter-
 ras iam quoque multiplicatos aucta, confirmata, & cō-
 stabilita, adeo ut publica nominis Dei Profanatio tan-
 dem obtinuerit inter mortales, innalueritq; Gen 4 26.
 Ergo in Sethi familia & adibus adhuc velut puella a-
 dolescebat Ecclesia Dei, quū iam in Caini posteris esset.

adultæ robustæque fraus, improbitas hominũ, malitia, Deiq; cõtemptio, si modò fateamur Mosem in historia sua contexenda rationem seriẽmque temporis secutum esse, quod verius est. Quare Boni & piy viri, ex Setho: Mali & impy ex Caino nati sunt, ac propagantur.

II. Publica Nominis Dei Profanatio.

PROPAGATO igitur peruerso illo Caini genere, nullõque adhuc magno existẽte piorum numero, & stirpe sancta nondum multiplicata in Orbe, prolata, nec in ramos diffusa, sequebatur vt magna vitiorũ vis & corroboratio esset, magnãque contrã virtutum inter mortales labefactatio, ac tandem earũ interitus sequeretur. Et primũ quidem in Deum ipsum Homines Caini posteri iniuriy esse cœperunt, quem oculis non cernebant: Postea verò in proximos, inter quos etiam versabantur, quosque oculis suis cernebant. Facilius enim impy in Deum sibi inconspicuum (quẽmque putant procul à se remotum) blasphemant, eumque contemnunt: quàm proximos suos ladãt, quos vident, & cernunt esse sese tueri paratos, & sibi viribus pares, & quos propter communem inter se naturam ac societatem facilius diligunt, 1. Ioan. 4. 20, Gal. 5. 15. Atque hic Dei contemptus primũ ex immani hominum ambitione natus est, qui quum se viderent industrios & robustos, rebusque tum necessarijs ad hanc vitam, tum voluptarijs abundarent: & post artes repertas, quum eorum bonorũ omnium laudem sibi suõque ingenio sacrilegè, non autem Deo vero illorum autori homines isti tribuerent, facile eò sponte ultrõque ipsi deuenerunt, & prolapsi sunt, vt
Deum

Deum ipsum negligenter: se autem ipsos admirarētur, & solos spectarent. Ergo Dei contemptus paulatim inter eiusmodi mortales nempe solos Caini posteros (utpote quum nondum essent ulli Sethi posterī) cœpit: & quidem primum clam & priuatim, atque in animo cūsusq̃ (nemo enim repente, ut habet prouerbiū vetus, fuit turpissimus) tum deinde in communi eorum inter se sermone, ac colloquio de rebus, quas sciebant, possidebāntque (eas enim a se, non à Deo esse sentiebāt) Deniq̃ publicè & manifestè Deum contempserunt, nullo pudore, nullōque vindicta propterea sibi imminētis timore, quum populariter & passim omnes idem sentirent, & facerent. Ex quo tandem publica, & popularis Nominis Dei profanatio secuta est id est, Maiestatis, Potentiae, Sapientiae, Iustitiae, Misericordiae, Liberalitatis, ac Beneficentiae Dei publica, manifesta q̃, contemptio, obliuio, imo etiam irrisio, & subsannatio, Gen. 4. 26. Nec ea modò in ceteris rebus & hominū aētionibus fuit: sed etiā in ipsa Dei inuocatione, & cultu, qui esse inter posteros Caini planè tunc & omnino destitit. Hinc natus Atheismus. Id quod fuit post publicum homicidium, Caini, & scortationem publicam Lamechi tertium terribilissimum inter homines primi peccati Adami effectū. Verū illa singulorum peccata erant: hac autem Nominis Dei Profanatio fuit publicū, & commune omnū penè hominū, qui tunc in Mundo erant, vitium, & scelus, Gen. 6. 4. Iam verò ex eo, tanquam altissimo pietatis gradu homines deiecti, non modò prolabi: verum etiam ruere in omne nefas, scelus, & flagitiū cœperunt: & quò plures illi ac longaniores fuerunt, eò peiores corruptio-

resque deinceps euaserunt. Quid enim, sublata ex hominum ore, Dei mentione, & suffocato, deletoque in eorum conscientijs metu Dei: quid, inquam, inter eos sani, puri, iusti, rectique, etiam erga alios homines manere potest? Nam ubi Dei veritas & memoria vel prorsus extincta est, vel in mendacium mutata, uel per hominum iniustitiã & vim suffocata: In summa, ubi homines notitiam Dei non retinent, naturã ipsi suam obliuiscuntur, fiuntque *ἄσποροι*, superbi, gloriosi, inuectores malorum, oppleti omni iniustitia, scortatione, improbitate, malignitate, Rom. 1. 25. 26. 27. 28. 29, uti eos postea euasisse quoque constabit ex sequentibus. Atque hoc ipsum fuit velut primus ad Diluuiũ illud uniuersale in Mundum accersendum & inducendum riuus & gradus. Contigit autem hec Profanatio anno Mundi conditi 235. tam paruo tempore tanta ab hominibus post peccatum mala fuerunt inuenta.

III. Propagatio familiæ Sethi, seu Ecclesiæ Dei.

MULTIPLICATIVM autem est genus Sethi, atque in eo propagata per summam Dei misericordiam Ecclesia vera, Gen. 5. Nam hæc ipsa per huiusmodi familiarum, & hominum aliorum alijs succedentium continuationes conseruata est, atque etiam per omnes Mundi etates durauit ante Diluuium usque ad Noachum: Post Diluuium & Noachum ante Legem datam, usque ad Abrahami vocationem ex Vr Chaldeorum, quo tempore in una quadam Mundi, atque etiam ipsius

ipsius Sethi familia reiectis alijs fundata, restricta, & coarctata est Ecclesia) Post Abrahami vocationē, usq; ad Legem populo Israelitico datā à Deo in monte Horeb per Mosem, duravit in familia Abrahami. Post Legem datam, usque ad D. N. Iesum Christum, id est Messiam Regem passum pro genere humano in eadem familia, per Iacobum. Post passionem Messia ex omnibus mundi familijs collecta est, duravitq; ad hac usque nostra tempora per continuā temporis successionem, & ad hunc usque annum à Christo nato 1587, quo hac chartis illinebam. Porro in his Sethi successoribus seu posteris recensendis plures gradus enumerat Moyses, quam in posteris Caini. Hos enim enumerat tantū usq; ad septimum gradum ab Adamo sic, 1. Cainus ipse pater & autor stirpis & familie istius. 2. Chanochus. 3. Hiradus. 4. Mechuiael. 5. Methusael. 6. Lemechus. 7. Iabal. Nam Iubal, & Tubal eodem gradu cum Iabale describuntur. Fuerunt enim hi tres filij Lemechi, Gen. 4. Illos autem posteros Sethi ab Adamo (eo non comprehenso) usque ad nonum gradum, nempe primus est Sethus ipse fons omniū: secundus Enoschus: tertius Cainā: quartus Malaleel: quintus Jared: sextus Henochus: septimus Mathusala: octauus Lemechus: nonus, Noachus Gen. 5. 6, & deinceps. In posteris autem Caini apparet Malorum ciuitas & successio: in Sethi verò posteris, Bonorum, uti dixi, & Ecclesie. Ergo in his quidem Sethi posteris, nepotibus, successoribusq; quos commemorat Moyses, nō tamen in omnibus, mansit Ecclesia Dei: ac proinde in eorum familijs solū pijs sonabat & cōseruabatur predicatio, memoria, & fides

promissionis Dei de venturo Messia, & futuro ex semine Mulieris: vigeant ac retinebantur in ysdem Sacrificia à Deo fieri in signū illius promissionis iussa: Cultus Dei externus in ysdem familijs exercebatur qualem descripsimus supra, atq; sibi Deus ipse præscripserat. Idem hi Sethi posteri, sed pij duntaxat, habebant donum Prophetia, uti apparet ex libro Enoch, Iuda 14. & ex dicto Lemechi, Gen. 5. 29, quæ est prophetia de futura Dei inexorabili ira in malos: & Piorū interim conseruatione, custodia, & consolatione. Denique in ysdem illis pijs remanserunt, Dei dona spiritualia, velut Fides & sanctitas vitæ, Externa morū disciplina, Detestatio impietatis, & Studium propagandi regni Dei: sine quibus omnibus nemo est verè pius nullaq; est vera Dei Ecclesia, 1. Tim. 3. 15. Psal. 16. 3, Tit. 2. 12. 13. 2. Tim. 3. 16, 1. Pet. 3. 20. Illi verò, quos Moses nominat, pij viri fuerunt Dei Ecclesia, Hebr. 11. 4. 5. 6, Iuda epist. vers. 14, 2. Pet. 2. 5, Gen. 7. 1.

IIII. Translatio visibilis, & miraculosa Enoch.

SEXTVS ab Adamo, eo non comprehenso, ex posteris Sethi Enochus notoriè, visibiliter, & miraculose translatus est à Deo ex hac terra & è conspectu mortalium in cælum sursum, locūque beatum, ubi ad postremam vsque resurrectionem omnium (tunc enim, ut ceteri, representabitur) à Deo conseruatur, fœlix, & vita æterna fruens, Gen. 5. 24, Heb. 11. 5, Eccles. 44. 16, Sapient. 4. 11. Fuit verò vir ille & pius Gen. 5. 22

& sanctus, probusq; & heres, ac praco promissionis Dei
 de futuro Messia: & ventura in mundū, & impios (qui
 tunc securi in suis sceleribus uiuebant) immanis & into-
 lerabilis Dei ira, quæ in Diluuiō vniuersali postea ap-
 paruit, Gen. 6, 1. Pet. 3. 20, 2. Pet. 2. Hæc autem præ-
 dictiones suas de puniendis postea grauissimæ hominum
 illius seculi immanibus peccatis ad perpetuam rei me-
 moriam ipsorum improborum terrorem, contraque ad
 piorum consolationem, & fidem scriptis consignauit, ut
 docet Iudas Apostol. in epist. ver. 14. Porro hæc tam
 mira, & omnibus inopinata Enochi translatio in cælum
 fuit, estque perpetuum & certissimū testimonium Dei
 summa cura & beneuolentiæ erga suos, .i. sui timentes
 homines etiam in media & generali Mundi huius con-
 fusione, corruptione, ac intemperie: fuit arrhabo & de-
 claratio felicissimæ sortis & conditionis, quæ omnibus
 verè p̃ys post hanc vitam a Deo reservatur, illisq; de-
 stinata est. Hæc translatio tam prolabentem, & pene
 penitus vitis hominum, licentiæq; peccandi (quæ mane-
 bat impunita) oppressam pietatem in multis sustentauit,
 in alijs instaurauit, & impios aperte condemnauit,
 plerosque in Dei metu retinuit. Publica tamen illa no-
 minis Dei profanatio in maiori hominum parte perdu-
 rauit, imo etiam nihilominus aucta est: seque audacia
 ipsa licentiæque sceleratè viuendi cōfirmauit in peius,
 neque propterea sese cōpescuit. Ergo ad illud tam mi-
 rabile exemplū pauci homines attenderunt, multi illud
 contempserunt, maior hominū pars irrisit, & vera pie-
 tas, quæ collabi plurimum cœperat, ruit nihilominus,
 etiam post translatum Enochum: nec improbi facti sunt

propterea sapientiores, vel meliores, Genes. 6.

V. Corruptio Piorum, ac bonorum Viorum per connubia cum filiabus impiorum, & improborum hominum.

ALIQVI igitur hac Enochii translatione confirmati remanserāt piī, verūq; Deum ex ipsius verbo colentes, & ad exemplum Enochii coram Deo ambulantes, .i. piē, religiosē, sanctē, verē, sincerē, seq; à mūdi illa generali corruptione & nequitia segregantes, qui propterea [Filij Dei] nominātur Gen. 6. 2. Hi tamen ipsi postea interiecto tempore tum sese ipsos corruperunt, tum ab alijs hominibus sceleratis (cum quibus erant, miscebantur, vivebantque in hoc mundo, ut est 1. Cor. 5. 10) depravati sunt. Ac depravati quidē, quoniam Corrumpunt bonos mores commercia prava, sicut etiā ipsi Ethnici scribunt, 1. Cor. 15. 33. Est præterea magna vis iam receptæ siue honestē, siue inhonestē vivendi consuetudinis, quæ, ut ait Augustinus, velut tyrānus, nos, quanvis primum oblectantes tandem tamen ad se traducit, & vincit. Corruperunt, verò ipsi quoque piī seipsos per infauſta connubia, quæ cum filiabus hominū .i. improborum (qua filia & ipsa quoque erant improba, lasciuæ, impiē educata) illi viri Dei contraxerunt, Gen. 6. 2. nempe sola earum forma, & corporis venustate delectati, nullā earum impietatis & infidelitatis rationem habentes. Prout igitur ille mulieres, quantūvis irreligiosas, viris istis & filiis Dei (qui prius tales erant) placebant: sic ab illis in uxores ducebātur. Vnde acci-

accidebat, ut & viri ipsi qui antea pijs religiosisque fuerant, corrūperentur a suis illis impijs uxoribus, ut Salomon rex a suis, 1. Reg. 11. & qui filij ex eo coniugio nascerentur, impij à matribus educarentur, quale est exemplum Gen. 26. 34. Nehem. 13. 14. Vnde & ipsi liberi quoque euadebāt similes matribus suis, nimirum impij, & improbi. Atque sic publica illa, quæ iam erat, impietas, improbitasque profana mirifice non tantum sese confirmabat: verum etiam crescebat in dies & augebatur, Gen. 6. 4. & 5.

VI. Gigantum, & celebrium virorum, qui postea per totum Mundum fuerunt, innotueruntq; Procreatio.

CAETERVM ex hoc filiorum Dei cum filiabus hominum connubio nati sunt Gigantes: homine sc̄q; illi formidabiles & metuēdi, qui tamen postea celebres & memorati fuerunt inter mortales quavis ætate Gen. 6. 24. Hi verò omnium huius seculi hominum potentissimi, robustissimi que corpore fuerunt, quos alij propterea perhorrescebāt, ac formidabant. Isti igitur cū manifestiores, & immaniores contēptores Dei fuerunt, quàm superiores, & Maiores sui, reliquive mortales, qui ea tempestate in Mundo vivebant publicè etiā profani: tūc verò ydem isti erant in ceteros homines inuery, propter immēsas corporis vires, quibus reliquos superabant. Itaque suis viribus, suæque industria (Erant enim & hi quoque industrij viri, & idcirco nomine famāque celeberrimi pra ceteris) confidebant, & ceteros

velut se prorsus inferiores per immanem animi superbiam contemnebant. Unde facile prorumpabant ad ceteros ledendos, quum essent absq; metu vel publica vindicta (qua tunc nulla de sceleribus à nullo Magistratu sumebatur) vel priuata ac talionis, quum alij istis propter infirmitatem viriū obsistere non valerent. Deniq; iam deleta ex eorum, & penè omnium hominum mentibus Dei metu, cultūque: publica inueteratāque iam nominis Dei profanatione recepta: inò omni de Dei potentia memoria prope iam extincta, quid mirū, si præpotentes isti robustique homines, corpore validissimi, animo superbissimi, nullo cuiusquam hominis terrore retenti, Dei etiam contemptores, Gen. 6. 4. 1. Pet. 3. 20, 2. Pet. 2. 5, Math. 24. 38. & apostata à vera religione (quam à suis patribus didicerant, acceperantque) si, inquam, fuerunt & euaserunt nefandissimi hominum, contumeliosi in alios, ac proinde ceteros (si qui reliqui fortassis erant Dei timentes homines) suo exemplo, audacia, & in ceteros autoritate, prorsus corrumperent, deprauarent, audaces ad quodvis scelus facerent? Verū enim semper illud fuit, [Quales Principes, tales & reliquos esse ciues, Gen. 6. 11. 12, & 13] Vnde ex eo tempore nulla iam publica hominum impietatis & iniustitie, qua etiam iam, antea vigeat Gen. 6. vincula iniecta sunt, neq; pudore ullo rationeue homines ab ullo maleficio cohibiti fuere. Hæc autem contigerunt circa annum Mundi conditi pene 908.

VII. Natiuitas Noachi, & Lemechi patris de eo Prophetia.

I A M

I A M verò sic impulso & urgente Mundo in deploratam planè nequitiâ, quum & Dei veneratio in meram illius contempTIONem conuersa esset, & quum quoduis audacia & superbia genus in hominibus regnaret: imo etiam in alios homines quavis iniustitia & iniuria exerceri à Gigantibus cœpisset, futurum erat, ut postea ne vestigium quidem vllum vera in Deum pietatis, & in proximos charitatis restaret: nulla vite sanctitas, nulla pietas amplius, nullaq; Dei Ecclesia in mûdo superesset: ac proinde sollemnis illa Dei Promissio de venturo Messia mundi redemptore periret, nec impleteretur: ni Deus, suâ suâ misericordiâ, huic tanto, tamq; desperato malo mature succurrisset, sapientissimè prospexisset, & potentissimè obuiam iisset. Nam totus Mundus post peccatum primi Hominis non tantum in malo positus erat, (vbi nunc quoque est 1. Ioan. 5. 19.) verum in desperatam omnino malitiâ ruerat, qua etiâ quotidie magis magisq; crescebat & inualecebat. Ergo Deus sapientissimus cum hominem nasci voluit, in quo (etiam toto Mundo furiosè in omne scelus prolabente) sui tamen metum, verumq; cultû retineret: & ex cuius semine Messias ille nasceretur, ac proinde promissionē suam post varias hominum aetates impleveret: denique in quo (etiam mortuis sublatiisque ijs, qui tunc in Mundo restabant, pijs) Ecclesiam tamen suâ conseruaret. Is autem fuit Noachus Lamechi viri pijs filius, & ipse quoque valde pius, sanctus, iustus. si quis unquā alius. Gen. 5. 28. 29, & 6. 8. 9. Math. 24. 38, 1. Pet. 3. 20, 2. Pet. 2. 5, Heb. 11. 7, Eccles. 44. 17. 18. De quo etiam pater Lamech manifestè & palam prophetavit, fo-

re, ut illius etate Deus pios consolaretur, & à malitia illa impiorum deplorata eos liberaret. Impios autem prorsus deleteret, Gen. 5. 29. Quod postea in Diluvio universalis sub Noacho cōtigit. Natus est autem Noachus anno à condito Mundo 1056, & ante Diluviū 600. ex patre Lemecho pio, & tunc annum 83. agente, Gen. 5. 28.

VIII. Corruptissimum vite genus & modus, in quo omnis caro corrumperat viam suam.

CAETERVM & ante natū Noachum (quod fuit annus 600. ante Diluviū, uti diximus: & pluribus adhuc post conditū Mundum) & post eundem editum, crescebat semper, inualefcebat, seque in dies magis ac magis dilatabat, amplificabat, & confirmabat inter homines omnes, & in univēso hoc Mundo (quā latè incoleretur) hominum impietas in Deum, iniustitia in proximos, audacia superbiæque in iis ipsis. Nam quum iniquitas & vitiositas à primo primi Hominis Adami peccato sese commovere primū cœpisset, in hominum mentibus paulatim & pedetentim, postea sese effudit, & crevit: & quidem clām primū & occultè & priuatim in singulorum hominum, qui tunc erant, actionibus tum internis, tum externis (quas tamen non commemorat Moyses) semel enim impulsæ peccati vis, & concepta in mente hominū, fœda ratio & volūtas ruit semper in peius, & quotidie crescit. Deinde verò etiam palām, manifestè, & publicè sese exeruit, & in apertum
im-

impudenter eadem nequitia prodiit, primum in fratricidio a Caino perpetrato Gen. 4. 8: postea in violato à Lamecho illo, qui impius fuit, coniugio Gen. 4. 19: tertio loco, in publica & populariter recepta toleratâque Nominis Dei profanatione Gen. 4. 26: quarto loco, in piorum ipsorum (qui pauci tunc in Mundo restabant) per connubia cum filiabus hominum, id est, cum impijs improbisque feminis depravatione Gen. 6. 2: quinto loco, in Gigantum & filiorum ex eo coniugio procreatorum publica superbia, audacia, violentia, & immanitate in Deum ipsum, & reliquos homines: Sexto denique loco, in exemplo & imitatione istius Gigantum in maris vita, Gen. 6. 4. quorum facta reliqui homines secuti & imitati, si quid inter eos reliqui erat vel pudoris hominum ratione, vel verecundia ipsorum peccantium conscientia respectu, vel metus Dei, hoc omne fuit deletum, & prorsus tandem extinctum. His igitur tot machinis tandem expugnata est per longum tempus Dei veritas & notitia, quæ in hominibus post peccatum supererat. Tot nempe gradibus sese paulatim in alium per annos 1656 subuehens, & conscientia hominum iustitiæque insitas hominum mentibus à Deo scintillas, sensim consuetudine peccandi delens & euertens hominum nequitia impunita, publicâque. Ergo tandem illa effecit, & inuexit turpissimum, foedissimum, corruptissimum vitæ genus inter omnes & singulos mortales, exceptis omnino paucissimis, velut una duntaxat, vel altera familia, qualis Lamechi pijs, & patriæ Noachi, & ipsiusmet Noachi, & eorum, quos commemorat Moses Gen. 5. ex Setho fuisse oriundos. Denique tanta vitæ hominum impie, iniuste,

& inuerecunda licentia. tamque effrenis fuit, ut omnis
 caro corrumpere viam suam, Gen 6. 11. 13. id est, ut
 omnes homines omnem Dei meum abicerent omnem ho-
 minum pudorem amitterent, omne testimonium conscientie
 in se delerent: se omni sceleri & flagitio (quantumvis im-
 mani, impio, horribili) dederent, quovis modo se homi-
 nes polluerent, blasphemis in Deum, cadibus in proxi-
 mos, adulteris & scortationibus in mulieres, stupris in
 masculos: denique effectum eadem est, ut essent homines
 inter se ἀσφύτοι, ὑβρισταί, ἡμίφρανοι, ἀπειθεῖς γονεῦσι, θεο-
 συγχεῖς, ἐπιύφεται κακῶν, καὶ πεπληθυσμένοι πάσῃ ἀδικίᾳ, qua-
 les verè eos describit Paulus, Rom. 1. 29. 30 (ad hunc
 enim Moses locum planè collimat illic Paulus, & quod
 Moses breuiter dixit, Paulus ipse fusiùs explicare vo-
 luit) id est, [charitatis expertes, contumeliosi seu violenti,
 superbi, parentibus immorigeri, Dei osiores, inuentores
 malorum, & pleni omni iniustitia,] & quales quoque
 describuntur tum Psal. 58. 3. & 4. tum etià Psal. 64.
 Ergo tam improbum, tamque nefarium vita genus non
 primo quoque die & tempore post peccatum Adami in
 Mundo obtinuit, ac inualuit: sed paulatim emergens,
 sensim prorepens, pedetentim gliscens, reliquas boni &
 mali inuicias hominum animis à Deo relictas suffocans cre-
 uit, donec consuetudine peccandi diutina confirmata ne-
 quitia illa hominum sese in apertum tandem proderet,
 & publice ac impunè grassari auderet: ac denique tan-
 dem regnaret. Hoc igitur malum, ut docui, per 235.
 annos in mente hominis, tanquam in alno matris conce-
 ptum est, nempe à peccato hominis, ad Profanationem
 Nominis Dei. Deinde per annos 821 .i. usque ad
 nati-

natiuitatem Noachi à tempore profanationis nominis Dei aditū in lucem & cōformatum omnibus suis membris, ac confirmatum est. Denique robustum effectum, per annos 600. totos in Mundo regnavit, vsque nimirum ad Diluuium.

IX. Denuntiatio vniuersalis Diluuij in Mundum futuri, à Deo facta primum Noacho.

PORRO Deus, qui est iustissimus, ac proinde scelerū ultor grauissimus, quū videret immanem illam hominum malitiam non modo inualuisse, & quotidie crescere: sed planè & immedicabiliter corroborari, ac regnum obtinere, adeo ut omnes omnium hominum non modo externe actiones profana & improba essent: verū etiam interne quoque eorundem cogitationes, cura, & consilia essent & scelerata in Deum, & in Proximum, i. homines iniuria, Gen. 6. 4, nihilq, aliud homines vel iam apud se meditari, vel priuatim & publicè agere quàm nefaria quaque: quum hūc, inquam, tam miserū, deploratum, & perditum totius Mundi statum Deus cerneret: homines in deterius semper ruentes animaduerteteret, Deum ipsum, ut ita dicam, pœnituit, quòd fecisset hominem, illique animalia subiecisset, & ad usum vite concessisset, eum denique tot donis & beneficijs suis ornasset, Gen. 6. 6. Itaque quum hanc nequitiam hominum tantam, id est, tam late fusam, tam impunitam, tam popularem. tam publicam in se ipsum hominū impietatem, in alijs homines iniustitiā, in illis ipsis intem-

perantiam & insolentiam tandiu, id est, penè iam per
 totos 821. annos tolerasset Deus, & Mundum, atque
 aaco terrā ipsam (qua homines istos ferebat, alebatq;)
 ex tam diuturno cum sceleratis hominibus & impuris
 contagio videret prorsus pollutam, Gen. 6. 11, & 12,
 ubiq; impuram (Nam propter incolarū peccata terra
 ipsa, qua ab ipsis habitabatur, Deo exosa est & polluta
 Psal. 107. 34, Deut. 28) quum, inquam, tam patiens,
 tamque misericors Deus in homines, & quidem tandiu
 fuisset: neq; illi tamen propterea saniores, sapientioresq;
 fieret, neque ullo pacto resipiscerent, tādē Deus mun-
 do seu hominibus ipsis, tum eorum ipsorum, tum anima-
 lium quoque internecionem cōminat us est, eamque suam
 cōminationem Noacho viro pio, iusto, & integro, ipse-
 met, inquā, Deus revelavit, patefecit, ac pradixit, Gen.
 6. 3: nimirum ut eam ipsam hominibus istis impijs de-
 nuntiaret Noachus, eosque ad pœnitentiam, vitæque e-
 mendationem inuitaret, & renocaret. Itaq; eadem illa
 benignitate, qua homines antea ad resipiscentiam exspe-
 ctarat, ita eisdem spatium adhuc & tempus in futurū
 ad pœnitentiā Deus dedit ac concessit, nempe annos to-
 tos centum & viginti Gen. 3. 3, quos illis prescripsit, si
 fortè postquam suam ruinā, imò internecionem, adeoq;
 etiam omnium rerum & animalium sibi ad vitam con-
 cessorum deperditionem ex Noacho illam predicante
 audiissent, resipiscerent, suāque vitam corrigerent,
 ac in melius mutarent.

X. Natiuitas filiorum Noachi.

INTERIM verò dum publica illa nequitia

non

non tātū inolefcit inter mortales, verum etiā impurè, furiofeque graffatur: atque etiā poſt prædictū a Deo ad homines perdendos diluviū, naſcuntur tamen Noachæ liberi, quos ex ſua uxore ſuſcipit. Numero autem tres ante Diluviū illud uniuſale procreat Noachus, quorum nomina ſunt Iaphet, Sem, & Cham, Gen. 6. 10. Eos verò ſuſcipere & procreare cœpit poſt annum ætatis ſue quingentefimum, Gen. 5. 32. Inter hos autem Iaphet fuit natu maximus, & primogenitus, ſicut apparet Gen. 10. 21: Cham minimus natu, ut eſt Gen. 9. 24: Sem ergo fuit ſecundus, ac medius inter hos tres filios Noachæ. Id quod conſequens eſt. Iaphetum enim gignit Noachus anno ætatis ſue quingentefimo ex æcto: Semum verò anno 502, quemadmodum colligitur ex Genef. 11. 10. Porro non ſolūm progeniem aliquam Noacho dare voluit Deus, etiam in media Mundi depravatione, etiam poſt denunciata hominum omnium euerſionem, ad eum in tātis malis conſolandum: ſed etiā tres numero, & quidem mafculos eum ſuſcipere voluit, ut maior eſſet pijs relicta ſpes conſeruanda in poſterum quoque Eccleſia, quum tot liberi in familia illa pia & ſancta naſcerentur. Filias verò ante Diluviū non dicitur ullas ſuſcepſiſſe Noachus, quòd ad inſtaurandum poſt diluviū hunc Mundum, gentesque diffundendas, fuerunt aptiores mares (nam ex mafculorū, non ex foeminarum nomine familia vocantur) & quòd filij Noachæ habuerunt, quiſque ſuam uxorem ex alijs familijs pijs. Ergo Deus Noacho liberos dedit, iam cogitās & decernens & futurum diluviū, & poſt illud mundum quoque renouandum. In his enim tribus Noachæ filijs,

& Noacho ipso, eorumque vxoribus conseruatum est semen totius generis humani postea propagādi & spargendi: atque etiam spes noui (qui futurus erat) Mundi hominibus implendi, quemadmodum postea factum est.

XI. Præceptum Dei de fabricanda Arca, in qua pauca reliquia Mundi seruantur, factū Noacho, datūmq; à Deo.

S E D quum homines ne quidem post eiusmodi Dei grauissimas in se minas à Noacho per plures iam annos denuntiatas emendarentur, Gen. 6. 11. 12, 13, Math. 24. 38, Luc. 17. 28, Deus decreuit omnino, & quidem breui, quicquid supra terra superficiem spirabat, dele-
re, & aquis supra terrā immissis penitus perdere, Gen. 7. 21. 22. Itaque & homines, & animalia omnia paucissimis tantum (summā ipsius misericordiā) exceptis, quæ Deus ad futuram postea eiusdem rerum generis propagationem, & nouā Mundi instaurationem reseruare voluit. Ac proinde precepit Deus Noacho, vt Arcam fabricaret, in qua ipse cum vxore, cum filiis suis tribus, & tribus nuribus suis solum ex hominibus seruaretur in medio terrarum omnium Diluuiū, quod statim secutum est, Gen 6. 14. 18, & 7. 13: & in qua eadem Arca ex puris animalibus septena (qua marem & fæminam in unoquoque eorum genere septies haberent) ex impuris autem seu immundis animalibus bina tantum (marem & fæminam bis cōplectentia) ad tuendum semen eorum post Diluuiū, & genus ipsum propagandum seruabantur, & habebantur Dei iussu, Gen. 7. 3. 8.

7.3.8.9. & 6.19. Sic enim intelligende sunt hæ voces, [Bina, marem, & fœminam eius] ut bis mas, & bis fœmina in eo genere significantur, nimirum duo paria, seu quatuor in eo genere animalium capita, duo videlicet mares, & due fœmina: Item hæc verba sic sumenda [Septena, marem & fœminā eius] ut septies mas, & septies in eo genere animalium fœmina sumatur, nimirū terna paria, & præter ea par septimū, quæ continent in summa ex eo animalium genere quatuordecim capita: quòd animalia pura & ad sacrificandum Deo, & ad esum hominum necessaria erant. Ergo plura paria ex eo genere servari iubentur, Gen. 8. 20, & 9. 3. Animalium verò impurorum nullus tunc erat ad sacra & victum, usus, neque futurus statim postea erat inter mortales. Ergo eiusmodi vas & Arcam Deus fabricari iussit, in qua pauca omnino illa reliquia mundi iam iam delendi & perituri erant, Dei voluntate, conservande. Sic autem, atque hæc omnia indicata, prædicta, & præcepta sunt à Deo Noacho, Gen. 6. 19. 20, & 7. 2. 3. 13. 14. Sed & formam ipsam, qua fabricanda erat illa Arca, præscripsit quoque eidem Noacho Deus ipse, ut haberet Arca in altitudine 30 cubitos: in longitudine 300: in latitudine 50. Fenestras quoque, quibus à superiore parte clarum lumen hæc eadem Arca reciperet: tectū in cubiti altitudinem assurgens: demum ostiū in latere. Ipsam verò Arcam seu eius internum spatium in tria tabulata, seu māsiones tres distingui, & distribui Deus voluit, Gen. 6. 14. 15. Ipsam denique totam introrsum & extrorsū sedulo pice obduci & picari iussit, & omne ciborum (quibus homines & animalia ingressura vesce-


rentur) genus collectū in eādem Arcam inferri à Noacho importari, coaceruariq; Deus precipit, Gen. 6. 21 quod satis esset ad omnium in eam intrantium victum.

XII. Diluuium vniuersale in terris à Deo immissum.

QUARE rebus omnibus sic cōmodè ad sue primū quidem Ecclesie conseruationem, postea vero ad Mundi huius instaurationem, denique hominum atque animalium propagationem praeceptis, & à Noacho paratis, effectisque, Diluuium à Deo in vniuersa terra faciem immissum est, Gen. 7. 1. Nec enim homines resipuerant quāuis & per integros 120 annos minas Dei de eo futuro certissimas ex Noacho audissent, & ipsā Arcam iam paratam oculus suū cernerent. Manebant igitur prorsus surdi ceciq; ad hec omnia spectacula, & impoenitentes omnino homines, licet cōmoniti, excitati, expectatique à Deo diutissimè fuissent. Imo verò quātumuis tempus à Deo designatum illis ad pœnitentiam, & à Noacho ysdem definitum appropinquaret, instaretque proximè, tamen securi, ut prius, & quasi remoti procul à Dei iudicio suis cervicibus iam iam tamen imminenti, ludebāt, ridebant, conuiuabantur, epulabātur, nubebant fœmine, viri uxores ducebant, Deum omnes spernebant, ut antea. Math. 24. 28, Luc 17. 28, Gen. 6. 13: & alij in alios iniuriy erant, 2. Pet. 2. 3. Ergo anno 601. ætatis Noachi, Gen. 7. 6, mense eius anni secundo, die decimo eiusdem mensis, nempe diebus septem antequam catarracti cœli rumperentur, imbrēsque & pluuie

pluuia illa horribiles (quæ totam terram summe seruit,
operueruntque) è cælo deciderent. Deus iussit Noachum
cum uxore, tribus filiis, & nuribus suis ingredi in Arcam
Gen. 7. 4. Primus igitur Noachus & filij eius .i. Ho-
mines primi in Arcam intrarunt, Gen. 7. 4. 7. 8, ut illi
animalia in Arcam proximè (Deo sic impellente) in-
gressura exasperent, & in suos nidos, suasque cellulas &
mansiones singulatim & commodè, pro cuiusque Animalis
natura & specie, distribuerent, ac collocaret. Ergo post-
quam homines illi (nimirum octo duntaxat Anima, 1.
Pet. 3. 20) in Arcam fuerunt Dei iussu ingressi Gen. 7.
1. 2: intra septem dies sequentes omnia tum munda, tum
immunda animalia, quæ Deus in Arca seruare voluit,
postea sunt (eodem Deo arcano motu illa ciète) ingressa
in Arcam ad Noachum ulterò & sponte, posita sæua, fe-
roci, & crudeli (quæ in quibusdam feris est) natura sua,
ut capi, tractari, & pasci commodè & tuto possent à
Noacho in Arca, & à filiis eius per totum, quo cum ijs
futuri erant, tēporis, .i. anni spatium. Porro exceptis
ijs tum hominibus, tum animalibus, quæ in Arca tēpore
Diluij fuerunt, reliqua omnia viuientia & spirantia,
quæ tunc erant in uniuersa terra superficie, perierunt,
velut Iumenta, fera bestia, Reptilia, Volatilia, Gen. 7.
22. Pisces igitur eo numero non comprehenduntur, eisi
eorum plerumq; tunc mortuos fuisse ob vim illam nimiam
aquarum non est incredibile. Reliqua verò viuientia
omnia ab aquis suffocata sunt. Illa enim etiam montium,
licet altissimorum, cacumina totis quindecim cubitis
superarunt, Gen. 7. 20. Pluit verò per quadraginta
dies continuos effusissimè & copiosissimè è cælo: Deinde

mare ipsum per se intumuit: Catarractæ cœli sese rupe-
runt: fontes abyssi sese aperuerunt. Vnde tandem fuit
infinita & immensa vis aquarum, quæ totam terræ fa-
ciem altissimè operuerunt, Gen. 7. 11. 17. 18. 19. Atq;
sic Diluuium vniuersale fuit, quod viuentia omnia ex-
tinxit.



C A P V T II.

J Disputata, & agitata quedam in his
duodecim Historiæ capitibus.

ANTESTARI primum omnium libet
nos pleræque in quæstionem non vocaturos
in hac sectione & Epoche tertia, quæ per-
plures tamen tum Græci, tum Latini Pa-
tres, & Ecclesiastici scriptores velut dubia proponunt,
vexantque, propterea quod illa vel ex falso annorum nu-
mero, vel ex non obseruato rerum gestarum ordine pro-
manant, quum suum potius in eis iudicium, quàm Mo-
sis historiam secuti fuerint Patres illi, & annorum nu-
merum ex versione 70, non ex ipso Mose sumpserint,
ac supputarint. Itaque hîc & Philo, quauis Iudæus,
in Biblic. Antiquitat. multa perturbata habet: & Au-
gustinus quoque lib. 15. Ciuit. Dei: sed & Zonaras etiã
Tomo 1. Animalium, ut alios omitam. Nos autem &
seriem temporis, & annorum supputationem, quam Mo-
ses

*ſes, id eſt, ipſa veritas habet, ſequimur. Itaque pleraſq;
eiufmodi quaſtionum euitamus.*

Ad I. Natiuitas Enoſchi.

*Primum igitur de Enoſchi natiuitate agamus, in qua
quæritur Quid nomen [Enoſch] Hebraicè, Gracè ve-
rò, ſicut deſcripſit Lucas 3. 38, εὐὸς, ſignificet, vique à
voce [Adam] differat. R. Auguſtin. lib. 15. Ciuit.
Dei, cap. 17. de hac duplici quaſtione ſic ait, [Enos fi-
lius Sethi interpretatur homo, nō ſicut Adā: Et ipſum
enim nomen interpretatur Homo, ſed commune perhi-
betur eſſe in illa lingua (id eſt, Hebræa) Maſculo, & ſœ-
mine. Vnde non ambigitur ſic appellatam fuiſſe ſœmi-
nam Euam proprio nomine, ut tamen Adam (quod in-
terpretatur Homo) nomen eſſet amborum. Enos autem
ſic interpretatur Homo, ut hoc non poſſe ſœminā nuncu-
pari periti lingue illius aſſeuerent, tãquam filius reſur-
reſtionis (Seth enim eſt reſurreſctio) ubi non nubāt, neq;
uxores ducant. Quare & hoc non in caſſum notandum
arbitror, quòd in his generationibus, quæ propagantur
ex illo qui appellatur Seth, quū genuiſſe dicatur filios,
filiaſque, nulla ibi genita ſœmina nominatim expreſſa
eſt. In his autem, quæ propagantur ex Cain, in ipſo ſine,
quouſque protendūtur, nouiſſima ſœmina genita nomi-
natur, ut intelligatur Ciuitatem terrenam, cuius condi-
tor fuit Cain, & initium & finem habere terrenum.]
Illius enim radix nimirum Eua nominatur. Terrenam
autem Ciuitatem, (quæ in Seth designatur) nec genera-
re, nec generari carnaliter. Nec enim ibi erit carnalis
generatio, quum nos illuc perduxerit regeneratio. Hæc*

Augustinus, quæ certè quidem sunt subtiliora, & omnino haud vera. Nam fœmine siue uxores ab Hebraeis vocantur quoque [Naschim] quasi [Enaschim] ab eodem themate. à quo & vox [Enosch] Ex quo fit, ut illa Augustini observatio sit parum firma, & solida. Melius igitur vir pientissimus, & literarum Hebraicarum callentissimus, earundemq; regius olim Lutetiae Parisiorum Professor Ioannes Mercerus sic docuit, Nomen [Adam] ad eius ex humo formationem respicere: At [Enosch] ad conditionem infirmam, imbecillam, arumnosam, & laboris periculiq; plenam, in quâ Homo postea per peccatū incidit, ac prolapsus est. Vnde summa infirmitatis significatio in ea voce inest, quæ infirmitas tam ad masculos, quàm fœminas, imò ad gentes omnes sexum, & conditionem hominum pertinet, ut est in Psal 9. 12: [Sciant gentes, inquit David, quod Enosch id est homo sunt.] Et hæc sunt verissima. Nonnulli vocabulum Enosch dici putant, quòd cito homines in obliuionem adducantur. Sic Eusebius lib. 11. Preparat. Evangel. cap. 4. quanquam idem eiusdem operis lib. 7. cap. 3. vult [Enos,] (qui idem est & Enosch) significare id, quod vox [Homo] id est mortalem, & infirmam conditionem. Alij verò Enosch deriuari putant ab ea radice Hebraea, quæ Desperare declarat. Vnde Enosch illis est desperatus, & violentus. Sic Philo lib. de Nomin. Hebraic. in Genesi. Verùm ista nutant. Ex quo apparet quanta fuerit Caini & Sethi in primogenito quisque suo nominando differentia. Nam Cainus hypocrita & malus etiam postquā à Dei facie pulsus fuerat, & ex Dei Ecclesia eiectus, filium tamen suum pri-

primogenitum appellavit [*Hanoch*], id est, eruditum, bene initiatum & morigeratum. At verò Sethus vir pius & bonus vocavit primogenitū suum [*Enosch*] .i. mortalem & arumnosum. Sic fere hypocrita speciosa omnia spectant & sequuntur, ut videantur ab hominibus: at veri fideles res ipsas ex veritate æstimāt, ut Deo seruiant. *Q.* Utrum fuerit Enosch primogenitus Sethi, quum demum anno illius 105 natus dicatur: alij verò, Sethiq; posteri maturius liberos susceperint, velint Enosch ipse anno etatis sue 90. Kenan: Kenan autem Malahalelem anno 70: Malahael anno 65. *R.* Qua ratione Cainum colligimus ex Mose fuisse primogenitum Adami, quia primus refertur ex eo natus, Gen. 4. 1. 7. eadem & Enoschum hunc esse primogenitum Sethi dixerimus, Gen. 4. 26. Sicq; omnes sentiunt, maximèque Iosephus lib. 1. Antiquit. Iudaic. cap. 5. & Philo in Antiquit. Biblicis. Quamquam tamen alibi Moses primo loco recenset postea natos, non primogenitos, velut Schemū inter liberos Noachi, Gen. 5. 32, & 6. 10, qui post Iepheihum tamen natus est ex Noacho. Porro tradit Moses Sethum post Enoschū genuisse filios, & filias Gen. 5. 7. & ex eo Iosephus lib. 1. Antiquit. cap. 5. Verum Philo in Antiquit. Biblic. & numerum, & nomina & filiorum, & filiarum Sethi addit (si quis fortassis existimet id eum scire, etiam tacente Mose, potuisse, uti Paulus expressit nomina Magorum Pharaonis, qui Mosi ipsi resistenterunt, nempe 2. Tim 3. 8.) At enim eum Enoschum postea suscepisse filios tres, & tres filias. Filiorum autem nomina hæc fuisse, Elidia, Phonna, & Matha: Filiarū verò hæc,

Malida, & Thita, ubi procūldubio nomen unius deest, estque locus ille mancus, vel non omnium nomina filiarū sciuit Philo. Q. Virum Sethus ipse pater Enoschi sit susceptus ex Eva primus ab Adamo post eius ē Paradiso eiectionem, quia quum de Sethi procreatione ageret Moses, addidit, [Genuit filiū Adam in imagine sua Gen. 5. 3] Alij autem priores Adami filij, velut Cainus, & Abel fuerint ex eo nati in Paradiso ipso, quia de is nihil simile scripsit Moses, ut de Setho, tanquam illi ad veram ipsius Dei, non tantū n Adami patris imaginem nati sint, videlicet nondum per peccatum corrupta in Adamo imagine Dei. R. Quum post eiectionem Adami ē Paradiso terrestri commemoret Moses Cainum, & Abelem ex eo natos, Gen. 4. dubium non est, quin ille uterq, neque in Paradiso conceptus sit, ut nonnulli tamen putant, neque etiam natus: sed extra Paradisum. Secutus enim est Moses in hac Historia sacra cōtexenda rationem, atq, seriem temporis. Quid autem hac verba [Genuit Adam ad imaginem sui Sethum] notent, & cur addita fuerint, est à nobis antea explicatum.

Ad II. Publica nominis Dei profanatio.

Iam verò ad publicā Nominis Dei Profanationem accedamus, In qua queritur, Quid verba hac Moysis significant, [Az Huchal Liqra beschem Iehoua, Gen. 26] R. Multe sunt hic & varia multorum sententia. David Kimki eruditissimus Hebraorum sic interpretatur, [Tunc profanatum est, in inuocando, nomen Dei.] Alij sic, [Tunc profanata est inuocatio nominis Dei.]

Nonnulli verò, [*Tunc cœptū est profanari nomen Dei*] Et hi quidem docti, peritque, siqui alij, lingua Hebræa, quorum sententia eò redit, ut doceat Moses tunc (.i. sub tempus natiuitatis Enoschi) publicè & populariter ab hominibus, qui tunc erant, profanatum fuisse Dei nomen, & cultum. Verum hæc interpretatio displicuit alijs, contrariumq; huic superiori sententia sensum propterea affinxere his verbis: Sic igitur illi hæc verba Moses explicant, [*Tunc cœptum est innocari Nomen Dei.*] Alij sic, [*Tunc cœptum est ad innocandum nomen Dei.*] Denique quidam ex illis sic, [*Tunc cœptum est vocari de nomine Dei,*] quòd videlicet tunc cœperint, homines de Dei nomine appellari, quoniā quidam Filij Dei dicti fuerint, uti Gen. 6. 2, quosdam vocat Moses ipse filios Dei: quasi nimirum Moses de stabilita inter homines Dei innocatione, non autem de Nominis illius profanatione agat. Cyrillus lib. 9. contra Iulian. scilicet. 1. longè abest à sententia Moses: Vult enim hic ostendi à Mose Enoschum ab hominibus sui seculi vocatū fuisse Deum, honoris & pietatis, quam præ se ferebat, ergò. Omnium verò lōgissimè Augustinus lib. 15. Ciuit. Dei, cap. 18. à vera huius loci mente discedit, quū hic prophetiam de exoriturō postea populo pio contineri scribit, his verbis, [*Hic Enoschus sperauit innocare nomē Domini Dei. Quid sibi vult, Sperauit innocare, nisi quia prophetia est exoriturū populum, qui secundum electionem gratiæ innocaret nomen Domini Dei?*] Hæc Augustinus. Caterū ipse Davidis Kimchi sententiæ atque interpretationi subscribo, eamque sequor. Hic enim de publica nominis, cultusque Diuini profanatione

& contemptu (qui tunc popularis inter homines esse cœ-
 pit) agit Moses: & gradus describit, in quibus ad tam
 horribile scelus perventum est: sunt etiam quibus eadem
 omnis caro corruptit viam suā, ac propterea diluvium
 illud, atque tremendum Dei iudicium in Mundum u-
 niversum est effusum, Gen. 6. Sunt autem hi: Primus
 quidem, Peccatum ipsum primum primi hominis: Se-
 cundus, Fœtura, quam in singulorū hominum animis &
 cordibus clām & privatim semel cōcepta corruptio &
 infusa vitiositas ex primo illo Adam peccato pariebat
 & proferebat: Tertius, Publicum Caini fratricidium:
 Quartus Stuprum, violatiōque coniugy publicē à Le-
 mecho (qui fuit unus ex Caini posteris) induc̃ta: Quint-
 us, Ipsa publica iam neglectio omnis veri cultus Dei,
 & pro eo profanatio contemptiōque nominis ipsius pu-
 blica, ergo & alterius, quā veri Dei inuocatio. Diui-
 niq; cultus nova institutio ab hominibus facta est. De
 quibus vide Epiphanium initio lib. 1. cōtra 80. Hære-
 ses. His enim tot gradibus ad immane istud flagitium
 devenit, ut Dei nomen ab hominibus populariter,
 ac publicē contemneretur, quū tot improbitatis, & qui-
 dem inulta, publica exempla viderent homines in mun-
 do, quum in tota Caini familia (postquā ipse à Dei fa-
 cie fugisset Gen. 4. 16.) ac proinde in eius posteris iam
 cessasset, ac intermissus esset verus Dei cultus. Ergo qui
 inter istos homines, nimirū Caini posteros, supererat ex
 veteribus humana mentis & lucis reliquijs metus Dei,
 & illius Maiestatis sensus, honor, & tremor, ex homi-
 num istorum animis deletus & extinctus est. Qua fue-
 runt tristissima peccati primi hominis effecta: & ad se-
 quen-

quætera hominū omnium (paucissimis omnino exceptis) corruptelam terribilissimam, depravationem q̄, sadissimā certissimus gradus, & proclivissimus facilisq̄ue lapsus, densque iusta Dei in uniuersum Mundum iræ causa. nam in verū Deum impietas est scelerum omnium fons: contraque vera fides & religio mater, ut ait Augustinus, omnium virtutum. Quum igitur Cainini posterī (necdum enim alij in Mundo erant, nec vlla alia adhuc familia creuerat) & homicidia in domo sua, & adulteria publica, atque ab hominibus impunita cernebant: quum nulli communi ac potentiori, quā ipsi singuli essent, Magistratui parerent: quum voluptatibus omnis generis lasciuisque cantionibus dediti essent: quū arma, prout cuiusq̄ ferebat audacia, tractarent: quum denique inter eos, maximèque in auita illa Caini domo (in quam omnes illius posterī oculos conijciebant) verus Dei cultus iam cessasset, quomodo in publicam nominis Dei profanationem illi idē homines non facile ruerent, aut laberentur? Improbis enim & nequitie seu licentia hominum coercenda frenum ac vinculum proculdubio summum, est veri Dei metus, & cultus: qui ubi cessat, omnia in peius ruunt: ubi retinetur, virtus viget, vitium decrescit. Praclarè enim in Agesilao Xenophon, Ὅπου γὰρ ἄνθρωπος θεὸν μὲν σέβει, πολὺ μὲν δὲ ἀσχοῖται, πρὸς δὲ μελέτῃ, πῶς ἂν εὖ καὶ ἐν ταῖς πάντας μετὰ ἐλπίδων ἀγαθῶν εἶναι, id est, [Vbi enim Deum colunt homines, arma tractant, Magistratibus parent, quomodo non credibile est illic omnia bona spe plena esse?] Quod verò stabilitam tūc demum nominis Dei inuocationem nonnulli ex eo loco existimant, idque à Mose dici, fru-

stra est. Nam & Deus antea innocabatur, & ipse cultum suum hominibus prescripserat, & declararat, eumque retinebat Adami familia. Sed ordo historie ipsius postulabat, ut quibus de causis Deus diluvium in terram immisisset, hominesque (quos ad sui imaginem condiderat) prorsus deleuisset, explicaretur à Mose. Id quod ille fecit: Itaque gradus, quibus sensim omnes homines ad summam primum impietatem in Deum: deinde Injustitiam in proximos pervenerunt, ordine recitat, & proponit. Atque hac quidem est mea de hoc loco sententia.

Q. Inter quos tunc cæpit hac publica Nominis Dei profanatio? R. Quidam existimant etiam inter Sethi posteros cæpiū esse profanari nomen Dei, propterea quod tota Caini familia iam vero Deo servire desierat, eiusque cultum (quum Cainus pater à facie Dei eiectus esset, & extra Ecclesiā) sequi, & retinere. Quāobrem hoc de Sethi posteris, qui nondum Dei cultum violarant, dictum malunt. Ego verò de solis Caini posteris ista sumenda iudico. Quum enim cæpit nomen Dei profanari, nulli dum erant posteri Sethi, ut pote quum illa profanatio cæperit sub tempus natiuitatis Enoschi, quemadmodum ait & quidem disertè Moses, Gen. 4. 26. Fuit autem hic Enoschus, ut antea demonstrauimus, primogenitus Sethi. Quāquam autem Caini posteri verum Dei cultum non retinebant, publicam tamen illam nominis, cultusque Dei profanationem adhuc nec excogitarant, nec admiserant, quam sequenti tempore tamen, ut hic docet Moses, sequi, & amplecti cæperunt. Itaque tūc demum manifestè publice & populariter profanari inter eos cæpit nomen, veneratioque

veri

veri Dei, quod antea nō fiebat. Hoc autem publica impietatis a Caini familia primū introducē, & postea in ea sola diu retenta exerciteq; exemplum secuti sunt, postea & suo tempore posteri Sethi, nempe postquam ipsi multiplicati essent in terra, & filias hominum in uxores accepissent, non autem prius, meo iudicio, Gen. 6. 2. 4. Tunc enim (exceptis omnino paucis) & illi quoque posteri Sethi pleriq; ferē omnes defēctores à Deo fuerunt, quā antea tales non essent, sed pijs essent. Ergo multis antea seculis in Caini familia ea profanatio nominis Dei cōtiguit, ut ordo seriēsq; conscripta à Mose historie docet. Ferē enim inter hanc profanationem publicam, illiusque inter Caini posteros initium, & eandem ad posteros Sethi derivatam intercedunt anni 287, ut colligi potest ex Gen. cap. 5. Eam enim derivationem colloco in tempus Jaredi, id est, nati quidem, sed non translati adhuc Chanochi. Translatus enim est à Deo, ut defēctores ex Dei familia potissimū percellerentur metu, & ut boni, qui in Dei cultu perstabant in eadem familia, confirmarentur, ac recrearentur. Atque hanc meā sententiam confirmat Epiphanius lib. 1. contra hareses his verbis, Ἀδὰμ δὲ παῖς Σήθ, υἱὸς δὲ τούτου ἔνως καὶ κατὰ διαδοχὴν Καϊνὰν, Μαλαλεὴν, Ἰαρέδ, ὃς δὲ ἡ ὥρεόςδοσις ἡ εἰς ἡμᾶς ἐλθούσα ἐντεῦθεν ἠρξάτο ἡ κακοῦνηχανία ἐν κόσμῳ γίνεσθαι, id est, Adami filius Seth, filius autem huius Enos, & per successionē Kainan, Malaleel, Jared. Ut verò maiorum traditio, quæ ad nos pervenit, habet, tunc cœpit illa famosa nequitia in mundo esse. Hæc Epiphanius. Verū Iosephus lib. 1. Antiquit. cap. 4. videtur demum septime generationis Sethi tempori hoc attri-

buere, quasi sub Mathusale patre pⁱy Lemechi: non sub Iaredo patre pⁱy Chanochi hac euenerint. Ego verò potius Epiphansio assentior, cumque sequor. *Q.* Quallis fuerit ista nominis Dei Profanatio, & quid significet. *R.* Synecdochica est locutio in voce [Nominis] & verbo [Inuocare.] Nec enim Nomen ipsum Dei duntaxat, .i. ipsius appellatio fuit profanata, velut, Quòd Dei nomen in vanum sumeretur, per Deum temerè & iuraretur ab istis hominibus, & peieraretur, & denique sanctum illud Dei benedicti Nomen (quod prius sacrosanctum inter homines fuerat) blasphemaretur: verum etiam quòd Dei Potentia, maiestas, iustitia, sapientia, misericordia contemneretur, sperneretur, irrideretur, negaretur. Nec id quidem solum, dum in publicis cœtibus aderant homines ad Deum colendum, & inuocandum (nec enim gens vlla religione aliqua caruit) verum ubique, & quoties vel conscientia contemptores istos arguebat: vel ipsius Nominis Dei appellati, interpositi, inuocative ab alijs hominibus reuerentia, & obtestatio istis profanis proponebantur, Dei Nomen isti impudenter, & impiè profanabāt. Ergo in vniuersum Dei contemptus, presertim in ipso Deo colendo & venerando inualuit inter illius seculi homines .i. Caini posteros, qua postea tamen etiā ad posteros Sethi quoq³ dimanauit. Ergo idola tunc pro vero Deo culta sunt, ut scribit Philo in Antiquit. & verus legitimusq³ cultus Deo prestari inter eos desuit, quemadmodum ait Iosephus lib. 1. cap. 5. Antiquit. Denique Epiphanius his verbis illam Profanationem describit quibus intelligatur ipsa fuisse tristissimum peccati effectum, quòd Dei

metum

metum omnem & verum cultum inter homines extingueret, & quæ Profanatio impietatem pro pietate, infidelitatem pro fide in Deum doceret, ac proucheret: quanquã idem Epiphanius censer post Diluviũ demum idola & Thara temporibus introducta in mundum: hos verò tempore nondum fuisse recepta. Contrà, Tertullianus in lib. de Idololat. ea tunc in Mundum putas introducta. Nec enim, ait idem Epiphanius, Adamus fuit idololatra, nec simulacra, vel aliud quicquam, præter verum Deum, adorauit. Imò etiam Propheta fuit Adamus, sciebatque Patrem dixisse Filio, [Faciamus hominem ad imaginem nostrã, Gen. 1] Ego Tertulliano non assentior. Atq; hæc est prima mali, quod mundũ postea inuasit, labes, nimirum impietas in Deum, quæ totius probitatis & iustitiæ postea labefactionem secum intulit mundo. Hic maximus eius rerum omnium confusionis (quæ inter homines postea fuit) impulsus, & gradus ad eum Mundi teterrimum statum, quem idem Epiphanius vocat Barbarismum lib. 1. Tom. 1. contra Hæreses.

Ad III. Propagatio familiæ Sethi.

Iam verò ad tertium Historia caput accedamus, in quo agitur de Propagatione piæ familiæ Sethi viri pi: In qua primum queritur, Cur plures gradus in recensenda Sethi progenie numerentur à Mose. quàm in posteris Caini, quum tamen hi, sicut & illi ad tempus Diluij & generarint, & superfuerint. nam in Caini stirpe & prosapia recitanda Moses substituit in Iubal impij Lemechi filio, qui fuit ab Adamo (eodem non compre-

benſo) ſeptimus, ſic nēpe Cainus, Chanochiu, Hiradus, Mechuael, Meibuſael, Lemechus, Iubal. Ergo ſubſiſtit in ſeptimo eius gradu. In progenie verò Sethi deſcribenda peruenit uſque ad Noachum Lemechi py ſilium, qui fuit decimus ab Adamo, ſi ipſum Adamum in eo numero complectaris, ſic nempe, Adamus, Sethus, Enochus, Kainan, Malaleelus, Jaredus, Chanochus, Maibuſael, Lemechus, Noachus, quemadmodum & Joſephus lib. 1. Antiquitat. cap. 5: & Epiphanius lib. 1. contra Hæreſes: & Auguſtinus lib. 15. Ciuit. Dei, cap. 20 etiam ſcribunt: ſed imprimis Moſes. Dēſcripto verò Adamo, nouem tantum generationes Sethi recenſentur. Addito verò Adamo in Caini proſapia, gradus ſunt octo. Nam Patres, qui eos ſolum ſeptem faciunt, etiam coniuncto Adamo, ſubſiſtunt in Lemecho impio, ad Iubalem uſque lineam non perducunt, quod tamen fieri oportuit. R. Varia ſunt variorum de hac graduum in his duabus familijs Caini, & Sethi diuerſitate philoſophamenta, ſed imprimis Auguſtini. Is enim loco iam citato præciſè ſeptenario graduū poſteritatis Caini numero inharens, ait tres poſtea illi numero adijci à Moſe, unde fiat undecim perſone in poſteris Caini, quo numero in S. Scriptura, ut idem ille vult, peccatum ſignificatur: uti per denarium numerum virtus & obedientia Dei, quoniam Lex ipſa Dei decem præceptis continetur. [Progenies ergo Adam (inquit Auguſtin.) per Cain ſcleratum vndenario numero finitur, quo peccatum ſignificatur: & ipſe numerus à ſœmina claudir, à quo ſexu initium factum eſt peccandi. Nam & ipſa filia Lemech Noema voluptas interpretatur. Per Seth

Seth autem ab Adam usque ad Noë denarius insinuat legitimus numerus.] Hæc ille subtilius meo quidem iudicio. Itaque idem eodem loco rationem aliam, & quidem probabiliorē afferi. Cur Moses in recitandis Caini generationibus substituerit in Lemecho, non à numero isto septenario, vel undenario petitam, his verbis, [Potuit autem vivente adhuc Lemech, atque regnante fieri Diluvium, ut ipsum cum alijs omnibus hominibus, exceptis qui in Arca fuerunt, quem perderet, inveniret. Et idcirco non unus filius Lemech, sicut in cæteris superius, sed plures commemorati sunt, quia incertū erat quis ei fuisset mortuo successurus si regnandi tempus inter ipsum Lemech, & diluvium remansisset.] Sic igitur piū illud Augustini pectus, ne cuiquam, quantumvis malitioso, relinqueret calumniandi verbū Dei, & hanc diversitatem, occasionem, seipsum retractavit, & veriorē illam rationem conquisiuit. Ego autem sic sentio, Plures gradus ex posteris Sethi fuisse descriptos, quòd continua successio Ecclesie à Mundo condito ad Diluvium usque pijs proponenda erat, quorū causa hæc scribuntur: uti eiusdem successio cōtinuatiōque Ecclesie Dei post diluvium ab eodem Mose seriatim narratur. Caini verò Genus usque ad Diluvium continuū non fuit enumeratum, quoniam illud à pijs sciri eatenus intererat, quatenus aliqua Dei dona, eaque egregia in eo extiterant. Quæ usque ad Noemam filiam Lemechi durarunt. Quū autem ea esse desysset: neque post diluvium hoc genus hominū superfuisset, sed in diluvio totum periisset, desyt quoque eius meminisse Moses, & seriem illius describere, utpote quod neq, propter dona

Dei, neque ad cōseruationem, neque ad propagationem futuram generis humani cognitu necessarium: amplius erat: sed potius ob scelera sua execrandum. *Q.* Cur nullius mulieris in huius posteritatis, .i. Sethi descriptione nomen additum est, quum & ibi quoq; filia sicut filij, id est, fœmina sicut mares, fuerint: & in Caini generationibus Noema filia Lemechi nominatim & disertè cōmemorata fuerit. *R.* Nequaquam id factū esse, quia inter filias & forminas, quæ ex Sethi posteris nata sunt, nulla vel verè pia fuerit (nec enim vllæ ex diluuijs seruata à Deo fuissent) vel industria mulier, qualis illa Noema, quæ propterea de nomine appellatur: sed quia ad historia seriem ea res minimè pertineret. Breuitati verò studuit Moses. Noema verò illa, quam refert Moses Gen. 4. 22. præter sexum fabricæ & officinæ arariæ intenta fuisse videtur, atque vel propterea, vel ob formā, cuius abusus postea nocuit Mundo, innotuisse. Quare non in laudem, sed potius in probrum eius meminisse Moses videtur, vti Dine filia Iacobi. Porro istius rei rationem aliam profert Augustinus, libr. 15. Ciuit. Dei, cap. 17: quam apud eum legat, qui vult: suprā nos eam exposuimus. *Q.* Cur posterius Sethi homines pijs acceperunt quedam nomina impiorum hominum, nempe posterorum Caini, vel saltem illis cum improbis istis communia quum Psal. 16. 4. ista nominū communio damnari videatur. Habuerunt autem hæc nomina communia, ut apparet toto capite 5. Geneseos, nempe [Kainā, Ch enoch, Mathusael, Lemech.] Porro [Tubal, Iubal, Iabal] nomina sibi accommodasse nō leguntur filij Sethi. *R.* Non ad morum imitationem

sumpserunt pijs nomen impiorum: sed ob egregiam eiusmodi appellationum significationem, ut hac ratione vel de sorte sua miseriâque humana: vel de suo officio commonescerent pijs. [Kainan] enim lamentationē designat, in quo vocabulo humana miseria notatur. Philo tamen [Possessionem] ut in Caino, notari putat. Ego verò potius ut in Abele, luculū, questū, & lamentationem. [Chanoth] est eruditus, ac bona disciplina imbutus, aut etiā, ut vult Philo, & alij, dedicatus Deo. Eusebius tamen lib. 7. Preparat. Euangel. cap. 3 Gratiā interpretatur. [Mathusael] mortis cupidus & sepulcri, quod conditionem homini per peccatum impositam refricat. [Lemech] est attenuatus, pauper, & deiectus, qua significatio notatioque hominis nos ad modestiā animi, sensumq; nostrā idē vias renocat. At verò [Tubal, Iubal, & Iabal] visa sunt pijs nomina nimium vel superba, vel infaustra. Quamobrem eadem sibi sumere noluerunt. [Tubal] enim est Orbis totius appetens, vel permiscens ac confundens multa: quod utrunque est reijciendum. [Iubal, & Iabal] est Perdens, siue desolans: quæ sunt infaustra nomina, quanquam Philo, & alij aliter ea interpretantur. Porro [Iared] est Subiectus, & inferior: [Malaleel] Laudans Deum: [Noachus] Quietus, seu pacem afferens, quæ sunt reliqua piorū appellationes, quorum meminit Moyses ex Setho descendentiū, Gen. 5.

Q. Quid posterī Sethi (in quibus solis ante diluviū durauit Ecclesia Dei) habuerint melius, præstantiusve, quàm posterī Cāini, quū & ipsi, sicut Cainini, sese postea corruerint, & diluuiō, ut hi, quoque perierint, paucis exceptis nimirum octo duntaxat personis, 1. Pet. 3. 20

Gen. 6. 17, & 7. 21. 22. 23. Denique quum nullius artis laus huic Sethi progeniei tribuatur: multas autē artes inuenerint posterī Caini, ut diximus, & docuit Moses, Gen 4 20. 21. R. Iosephus lib. 1. Antiquit. Iudaic. cap. 4, & ex eo postea Zonaras lib. 1. Annaliū scribunt in duobus hisce posteritatem Sethi feliciorē fuisse posteris Caini: Primum, quod quum Sethi liberi boni fuissent, felicissimē in sua terra cum patre suo Setho vixerunt, ac cōmorati sūt absque ulla vexatione. Nihil enim, ait, crudele ijs prouenit usque ad terminū vitæ. Deinde, quod idem hi disciplinam rerum cœlestium, motūque cœli & Astrorum reppererunt, quum posterī Caini in rerum tantū terrenarum cognitione versarentur, seque occuparent. Verū posterī Caini, qui fuerunt improbi, hos quoque mites homines vexarunt, & Gigātes omnia cadibus, rapinis etiam in familijs Sethi implerunt ut non videantur magis tuti fuisse, quam reliqui mortales: & quum essent posterī Caini Agricola, & Pastores, disciplināque à Patre Caino (quum ille ab Adam, uti & Sethus, acceperat) retinerent, nequaquā verisimile est eos ignorasse res cœlestes, velut motum Solis & Lune, conuersionēque Astrorū, quæ ad huius vitæ corporea cōmoditatem maximē pertinent. Sunt enim in hisce rebus filij huius seculi prudentiores filijs lucis, Luc. 16. 8. Ergo, meo quidem iudicio, nutat Iosephi sententia. In quo igitur fuit *περισσόν*, ut loquitur Paulus Rom. 3. 1, id est, præstantia filiorū Sethi? nimirum in donis Dei spiritualibus, & salutaribus. Nam quemadmodū Deus dederat posteris Caini dona terrena & caduca (qui posterī sunt fueruntque ciuitas

uitas illa terrena & mortalis. quam confert cum cœlesti & explicat Augustinus) sic bona spiritalia & salutaria dedit filijs Sethi, in quibus erat Ecclesia vera. Ergo verus Dei cultus inter eos erat ex ipsius Dei verbo & ore descriptus, nempe Sacrificia, & Sacramenta. Inter eos erant, repetebanturque articuli fidei, etsi non pleni, Heb. 6. Nam durabat memoria, repetitioq; salutaris illius promissionis Dei de futuro Messia Redemptore generis humani ex semine solius Mulieris, ac proinde fides iustificans in ea sola familia erat, Gen 6. 8: Inter eos erat donū Prophetia de vita æterna pijs reservata, de futuro Dei in impios cū uniuersali iudicio, tum etiā de diluuiō certissimē in eos enēturō, quod utrumq; prædixit pius Chanochus unus ex posteris Sethi, ut testatur etiam Tertullianus in lib. de Idololatria: item & Lemechus nascense Noacho. Inter eosdem denique posteros Sethi diu disciplina morum retenta est, & detestatio impietatis in Deum, & iniustitia in homines, ut apparet ex vita Chanochi, Lemechi py, & Noachi. qui mores hominum sui temporis dissolutos aperte damnarunt, Gen. 6. 8. 9. & 7. 13 & 8. 1, Heb. 11. 7, 1. Pet. 3. 20, Iud. epist. vers. 14. Enseb. lib 7. cap. 3 Præpar. Euangel. Perierunt tamen postea diluuiō, uti & ceteri, id est, posterī Caini, quia sese, quemadmodum & illi, postea corruperant, paucis tamen demptis, in quibus Deus suam Ecclesiam, atque illa dona sua conseruauit. Ergo omnibus modis Sethi posteritas felicior fuit, quā Caini. Q. Utrum tunc verbum aliquod Dei fuerit, extiteritq; scriptum. R. Ante Chanochi pijs ætatem nullum videtur fuisse verbum Dei scriptis literisque

mandatum: Chanocho autem ipse librum edidit, Iud. epist. vers. 14, in quo ira Dei gravissime in impios, & illius seculi homines continebantur: & in quo Excomunicatio acerbissima nimirum Anathema Maranatha, ut vocat Paulus 1. Cor. 16. 22. aduersus eos fulminabatur, atque pronuntiabatur: in quo denique homines de extremo Dei Iudicio, Vita fidelium Deo credentium aeterna, & Ira Dei in iniustos admonebantur. Sic enim nonnulli locum illum Pauli explicant, & cum vers. illo 14. Iude comparant. Videtur autem primū Dei verbum scriptum extitisse circa annum à Mando condito sexcentessimum octuagesimum septimum, nimirum post natum ex Chanocho Methuschelech, & post annum ipsius Chanochi 61: A publica verò Profanatione nominis Dei, 452. Huius autem Chanochi libri meminit Tertullianus in lib. de Idololatria, & lib. Duodecim Patriarchar. Testamentum qui vocatur, citaturque ab Origene, & Procopio, Grecis scriptoribus. Sed idem Tertullianus quoque libri Chanochi facit mentionem in lib. de Habitu Muliebri. Ceterum, quod scribunt Iosephus lib. 1. Antiquit. cap. 4, & Zonas lib. 1. Animilium, duas columnas (unam lapideam, alteram lateritiā) iam inde ab ipsis Adam temporibus collocatas, in quibus & futurum Diluvium, & quas artes quisque reperisset, erat descriptum, ac proinde scripturam ante Chanochi aetatem fuisse, hoc ex Mose probari non potest, neque ex ullo alio S. Scriptura loco. Credat tamen qui volat. Illarum enim columnarum (sed quas à Chaldeis positas dicit) meminit etiam M. T. Cicero lib. 1. de Divinat. Ioannis Annius Viterb. in Berosum. He

verò

verò differunt. & à Saturni, & à Dionysi Bacchi Columnnis, quas vocat Dionysius Alexandr. de Situ orbis: quarum illa in freto Gaditano ad Occidentem: hæc in India ad Orientem sitæ sunt. Alia quoque sunt columnæ illæ binæ, quæ in Aegypto fuerunt, ut scribit Diodorus Sicul. lib. 1. cap. 2, quarum una Isidi, altera Osiridi dedicata fuit. Q. Quomodo anni viæ Patrum illorū sunt supputandi, utrum Solares, an Lunares: mensuri, an plurium mensium, quum dicantur vixisse nongentos, octingentos, septingentos, sexcentos annos, Gen. 5. R. Eusebius lib. 8. Demonstr. Euangel. cap. 2. scribit Hebræos exegisse annum suum ad cursum Lune, qui totis undecim diebus est minor, quàm annus Solaris. Ergo supputationem illam annorum de Lunaribus, nō autem de Solaribus annis vult esse intelligendam. Augustinus lib. 15. Cuit. Dei, cap. 12. ex aliorum sententia refert annos illos fuisse decimam tantum partem nostri anni, adeo ut nongenti illius seculi anni sint ex hac interpretatione nonaginta duntaxat anni nostri. Et certè diuersam fuisse annorum definiendorum: apud diuersos populos rationem tradit Plinius lib. 7. Natur. Hist. Cæsarinus, & Solinus Polyhistor, cap. 3. Alij enim Annū solū mensium trium, alij quatuor, alij sex constituent. Diodorus Siculus lib. 1. cap. 2. scribit apud Aegyptios annum triginta tantum diebus constituisse: atque eos annos intelligendos, quum homines nonnulli dicuntur mille, vel nongentos, vel octingentos annos vixisse. Verum ut tota hæc controuersia placetur, & quomodo anni illi sint supputandi intelligatur, Augustinū, eodem illo lib. 15. cap. 14. audiamus hæc verè, & Dei verbo, & sententiæ

Mosis consentienter scribentem, [Prorsus, ait, tunc dies fuit, quantus & nunc est, quem viginti & quatuor horæ diurno curriculo, nocturnoq̃, determinant. Tantus mensis, quantus & nunc est, quem Luna cœpta & finita concludit. Tantus annus, quantus & nunc est, quem duodecim menses Lunares, additis propter cursum Solarẽ quinque diebus, & quadrante, consumant.] Hec ille, que sunt verissima. Ergo anni illi sunt Solares intelligendi: nullo verò modo Lunares, quemadmodum etiam elegantissimè alij probarunt. Iosephus autem Scaliger lib. 3. de Emendat. Temp. veterem Hebræorum annũ fuisse Solarem, non Lunarem contendit: sed aliò spectās. Vtrum verò ydem hi anni sint Politici, an Sacri, id est, à mense Thisri, vel Nisan inchoandi, in Diluvij explanatione dicemus. Sed pergamus ad alia, & de Chanochi translatione videamus.

Ad IIII. Translatio Chanochi in cælum.

Q. Quomodo hic pius Chanochus sit septimus ab Adamo, quum ab eo tantum sextus esse videatur, Iud. vers. 14. Inter eum enim & Adamum hi quinque duntaxat intercedunt, nempe Seth, Enosch, Kainan, Malaleel, Jared: tamen eum à Setho sextum facit August. lib. 15. Civit. Dei, cap. 19: & Iud. uti dixi, septimũ ab Adamo. R. Comprehendunt Iudas, & Augustinus omnes personæ, ipsumq̃, & Adamum, quĩ hunc Chanochum ab Adamo septimum faciunt: & ipsum Sethũ, ab hoc illum sextum: sic 1. Adamus: 2. Sethus: 3. Enoschus: 4. Kainan: 5. Malaleel: 6. Jared: 7. Chanochus: alioqui si hæc personæ (de quibus, quantum ille absit,

absit, queritur) demātur, erit solum sextus ab Adamo: quintus autem à Setho atquo suo Chanochn hic pius. Hic autem, qui ex Hebraica scripture ratione [Chanochnus] scribitur: ab Apostolo ad Hebr. 11. 5: Iudæ in epist. vers. 14: Epiphanio in lib. 1. Panarij seu Capsule, tum etiam in Ancorato Εὐὼχ euphonia gratiā Græcè nominatur, ne quem nominis varietas fortasse turberet. Q. - Quid in libro Chanochi istius py continebatur? R. Et increpationes improborum, & consolationes piorū. Nam & promissionem de vita æterna pijs à Deo, per & propter Messiam futurum, facillam proponebat, ac refricabat, & acerbissima Dei in impios futura iudicia commemorabat, præsertimq; internecionem eorum proximā, quæ essent iam hominum mores intolerabiles. Itaque & Idololatriam, blasphemiamq; Nominis Dei iam publicè receptam condemnabat, & scelerum morum corruptores, lasciviamque hominum tum marium, tum feminarum vitam grauius reprehendebat, ut docet Tertullianus in lib. de Idololat. & in eo, quem de Habitu Muliebri scripsit. Imò verò in eos Anathema illud grauiissimum, quod Maranatha vocat Paulus 1. Cor. 16. 22. iaculatus est, ut versiculum illū 14 apud Iudam explicant nonnulli. Huius autem libri aliquot testimonia & particulas quasdam in libro, quæ dicitur Duodecim Patriarcharū Testamentum (quem probant Origenes & Procopius) volunt extare: & existisse. Ceterum frustra iam queritur, virum inter Apocryphos, vel Canonicos liber ille sit recensendus, de quo se frustra fatigat in Tertullianum Laurent. Barræus homo (de quo affirmare non possis curiosiorne sit, an ina-

prior: utrumque enim hoc vitium summum habet, quoniam sit nefandi monstri G. Postelli compatriota, ut ipse loquitur, & de quo ipse gloriatur. Nam liber iste iam non extat: etsi γνήσιος, non autem interpolatus extaret, quum eius testimonio diserie velut veri Dei Propheta utatur Iudas, dubitandum minimè esset, quin liber ille esset inter Canonicos reponendus. Q. Cur a Deo translatus est Chanochus in tanta Mundi totius corruptela. R. Translatum quidem eum à Deo fuisse omnes affirmant: Cur autem, pauci explicant. Nam & Iosephus lib. 1. cap. 5. Anisquit. & Philo in Antiquit. Biblicis: & Zonaras lib. 1. Animal. & Hieronymus contra Iovinianum, & alij penè infiniti rem gestam agnoscunt, & id verissime, Gen. 5. Cur verò à Deo id factum sit, non docent. Certe ridicula prorsus est Hieronymi ratio, qui negat eum translatum, quia uxorem habuisset. Tam enim, ut docet Epiphanius in Ancorato, coniugatus translatus est Chanochus, quam cælebs Helias. Imo prior Chanochus coniux: posterior autem Helias cælebs: Sed & quis istos docuit Heliā fuisse cælibem potius, quam & Chanochū, & Mosē? Irenæus igitur causam istius translationis unam hanc affert lib. 5. contra Valentin. ut Deus in eo iustorum & piorum hominum in cælum translationem corpore & animo futuram premonstraret etiam præputiatorum. Id quod contra Iudeos Tertullianus & Epiphanius scribunt, uti postea in Helia eorundem piorum circumcisorum eandem fore conditionem ostendit. Hos enim duos inter se cõparat Irenæus, lib. 4. cap. 30. Tertullianus varijs in locis huius Chanochi translationis meminit, eumque candidatum eterni-

tatis

zatis vocat, velut lib. cōtra Iudeos, & de Resurrectio-
 ne carnis. Translatum autem eum a Deo in cœlū idem
 Tertullianus putat etiam ob aliam causam, nempe lib.
 de Anima, cap. 28 ut postea in hunc Mundū cum He-
 lia redeat, & suo sanguine Antichristū extinguat. Ad
 quod Augustinus quoq; lib. 20. Ciuil. Dei, cap. 29. ca-
 pituli 11. 3. Apoc. accommodat: sed omnino frustra. Epi-
 phaniam melius. Nam in Ancorato translatum Cha-
 nochum scribit, ut esset pijs etiam ante diluuium viuen-
 tibus typus & exemplū aliquod future resurrectionis,
 & falsissimi carnis nostre status. Cui sententia suffra-
 gatur Augustinus lib. 15. Ciuil. Dei, cap. 19. his verbis,
 [Huius Enoch translatio nostra dedicationis est prefi-
 gurata dilatio, quæ quidem iam facta est in Christo ca-
 pite nostro, qui sic resurrexit, ut non moriatur vltius,
 sed etiam ipse translatus est.] Cyrillus tertiam quoque
 huius facti causam affert lib. 3. contra Iulianū, sect. 6
 nempe vult eum translatum esse à Deo in cœlū, ut Deus
 hoc pacto perpetuum suum in pios & sui timentes ho-
 mines amorem quocunque tempore illi fuerint, demon-
 straret, sicque eos ad bene viuendum cohortaretur, &
 à mundi corruptione retraheret. Et hac quidem tertia
 est verissima huius translationis causa, nimirū, ut pios
 illius seculi primū, post autem etiam nascituros ho-
 mines omnes confirmaret Deus in spem & seruata illis
 propter Messiam vita æterna, quam & animo & cor-
 pore possessuri tandem sunt in cœlo. Consentit cum eo
 quod scriptum est Sapient. 4. 11. translatum Chanochū,
 ne malitia, quæ tunc in Mundo inualuerat, immutaret
 eius pietatem & animum: & ut, quemadmodū traditur

Eccles. 44. 16. esset infidelibus exemplum pœnitentiæ.
Q. Quomodo translatus est à Deo Chanochnus, verū
per mortem, an cum corpore: item, utrum visibiliter &
in conspectu omnium, an secretò & clanculū. R. E-
piphanius lib. 2. Tomo 1. contra Hereses, heresi 64 ait
Chanochnum cum suo corpore translatum fuisse: [Non
enim translatus est Enochus, ait, & reliquit corpus in
his terris, aut corporis partem. Si enim reliquit cor-
pus, ergo vidit mortem. Ipse verò cum corpore transla-
tus non vidit mortem, ut est Heb. 11. 5, Eccles. 44. 16.
Sic igitur Gen. 5. 24. verba hæc sunt intelligenda, [Et
assumpsit eum Deus.] Hoc idem ante Epiphaniū sen-
serat, scripseratq; Irenæus lib. 5: [In quo corpore, ait,
placuit Deo Enoch, in eo translatus est. Quare nequa-
quam ille mortuus est, separatâ ab eius corpore animâ,
sed mutatus est momento temporis, & iñu oculi: sicut
plerique p̃i in ipso die Resurrectionis mutabuntur, ait
Paulus 1. Cor. 15. 51: & Helias postea raptus est à
Deo, & mutatus, 2. Reg. 2. Ergo quod scribit Tertul-
lianus in lib. de Resurrect. Carnis, eum cum alijs in re-
surrectione corâ Christo appariturum, & resurrectu-
rum, verum est: quemadmodum illi quoque, qui sunt in
Mundi consummatione mutandi, resurgent. Quod au-
tem idem Tertullianus addit, eum moriturum postea,
& ante extremam resurrectionem esse, id est, morti de-
bitum persolaturū, ut loquitur ipse, & ex Tertulliano
sentit Augustinus, lib. 9. Genes. ad liter. cap. 6. id verò
falsum est. Neque enim postea morietur Chanochnus,
quemadmodum neque Helias. Ceterū quid agat, ubi
sit, & alia eiusdem generis querere curiosum est, idque
salua

salua fide Christiana ignorari facile potest, ait idē Augustinus lib. de Peccato Originali contra Celestiū. Eius tamen, ut Helie, status est felicissimus, quem sic describit Tertullianus: [Duo illi, ait, iam æternitatis candidati, ab omni vitio, & ab omni damno. & ab omni iniuria & cōtumelia immanitatem carnis ediscunt.] Et hæc quidē de prima parte questionis. De secunda verò sic est sentiendum, Eum notoriè & visibiliter, id est, in conspectu hominum, non clāculū à Deo e terris fuisse subduētum, ut res testatior etiam improbis ipsis esset, qui Deum cōtemnebant, idque ad eorum iudiciū: pijs verò ad suam consolationem. Itaque postea sedulo quaesitus est ab hominibus, quemadmodum & Helias: nec tamen ab ijs vsquam repertus, aut inuentus in terris.

Q. Quò raptus est Chanochnus, in cœlū, an in his terris substitit, ac repositus est nos latens. sicut corpus Moysi, Dent. 3. 4. R. Nonnulli existimant Chanochnum hunc raptum & sepositum à Deo fuisse in Paradiso terrestri: sic Thomas Aquinas in 3. p. 49. 5. 2. Heliam verò in cœlum aëreum, id est, in hunc aerem nobis superiorem. Verū Apostolus ad Hebræos, id est ipsa veritas cap. 11. 5, ait μετετεθην Ενωχ Quod si quis rectè intellexerit, fatebitur hunc ex his terris in cœlū .i. aliquem nobis superiorem locum a Deo raptū & translatum fuisse, ut etiam dicitur Eccles 49. 16. Ergo ex oculis hominum ablatus est, & ijs insipientibus in cœlū eleuatus, uti Helias, 2. Reg. 2. 11. Itaque ait Moses Gen. 5. 24, [Deus eū assumpsit] ut de Helia 2. Reg. 2. 9. Nec eum, quem Deus relinquit in his terris, dicitur assumere: sed quem ex his inferioribus locis in supe-

rora transfert. *Et si verò Christus in cælum post resurrectionem ascendens, in cælum supremum & beatorum ab his terris subleuatus est; Act. 1. 9: nō censuerim tamen Heliam vel Chanocho in cælum illud supremū ac beatorum siue hominum, siue Angelorū domicilium adhuc cum corpore esse receptum, in quem locū primus cum corpore ingressus est D. N. Iesus Christus, qui propterea dicitur à Paulo Primogenitus mortuorum, Colos. 1. 18.* Q. *Quando translatus est Chanochus ex his terris?* R. *A Mundo condito anno 987. A Profanatione nominis Dei anno 762. Ante Diluuium uniuersale anno 669. Nam ab Orbe condito ad Profanationem nominis Dei intercedunt anni 235: ab hac ad natum pium Chanochum sunt anni 387: ab eo nato ad eundem translatus 365. Hi omnes collecti faciunt summam 987, qui ab annis, quibus contigit Diluuium nempe annis 1656 subdueli, relinquunt 669: quo toto temporis spatio precessit hac translatio Diluuium. Errat igitur Laurentius iste Barraus, qui in Tertullianū scribit hanc translationem accidisse anno 1015 ab orbe condito. Verū ille pluribus alijs in locis dormitat, aut potius cecutit. Accedamus ad quintum nostra historia caput.*

*Ad V. Deprauatio reliquorum Piorum
per connubia cum impijs mulieribus.*

Queritur, Quid voces hæ, [Filij Dei, Filias hominum] significant ac notent. R. *Filij, Filiæq; nomen vel propriè sumitur, vel metaphoricè. Propriè*
sum-

sumptum significat eū. qui ex alterius vel tota essentia, vel semine natus est. Sic Christus est filius, & quidem solus Dei Patris, quoniā ex eius tota essentia est, Ioan. 1. 1. 2. 3. Simō Petrus fuit Bar. i. filius Iona, Math. 16. 17: quoniā ex eius semine procreatus erat. Metaphoricè quis Filius appellatur varijs modis, propterea quòd & qui a nobis affectu paterno alitur, ac diligitur, etiam non adoptatus: & qui ab alio adoptatus est in locum filij: & qui sese ad nostros mores imitandos totum comparat, [Filius noster] tropicè appellatur. Sic Epiphanius lib. 3. Tom. 3. Hares. 73. distinguit. Sic Basilis contra Eunomium. Sic vsus linguarum omnium. Ergo dum Deo paremus, nosque ad illius voluntatem cōformamus, [Filij Dei] metaphoricè vocamur, Ioan. 1. 12, 1. Ioan. 3. 1. 10. Qui verò ad Diaboli voluntatē sese componunt exprimendam ij quoque dicuntur Filij Diaboli, Ioan. 8. 44. Sic qui hominum (quatenus eorum voluntas Dei voluntati repugnat) nutum, affectus, mores, vitam improbam probāt, sequuntur, & imitantur, ij dicuntur hoc loco filij hominum. Quemadmodū contrā Filij Dei nominantur hic à Mose, qui Deum tunc piē colebant, eius præceptis obtemperabāt, & a vitiosa hominū vita sese segregabant. Ergo homines verè pijsunt ij, quos Dei Filios vocat Gen. 6. 2. Impiorum autem hominū filia. & ipse quoque impie sunt ea, quas idem ibidem appellat Filias hominū. Nec verò me latet, Iob. 1. 6, Angelos vocari Filios Dei: & alio quoq; sensu homines etiam improbos dici à Deo genitos, & alios, Isa. 1. 2. Verū hoc loco sumuntur Filij Dei, & Filia hominum eo sensu, quo dixi. Nostram sententiam

confirmat Augustinus lib. 15. Ciuit. Dei cap. 22: Cyrillus lib. 9. contra Iulian. sect. 1: Zonaras lib. 1. Annal. his verbis, [Vocat autem Dei Filios Scriptura Sethi posteros ob studium, & cultum virtutis, quo patet etiam filios Altissimi vocat eos, qui sunt virtute praediti. Hominum vero filias nominat oriundas ex Caini posteris.] Q. Virum Angeli quoque cum filiabus hominum tunc concubuerint. R. Augustinus lib. 15. Ciuit. Dei, cap. 23. ait esse impudentis hominis negare malignos spiritus, quales sunt Demones mali, (qui proculdubio sunt Angeli) posse, & solere mulieribus misceri, earumque immunditiam attentare, & libidinem peragere. Nam & Fauni, & Syluani, & Incubi Demones, & Dusi, quos Galli vocant, id efficiunt. Ex quo factum est, ut Patrum plerique existimauerint, dixerintque hinc quoque intelligendum malignos illos, & immundos Spiritum cum feminis coitum habuisse, ex quo coitu nati sint Gigantes, Gen. 6. 4. Sic Iosephus lib. 1. Antiquit. Iudae. cap. 5, licet eum excuset Zonaras. Philo Iudaeus in Antiquit. Bibl. Tertullianus lib. 5. contra Marcion. & de Habitu Muliebri: Imò etiam idem vult eas feminas (quas isti Angeli iniuerint) fuisse virgines, non viduas: atque etiam Angelos istos fuisse non adulteros. sed maritos huiusmodi filiarum & mulierum, in lib. de Velandis Virginibus. Quae opinio ex eo etiam confirmata est, quod Ethnici (ut scribit Varro apud Augustin. lib. 3. Ciuit. Dei, cap. 4) censuerunt omnes egregios viros ex Dijs natos: quae res eos commendabat. Denique hoc quoque ipsum Lactantius lib. 2. cap. 14 sentit, secutus Tertullianum. Verum refellitur hac sententia & ratione, & ex fine

ex fine Mosis. Itaque sine circumsione vocatur falsa ab Isidoro lib. 1. Etymologic. & a Cyrillo, loco, quem iam demonstrauimus. Consentit cum his Augustinus libro Quæst. in Genes. cap. 3. Ac quidē ratione confutatur, quod ex Animalium diuersæ speciei cōmixtione & coitu nihil gigni potest. Dixit enim Dominus, iussitque ut res unaqueque produceret sibi simile, & secundum speciem suam Gen. 1. 21. 24. Iac. 3. 12. Itaque in unoquoq; Animantium genere Masculum & feminam creauit Deus. At verò ex isto filiorū Dei & filiarum hominū concubitu nati sunt Gigantes, id est, homines Gen. 6. 4. Ergo ex hominis Maris & fœmine coitu concubituque isti nati sunt: non autem Angeli cum homine fœmina coierunt, quæ sunt duo, diuersaq; rerum genera, ex quibus nihil procrearetur. Nam quod videtur obici posse de Minotauro (qui, ut est in fabulis, ex Pasiphaë fœmina homine, & Tauro animali bruto, natus est) facile conuellitur. Istud enim est cōmentum poëticum falsum & fabulosum. Deinde hoc ipsum aliter interpretatur Palephatus in lib. de Fabul. Narration. At enim illud, cum quo Pasiphaë scortata est, fuisse Minois regis secretarium, qui Taurus nominabatur: non autem Taurum animal brutū. Et hæc quidem est prima superioris sententiæ cōfutanda ratio. Altera verò hæc, Quod planè pugnat cum scopo Mosis, Agere de Angelis hoc loco, quum totius huius historia finis sit demonstrare, non quid Angeli: sed quid homines in his terris versantes inter se perpetrarint, ac egerint, per quod Dei iudicium in sese prouocarunt. Q. Cur damnentur Filij Dei seu impij homines, quod filias hominum, id est, im-

pias in uxores propter formam sibi duxerint, Gen. 6. 2:
 quum forma pulchritudoque sit Dei donum, ut scribit
 Augustinus lib. 15. Ciuit. Dei, cap. 22. R. Forma
 quidem pulchritudoque corporis est Dei donum, que etiã
 in Rachele laudatur, Gen. 29. 17: & laudandum, &
 optandũ: ut & Homerus lib. 3. Iliad. & Plato in dial.
 de Pulcro fatentur: tamen huiusmodi donum est, ut illi
 pietas, iustus cultusque Dei sit preferendus. Recte e-
 nim Augustinus ait, [Sic corporis pulcritudo a Deo
 quidem factum, sed temporale, carnale, infimum bonũ
 malè amatur, postposito Deo aeterno, interno, sempiter-
 no bono. Ergo filij Dei filiarum hominum amore sunt
 capti: atque ut eis fruerentur, in amorem societatis ter-
 rigena deflexerunt, deserti a pietate, quam in sancta so-
 cietate seruabãt.] Ergo nihil in istis mulieribus specta-
 bant viri isti præter solam corporis formã, ac venustã-
 tem: non autem earum bonos mores & pietatem. Quã-
 obrem, hæc duo mala inde promanarunt: Vnum, quod
 ipsimet piij qui prius erant, per eiusmodi connubia tan-
 quam mali cõtagia euaserunt mali: (Corrumpunt enim
 bonos mores colloquia conuersationesque prauæ) & ido-
 lolatra, & impij & improbi. Id quod & Esau postea
 propter suum cum improbis fœminis coniugium euenit,
 ut esset profanus, Gen. 26. 34. Heb. 12. 16: & Solo-
 moni sapientissimo Regi, 1. Reg. 11. Itaq; meritò sem-
 per damnatũ est velut Exo. 34. 16, Deut. 7. 3. Nehe.
 13. 2 Cor. 16. 14. Iudic. 3. 5. 6, tale coniugium. Alte-
 rum malum fuit, quod qui liberi ex eo coniugio nasce-
 bantur, impiè à matribus educabantur, quarum mores
 potius imitatur filij, fiebantque & ipsi postea impij. Cu-

ius rei exemplum est *Nehem. 13. 24.* Q. Vnde ista filiorum Dei cum filiabus hominum, imò cum ipsis hominibus, id est, impijs coniunctio, copulatio, affinitasque primū nata est. R. Philo scribit in *Antiquit. Biblic.* hāc affinitatem à filijs Caini primū ambitam, ac quasi tam fuisse. Chanocho enim Caini filium coniugium sibi in domo Sethi quassisse, & ex eius filiabus uxorem sibi sumpsisse. Itaque misceri per cōiugia alios cum alijs ex eo tēpore cōpisse, nempe pios cum impijs. Verum non potuit, nisi admodū iam senex & penè decrepitus, Chanocho impius, id est Caini filius ducere in uxorem filiā ullam Sethi, qui eodem illo iam grādeuo natus est. Ego verò sentio, Primū pios ab impijs, id est, filios Sethi à filijs Caini familia, conuersatione familiari, & conuiellu, imo etiā sedibus distinctos separatōsque fuisse: idq̃, diu durasse, donec multū multiplicaretur genus humanum ipseque adeo familia ex Setho nata in varios ramos & loca diffuse disperseg̃, essent. Ex quo factū est, ut tum propter paulatim in posteris etiam Sethi labascentem pietatem (facile enim tepescere pietatis astus inter homines solet) tū propter vitæ huius necessitatem, Sethi posterī cōmercium cum posteris Caini hominibus industrijs frequētius, quā antea haberent. Erāt enim, uti suprà demonstratū est, filij Caini homines industrij, quorum ingenium admirarentur, quorūque opera & artificijs egerent Sethiani. Sic consilio Iethronis soceri sui, licet hominis infidelis, eguit, ac vsus est Moses seruus Dei, eūque secum in castris Israelitarum habuit *Exod. 18. 17.* Præterea, ut ait Paulus *1. Cor. 5. 10.* omnino nobis ex hoc Mundo esset exeundū, si cum nullo

huius mundi homine improbo cōgredi vellemus. Quandam enim cum us cōmunicationem exigit ipsa humane vitæ necessitas. Denique Homo est naturâ animal gregabile, ut ait Tullius libr. 1. Offic. Quare primum pijs cum impijs cōmercia propter eam causam exercuerūt, illisque familiares sunt effecti: tum denique instigante libidine, & formâ illa filiarum impiarū egregia & venusta eosdem vrente & rapiente, coniugia cum illis contraxerunt, seq̃ ita paulatim omnino corruperunt. Ergo nobis sedulo cauendum hodie quoque est, ne huiusmodi conuersatione & consuetudine deprauemur primum: post autem penitus corrumpamur. Q. Virum illa hominū filia, id est mulieres impia, sed formosa ex solis Caini posteris fuerint, an iam etiam quadam tales extiterint ex filiis ipsius Sethi. R. Philo in Antiquit. putat promiscuè tales ex utroque genere, nempe Caini, & Sethi, exiisse. Cyrillus lib. 9. contra Iulian. tales ex solis Caini posteris fuisse. Moses autem. Gen 6. 2. sic scribit, & quidem generaliter, [Videntes filij Dei filias hominum bonâ formâ esse, acceperunt sibi mulieres (id est uxores) ex omnibus, quas eligebant.] Ex quibus verbis videtur colligi iam tum quoque ex Sethanis nonnullas mulieres formosas quidem fuisse, sed impias, quas tamen viri Dei & pijs potius sibi cōiuges esse malebāt, quàm pias & deformes fœminas. Sic pulcritudo pietati, venustas sanctitati, color cordi ubiq̃ ab istis in coniugijs quarendis præferebatur. At nos in Domino coniugia querere oportet, quemadmodū docetur 1. Cor. 7. 39. Q. Quando ista piorum deprauatio per cōnubia cum impijs contigerit. R. Quoniam hoc pro certo

certo statuimus, *Mosen in texenda scribendaq; hac historia rationem temporis secutum.* & qua prius euerunt, priore quoque loco recitasse, sentimus hanc depravationem contigisse post translatum *Chanocho* illum, prius interiecto temporis spatio, antequam tota humani generis corruptio euenisset. Ergo hac facta sunt sub *Mathuselacho* & *Lamecho*, quoniam iam illud exemplum munerata & beanda in *Chanocho* translato hominum pietatis obsoleuisset, & ex hominum memoria penè periisset. Contigerit igitur hac depravatio priorum circiter annis à *Mundo* condito 1100: post translatum *Chanocho*, annis 120: ante *Diluvium*, annis 550. Verum ad *Gigantum* procreationem, qui ex isto coniugio nati sunt, veniamus.

Ad VI. Gigantum Procreatio.

Queritur, Quid vox *Nephilim* apud *Mosen* *Gen.* 6.4. significet. R. Nonnulli hanc vocem conuertunt [Defectores, seu Apostata] nempe qui à Dei cultu publice ac palam deficiunt, vel defecerant, uti *Iere.* 37.13. Alij vertunt, [Angeli] ut veterum Patrum tam Græcorum, quam Latinorum multi, qui hic de Angelis, non de hominibus agi putant. Tertij denique accipiunt hanc vocem aliter, conuertuntque [Gigantes:] quorum sententiam & nos quoque hoc loco sequimur. Nam sic quoq; *Numer.* 13. 34 sumitur: & in nostram sententiam transcunt *Iosephus* lib. 1. cap. 5. *Antiquit.* *Augustinus* lib. 3. *Ciuit. Dei*, cap. 4. *Cyrillus* lib. 9. contra *Julian.* sect. 1. *Isidorus* lib. 11. *Etymolog.* *Zonaras* lib. 1. *Annal.* hunc *Mosis* locum interpretantes. *Philo* verò *Iudeus* in *An-*

tiquit. *Biblic. hanc vocem non explicat. Sed imprimis*
nostram interpretationem confirmat Moses ipse, qui
hos Nephilim ait fuisse homines mortalium omnium,
qui unquam vixerunt, robustissimos, maximèque pro-
pterea apud posteros omnes celebres, & formidolosos.
Et certè conuenit huic rei vocis huius etymon & ratio.
Gigantes enim ab Hebrais multis nominibus appellan-
tur, velut [Nephilim,] quòd ad illorum aspectum cæ-
teri homines tremore cadant, tanta nimirum, tam magne
sunt statura, atq; formidabilis aspectus. Vnde idem illi
etiam [Achim] ab iisdem Hebrais dicuntur, id est, ca-
terorum hominum terror. Cyrillus loco iam citato [Fue-
runt (inquit) Gigantes potentes quidem & fortissimi, sed
aspectu valde deformi. Mos autè S. Scriptura est Gi-
gantes vocare agrestes, & feroces, & robustos. Vnde v-
niuersorum Deus de Persis & Medis Iudeam deua-
staturis dicit, Gigantes venient, ut impleant furorem
meum, Isa. 13. Non tamen secundum Græcos nos tantos
illos fuisse dicimus, ut insulas ex medio mari raperent,
& in cælum procyerent: sed fædos aspectu, & monstro-
fos, & temerarios homines.] Hec Cyrillus, quæ maxi-
mè locum hunc Mosis illustrant. Vocatur autem ydem
Gigantes ab Hebrais [Hanaquim] vel à Torque, quem
pro insigni gestabant, vel à nomine celeberrimi cuiusdā
Gigantis, qui [Hanaq] vocabatur. Dicuntur etiam
[Rephaïm] quòd ad eorum conspectum languesceret,
& velut deficerent, & obstupesceret homines præ metu.
Denique nominantur quoque [Zanhumim,] vel quòd
ingenio solertes essent, vel astuti, vel fraudulentissimi, sceler-
ratissimi, atque abominabiles, Deut. 2. 19. Gigantes
autem

autem Τηγεύς, Gracè, id est, è terra ipsa velut adhuc
 fœcunda & principio Mundi geniti. [Terrigena] La-
 tinè, quod eos, ut ait Isidorus lib. 11. Etymolog. terra i-
 ipsa parens immensa mole corporis genuerit & profu-
 derit. Et hac de voce Nephilim, & Gigantibus. *Q.*
An isti Gigantes ante Mundi diluviū vniuersale nati,
ij fuerint, quos postea sequens ætas, profanaq; vetustas. i.
idololatra homines Saturnos, Ioues, Mercurios, alijsq;
nominibus, ut ait Moses Gen. 6. 4. vocarunt, & velut
Deos postea coluerūt, Auerruncatores, & Ἀποτρίαιες.
R. Etsi multa, quæ de istis Dijs suis Idololatra nar-
 rant, ante natos homines istos Gigantes facta sunt, uti
 antea docuimus: tamen illa ipsa postea fuerunt & his
 quoque sps attributa ab idololatrijs, & superstitionis
 hominibus posteris, tum quòd quo tempore illa (quæ fa-
 cta ac inuenta fuisse audiebāt) contigissent, ignorabant:
 itaque ad homines suæ ætati viciniore, & sibi notiores
 ea retulerunt: tum ut maiorem eorum colendorum ra-
 tionem, iustiorēque habere viderentur, quum propter
 vel tot inuenta ab ijs, vel gesta, ut putabant, eos crede-
 rent habere numen ferè diuinum. Fuit igitur hæc astu-
 tissima & robustissima Diaboli seu demonum fraus, ut
 tradit Lactant. lib. 2. cap. 14 15. & 16, nempe ut sub
 istorum hominum (qui tot beneficijs generi humano tri-
 buisse videbātur, quod fecerunt Caini posteri filij impij
 Lemechi, vel qui tam formidabiles alijs hominibus vi-
 xisse noscebantur, quales Gigantes isti fuerant) sub isto-
 rum. inquam, hominū nominibus & numinibus ipsimet
 Demones colerentur. In summa, & textus Moysis, hoc
 loco, Gen. 6. 4. & Iosephi verba, lib. 1. cap. 5. docent,

Hos fuisse, quos Idololatra homines postea Saturni, Iouis, Mercurij, Vulcani, &c. Adami, Caini, Labalis, Tubalcaini, mutato nomine venerati sunt, his Gigantibus, eorum nempe filijs & posteris tribuētes ea ipsa, quae Adamus, Cainus, Labal, Tubalcainus fecerant, vel reppererāt. Ergo istiusmodi primorum parentum suorum, & primorum Mundi hominum vocabulis, sed interpolatis, sanciti, adorati, & celebres facti sunt hi Gigantes, videlicet eorum successores & posterī, quod longa aetas nomen Adami, Caini, Labalis ex hominū memoria iam deleuerat: vel quod magno astu Satan (ne rerū veritas posthac agnosceretur) eam obscurauerat, immutaratq; illas veteres appellationes & voces in nouas. Q. Cur homines isti & corpore tam robusti fuerint, quum ex prauis fœminis nascerentur, nec tam robustos homines natura, quāuis adhuc recēs, protulisset: & moribus tam prauis, quū ex filijs Dei essent procreati, quemadmodū scribit Moyses, Gen. 6.2. R. Robusti, magni, procerique corpore praeceteris etiā sui seculi hominibus fuerunt Gigantes, etsi ex fœminis nihilo, quā cetera, maioribus, grandioribus, & fortioribus nascerentur, quod Deus illi semini piorum maritorum insigniter, praeterquā reliquorū hominum, benedixerat. Deinde, quod Deus ostendere ante diluuium vellet in quam maximā corporis magnitudinem homines excrescere possunt, ut quum eos tam magnos validosque homines destrueret, maior ipsius gloria potentiaq; agnosceretur, atque etiānum à nobis hodiē agnoscat, nimirū ne viribus corporis nostri cōfisi putemus nos Deo resistere posse. Quale exemplum Deus in euertendis Chanaanis & filijs En-

cum postea quoq; edere voluit, Deut. 1. 28, & 9. 2. Denique, quòd quum filij Dei seu p̃y homines illas fœminas propter egregiam earum formã duxissent, ac ducerent, maiore vi libidinis & astu cum ijs rem habebant, & in eas irruebant. Itaque vis caloris naturalis (qui erat in virorum semine) maior erat, ac proinde magis materiã fœtus, id est, semen muliebre extendebat. Id quod ex verbis Moysi colligi posse videtur, si conferatur series narrationis, Gen. 6. 2 & 8. 4. Nam antea etsi erat recens hominum natura, tãtos tamen homines non producebat, nec p̃y tales antea suscipiebãt. Fuerunt nihilominus ijdem isti Gigantes moribus corruptissimis, primùm propterea quod eò studiosiùs à matribus impijs ad omnem nequitiam liberi isti ambitiosè informabantur, & fingebãtur, quò ex p̃ys nati erant patribus, ne quam nimirũ paterna pietatis scintillã retinerent, sed ut omnem probitatem exuerent. Ergo matrum ipsarũ, auorumq; matrum similes potius fuerunt, quam Patrum suorum. Deinde hoc fiebat. sic colluctante Satana cũ Deo, eiùsque regnum in illis familijs (ubi aliqua pietatis vestigia restabant) fortitùs expugnante, ut in his tandem penitus ipse Satan dominatum oblineret, regnum Dei extingueret, Math. 12. 25. 43, Luc. 11. 22. 26: metuens ne Deus ex ijsdem familijs sese eyceret, suũque in homines ius & regnũ reciperet & recuperaret. Præterea quòd homines illi dono Dei tam egregio .i. robore corporis ad quodvis scelus perpetrandũ absq; ullius metu abuterentur. Quare nequiores & sceleratiores ceteris evaserunt. Denique quòd impietatis, quàm pietatis vis post peccatum fortior ac efficacior in animis hominum

semper fuit, plusq; etiamnum hodie valet, ac perficit. Porro Gigantum (ne semel, aut uno duntaxat aëro, id est post diluvium in Mundo existisse credantur) facta est mentio etiam post diluvium, vixeruntque eiusmodi homines, etsi non ex istis (nam isti in diluvio extincti sunt omnes) nati, quemadmodum apparet Deut. 1. 28, & 2. 10. 19, & 3. 11, Jos. 14. 15, 1. Sam. 17. 4. Sed hæc hæcenus. Nunc ad Noachi viri piissimi natiuitatem, quæ est caput septimum huius historia, accedamus.

Ad VII. Noachi natiuitas, & Lemechi de eo Prophetia.

Queritur, Quid [Noachus] vox [Noach] Hebrais significet. R. Philo quietem interpretatur: alij cessationem. Ratio nominis est Gen. 5. 29: nempe quod ira Dei in mundum sub eo .i. illius tempore cessauit, ac quieuit post diluviū: nam dicitur Deus odoratus gratum odorem utpote sacrificium à Noacho post diluviū oblatum, atque ita Mundo placatus est Deus, Gen. 8. 21. Ergo Deus postquam hominum nequitiam aquis diluuij castigasset, & purgasset, Mundo placatus apparuit postea, subsidentibus ysdem aquis, Gen. 8. 1. 2, 2. Pet. 2. 5. Gracæ autem Apostoli ipsi cōuerterunt Nōi, Math. 24. 37, 1. Pet. 3. 20. Q. Quomodo Lemech pius pater Noachi de eo statim nato dixit, [Hic recreabit nos ab omni opere nostro] Verum extraordinaria aliqua reuelatione à Deo accepta, an ex prudenti tantum coniectura, quod pius ille vir Deum tandiu minime passurum impunitam tam effrenem hominum im-

probi-

probitatem prudenter perficeret : an ex libro potius Chanochi py, qui Dei iustitia, & Diluvium hoc ipsum hominibus sceleratis pradiisset, quasi Lemechus denuntiaret hoc ætate Noachi futurum. R. Concurrerunt hæc omnia: Primum coniectura Lemechi pia & prudens, Deum nempe, qui iustus est, tam iniustam hominum vitam nequaquam semper toleraturum esse, sed eam vindicaturū & gravissime tandem ulturum. Deinde legebatur liber Chanochi py, eiusque mina in mundū extabāt scripta, vel potius piorū memoria inhærebant. Denique Spiritu verè Prophetico (quod donum Deus dederat Ecclesie sue) prævidit, sciuitque Lemechus hic pius Noachum filium esse eum, sub quo improba illa deploratāque hominum vita castigaretur a Deo, piorūque labores in colluctando cum ista impietate subleventur. Itaque ipsi recrearentur ab illis suis laboribus, & inimiciis, quas pro retinendo Dei cultu cum impijs exercebant. Q. Quid verba hæc significant, Gen. 5.29 [Recreabit nos ab omni opere nostro] utrū indicent cessaturos postea homines ab omni opere, velut à colenda terra. R. Verba hæc [Opere nostro] mœrorem animi significāt, quem py ex Dei contemptu sentiebant. Nam ut de Lotho scriptum est 2 Pet 2.8. sic de istis pijs verum est, Illos, quum essent iusti, & habitarent inter impios istos in hoc mundo, in dies magis ac magis excruciasse animam suam videndo, & audiendo iniqua Gigantiū, & aliorum hominum nefandaq; facta. Non pertinet autem ad laborem manū hæc sententia, quasi sub Noacho & postea homines absque labore, & opere victuri essent. Illa enim. Dei in peccatum hominū

sententia, [In sudore vultus tui comedes panem tuum] manet quous tempore immota, Gen. 3. 19, 2. Thes. 3.

10. Quamobrem Noachus ipse & ante, & post Diluvium dicitur arasse terram atq; fuisse agricola, Gen. 9.

20. Q. Quando natus est Noachus. R. In historia iam dictum est. Natus enim est post mortuum Adamum primum hominem annis 120: post publicam profanationem, annis 821: ante Diluvium annis 600: à Mundo condito, annis 1056. Pergamus autem ad corruptissimum illud vite hominum genus, & modum, in quo omnis caro viam suam corruperat.

Ad VIII. Omnis Caro viam suam corruperat.

Q. Quid vox Carnis significet hoc loco, Gen. 6.

12. R. Carnis vox est πολύσημος. Nam primum significat eam substantiam à Deo creatam, qua sanguine & ossibus constat, siue ea prædita sit anima λογική, siue αλόγω: siue etiam anima ex eadem excesserit, Gen. 6.

19, & 7. 21. Sic volucres, sic animalia bruta sic pisces, ut ait Paulus, carnem habent, 1. Cor. 15. 39. Secundo loco Carnis significatio restringitur ad hominem Psal. 78. 39, uti etiam Creature nomen, Marc. 16. 15. idque κατ' ἐξοχήν. Denique Caro μετωνυμικῶς pro corruptione, & vitio, quod carni inhaeret, sumitur. Sic Caro dicitur pugnare aduersus Spiritum Gal. 5. 17. opera carnis esse mortificanda: & similes phrasæ inde profecta Rom. 8. 12. Hoc verò loco [Caro] pro solis hominibus accipitur siue masculis, siue fæminis. De ijs enim solis loquitur Moyses, quum ait, [Et Omnis caro corruperat viam

viam suam. Nec enim peccatum in pecudes (quum careant ratione) cadit, nec illa Deum offendunt, nec ab instituto præceptoq; Dei recedunt: sed homines soli sunt coram Deo rei peccati, & propter eos solos Diluvium in mundum immissum est, Rom. 8. 20, quod tamen pecudes extinxit. Quod quàm iustum fuerit fieri, postea suo loco demonstrabimus. Q. Quid hac verba significant, [Corruperat viam suam, Gen 6. 12.] R. Usa hac non est via pedum, quanquam additum est, [viam suam super terram:] sed via morū uti & alibi sæpè [Via, iter, semita] sumitur pro moribus, ac vita ratione in S. Scriptura. Sic Isa. 40. 3, Math. 3. 3 Ioā. 1. 23. Quum sit enim vita hac nostra velut quedā peregrinatio, uti est 1 Pet. 2. 11, rectè nostra in ea actiones dicuntur [Via.] imo ipsamet tota vita nostra rectè Via nominatur. Quamobrem & nostrum erga Deum officium, & erga proximos, Via dicitur: quod utrunq; homines illius seculi prorsus deprauauerant, non modò illud negligentes, verum etiam omnia cōtra suum officiū impune & palàm perpetrantes. Ergo hīc [Via] vitam & officiū significat. Q. Quid sibi vult Moses, quū ait, [Omnis caro corruperat viam suam coram I E-HO V A] Virum Hypocritas tantū eos appellat? R. Illius tempestatis homines non tantū hypocritas, & occultè malos, palàm autem & in speciem viros bonos fuisse significat Moses: sed etiam manifestè, & absq; ullo pudore (quem proieceraut) & ullo vel Dei vel hominū metu impios, & improbos fuisse declarat. Addit enim ibidē eosdē violentos, & iniuriosos inter se fuisse. Nam Dei quidem metus omnis post publicam nominis

ipsius Profanationem ex hominū mentibus abscēsserat:
 Hominum autem timorem, & talionis metum (si quis
 reliquus post illā profanationem inter homines fuerat)
 excusserat ex eorundē animis, Exemplum, & Audacia
 Gēgātum, quos alij quoque homines imitari, & probare
 iam pridem cōperant. Quāobrem etsi hac verba [Co-
 ram Iehoua] sapē hominum hypocrisi & occulta mali-
 tia opponuntur (qui externis operibus nihilominus ap-
 parent sancti) veluti Luc. 1.6: hīc tamen quoduis genus
 improbitatis tum occulta, tum manifesta (quam Deus
 condemnat) declarat. Tales enim & tam improbi fue-
 runt homines isti, de quibus agit Moyses, ut neque in ex-
 ternis, neque in internis operibus iam à Deo tolerari
 possent. Sic passim hac phrasis sumitur pro Manifestè
 quidpiam agere, 1. Reg. 8.62, & 9.3.4. Q. Ec-
 que fuerit ista hominum & morū corruptio tanta, pro-
 pter quam Deus in vniuersum mundum diluuium im-
 miserit, Gen. 6.3.13, & propter quam Deus tam gra-
 uiter omnibus hominibus, imo rebus iratus fuit, qui ta-
 men est patientissimus. R. Nonnulli hanc hominum
 corruptionem ad solam violentiam, .i. vim & iniuriā,
 quam homines alij alijs armis inferebāt, restringunt &
 referunt, propter versiculū undecimum cap.6. Genes.
 Philo in Biblic. Antiquit. ad scortationem publicā re-
 fert, quā exemplo impij Lamechi exercebant homines,
 ait. Alij ad fœdissimum illum concubitum masculorum
 cum masculis, & fœminarum cum fœminis, qui contra
 naturā est, vocatūque Sodomia. Epiphanius videtur
 reuocare ad Magiā, & veneficia, quae tunc exerceban-
 tur. Sic scribit in Panario: nec ab eo abludit Laetan-
 tius

rius lib. 2. cap. 16. Verum alij, & quidem melius, aliter, latiusq; hanc corruptionem interpretantur: Et primum quidem Philo Iudeus lib. 1. Antiquit. cap. 5. tum de publica & omnimoda hominum in Deum impietates tum de publica & impunita aliorum in alios iniustitia summa corruptionē istam accipit, his verbis, [Deinde, ait, tempore procedente de paternis pietatis studiis ad mala progressi sunt filij, neq; legitimos honores ulterius prabentes Deo: neque circa homines iustitia verba facientes: sed Zelum virtutis, quem prius habuerant, in duplam malitiam conuertentes, eamque per ea, que agebant, demonstrantes.] Cyprianus in lib. de Spiritu S. de illius ætatis moribus sic scribit, [Bestiali petulantia effrenes erant homines: nec diuinos, nec humanos aspectus in flagitijs verebantur.] Gregorius Turonensis lib. 1. Histor. Addo Viennensis in prima Mundi ætate cum eo utriq; consentiunt. Et generaliter Tertullianus lib. de Monogamia ait, [Iniquitates diluuium prouocauerunt.] Et certè vera est hæc sententia confirmatūq; verbo Dei. Primum enim illius seculi homines manifeste impietatis damnantur, & impij appellatur, 2. Pet. 2. 5: imò Mundus ille totus, dicitur Mundus impiorū. Deinde vocatur auctō Immorigeri & rebelles Deo, 1. Pet. 3. 20, id est, in omnibus illius præcepta spernentes: Præterea iniurij & violenti alij in alios Gen. 6. 11. Denique dissolutissimi omni modo & vita genere, & intemperantissimi fuerunt, ut à Christo ipso pronuntiatur, Math. 24. 37. In summa, fuerunt istorum omnium (paucissimis exceptis) hominū tunc mores, quos Paulus eleganter describit, Rom. 1. his verbis ad eam maxime

atatem respiciens, [Vt qui veritatem, ait, mutarunt, in mendaciū, ac seruerint rebus creatis, praterito creatore, qui est benedictus in secula. Itaque eos tradidit Deus fœdis affectibus. Nam & fœmina illorum mutarūt vsum naturalem in eum, qui est prater naturam: similiterque etiā masculi, relicto naturali vſu fœmine, exarserunt sua libidine alius in aliū, masculi in masculos fœda perpetrantes, oppleti omni iniustitia, scortatione, improbitate, auaritia, malitia, pleni inuidia, cæde, contentione, dolo, malignitate, susurrones, obtreclatores, Dei oſores, contumeliosi, superbi, gloriosi, inuentores malorū, parentibus immorigeri, desipientes, fœdis fragi, charitatis expertes, implacabiles, immisericordes.]

Quod vita sceleratissima genus postea Sodomita repræsentarūt, & effinxerunt: & post eos Gabaonite, Gen. 19, 2. Pet. 2.6, Iuda vers. 7, Iudic. 19: inter quos fuit effrenis peccādi licentia. In summa, omnis impietas, iniustitia, & intemperantia inter eos locum habuit: que vitia inter pios exulāt, Tit. 2. 12, vt mirū non sit postea tantam fuisse iram Dei in genus humanum vniuersum.

Q. Quibus tandem gradibus tanta hominū nequitia irrepsit, & obtinuerit. R. Iam quidem ex parte fuit a nobis explicatū. Nec enim cœpit illa tam nefaria hominū vita demū centum duntaxat viginti annis ante Diluuium, vt nonnulli tamen existimant ex Gen. 6. 3. sed perperam. Quid ergo? Longè antea, & statim post peccatum primum primi hominis illa mali labes cœpit, & serpsit. Ergo malum hoc tam fœdum concipitur in corde hominū, velut in aluo, ab illo, vt dixi, primo primi hominis peccato vsque ad publicā nominis Dei profana-

fanationem, Primum per fratricidium Caini: Deinde per stuprum Lemechi: præterea per posterorum Caini audaciam & superbiam, usque ad publicā nominis Dei profanationem per annos 135. conceptum iam hoc malum omnibus suis membris corruptissimis & foedissimis postea formatur, & augetur in hominum corde, & voluntate, tanquam in aluo pregnantæ, nimirum à Profanatione illa nominis Dei usque ad tempora natiuitatis Gigantum, & ad piorum ipsorum deprauationem per cōnubia cum impijs mulieribus per annos 872. Aeditur in lucem, & per opera, omnis generis hominum externa apparente & erumpente, cœpit post Gigantes natos annis circiter 120: Et ante natū Noachum ex pio Lemecho, annis quoque 127. Videtur enim Deus tot annos nempe 120 dedisse hominibus ad resipiscentiam, quotannis corruptissimum illud vitæ genus cœpit manifestè in mundum introduci, & edi ab hominibus, atque inualefcere, maximè verò in omnes mundi partes exundauit, sparsus, confirmatus, immedicabiliterque corroboratus est hic publicus morbus post natiuitatē Noachi, & ante susceptos ab eo liberos. Regnat igitur & grassatur in mundo ab ista editione sua hoc malū usque ad Diluuiū à Deo immissum penè per totos annos 727 ab ista cōfirmatione 500 annos, per quos Deus illos homines manifestè sceleratissimos patientissimè tolerauit. Et hac quidem mea est sententia de gradibus, quibus hoc malū obtinuit. Tertullianus autem lib. *Monogam.* sic eos explicat, ut fratricidium Caini esse velit primū gradum ad Diluuium, & iram Dei in mundum prouocandā. Deinde scortationem, siue violationem coniugij,

quæ à Lamecho impio facta est. Demum ultimū gradum fuisse reliquas mundi iniquitates. Epiphanius lib. I. contra hæres. hos gradus recitat, & enumerat, Τέτε Ἀδάμ παῖς Σήθ, ὧς δὲ τέτε Ἐνὼς: καὶ κατὰ διαδοχὴν Καϊνὰν, Μαλαλεήλ, Ἰαρέδ· ὧς δὲ ἡ ᾠδὸς ἡ εἰς ἡμᾶς ἐλθῶσα ἐν ταῦθ' ἠρᾷ το ἡ κακοῦ καὶ κακία ἐν κόσμῳ γίνεσθαι, καὶ ἀπ' αὐτῆς μὲν διὰ τῆς ᾠδῆς Ἀδάμ ᾠδῆς καὶ ἑπειτα δὲ διὰ τῆς ᾠδῆς Καϊν ἀδελφοκτονίας· νῦν δὲ ἐν χρόνοις ᾠδῆς Ἰαρέδ, καὶ ἐπέκεινα φαρμακείας, καὶ Μαγείας, Ἀσέλγειας, Μοιχείας τε, καὶ ἀδικίας. Οὐ γινώσκω τις ἐτέρας, το δόξα κατηλλαγμένη, ἀλλὰ μία γλῶσσα καὶ γένος ἐν ὅπῃ γῆς κατ' ἐκείνο καιρὸν ἐσπαρμένον, id est [*Adami filius Seth, filius autem huius Enos, & per successionem Kainan, Malaleel, Jared. Quemadmodum autem veteri traditio habet, quæ ad nos usq; pervenit, ex eo tempore cœpit in mundo esse malorum omnium inuentio, quæ quidem ab Adami peccato primū orta fuerat, postea verò per fratricidiū Caini: nunc autem temporibus nempe Jared & postea viguit Veneficiū, Magia, lascivia, scortatio, & iniustitia. Nec enim tunc sententiæ hominum diuersæ erant, non erant variæ opinionēs: sed una omnium lingua erat, unum genus hominum in terris tunc erat sparsum.*] Ex quo apparet eo ipso homines sese facilius corripisse exemplis, & conuersatione cum alijs, quòd omnes tunc essent unius labij (uti loquitur Scriptura) & lingue, & alij alios scelera docerent: & oratione, uti & vita sua, ad malum alij alios inducerent. Ado Viennensis denique in prima ætate sic scribit, [*In Cain, & Abel duorum populorum esse figuram Iudeorum, & Christianorum, ubi sacrificiū maioris respuitur, & minoris placitum consumitur: electo-*

rum multitudinem ad veram & aternā dedicationem transferendam, & homicida filios via sue ordinem corrumpentes, & iusto & manifesto iudicio omnipotentis Dei intercipiendos.] Q. Vtrum hoc vita tam corrupta ac dissoluta genus ab Epiphan. lib. 1. heres. rellē Bap̄tae quōd appellatur potiūs, quā Συδοι quōd. R. Quum pius ille pater ex loco Pauli, Colos. 3. 11. totam aetatem Mundi, quæ à prima eius creatione ad Christi Domini nostri resurrectionem præcessit in quatuor exor̄as, & partes diuidere instituisset, vocauit Barbarismum totum illud seculum, quod à mundo condito fluxit ad Diluuium. Scythismum, à Diluuiō ad Phalecum, usque, & Tharam patrem Abrahami. Hellenismū seu Gracismū, à Thara aetate usque ad Legem à Deo Moysi datam in monte Horeb. Deinde Iudaismum, à Lege data ad Christum. Ergo Barbarismū ea de causa totū hoc tempus nominat, [quòd (ut ait idem) homines toto illo seculo neque unum quendam Principem & caput haberent, neq̄, consensum Lege vlla firmatū: sed qui vis sibi præscribebat, & lex erat pro animi sui arbitratu.] Quod barbarorū hominum proprium est. Q. Vtrū Deus in hoc tam corrupto vita genere inter homines & liberè, atq̄, impunè grassante, mundum diuinā sua providentia & sapientia rexit. R. Regebat etiam tunc Mundum Deus & sapientiā, & providentiā suā: sed homines illos incredibili quadam patientia tolerabat, & expectabat, si fortè resipiscerent, ut est 1. Pet. 3. 20 2. Pet. 2. 5, Rom. 2. 4: nimirū ut hac ratione redderet eos inexcusabiles. Fuit igitur summa Dei potentia potuisse Mundi huius statum aduersus tantum sce-

lerum in dies crescentium impetum conseruare tamen firmum, & in tanta hominū aliorum in alios violentia efficere, ut & multiplicarentur, & superessent homines. Fuit summa eiusdem Dei Sapientia tot hominū conatibus impijs & iniustis obuiam ire, eorūque effecta sistere, ne omnia subuerterent. Fuit summa misericordie Dei tam prauos & immorigeros homines tamen in his terris alere, & Solis, Luna, ac Terræ vsum illis relinquere, ac largiri. Fuit denique summa eiusdem iustitia ad eos per sua ipsorum peccata coercendos tradere eos ipsos suis cupiditatibus, & diu toleratos semel postea funditus delere. Ergo Mundus tunc quoque Dei providentia regebatur, vti & nunc. Sed veniamus ad denuntiationem primam futuri Diluuij Noacho a Deo factam. Historia temporis ordine sequitur.

Ad I X. Denuntiatio prima futuri Diluuij à Deo facta Noacho.

Queritur, Virum Noacho nati sint filij, quos commemorat Moses ante primam hanc Denunciationem futuri Diluuij diserte à Deo illi factā, Gen 6. 3. R. Nequaquam. Nam precessit hec Denuntiatio prima futuri Diluuij, que à Deo facta est Noacho, natiuitatem triū Noachi liberorū, quos recenset Moses Gen. 5. 32, & 6. 10. Facta est enim hac predictio Noacho anno ætatis 480. annis nimirū 120 ante diluuium Gen. 6. 3. Nati verò sunt Noacho primū liberi anno eius 500 ut apparet Gen. 5. 32. Ergo intercedunt anni 20. totī inter virumq; tempus. Q. Quomodo sunt intelligendi

gendi illi 120 anni, quos fore dies hominis pronuntiat Deus in illa Denuntiatione futuri Diluvij, Gen. 6. 3. R. Pleriq; sic eos annos acceperunt, quasi hominū vita esset in posterum atque in ætates sequentes tantum 120 annorum futura, eamque metam Deus futurorum hominum vise præscripsisset, & præfixisset, quoniā illi ob superiorem longevitatem peiores, deterioresque effecti fuissent. Nam illi sese antea putabant ob diuturnū vitæ tēpus futuros hic immortales. Sic Iosephus lib. 1. Antiquit. cap. 5. Philo lib. 1. Antiq. Biblic. Lactantius lib. 2. cap. 13. Instit. Christi. Zonaras lib. 1. Annal. & pleriq; alij. Verum Augustinus, & ante eum Hieronymus aliter. Sic enim ille lib. 15. Civitat. Dei, cap. 24. [Erunt dies eorum centum & viginti anni, nō sic accipiendum est, quasi prænuntiatum sit posthac homines 120 annos vivendo non transgredi, quum & post Diluvium 500 excessisse annos inueniamus.] Quid igitur? Hos annos 120 dedit illi sæculo, quantumvis corrupto, Deus concessitq; ad resipiscendum, si fortè homines illi cor haberent. In quo apparet incredibilis Dei in malis tolerandis patientia: ob quam magis illi reddebatur inexcusabiles, nempe tot annis à Deo expectati & sollicitati, 1. Pet. 3. 20. Hac autem est Prima Denuntiatio Diluvij, qua Noacho à Deo facta fuit, nimirum anno 480. maturè, ut suum exitium impij & præscirent, nisi resipiscerent: & cauere tam seriò à Deo moniti. Sed Moses à Deo totius ditionis narrat Deum apud se de Hominiū improbitate stomachatū: deinde quid propterea facturum esset, Noacho denuntiasse, Gen. 6. 3. Q. Vtrum eam pœnam futuram annuntiaris improbis homi-

nibus Noachus, an siluerit. *R.* Eam pœnam, iustitiamque Dei futuram Noachus publicè palàmque hominibus illis impijs & iniustus intrepide, liberè, & constanter denuntiavit, & quidem sapè sapius, & per totos illos 120 annos. Itaque dicitur *Præco iustitia Dei*, 2. *Pet.* 2. 8. Deus immorigeris illis per Noachum seruū suum fidelissimum iam tunc dicitur predicasse, 1. *Pet.* 3. 19. 20. Dicitur denique Noachus mundum & conuincendo de futura Dei ira, & Arcam edificando condemnasse, *Heb.* 11. 7. Ergo in sinu tacitus illam denuntiationem sibi à Deo factam non tenuit, non occultauit metu mortis: sed ut *Propheta summi Dei constantissimus*, ut *Athleta Dei inuictus eā euulgauit*, & homines per tantum tempus ad pœnitentiā inuitauit, ipse fidem habens Deo de ijs rebus, que nondum, vel spe quidem tenuissima, apparebāt, *Heb.* 11. 7. Quare Noachus inter præstantissimos Dei seruos & Prophetas ab *Ezechiele* recensetur, cap. 14. 14 20, *Eccles.* 44. 17. 18. *Q.* Virum illius sæculi homines respuerint ad eam Noachi predicationem. *R.* Minimè verò. Imo cōtumaciores etiam facti videntur, quā illa Dei iudicia sibi denuntiata statim euenire neque cernerent neq; Dei duram illam manum experirentur homines illi superbi *Math.* 24 37. 38, *Luc.* 17 17, 1. *Pet.* 3 20. Itaque liberè viris suis, ut antea, indulgebant. *Q.* Virum, quā non emendarentur homines, Noachus ex ea terra, & ab ijs hominibus cum liberis suis fugerit, cum quibus prius erat, quibusque predicauerat, ob mortis metum, quænam modū scribit *Iosephus* lib. 1. *Antiquit.* cap. 5. *R.* Nusquam hoc in Dei verbo extat, estq; *Rabbinicum*

nicum commentum, ut plerâque alia apud eundem auctorem. Prætere a facit ea sententia summam vero Dei Propheta Noacho iniuriâ, quem fingit timidum. Denique quum omnis caro corrupisset ubique viam suam, & tota terra, uniuersaq; Orbis partes plena essent violentia, ut est Genes. 6. 11 & 12, quò fugisset, quòve se recepisset Noachus, ubi eadem nō timeret, nempe mortem ab improbis, qui supra totius terra faciem sparsi, & immanes erāt, & violenti? Nusquam enim tutus ab ijs futurus erat. Q. Quomodo Deus pœnitere dicatur, Gen. 6. 7. R. Ἀνθεροπαθὴς, & phrasi ex hominum moribus sumpta, quomodo & Irasci, & Videre dicitur, Augustinus lib. 15. Cinit. Dei, cap. 25.

Q. Cur Deus minatur se animalia bruta perditurum quoque in diluuiio Gen. 6. 7, & 17, quod & postea euenit Gen. 7. 21, 22, quum illa minimè peccassent, sed homines soli Gen. 6. 13. R. Augustinus lib. 15. Cinit. Dei, cap. 25 ait, [Quòd autem etiâ interitum omniū animalium terrenorum, volatiliūque denuntiat, magnitudinem futura cladis effatur. Nam animantibus rationis expertibus (tanquam & ipsa peccauerint) minatur exitium.] Iustè verò & Animantia terrena, & Volatilia propter hominum peccatum extinxit Deus, quòd ea res essent hominis, & hominum vel alendorum, vel delectandorum, vel adiuuandorum gratiâ condite à Deo. Ergo quemadmodū in crimine lese maiestatis humane non ipse duntaxat auctor sceleris: sed etiam eius res omnes bonæque meritò ad tanti criminis fœditatem demonstrandā puniuntur, ac perduntur: sic, & quidem multò æquius, in crimine lese maiestatis diuine: in quod

flagitium inciderant illius seculi homines omnes. *Q.*
Q. Cur Terra ipsa, in qua homines illi habitabant,
 etiam & ipsa polluta quoque dicitur Gen. 6. 11: quum
 sit Terra brutū & sensu carens elementum. *R.* Quū
 hominibus destinata sit à Deo terra, velut eorū domi-
 cilium, Psal. 115. 16, certè prout homines ipsi terra cu-
 iusque incole sunt aut puri, aut impuri: aut sancti, aut
 polluti: sic terra quoque ipsa, in qua sunt, pura vel im-
 pura, sancta vel polluta est, & à Deo benedicitur vel
 maledicatur, ut est Psal. 107. 34. Dent. 28, Leuit. 18
 25. 28. Sed iam ad X. historia nostra caput, quod est
 de natiuitate & serie filiorum Noachi, accedamus.

Ad X. Natiuitas filiorum Noachi.

Queritur, Quid vox [Genuit] significat, quū Gen.
 5. 32 dicitur, [Postquam autem natus fuit Noachus
 500 annos, genuit Semum, Chamū, & Iaphetum.]
 Verum omnes istos uno & eodem anno suscepit ex u-
 xore sua Noachus. *R.* Nequaquam, uti ex Gen.
 11. 10, & 10. 21 apparet. Ergo Genuit, id est, Gi-
 gnere cœpit, uti sumitur Gen. 11. 26. Id quod Fran-
 ciscus Iunius in annotat. suis in Genes. primus observa-
 uit. *Q.* Ecquis inter tres istos Noachi filios fuerit
 primogenitus, & quo quisque eorum ordine natus sit
 Noacho, quemadmodum ex Mose colligi potest. *R.*
 Matheus Beroaldus in Chronicis vir diligentissimus
 primus id annotauit lib. 3. cap. 2. probatque Iaphetum
 fuisse liberorum Noachi natū maximum, uti dicitur
 Gen. 10. 21, qui natus sit anno ætatis Noachi 501: Se-
 mum verò secundum natū esse, utpote qui natus sit anno
 Noachi

Noachi 502, Gen. 11. 10. Chamum denique natu minimum ex istis tribus fuisse. Id quod diserie scribit idem Moses Gen. 9. 24. Itaque filij Iaphethi veluti primogeniti recensentur primo loco, Gen. 10. 1. 2. 3, quos nempe suscepit post diluvium Iaphethus. Q. Cur igitur Semus semper prior nominatur Gen. 5. 32, 6. 10, 10. 1. R. Non propter prerogativam ætatis, quoniam eo maior annis esset Iaphethus: sed propter prerogativam dignitatis & electionis Divina. Ille enim nempe Semus fuit Electorum, & Ecclesie Dei post diluvium parens, Gen. 10. 10, & deinceps. Sic Abrahamus inter filios Thara primus non ratione ætatis, sed dignitatis in eum à Deo collata recensetur, Gen. 11. 26. Nachor enim primogenitus fuit inter filios Thara, Gen. 12. 1. Q. Cur nomen uxoris Noachi non additur, ex qua homines restituti sunt, uti Eva nomen supra commemoratum fuit .i. eius mulieris, ex qua primum genus humanum satum fuit: quum ex hac uxore Noachi, & ex Noacho ipso perinde omnes homines propagati fuerint, uti ex Eva & Adamo primum progeniti erant. R. Propterea quod non ex sola femina & Noacho totum genus humanum propagatum fuit, ut ex solo Adamo & Eva: sed etiam ex nuptibus & filiis ipsius. Idcirco idem privilegium, eandemque prerogativam (ut vel hac nominaretur, vel etiam ille filiorum Noachi uxores) non obtinuit, neque nuptes ipsius quoque. Erga pretermissa sunt à Mose omnium earum nomina: neque etiã ea habet Philo Judæus. Verum Epiphanius hares. 26 putat nomen eius fuisse Bapthenos: At Gnostici Noriã vocant: alij verò Pyrrham. Apud Berosum tamen sic nominantur, Ty-

thea magna Pandora, Noela, & Noegla, quatuor illa. Caterum his expositis, ad caput undecimum huius historiae veniamus. Est autem Præceptum Dei de fabricanda Arca, propter iam iam instans diluvium.

Ad XI. Præceptum Dei de fabricanda Arca Noacho factum.

Queritur, Quando Deus Noacho præcepit, ut Arcam fabricaretur, utrum totis centum viginti annis ante diluvium, an sub finem duntaxat illorum 120 annorum? R. Videtur nonnullis ex Hebr. 11. 7. Arca cœpta primum edificari à Noacho anno 120 ante Diluvium, & per totum illud tempus cōtinuata, tandemq; perfecta. Augustinus lib. 12. contra Faust. cap. 18. censet per cētum totos annos fuisse fabricatam à Noacho. At series historia à Mose conscripta videtur id refutare, quum aliud tempus discretè statuatur prime Diluvij denunciationis à Deo factæ, & Præcepti de Arca construenda editi, Gen. 6. 7. 13. Illud enim lōgè prius, hoc posterius fuit. Imo verò ex Berosi cuiusdam fragmentis apparet Arcam hanc annis tantum 78 ante diluvium edificari cœptam. Verum dixerim ego, quem admodum ex ipsis textus verbis colligitur vers. 13, tū demum Noachū iussu de Arca edificanda accepisse, quum instaret finis omnis carnis .i. quum propinquum iam esset diluvium, paucis nimirum omnino annis antequam pluvia illa è cœlo deciderent. Sic quoque Philo in Antiquit. Bibl. Nec enim Deus hoc opus tandiu languere & trahi voluit. Antea tamen Noachus & mun-
dum

dum condemnabat, & de futuro Diluvio concionabatur palam, & publicè prout à Deo ipso iussus fuerat. Porro, *Virum tres tantum filij cum patre Noacho hanc Arcam edificarint, incertum est. Verisimile est adhibitos quoque ab ys fuisse alios operarios, & coadiutores etsi disclū est Noacho ipsi.* [Fac tibi] Gen. 6. 14. quicquid disputet *Augustinus libr. Quæst. in Genes. cap. 5.* Sed operarij illi in Arcam tamen non intraverunt, quoniam minas istas Dei veras esse non crediderunt. Ergo fide caruerunt, quam Noachus & filij eius habuerunt.

Q. Cur eiusmodi vas & edificiū tantū Arca, Thebas Hebraicè, Gracè λάρβαξ vocatur: nō autem Navis, vel navigium, quū in aquis versaretur, & navigiū ad gratiā constructum esses, phraimque. R. *Iosephus lib. 1. Antiquit. cap. 5. eam generaliter vocat μνηστέριον, & arte cōfectam structuram aßerum & camerarum. Sacra verò Scriptura in nouo Testamento ubique κιβωτόν, i. Arcam, uti Heb. 11. 7, 1. Pet. 3. 20. Epiphanius in Ancorato [Aron] Hebraicè dici putat, eamq; vocem ipse conuertit Gracè λάρβαξ. Verūm Hebræi vocant, [Thebat] quam vocem à nomine [Aron] differre scribunt. Nam Aron significat generaliter Arcam, & telam undique structuram quamvis, qualis fuit Arca Sanctuarij. Thebat autem eam Arcam tantum seu structuram cuius usus est in aquis. Sic Exo. 2. 3. Alij igitur hoc nomen vertunt Tectum navigium, à forma. Ex lignis autē Gopher exstructa est Arca, id est, cedrinis, ut interpretatur Philo, quæ putrescere non solent in aquis: sed in illis robur suum integrum seruāt. Albinus Præceptor Caroli Magni in Quæst. in Genes. ass. [Li-*

gna leuigata, de quibus Arca precipitur fieri fuerunt
 fortia, & indissolubilia: denique quadrata, ne Arca vi
 ventorum, aut aquarum impetu solueretur. Bitumine
 quoque illi inbetur, quod est feruentissimum & vio-
 lentissimū gluten, cuius hac est virtus, ut ligna eo oblita
 nec verminibus exedi, nec Solis ardore, nec fluctibus ven-
 torum, nec aquarum possint inundatione dissolui.] Cur
 autem hoc tectum edificium non appellatur Nauss ra-
 tio est, ne videretur Deus Noachum, eiusque familiā
 in ea Arca seruare velle ordinario modo, & quo solent
 homines in nauibz velo, & remis instructi incolumes
 per medias aquas euadere. At hoc vas & edificium nihil
 tale habuit, non vela, non remos, non remisges, non ruden-
 tes, aut ullos funes nauticos, non anchoram, qua regere-
 tur: sed his omnibus destitutus Noachus in medijs ta-
 men aquis & tempestatibus illis magnis per annū saluus
 & incolumis à Deo miraculosè, & extraordinariè ser-
 uatus est. Ergo non iubet Deus nauem edificari, quæ
 media & instrumenta navigationi apta haberet: sed a-
 edificium quoddam, & illud quidem in, imo seu fundo
 planum, quod omnium nauium exstructioni repugnat.
 Habent enim naues fundum desinens in angustum: in la-
 teribus diffunduntur. Arcam verò eā appellauit Deus
 à forma & usu, quod in ea, velut capsula & sepulcro.
 tus tamen lateret, ac versaretur Noachus. Q.
 Cur has dimensiones, quas cōmemorat Moses, Arca ha-
 buit, videlicet 300 cubitos in lōgitudine: 50 in latitu-
 dine: 30 in altitudine? R. De harum dimensionum
 significatione Patres anxie quesuerunt, & cur easdem
 hac proportionē habuerit: imprimis autem Origenes.

Tan-

Tandem verò Augustinus lib. 15. Cinit. Dei, cap. 26. sic eas exposuit, [Arca (inquit) in quam Noachus ingressus est, proculdubio figura est perigrinantis in hoc seculo cinitatis Dei, hoc est, Ecclesia, quæ sit salua per lignum, in quo pependit Mediator Dei & hominū homo Christus Iesus. Nam & mensura ipse longitudinis, altitudinis, latitudinisque eius significant corpus humanū, in cuius veritate ad homines prænuntiatus est venturus, & venit. Humani quippe corporis longitudo à vertice vsque ad vestigia sexies tantum habet, quàm latitudo, quæ est ab vno latere ad alterū latus: & decies tantum, quàm altitudo, cuius altitudinis mensura in latere à dorso ad ventrem: velut si iacentē hominem metiaris supinum, seu prorum, sexies tantum longus est à capite ad pedes, quàm latus à dextra in sinistram: & decies quàm altus à terra. Vnde facta est Arca trecentorum in longitudine cubitorum, & quinquaginta in latitudine, & triginta in altitudine. Et quod ostiū in latere accepit, profectò illud est vulnus, quādo latus crucifixi lancea perforatum est. Hæc quippe ad illum venientes ingrediuntur, quia inde Sacramenta manarunt, quibus credentes iniantur. Et quod de lignis quadratis fieri iubetur, undique stabilem vitam Sanctorum significat. Quacunque enim verteris, quadratum stabit. Et cætera, quæ in eiusdem Arce cōstructione dicuntur, Ecclesiasticarum signa sunt rerum,] quemadmodum idem Augustinus explicat lib. 12. contra Manich. cap. 14. 15. 16. 17. 18. Ceterum ut, quod ipse sentio, pronuntiem, & aperiā, sic dico, Rectè quidem Arcam cum Ecclesia Dei conferri, ut apparet ex 1. Pet. 3. 20

Tertulliano, Cypriano, Hieronymo, Augustino, Gregorio, & omnibus Patribus. Illas verò dimensionones argutè nimum & subtiliter cum corpore humano (quasi illius essent figura) comparari. Sequatur tamen id, qui vult. Verum Gregorius Magnus Homil. 16 in Ezech. aliter easdem interpretatur. Ego verò illas à Deo additas & prescriptas puto, quòd edificium, & nauigiū eiusmodi magnitudinis, id est, latitudinis, altitudinis, & longitudinis satis esse videris, cognoueritque Deus fore capax ad numerum eum & animalium, & Hominum cōmodè capiendum, quantum Deus in Diluvio servare decreverat. Gregor. Magnus, [Ipsa ratio exigit, ait, ut credamus, quòd in illa latitudine omnes bestia, cunctaq; quadrupedia, atque reptilia in inferioribus fuerunt: Homo verò, atque volatilia nimirū in superioribus.] Nec enim in ea Arca Deus Noachum tanquam in palatio collocavit, ubi haberet diuersas cœnationes, alias æstivas, alias hybernas, item deambulationes latas, & spatioſa quadam cubicula spatiandi vel animi causa, & aulas ad mutandū hospitium diuersas. sed in ea Arca tanquam in sepulcro Noachum esse & iacere, id est, versari angusto in loco voluit Deus. Ergo eas tantum cameras, eosq; nidos seu cubicula habuit, quæ & homines, & animalia à Deo seruanda commodè quidem, sed angustè & arctè continere possent. Porro nauium multarum longè maioris, quàm hac Arca fuerit, magnitudinis exempla extat apud Athenæum lib. 5. Dipnosoph. & apud Plutarchū in vita Demetrii, qualis nauis Hieronis regis Syracusarum, & Ptolomæi Philopatoris fuit. Ecquis autē Cubitus sit hîc intelligendus,

vtrum

utrum communis, & qualem homines illius seculi habuere: an verò alius quidam eo maior, qualis est Geometricus, qui tantum capit, quantum sex nostri, seu hominum illius ætatis cubiti continent. anxie questum est. Origenes, ut tradit Augustinus lib. 15 Cuius. Dei, cap. 27 de Geometrico cubito hunc interpretatur. Ioannes Buteo de communi, qualem illius aui homines habuere, cui potius equidem assentior. Q. Quot contignationes seu concamerationes tota illa Arca habuit? R. Iosephus scribit eas in Arca fuisse quatuor lib. 1. cap. 5 Antiquitatum. Albinus in Quæst. in Genes. quinque: nempe infimam Stercorariam: secundam Apothecariã ubi cibi fuerunt repositi: Tertiã feris animantibus destinatã: Quartã, mansuetis: Quintã & supremã, hominibus ipsis. Augustinus lib. quæst. in Genes. cap 6. tres solum contignationes in ea agnoscit. [In prima enim habitatione, ait, id est, in inferioribus semel camerata erat Arca: In secunda habitatione etiam supra inferiorem camerata erat, ergo iam bicamerata: ac per hoc in tertia supra secundam tricamerata erat.] Hac sententia vera est, & cõfirmatur Gen 6. 16. Porro supra tres illas contignationes erat tectum Arca, quod totam eam cooperiebat, & cõsignationes à pluvia, & reliquis iniurijs cõli defendebat. In singulis quoque concamerationibus seu contignationibus erant plures camere, stabula, seu nidi afferibus inter se distincti ac separati, intra quos uniuscuiusque generis animantia collectim .i. simul & unã (quæ erant unius generis) afferuabantur: In alio nido animalia alterius generis: sic, ut genus quodq; animalium ab alio diuersum peculiariter quoque & si-

gillatim in una aliqua cōtignatione suū nidum, & cau-
lam ab alio distinctam haberet. *Q.* Cur fuerint in
Arca tres tantum cōtignationes, prater tectum, nō au-
tem plures: quū eorum tamen (qua in Arca seruari de-
bebant) animalium, prater homines, videantur fuisse qua-
tuor ad minus genera, nempe Bestia seu fera animalia,
Iumenta, Reptibilia, & Volatilia, & quidem hac ipsa
secundū species suas, ut docet Moses Gen. 6. 20, & 7.
14. *R.* Homines eādem cum iumentis seu cicuribus
animalibus terrenis habitationem habuisse, atque occu-
passe omnino verisimile est. Ergo utrumque hoc genus
unam tantum habitationem (sive ea media, sive suprē-
ma fuit) id est, Iumenta, & Homines unam duntaxat
cōtignationem in varias cameras diuisam possederunt.
Reptilia verò velut serpentes bestijs seu feris animan-
tibus accensebantur. Ergo & hac duo quoque animalium
terrenorum minimè cicurum genera unam solū conti-
gnationem in varios nidos separatam obtinebāt quęq;
qua videtur fuisse infima concameratio. Volatilia de-
nique omnia unam quoque habitationem (qua suprēma
videtur fuisse) in varios nidos partitiā habebant. Itaq;
quauis eorum, qua in arca fuerunt, animalium genera
quinque distingui possint, videlicet Homines, Iumenta
seu cicura animalia, Bestia seu fera animalia, Repti-
lia, & Volatilia, tres tamen concamerationes seu conti-
gnationes ad hac omnia capiēda in illa Arca satis erāt.
Q. Quomodo tantulum seu adificium seu nauigiū tot
animantium species (quot & Deus creauerat, & tunc
vivebant) capere quiverit, & illa in Arca tam parua
contineri potuerint, Gen. 6. 19, & 7. 14. *R.* Augu-
stinus

stinus de hoc ipso dubitat lib. 1. in Genes. cap. 6: sed eadem recurrit ad cubitum geometricum, quem intelligendum putat in Arca fabricanda. Is autem quum sit maximus (singuli enim cubiti Geometrici valent senos nostros) maxima quoque capacitatis, ait, Arca seu edificium illud fuit. Verum idem hanc solutionem nequaquam satis firmam esse animaduertens, decurrit ad aliam, nempe lib. 15. Ciuit. Dei, cap. 27. Negat enim omnia animalium genera in Arca ista fuisse. Nam in ea vel in aquis viuunt, inquit, vel non. Quae viuunt in aquis, uti Pisces, & alia quaedam animantia, non fuerunt in Arca. Eorum vero, quae duntaxat extra aquas degunt, alia sine concubitu maris & foemina nascuntur, uti locustae, apes, pulices, mures, & quaedam alia minuta bestiola, quae ex quibusuis rebus & sordibus nascuntur. Hac quoque animantia non fuerunt in Arca. Sed & quae ex coitu quidem maris & foeminae generantur, sed non eiusdem generis (quoniam etsi sexum habent, non habent tamen foetum, velut Mula) nec ea quoque in Arca collocat, quales sunt Muli, qui ex Asina & Equo gignuntur, Gen. 35. 24. Augustinus lib. 3. Genesi ad liter. cap. 12 & 14. Verum Ioannes Buteo melius, quo modo tot animantium terrenorum & volatilium genera secundum suas species in Arca distincte constitui & manere potuerint, docet: Primum feras bestias seu super ventrem repentes, seu gradientes pedibus suis in suas species distribuit, quas vix quindecim, vel ad summum sexdecim numero reperies. Ergo in prima seu infima contignatione collocentur haec species omnes animalium numero sexdecim. Iumenta seu mansueta animalia (quod est secundum genus terrenorum)

in suas species quoque diuidito: *Hæc vix quindecim inueneris. Hæc verò in sua .i. in secunda seu media contignatione una cū Noacho & filijs eius ponantur. Quamquam Gregorius Magnus Homil. 16 in Ezechiel. Volatilia & Hominem in superioribus collocat. Volatilia denique in suas similiter species tribuit, quas vix effeceris viginti numero diuersas. His sua pariter contignatio nempe suprema destinata est, quæ eadē contignatio, præter omnes animæ species, una cibos ad animalium & hominum victum coacervatos inuenclosq; in Arcam, certis cellulis distinctis, habebit. Iam verò facile in unaquaq; contignatione cellula seu stabula edificari poterunt, alia quidem ampliora, alia verò minora pro ratione animalium quæ ijs contineri, & concludi debebāt. Maius enim stabulum Elephantis, quàm Lupis in infima concameratione fuit edificandum: item latius Leonibus & Leanis, quàm Vulpibus & Stellionibus. Eodē modo de māsuetorum animalium cellulis, quæ in medio tabulato fuerunt, sentiendum, Eas maiores vel minores à Noacho viro prudentissimo constitutas pro magnitudine vel numero bestiarum in ijs cellulis collocandarum, ac recipiendarum. Iam verò unaquaq; contignatio habuit 300 cubitos, id est, ad minus 450 pedes in longitudine, qui si in quindecim species seu cellulas diuidatur, habebit unaquaq; cellula pedes 30 in longitudine. Latitudo Arce continebat 50 cubitos, qui vel minimum efficiunt iustos pedes 75. Hæc latitudo, si in quindecim partes & cellulas diuidatur, habebit unaquæque cellula vel stabulum pedes 5. in latitudine: ex quibus iam apparet quàm facile omnia animantia illa in Arca continerē*

sineri potuerunt. Nam ex minoribus cellulis est deprehendū quod maioribus addas, ut omnia cōmode animalia in illis collocentur. *Q.* Quomodo cum tot animalibus, eorūque fœtore & sordibus versans tanto tempore & in eodem adificio Noachus & filij, tamen nec ipse, nec filij eius illic cōputruerunt, neque mortui sunt? *R.* Certissimum quidem est neque ex animalibus, neq; ex hominibus, qui in Arcam ingressi sunt, ullum in ea mortuum esse. Nam Moses disertè docet omnia viuentia, que in eam intrauerant ante Diluuium, etiā ex eadem post Diluuiū exisse. nihilq; perisse. Gen. 7. 15, & 8. 16. 17. 18. 19. Nam Deus ea singula conseruauit, uti fuerat pollicitus. Non computruit igitur in Arca vel Noachus, vel filij eius, vel uxor, vel nurus: neque tetro sordium ex tot animalibus collectarum odore extincti sunt homines illi: imò nec alia animalia ulla, quoniam ea Deus sustentauit, & superesse diluuiō voluit. Fuit quidem miserū, sanctos illos homines cum tot brutis animantibus esse: Nam in Arca velut in sepulcro inter medias feras, in medijs earum sordibus, in aquis & mortis horrore perpetuo oculis obuersāte versati sunt: verū hoc sepulcrum Deus ipsē parauerat, in quo eos ex morte conseruaret, & ex medijs aquis eriperet. Fere verò bestie tunc ferociam suam ad tempus deposuerāt, Deo sic eas subigente, & metu mortis earum seuitiam domante, denique incusso eisdem ferie quantumuis trucibus terrore à Deo. Quantum verò ad sordes, etsi peculiariter qua ratione purgaretur ex arca, non describit Moses: aliquo tamē pacto, & ex aliqua Arca parte velut per fenestram eiectas nonnunquā fuisse indico, ne

nimius earum fœtor hominibus noceret. Certè si in Arca per tantum tempus retenta fuerunt ea sordes, iacueruntve, quantum diluvium fuit, quantumque animalia fuerunt ac manserunt in Arca, Deus temperavit, cohibuitque istum putorem ac fœtorem, ne homines, ipsave animalia laderet. Ergo fuit Noachi conservatio extraordinarium Dei opus. Q. Cur Deus animalia quadam ex ijs, quæ cum impijs illis hominibus fuerant, & in primo illo impuro Mundo vixerant, reseruari: quæ omnia immundorû hominum sint immunda, Tit. 1. 15: & Deus alia nova in nouo & repurgato post Diluvium mundo denuo, ut in prima Mundi origine, creare potuerit: denique quum infantes impiorum servare noluerit, sed eos aquis perdidit? R. Ne vilesceret miraculû illud prima rerum Creationis, Deus vel animalia, vel homines denuò creare noluit ex nihilo, vel etiam ex terra, quemadmodû primum fecerat. Verum ut verbi & præcepti sui semel rebus creatis dati vis & robur intelligeretur perpetuû, nempe [Crescite, & multiplicamini] voluit in futuro post diluvium seu repurgato mundo & animalia, & homines ex ijs, quæ iam a se creata erant, illudque præceptû acceperant, propagari, & oriri. Sic enim maior verbi divini efficacia animadversa est, & Lex à Deo semel natura data firmior intellecta. Sic post diluvium idem Deus ordinem naturalem à se antea constitutum denuò sanxit, & durare voluit, Gen. 8. 22. Porro illa Animalia, quæ servavit in Arca Deus, nequaquam fuerunt vel per se, vel ex eo polluta, quòd in eodem cû impijs illis hominibus mundo, & eodem tempore vixissent. Nam quæ ratione careant,

pec-

peccatum in ea non cadit. Quod tamen quedā animalia iam tum immunda dicebantur, aliō pertinet, ut innox exponetur. Cur denique impiorū nullos infantes ex isto diluvio eripuerit Deus, quum tamen animalia quedā ex eodem exemerit, in sequenti historie capite declarabitur. *Q.* Cur quedā animalia bruta iam tum vocabantur immunda, Gen. 7. 2: quedam verò munda, quum omnis caro corrupisset viam suam? Gen. 6. 12.

R. Suprà demonstratum est, quod dicitur, [Omnis caro corruerat viam suam supra terram] de solis hominibus intelligendum esse. Via enim illa est via morū, non via pedū. Ergo quedam animātia, imo verò omnia bruta ratione ea, qua peccatum cadit in hominem, fuerunt munda: nam omnia peccato carēt, quum & voluntate & intelligentia sint spoliata, minimēque pradita. Quamobrem ἀλογα nominantur. Quedam tamen ex brutis istis animantibus appellantur Immunda, duplici nomine nempe tum sacrificiorum, qua vero Deo fiebāt: tum etiam ipsorum hominum usus gratiā, nempe quod eiusmodi animalium genera neque tunc ad diuina sacrificia adhiberentur, neq; ad esum hominum. Hec autem genera postea Lege sua Ceremoniali declarauit Deus, etsi fortassis ea in Lege sua postea amplificauit, & plures eorū species per Mosem constituit, Leuit. 11, Deut. 14. 4. 5. & deinceps. *Q.* Cur plura mundorū, quàm immundorū animalium genera seruat Deus? *R.* Apparet ex Gen. 7. 2. septena marem & fœminam ex animalibus mūdis iussu Dei sumpta fuisse, id est quatuordecim capita, septem nimirum ex eo genere Mares, & septem fœminas: At ex immundis bina tantū, Marem,

& fœminam .i. quatuor duntaxat ex eo genere capita
 videlicet duos mares, & duas fœminas Ergo mundorum
 fuerunt paria septem: Immundorū autem paria solum
 duo. Falluntur enim qui ex Gen. 6. 19 putat ex omni-
 bus animalibus brutis bina tantum nēpe marem & fœ-
 minam, ingressa fuisse Arcam: ex quouis nimirum eorū
 genere, non plura. Nam ut scribit Augustinus lib. quæst.
 in Genes. cap. 8, locus ille non definit numerum recipiē-
 dorum animalium, sed ostendit paria & coniugia in omni-
 bus recipiēdis siue mundis, siue immundis esse oportere,
 nēpe marem & fœminā. Ergo longē maiorem mundorū,
 quāmundorum animalium numerū Deus in Arca
 seruari voluit, ex quo singula eorum genera postea pro-
 pagaret, quod & ad sacrificia diuina, & ad victū ho-
 minum usus erat futurus mundorum animalium, Gen.
 8. 20, & 9. 3. Nullus autem ad utrumq; immundorū
 usus. Ceterum ad terna mundorum paria septimū ad-
 ixit Deus, ut post diluuium ex eo septimo pari sibi sa-
 crificium à Noacho posset offerri, quemadmodū obser-
 uauit Ioan. Caluinus idque postea factū est, Gen. 8. 20
Q. Quomodo intelligēda sunt hæc verba Moysis [Bi-
 na, & septena, Marem, & fœminam] uti extat disertè
 Gen. 7. 2. **R.** [Bina, Marem & fœminam] denotās
 bis marem, & bis fœminam ex eo animantium genere su-
 menda: ergo quatuor capita, duos mares, & duas fœmi-
 nas. Septena marem & fœminā significant septies ma-
 rem, & septies fœminam ex ea specie animalium capi
 debere: ergo quatuordecim capita, septem mares & se-
 ptem fœminas. Sic Philo. & Epiphanius. **Q.** Cur
 Deus animalia quedam immunda in futurum post di-
 luuium

lunium seculū restare & reservari voluit, qui Mundū propter immunditiem debebat? R. Quia Deus animalia immunda servari precipit, ut post Diluvium genus quoque eorum propagaretur, non propterea vult aut probat Deus peccatum & nequitiam propagari, propter quam priorem illum Mundum perdebat: (nec enim Immunda dicuntur illa animalia, quod peccatum perpetrarent) sed species omnes rerū à se in prima mundi origine creatarū servari voluit Deus. Nam inquit Epiphanius lib. 1. contra heres. Θεὸς οὕτως πάλιν τῆς ἐν κόσμῳ πάντων ὑποστάσεως, ea custodiuit in arca Deus, ne mundus post diluviū esset imperfectior, aut in eo minus Dei sapientia, bonitas, potentia ad se agnoscendum eluceret, quā in primo illo & deletō, Rom. 1. 20. Quā verò ratione primum Deus Immunda animalia creavit, eādem illa retinere in mundo & conservare voluit, iussitque etiam post diluvium esse. Q. Ecquis cibus ad victum animalium in Arcam cōportatus fuit, quod scribitur Gen. 6. 21: quum non omnia animalia esca eadem utantur, & alantur, ut Leones, & Equi. R. De hoc ipso quat Augustinus lib. quæst. in Gen. cap. 71. Verum quū sic disertè præscripserit Deus, [Accipe tibi de omni cibo, qui comeditur, & collige penes te, ut sit tibi & illis ad comedendum:] & quum Gen. 7. 7 dicatur Noachus fecisse secundū omnia, quæ præceperat Deus, mihi dubium nō est, quin ex omni cibo Noachus tanquam bonus Paterfamilias promus & condus collegerit, ex quo animalium tot species pasci solent, & possunt commodè, easque escas certis in cellulis & apothecis in Arca reposueris, velut in suprema contignatione, quale

est frumentum, fœnum, herba: quos cibos in tanta tamen aeris pluvij humiditate Deus conseruauit, ne putrescerent in eadem Arca. Q. Verum in Arca plures, quàm unica fenestra, fuerint, Gen. 6. 16. Q. Quicquid alij sentiant, ego Francisci Iunij viri eruditissimi, atque optimi Theologi sententia subscribo, qui sic locum illum Genesis interpretatur, [Clarum lumen adhibeto Arca] additq, postea colum distinguens. tum sequitur, [ad cubiti altitudinem consummato eã arcam à superiore parte.] Itaq, plures vnâ fenestras in Arca fuisse existimo, ut clarum lumē in eam reciperetur, quo opus erat. Illa verò cubiti altitudo, de qua illic agitur eodem illo vers. 16. non ad fenestram Arca pertinet, sed ad spatium definiendum, quo tectum Arca à suprema eius contignatione seu tabulato attollebatur. Erat enim tectum Arce in fastigium desinens, non autem in planum; quales postea domus inter Iudeos, & in Iudea edificari à Deo ipso precepta sunt, Deut. 22. 8. Et hæc quidem hætenus. Iam ad Diluuium ipsum, à Deo in uniuersam terra superficiem immissum, accedamus.

Ad XII. Diluuium in terras immissum.

Queritur, Quum Moses scribit Gen. 7. 11. [Anno sexcentesimo vite Noachi, mense secundo,] fontes abyssi sese rupisse, & cataractas cœli sese aperuisse, id est Diluuium à Deo in terras immissum, Quomodo annus ille, & reliqui (quorū ab eodem Mose in annis vite Adami, Sethi, Enoschi, ac ceterorū recensendis fit mētio) sint numerandi, Verum à conditu & origine Mundi, ac proinde à mense Tisri: an à mense Nisan. In summa,

ma, *Vtrum annus ille civilis sit, an sacer.* R. *Ut hac quaestio intelligatur, sciendum est Iudeos post exitum suū ex Aegypto habuisse duo capita anni dinumerandi: Vnum, quo semper vsi antea fuerant, à mense Tisri, vel Ethamin, qui nostræ Septembri respondet: Alterum à mense Nisan, qui in nostrū Martium mensē incurrit. Annus qui inchoabat à Tisri mense vocabatur Annus Civilis, quo in contractibus, iudicijs, negotijsq̃ suis omnibus Politicis tum priuatis, tum publicis utebantur Iudei, ac numerabāt. Itaque huius anni caput erat in Libra, quemadmodum eruditissimè docet Iosephus Scaliger lib. 3. Emend. Temp. cap. De Anno priscorū Hebr. Math. Beroaldus lib. 1. Chron. cap. 7. Ioan. Lalanmātim, cap. de Anni Hebr. ratione. G. Stuckius lib. 1. Cōuinal. Quæst. cap. 33: & ante hos Iosephus lib. 1. Antiquit. cap. 5. Annus verò, qui à mense Nisan incipiebat, dicebatur Sacer, quem in ceremonijs, rebusq̃ sacris & Ecclesiasticis tractādīs sequebantur ex Dei præscripto, quum ex Aegypto exirēt, Exod. 12. 2. Huius autem anni & capitis epocha erat in Ariete signo Zodiaci. Iam verò quo Anno vsus sit Moses in annis vite Patrum & Noachi, ac proinde Diluuij immissi supputādis, queritur, Vtrum Civilis, qui à Tisri: an Sacro, qui à Nisan incipit (inter hac autem initia duo anni menses sex rotè intercedunt, quod est magnum ac notabile spatium). Respondent nonnulli Mosē anno sacro hac interualla metiri, quòd hac post exitum populi ex Aegypto literis ac monumentis tradiderit. Cuius sentētia videtur esse Iosephus lib. 1. Antiquit. cap. 5. Sed aliorū mihi videtur magis probanda sententia, qui hos Annos*

& vite Patrum à conditu Mundi inchoant & à mense
 Tisri, & Ciuiles esse contendunt. Ergo quod vulgo dici-
 tur Diluuiū anno Noachi 600 contigisse, & anno mū-
 di 1656 intelligendum est à mundo condito, etsi annum
 à Tisri vel Ethanim .i. Septembri incipias: non autem
 à mense Nisan. Sic Philo Iudeus in Antiquit. Biblic.
 Sic Scaliger lib. 5. de Emend. Temp. cap. De Diluuiō.
 Math. Beroaldus, & alij. Q. Ecquod fueris illius
 mensis secundi nomen, cuius die 17. fracta sunt cata-
 racta cœli, & fontes abyssi rupti, ut aqua undique cresce-
 rent, & pluerent. R. Iosephus lib. 1. cap. 5. vocat
 [Marachas] qua vox est nihili, & qua nullus Hebreo-
 rum mensis nominatus est. Ergo apud Iosephum verū
 illius mensis nomen est restituendū, nempe [Maresuan]
 vel, ut alij scribunt, [Marcheschuan.] Id quod Lala-
 manius primus obseruauit. Is respondet mensi Mace-
 donum, qui Dius appellatur: & nostro Octobri, cuius
 die 17 Pluuia illa immensa, & imbres cœperunt. Non-
 nulli veròensem hunc Maresuan cōferunt cum dimi-
 dio Nouembri. Q. Quomodo animalia venerunt
 ad Noachum in Arcam, presertim quum ex ijs multa
 fuerint fera, & truculenta, Gen. 7. 15: & nondū plu-
 ret. Pluit enim demum post dies septem, quàm Noa-
 chus fuit in Arca, & illa ad se recipere cœpit, uti colli-
 gitur ex Gen. 7. 4, si cōiungatur cū vers. 16. R. Nō-
 nulli existimāt pecudes naturali quodam instinctu ma-
 gnos imbres presentire, eosq; euitare. si quā possunt. Est
 enim earum rerum, id est, tempestatum presaga quorū-
 dam brutorum animalium natura, quemadmodū tra-
 dunt & Aratus, & Plinius lib. 18. Hist. Natur. cap.

35. Cuius rei rationem etiam affert Virgilius lib. I.
Georgic hanc nempe,

[Haud equidem credo, quia sit diuinius illis
Ingenium aut rerum fato prudentia maior.
Verum ubi tempestas, & cœlis mobilis humor
Mutauère vias, & Iuppiter humidus Austris
Densas, erant quæ rara modò: & quæ densa, relaxat;
Vertuntur species animorum, & pectora motus
Nunc alios (alios dum nubila ventus agebat)
Concipiunt. Hinc ille auium concentus in agris,
Et late pecudes, & ouantes gutture Corni.

Namque Deum ire per omnes,] (ait idem)

[Terrasque tractusq, maris, cœlumq, profundum.]

Deum igitur hunc sensum insensisse quibusdam anima-
libus brutis aiunt, ut naturaliter tempestates, ac muta-
tionem aëris antè percipiant, atque propterea latebras
querant. Sed cur unā Noachi Arcam illa petiissent,
quum tunc haberent lustra sua & cavernas, & nondum
vehementes maximiq, illi imbres è cœlo caderēt ac rue-
rent. Ergo non naturalis, sed supranaturalis, imò diuina
instinctu (id est, Deo Opt. Max. qui ea seruare vole-
bat, sic impellente) quæ Bruta animantia venerunt in
Arcā, eò decurrerunt. Et quæ fera ac truculenta erāt,
ferociam illam suam (Deo sic ea domāte, ac subigente)
posuerunt ad tempus adeo ut tunc & manu tractari à
Noacho filijsq, eius potuerint, & cum alijs animantibus
versari. Sive autem ista animalia ipsa per se sive An-
gelis bonis abigentibus venerint in Arcam perinde est.
Sic enim Deus voluit ea se sistere corā Noacho, ut ser-
uarentur: quemadmodum prius Adamo homini primo

illa sese sifterant, ut ab eo proprijs nominibus appella-
rentur. Porro quod nonnulli huius Diluuij causam tri-
buunt magna cuidam syderum cōiunctioni, falsissimum
esse docet Picus Mirandula. Probat enim tunc neq; ul-
lam esse potuisse eiusmodi syderum coniunctionem: neq;
si qua fuisset, eam aquas, sed ignem fuisse in Mundum
inducturam. Vide Plesseium in lib. de Relig. Christ.
cap. 26. In summa, propter hominum peccata: non ex
conuersione syderū contigit in terris hoc uniuersale di-
luuium. *Q.* Cur homines ipsi primi velut Noachus,
& filij eius in Arcam iussu Dei sunt ingressi, Gen. 7. 1.
7. 8: quum in creatione prima rerum Homo postremus
conditus à Deo fuerit, id est, post animātia è terra nata
in hunc mundū introductus, ut homini omnia inferuire
intelligeretur. *Q.* Quū conseruanda duntaxat ani-
malia Deus in Arcā introire vellet, eisq; secundū suas
species, nidos, & stabula à Noacho cōfici iussisset, neces-
se fuit, ut Noachus eiusq; filij primi in illā Arcam in-
grederentur, animaliaq; accedētia exciperent, eaque in
stabula ijs à se preparata deducerent, ac distribuerent.
Nec enim ipsa animalia per se qua sibi suaq; speciei de-
stinata camera erāt, qua verò alijs designata, dignoscere
per sese, inquā, poterāt. Quare sic ea per singula stabu-
la diuidi à Noacho prius introgresso oportuit. Quod
verò Adamus postremus omnium, velut Dominus, in
mundum à Deo introductus fuit, honoris ipsius gratiā
factum est. Quae nunc geruntur salutis causa, & ordi-
nis fiūt: cui solos homines praesse oportuit. *Q.* Vtrū
Pisces nulli in Diluuiο perierint, an etiam aliqui. *R.*
Hoc praclare docet Augustinus lib. 15. Ciuitate Dei
cap. 27.

cap. 27. Ea quæ possunt in aquis viuere, nõ solum mer-
sa, sicut Pisces: sed etiam supernatantia, sicut quedam
aues vel Halcyones, non fuisse necesse seruari in Arca.
Veriẽm, Verũ ex ijs ipsis Animalibus aquatilibus que-
dam in Diluuiũ perierint, ac imprimis Pisces, non desi-
nit S. Scriptura. De ijs tãtũ loqui videtur, quæ super
terra faciem, non etiam in aquis debebant, Gen. 7. 22.
[Quicquid, ait Moses, in cuius naribus est halitus spi-
rationis vite, ex vniuersis quæ degunt in sicco, mortuum
est.] Verba autem hæc, [In quibus est spiritus vite]
non tantũ ad homines pertinet, sed etiam ad pecudes,
vt docet Augustinus in Gen. quæst. 9. Nonnulli tamen
existimant etiam multos Pisces tunc propter nimiam
aquarum copiam perisse: quod ab ea abriperentur na-
tantes, & suffocarentur. Cur autem tunc pisces nõ per-
diderit Deus, vt terrena animantia, ratio est, Non ea,
quam nonnulli proferunt, Quod pisces tunc homini in
cibum non erant, vii postea fuẽre .i. post Diluuiũ de-
stinati, Gen. 9. 2. 3. Præterea Deus animalia immun-
da & fera perdidit in Diluuiũ, quæ nec ipsa tamen ho-
minibus in cibũ erant. Verũ ratio est, quia quũ non-
dũ mare tentassent homines, & pisces in diuerso pror-
sus ab hominibus illis improbis elemento habitarent, in
quo Deus ab ijs offensus fuerat. Idcirco ea duntaxat a-
nimalia perdidit, ac cõsumpsit Deus, quæ erant in terra
.i. in elemento, ubi peccata ab hominibus fuerant perpe-
trata, Psal. 107. 34. non autem deleuit animalia, quæ
in aquis adhuc ab ista nequitie hominum puris erant.
Q. Cur pueri ipsi, quauis improborũ hominum, ta-
men adhuc infantes extincti sunt in diluuiũ omnes: quũ

tamen Deus quadam bruta animantia ex eo Diluvio
 conseruauit. *R.* Propterea quod Infantes illi fuerunt
 & ipsi coram Deo rei propter peccatū originale, cuius
 labe fuerunt infecti à momento conceptionis. Ergo & hi
 quoq; iuste perierunt. Animalia uero bruta caruerunt
 peccato. *Q.* Quando diluuiū fuerit, id est, quo anno
 ab origine & conditu Mundi. *R.* Epiphanius lib. 1
 cōtra heres. & Augustinus lib. 15. Ciuit. Dei, cap. 20
 ex Græcis codicibus uolunt Diluuium contigisse anno à
 mundo condito 2262. Eusebius, & Beda, anno 2242.
 Philo, anno 1652. Verū hi omnes errant. Euenit e-
 nim anno uite Noachi 600 iam peractō, qui incidit in
 annum à conditu Mundi 1656, Gen. 7.6. Eo autem
 ipso anno Mathusael pius, cōtra quā uult Augus-
 tinus *Q*uest. 4. in Genesim, mortuus est ante Diluuium
 immissum. Neque enim piorum quisquam in Diluvio
 periit, etsi dubitat Augustinus lib. 15 de Ciuitate Dei,
 cap. 11. *Q.* Virum hic Mundus igne sit peritu-
 rus, quandoquidem primus aqua interijt. *R.* Mun-
 dum hunc igne soluendum esse testatur aperte S. Scri-
 ptura. At enim Petrus 2. Epist. cap. 3. ver. 10, & 12
 Στοιχεῖα καυσόμενα, καὶ οὐρανοὶ πυρόμενοι λυθήσονται. Cur
 uero non explicat. Certè quia consumendus est, igne pe-
 ribit. Prior uero Mundus erat duntaxat purgandus:
 Ergo aquam, non ignem immisit Deus. Nondum enim
 eum euertere & soluere uolebat. Et hac quidem satis.

CAP.

CAPVT III.

Vestigia superioris historie, & veritatis.

VESTIGIA superioris veritatis inuestigaturus videor mihi iure illud Platonis ex ipsius Timeo merito usurpare posse, Ω Σόλων, Σόλων, Ἕλληνες αἱ παλαιοὶ ἐστέ, γένεσθαι δ' Ἕλληνας οὐκ ἐστέ, [O Solon, Solon, Græci semper pueri estis, Senex Græcorum est nullus.] Ita enim tum ipsi Græci, tum, qui ex eorum fontibus & monumentis hausere, omnia magna ambitione confuderunt (dum vetustissima quaque ad suam unam gentem reuocare studuerunt) vel tenebris inuoluerunt (dum vetera nomina immutarunt in sua quadam, & sibi nota) ut paucas omnino antiquissima istius, quam proxime declarauimus, historie, & tamen vera reliquias in illorum scriptis propterea reperiamus. Bene tamen est, quod summa Dei Opt. Max. providentia (ad refutandos aduersus homines, & obstinatos quosdam solis duntaxat Ethnicorum scriptis fidem habentes conuincendos) factum est, ut in eorum libris nonnulla etiam illius velut tristissimi naufragii tabule & fragmenta hodie extent post tot tenebras, & veritatis interpolationes. Praclare enim Plato in eodem illo Dialogo docet non omnem rerum ante diluuium gestarum memoriam in Diluuiio ipso fuisse deletam: sed partim memoria, partim literis quarundam gentium,

fuisse conseruatam. Ergo ecqua sint illa reliquia superstites expendamus. Ac primum quidem quod de Natiuitate Enoschi, & publica nominis Dei profanatione, qua sub eo cōtigat, scribit Moses, est eiusmodi, ut ex solis sacris literis repeti debeat. Nam vetusta illa piorū appellationes, velut [Enoschi, Chanochi, Mathusaleelis, Lemechi,] partim nouis nominibus reperiis oblitterata sunt (quā recentia vocabula magis placuerunt) partim vetustate ipsa, velut litura quadam, obsoleuerunt, & obscuriora facta sunt. Profanatio verò illa publica nominis Dei & cultus idcirco ab iisdem Ethnicis obseruari non potuit, propterea quòd semper eandem profanationem inter se usurpatam viderunt: verū autem Dei cultum nūquam habuerunt. Nati enim ortiq; sunt & Graci, & Romani praesertim: sed & alia quoq; gentes in terris disseminatae & distinctae sunt post linguarum confusionem, qua in extruenda turre Babylonica accidit, corrupto iā vero Dei cultu, ut apparet Genesi.

Ad II. Publica nominis Dei profanatio.

Q U O D si tamen quedam huius Publicae Profanationis vestigia quaeruntur, illud esse poterit, quod scribit, canitq; primum Hesiodus lib. 1. Opera & Dies his versibus:

Δεύτερον αὖτε γένετο πολὺ χειρότερον μετόπισθεν

Ἀργύρεον ποίησαν ὀλύμπια δώματ' ἔχοντες·

Ἀλλ' ὅταν ἦεν ἡσέως, καὶ ἦεν μέτερον ἴκοιτο.

-- ὕβειν γὰρ ἀτάσθαλον ἐκ ἐδωάναντο

Ἀλλήλων ἀπέχιν'· ἐδ' ἀθανάτους θεσπεύουσιν

ἠέδελον, ἐδ' ἐδρεῖν μαχέσθον ἱερεῖς ὅππ' βωμοῖς,

Ἡ δὲ μὲν ἀνθρώποισι κατ' ἡθῆα. Τὲς αὖ ἐπειτα
 Ζεὺς Κρονίδης ἐκρυψε χολέμενος ἔνεκα πρῆς
 Οὐκ ἐδίδ' ἔν μακρότεροι θεοῖς οἱ Ὀλυμπον ἔχουσιν.

[Sed mortale genus successit proinde secundum,
 Quod simile Argenteo superi fecere potentes.

Hoc, postquam aetatem potuit pertingere adultam,

Perversè vixit. Nec enim abstinuisse nefandis

Inter se damnis potuit, qua iniuria profert.

Nec verò coluisse Deos, aut munera sacris

Imposuisse aris, qua ius pietasque iubebat,

Curauere unquam miseri. Quos Iuppiter atris

Immersit tenebris iratus crimine tanto,

Tanto diuorum contemptu cunctipotentum.]

Huic consentit quod in Politico tradit ex vetustissima
 fama diuinus ille Plato, postquam homines ipsi sese, &
 Mundum ipsum, regere cœpere, & malè concupiuere
 (quod post prima mundi initia contigit) tantā in iis in-
 temperiem, tantā insolentiam, tantam denique & tam
 fœdam libidinem tādē extitisse, ut Deus curā mundi
 prorsus abiēcisse videretur, & res humana susq; deque
 temerè ferri censerentur, quòd inter homines summa li-
 centia scelerum omnium, & maximè impietatis, impu-
 nitas tunc obtineret. Quod illius Publica nominis Dei
 profanationis proculdubio non obscurum vestigium est,
 quia in animis hominum ex veteri traditione remansit
 insculptū. Nec absimile huic est, quod lib. 2. Hist. scri-
 bit Herodotus, multis homines vixisse seculis, quibus
 deos absq; humana forma ac idololatria colerēt: postea
 verò eosdem sub specie hominis Deos adorare cœpisse:
 Unde Profanatio horribilis & nefanda Nominis

Dei sit exorta, & contemptus Dei (quemadmodū Augustino testē scribit Varro) in hunc mundum inductus. Quod si Berosi istius (cuius fragmenta quaedam extant, nec enim iste Chaldaeus esse putatur, cuius & Iosephus, & Plinius saepe meminerunt) sed si, uti dixi, testimoniū illius à quopiam admittitur, certe idem tradit de neglecta statim à primi mundi temporibus Dei religione, ac proinde de Profanatione nominis Dei ante Diluvium, initio libri sui. Verū pergamus, & ad tertium Historia sacra caput accedamus.

Ad III. Propagatio familię Sethi.

Hic de Setho Adami filio viro pio agitur, & de familia eius propagatione, seu illius posteris, qui fuerunt usque ad Diluvium admodum longævi, si cum nobis, nostrisque annis comparentur. Certè quidem, quemadmodum antea monuimus, antiqua illa Patrum, & posterorum Sethi nomina (velut Cainam, Enosch, Chanoch, Mathusael, & reliqua) vel malitia hominū, vel quod alia pro iis gratiora substituta fuerint, inter Ethnicos obsoleverunt. Ipsum verò Sethi nomen venerandum, & celebre, & notū semper inter homines perduravit. Inde enim voces hæ & appellationes propria tum Regum, tum Sacerdotum inter eos mansere, velut nomen Setho & rex Aegypti & sacerdos apud eos Vulcani seu Tubalcaini, de quo Herodotus scribit lib. 2. & cuius statuam lapideam in Aegypto à se visam esse affirmat. Qualis itē ille alius Setho Aegyptius, filius regis Amenophis, ut ipsa Aegyptiorum historia testantur; & ex iis Iosephus lib. 1. contra Appionem Grammat. Fuit autem

Amc-

Amenophis Pharaon ille, sub quo Israëlites ex Aegypto, Moſe duce, ſunt egreſſi, ut ex collatione hiſtoria ſacra, & Aegyptiaca facile colligi poteſt. Ex eodem Sethi nomine eſt & nomen Seuthes (quod habuere multi & praeclari reges Thracum, ſicut teſtatur Xenophō in Expeditione Cyri) & Sethas, qui idem & Typhon ab Aegyptijs dictus eſt, ut docet Plutarchus in Iſide, & ab ijs tanquā Deus vetuſtiſſimus, & ex primis vnus ex antiqua traditione colebatur. Vnde apud eoſdē Aegyptios ϩⲟⲩⲁⲧⲉⲓⲙⲟⲥ ſeu ϩⲉⲃⲣⲉⲓⲙⲟⲥ, id eſt, Praefectura ſeu pars Aegypti Sethēitica, vel (ut alij deſcribūt) Sethreitica dicta, in venerationē primi illius Sethi, qui fuit Adami filius, & ab Aegyptijs (qui iſta nomina a Chamo primo parente ſuo filio Noachi, à quo & ipſi, & Pater Noachus oriundi erant, didicerāt, fideliusque quā Græci, conſeruarent integra, & propter cognationem cū lingua Hebraica maiorem illibata) ſumma laude cultus. De hac autē Aegypti Praefectura Sethēitica ſcribit Strabo lib. 17. Hiſt. Deniq; & Seta ſeu Setha, & Sethia vrbes dictæ ſunt: hæc in Italia, illa in Bithynia, de quibus Plinius lib. 4, & Stephanus lib. de Vrbib. Quæ omnia ſunt certiffima nominis Sethi, & viri ipſius py, & Noachi filij ampliffimæque veſtigia, ac teſtimonia. Nunc de longeuitate vitæ priſcorum illorum hominum etiam reliquias (quales quidem extant apud eoſdē Ethnicos) perquiramus. Ac primū quidem hominum alij ſunt longioris vitæ, quā alij, etiam in eadem gente, etiam in eadem familia, nedum in diuerſis nationibus. Cuius rei rationem afferunt cū Medici ex temperamento vel ipſorum hominum, vel aëris & alimentorum, quibus

vescuntur: tum imprimis Aristoteles in libro illo aureo de Longitudine, & Breuitate vite. Nec ea via diuersitas solum in hominibus animaduertitur: verum etiam in alijs animantium generibus. Nam non solum Cerni sunt reliquis animantibus terrenis viuaciores: & Corui ac Cornicula reliquis auiibus, quemadmodum & experientia monstrat, & omnis aetatis historia docet, & epigramma Ausonij ex Hesiodo sumptum, ut Plinius lib. 7. cap. 48. tradit, testatur:

[Ter binos deciesque nouem super exit in annos.
Iusta senescentum, quos implet vita virorum.

Hos nonies superat viuendo garrula Cornix.

Et quater egreditur Cornicis secula Cernus:

Alipedem Cernuum ter vincit Coruus.] Verum

etiam inter ipsas muscas, ut scribit Cicero, alie sunt magis longaeua. Quedam enim ad Hypanin flumi-
nem Indiae quam longissime viuunt: quaedam unum tantum diem viuunt. Ergo ex hominum etiam genere alie nationes sunt longeuiores alijs, velut Hyperborei reliquis Scythijs Septentrionalibus ut refert Plinius lib. 4. Natur. Hist. cap. 12. Taprobanenses alijs Indis Orientalibus insularis & maritimis: Idem lib. 7. cap. 2. Seres alijs Indis mediterraneis, ut scribit Strabo lib. 15. Geograph. quanquam tamen Indi omnes sunt ceteris mortalibus diuturniores: Aethiopes autem reliquis Africe populis, ut vult Herodotus lib. 3. Qui in Macarorum insulis (quas Canaridas hodie vocant) habitant, y omnibus Occidentalibus nationibus viuaciores censentur ex Homeri & Hesiodi testimonio. Verum inter ipsos eiusdem nationis homines alij longius, quam alij, viuunt. Nestor apud

Homereum trecentos annos, & tres hominū ætates im-
plere dicitur inter reliquos Græcos: quod nunc si fieret
pro miraculo crederetur, & à nonnullis αἰδὲν αὐτὸν ἰνδι-
caretur. Sibylla plusquā trecentis annis vixerit, si una
duntaxat fuit, quod plerique existimant. Endymion in
Asia Minore fuit longævus admodum: Masinissa rex
Numidie, & Arganthonius Rex Tarreſſiorū, ut ſcri-
bunt Hiſtorici. Quid verò etiam nonnullos, ipſorum
Ethnicorum teſtimonio, vixiſſe quingentos & nōgentos
annos accepimus, velut Dædonem quendam in Illyrico
quingentos: Maritimorum regem, ſexcentos: eius filiū,
octingentos, teſte Xenophonte in Periplo. Arcadium re-
ges pleroſque, annos trecentos exegiſſe ſcribit Ephorus:
Aetholos nonnullos in Epiro ducentos annos, teſtatur
Hellanicus: Aegyptiorum reges multos, etiā penè mille
totos annos ſingulos vixiſſe tradit Diodor. Sicul. lib. 1.
cap. 2. Bibliothec. Quæ ſi vera non putat vir exigu-
pectoris, & Epicureæ ſectæ profeſſor C. Plinius lib. 7.
cap. 48. ſequiturne ea propterea falſa eſſe, & tot alio-
quin probatiſſimos autores fuiſſe mentitos? Neutiquā
certè: Praclara igitur eſt hæc Joſephi lib. 1. Antiquit.
cap. 8 ſententia: [Nullus, ait, ad vitam modernam,
& annorū breuitatem quibus nunc vivimus, vitam cō-
parans antiquorum, putes falſa, quæ de illis ſunt dicta:
Illi namque quum eſſent religioſi, & ab ipſo Deo facti,
quūque eis victus opportunior ad maius tempus eſſet,
tantorum annorū curriculos vivebant. Deinde propter
virtute & laude plenas utilitates, quas iugiter perſeru-
tabantur, id eſt, Aſtologiam, & Geometriam, Deu eis
ampliora vivendi ſpatia cōdonavit, quas artes ediſcere

non potuissent, nisi sexcentis annis viuerent. Per tot enim curricula magnus annus impletur. Testes autem mei dicti sunt omnes, qui antiquitatē apud Græcos & Barbaros conscripserunt. Nam & Manethon, qui descriptionem fecit Aegyptiorū, & Berosus, qui Chaldaica deflorauit, & Mochus, & Estius, adhuc & Hieronymus Aegyptius, qui Phœnicia disposuerunt, concordās cum meis dictis. Isidorus quoq̃, & Hecataeus, & Hellenicus, & inter hos Ephorus, & Nicolaus in historijs suis mentionem faciunt Antiquorum annis mille uiuentium.] Hec ille. Atque hec sunt veritatis nostrae de Longeuitate Patrum vestigia. Pergamus ad reliqua.

Ad IIII. Translatio visibilis Chanochi.

ET quidem quod ad translationē Enoschi vel Chanochi in caelum, illa vel neglecta, vel omnino intellecta ab ijs non fuit, nō autem non audita (quā fateantur primis Mundi temporibus homines cum Deo sapē collocutos) propterea quod distinctionem illam vera pietatis à falsa Ethnici homines neque intellexerunt, neque retinuerunt, utpote qui toti tenebris false religionis erant, immersi, & aliam, quā Idololatriam, nō putarent esse veram religionem ullam. Ergo hanc veterem traditionem non conseruauerunt illi: Et quum esset etiā hoc singulare quiddam, quod in vno solum, nō autem in pluribus hominibus contigisset, eius singularis facti memoria facile fuit ex hominū animis postea obliterata, amissaue. Quare vel nulla, vel omnino obscura huius Chanochi translationis vestigia extant, quae quidē reperire potuerim, nisi fortasse istud, Quod Ethnici fatentur homines

mines pios, & bene de genere humano meritos in cælum translatos, & in deorum numerum ascriptos. Id quod proculdubio est istius Chanochi translationis, & ^{translati-}ōis, visibiliter & in conspectu hominum facta vestigium, ac velut lineamentum quoddā, quanuis tenue, superstes tamen. Inde est illud M.T. Ciceronis lib. 2. de Legibus, [Dinos, & eos, qui cælestes semper habiti, colunt, & ollos, quos in cælum merita vocauerunt, Herculem, Liberum, Aesculapium, Castorem, Pollucem.] Quos Hesiodus post publicā nominis Dei profanationē suprā à nobis descriptā (quam ille Argenteam ætatem appellat, cōparans eam cum sequentibus ætatibus mundi) extitisse scribit, & herōas, atque hērōas .i. herōas, & semideos appellat, qualem fuisse volunt illum Herculem qui Ἡρακλῆς dictus est (nec enim omnes Hercules tales fuerunt, ut apparet ex Homeri lib. 11 & 21 Odyssæ) De quo Diodor. Sicul. lib. 5. cap. 2. Inde illud quoq; Platonis Herōas colendos esse, utpote ex Dijs natos, & in cælum receptos, itaque ijs sacrificandū esse, lib. 4 de Leg. Extat apud Augustin lib. 3. Ciuit. Dei cap. 4. dictum Varronis utile esse ciuitatibus, ut se viri fortes, etsi falsum est, Dijs genitos putent, ut hac stirpis diuina fiducia res magnas gerant, & in cælum se postea recipiendos existiment. Denique istius Chanochi ex his terris in cælum visibilis migrationis testimoniū & vestigium est, quod Ethnici scribunt iustitiam, id est, maximè iustum quempiam ultimum ex his terris in cælū ad Deos euolasse. Ouidius lib. 2. Metamor. [Ultima cælestium terras Astræa reliquit.] Nec enim Iustitia ipsa, quæ est Res abstracta: sed Iustum aliquis, qui ulti-

mus inter corruptissimi seculi homines vixit, translatus est à Deo, propter suam illam iustitiam è terris in cœlum, idque cōspicue. Id quod posteritas ad ipsam Iustitiam transtulit, dixitque [Ultima de superis illa reliquit humū.] Ergo hæ sunt memoria illius antiquissime de Translatione Chanochi, reliquia nobis, velut vetustissimi cuiusdam naufragij tabule, salua, & certè quidē colende. Quod autem de piorū hominum cōubio cum impijs mulieribus tradit Moses, minimè fuit ab Ethnicis observatum, quoniā ipsi omnes impij erant, nec alios, quàm se, pios censebant. Verùm quod sequitur de Gigantibus, eorūque procreatione (fuerunt enim illius infasti coniugij effecta & fructus) factis, & moribus, velut seuitia in homines, impietate in Deum, crudeli audacia, & lasciuia procacitate ac turpitudine in mulieres, illud manifesta apud Ethnicos testimonia, & infinita penè vestigia habet, quæ extant in eorum scriptis.

Ad VI. Gigantes, & eorum Procreationem, ac Mores.

AC primū huiusmodi quosdam homines olim fuisse probant & scripta, & nomina, quæ certis locis & regionibus diu manserunt & inter Israëlitas, & inter Ethnicos. Inter Israëlitas quidem, quod vallis quadam vicina Hierosolymis ad tempora vsque Flauij Iosephi dicta est Vallis Gigantum. Is autem vixit sub Vespasiano Imperatore Romano, idq. scribit lib. 7. Antiquit. Iudaic. cap. 4. Inter Ethnicos autem, quod Arcadia ipsa Peloponnesi regio dicta fuit olim Gigantis, uti & Ste-

Stephanus in lib. de Urbibus, & Eustathius in Dionysii Alexandr. lib. de Situ Orbis. Sic & Creta regio dicta quondam. Ergo quod nonnulli totam hanc historiam velut fabulosam repudiant, ineptum est, quemadmodum docet Augustinus lib. 15. Ciuit. Dei, cap. 23, [quasi verò, inquit, corpora hominum modum nostrum longè excedentia (quod etiam supra commemoravi) non etiam nostris temporibus nata sunt. Nonne ante paucos annos, quum Romana urbis, quod à Gothis factum est, appropinquaret excidiū, Roma fuit scēmina cum suo patre, & sua matre, quæ corpore quodammodo Giganteo longè ceteris præmineretur? Ad quam visendam mirabilis fiebat undiq; concursus.] Tertullianus quoque lib. de resurrecl. Carnis, [Nec Gigantum, ait, antiquissima corpora denotata constabit, quorū crates adhuc viuunt. Sed & proximè in ista ciuitate, quum eo die fundamenta tot veterū sepulchrorū sacrilega cōlocarentur, quingentorum fere annorum ossa adhuc succida, &c.] Plinius lib. 7. cap. 16. scribit in Creta insula terra motu inueniū esse Gigantis cuiusdā (sive is Orestes, sive Hercules, sive alius fuerit) corpus 47 cubitorum. Herculis corpus ex Olympico stadio in Achaia longè maximū, & nostra superare reperit Pythagoras, ut tradit A. Gellius lib. 1. Noct. Attic. cap. 1. Plutarchus, & Strabo idē. A Sertorio Romanorū duce Antei Gigantis corpus in sepulchro reiectū narrat Fulgositus, & ante eum Solinus, quod sexaginta cubitos haberet. Typhœi Gigantis corpus iacens nouē iugera terre continuisse scribit Virgilius, lib. 6. Aeneid. Hominis mortui sola ossa genuū magno disco similia viderūt Graci, teste Pausania lib. 8. Iosephi

atate corpora immēsa magnitudine visa scribit ipse lib.
 5. *Antiquit. cap. 5.* Sub Henrico II. Germano Impe-
 ratore, Pallantis corpus effossū est quod urbis Romę
 muros equabat altitudine, anno Domini 1171. Homi-
 nis solum caput in eadem Creta repertum, anno 1480,
 doli magnitudine commemorat Sabellicus. In Anglia,
 corpus, cuius lōgitudo erat 50 pedum, Lycosthenes: In
 Drepano urbe Sicilia corpus Erycis effossū, quod 200
 cubitorum fuisse cōyciebatur, Ioan. Boccatus. Deniq;
 in Gallia sub Carolo V I I. Gallorū rege aliud visum,
 quod pedes 30 equaret. Atque hac omnia non Poēta
 mendaces, qui omnia in maius tollunt: sed veraces Hi-
 storici scriptis & literis prodiderunt partim à se visa:
 partim ab ijs, qui viderant, accepta. Quamobrem olim
 Gigantes fuisse, & eos monstrosa, & immensa corporis
 statura, si cum nostra conferatur, dubitari non potest,
 nisi quis ea duntaxat credēda putet, quę ipse vidit. Ve-
 rū Poēta, praesertim Graci, multas fabulas isti veri-
 tati admiscuerunt: & quę vetustissima erant, ea quasi
 recentia, & paulò ante suā atatem gesta descripserunt.
 Unde factum est, ut quicquid de Gigantibus narratur,
 falsum, fabulosum, ac tralatitium à plerisq; censeatur.
 Porro Gigantes illos, qui populariter, & magno in his
 terris numero erant, antiquissimos fuisse fatentur ydem
 illi Ethnici: Eos enim Terra filios esse dixerunt. Qui-
 quid autem antiquissimum, & primo statim mundi se-
 culo natum est, posterior etas è Terra ortum, vel Terra
 filium, si homo erat, appellarunt, & esse censuerunt.
 Quamobrem eosdem Graci γίγαντες, id est è terra ge-
 nitos: Latini verò Gigantes appellarunt, quos eosdem à
 pri-

primis patribus & Titanas, & Aloidas quoque nominantur, uti Virgil. lib. 6. Aeneid. Ergo Gigas terrigena .i. è terra genitus dicitur, ut ait Isidor. lib. 11. Etymolog. Vnde Hesiodus in Theogonia eos vixisse primo mundi aëo canit, & terra filios fuisse, his versibus:

Πάσας δ' ἔξατο Γαῖα, θεοπρομένων δ' ἐν αὐτοῖς

Γείνατ' Εἰωνῶς κ' Ἐρὸς μεγάλης Γίγαιτες

Τεύχεσι λαμπομένους, δ' ἔλιν' ἔλχεα χερσὶν ἔχοντες. I.

Omnes guttas sanguinis excepit Terra, & cōpletis annis Genuit postea Erinnyes fortes, magnosque Gigantes Armis lucentes, & manibus longa hastilia habentes.

Idem Diodor. Sicul. lib. 1. Biblioth. tradit, & in idem tempus collocat. Berosus quoque lib. 1. sect. 2. Imo verò etiam Ethnici ipsi in eo cū Mose consentiant, quod scribit eos ex Dei filiis natos. Nam quum fabula Poetica tradidissent Gigantes ex serpentum dentibus satis extitisse, hanc fabulā Palephatus lib. de Fabul. Narrat. refutavit Nam eos ex hominibus præstantissimis natos esse dixerunt. Pausanias lib. 8, [In Odyssæa verò Homerus scripsit, ait, Lestrygonas impetum in Ulyssis navem fecisse. Gigantibus, non viris similes. Item Phæacensium rex apud eundem Homerum loquitur, aitque Phæacæses, sicut & Cyclopes, & Gigantū vulgus, propè ad Deos accedere. His itaque locis declarat, non ex Deorū genere, s. d. mortales esse Gigantes: Id quod inde clarius intelligitur,

Rexit is immanes elata mente Gigantes,

Perdedit & stultum populum: post occidit ipse.]

Quamobrem rectè à Cyrillo reprehensus est Iulianus Imperator lib. 9. Operis aduersus eum adit. sect. 1. qui

Gigantes ex ipsis Demonibus .i. Dys, eorumq; semine procreatos putat: Neq; enim ex Dys ipsis nati sunt, qui nullū semen emittunt: sed ex hominibus herōibus. Porro eosdem extitisse & in Deum impios, & in homines sui seculi iniuriosos, ex ipsorum quoque Ethnicorum scriptis apparet. Scribunt enim illos contra deos pugnas, eisq; honorem ac cultū omnem inter homines ademisse: Vnde Gigantomachia, & Theomachia nominata, quā Plato penitus ex hominum memoria delendam (ne tātum scelus alij mortales imitentur) existimat lib. 2. de Rep. Et quod nonnulli locum huius pugne definiunt, volūntque fuisse montes Peliam, Ossam, & Olympum in Thessalia: alij Phlegraeos cāpos, ut Pomp. Mela lib. 2. cap. 3: alij Palenem in Macedonia, velut Enstathius in Dionysium Alexandrinum, leue est. Futilitas enim ista est hominum Gracorum, quam Poëta Latini postea sunt secuti. Verū hoc ex omnium Ethnicorum scriptorum sententia manet inmutum, Gigātes fuisse absq; cōtrouersia aduersus Deum ipsum impios, & blasphemos. Vnde dicuntur in cælum coniurasse. De hac pugna sic in Aetna Cornelius Senerus,

[Tentauēre (nefas) olim deerrudere Mundo
Sidera, captiniq; Iouis transferre Gigantes
Imperium, & victo leges imponere cælo.] Hanc

eandem descripsit Claudianus, uti & alij pleriq;. Cate-
rūm, eosdē in homines quoque fuisse iniuriosos, apparet
ex eorundem scriptis. Berosus lib. 1. sect. 2. ait, [Scri-
būt illis temporibus circa Libanum fuisse Enos urbem
maximam Gigantum, qui uniuerso orbi dominabantur
ab occasu Solis ad ortum. Hi vastitate corporis, ac ro-
bore

bore confisi, inuentis armis omnes opprimebāt, libidiniq;
 inferuentes inuenere papiliones, & instrumenta Mu-
 sica, & omnes delitias. Manducabant homines, & pro-
 curabant abortus, in edulib; nquē preparabant, & com-
 miscebantur matribus, filiabus, sororibus, & masculis,
 brutis: & nihil erat sceleris, quod non admitterent con-
 temptores religionis, & Deorum.] Eusebius lib. 1. Ec-
 clesiast. Hist. cap. 1. Nefarijs, ait, sceleribus hominis
 inter seipsos agentes sese corruerunt, & interemerunt,
 usquequò procedente immanitate etiam inuicem alter
 alterum deuorauit. Hinc illa, quæ mundo sceleris fa-
 bulas reliquerunt, Theomachia, & Gigantomachia ex-
 orta sunt. Idem quoque Eusebius lib. 2. Prepar. Euāg.
 cap. 9 penè repetit, & lib. 7 cap. 3. eiusdem operis. Inde
 quoq; illud est, quod ydem illi Gigātes ex sanguine nati
 scribuntur ab ysdem Ethnicis, velut Hesiodo in Theo-
 goniam, & Ouidio lib. 1. Metamorph. qui sua ex Hesio-
 do sumpsit, quoniā erant homines truculenti: Item quod
 ydem serpentinis pedibus fuisse dicuntur, quia delosi,
 veteratores, fraudulentiq; homines erāt. Propter eorū
 scelera denique Sol, & Luna, & reliqua sidera sese loco
 mouisse feruntur, quòd tāta eorum scelera etiam astra
 ipsa abhorrerēt, uti scribit Plutarchus lib. 8. Sympos.
 quest. 9. In summa, Gigantium mortuorum pœna in in-
 feris tristissima, & acerbissima describitur à Virgilio,
 lib. 6. Aeneidos. Et hac quidem ostendunt magna esse
 nostra de Gigātib; eorumq; turpissimis moribus inter
 Ethnicos vestigia. Quæ quum dixerimus, ad reliqua
 quoq; pergamus, velut ad Noachū, & eius liberos, qui
 ante Diluuiū illi nati sunt, nempe Iaphet, Sem, Cham.

Ad VII, & X. De Noacho, & eius filijs tribus.

AC primum quidem quod ad Noachum, dubitari non potest certissima de illo vestigia etiā inter Ethnicos extare, non tantum quatenus Diluviū illud uniuersale omnes penē fuisse agnoscunt, & unum quendā hominem ex eo, summa Dei benignitate, fuisse seruatiū, qui postea genus humanū in Mundo propagarit (quem & Noam quoque nonnulli eorum appellant, quemadmodū à nobis suo loco docebitur) verum etiam quatenus Noachi & nomen, & inuentum seu beneficium in genus humanum, agnouerūt, ac retinuerunt, nēpe Vitis sationem, & vini usum, quem illi uni acceptū ferunt. Et certē clarissima totius veritatis istius seu nostrae testimonia superfuerunt inter omnes mortales, priusquam Græci homines a partim uani hanc veritatem suis fabulis inuoluissent, & partim ambitiosi omnia (quæ sunt egregia) sibi, suæque genti, falsò tamen, tribuissēt, atque alijs populis detraxisse, id est, omnia corrupissent, uti docet Lactantius lib. 1. cap. 13. Ergo Noachi nomen velut vetus & augustum ab Ethnicis retentum est. Extat enim & Noa ciuitas in sinu Troglodytico in Mari rubro, cuius meminit Plinius lib. 6. Nat. Hist. & Noe in Sicilia insula, uti scribit Stephanus lib. de Urbibus. Sed & Noas quoque flumini Thraciæ, sicut ait Herodot. lib. 4. Hinc fit & Noarus nomen, quod est attributum Sordis corii flumini, teste Strabone lib. 7, & viro quoq;. Sunt enim nonnulli Noari dicti, uti & Soemi, seu Semi, ut docet Iosephus lib. 2. cap. 20. de Bello Iudaico. Vnde verò?

Nisi

Nisi ex priscais illis Noas & Sem nominibus, quæ Græci imperitiè, vel ad sui idiomatis formam Noarum & Soë-
mū sinxerunt. Id quod mecū sentit Iosephus lib. 1. Ant.
cap. 12. [Aliter enim, ait, ultimas nominum syllabas
declinant, & ad legentiū delectationem mutant Græci.]
Pulcherrimus verò est in nostra veritatis confirmatio-
nem ex Beroso lib. 1. Antiquit. locus, ubi ille sic scribit,
[Unus inter Gigantes erat, qui Deorum veneratior &
prudensior cunctis reliquis ex probis erat in Syria.
Huic nomen erat Noa cum tribus filiis, Samo, Iapeto,
Chem, & uxoribus Tythea magna, Pandora, Noela,
Noegla.] Et lib. 3. [Chem semper magica & venefica
studiosus, Zoroast nomen consecutus est. Is patrem
Noam odio habebat. Itaque nactus opportunitatem,
quā pater Noa madidus iaceret, illius virilia cōpre-
hendens, taciteq; submurmurans carmine magico patri
illussit.] Consentit cum eo, quod, ut Mnaseas Phœnix,
& Hieronymus Aegyptius tradunt, locus ille, in quē
primum in Armenia descendit ex Arca Noachus, di-
ctus est ab incolis [Saleh Noah] id est, Egressus Noa,
Græcè verò Ἀποβάτεια, quemadmodum ait Flavius
Iosephus. Et hæc quidem de nomine ipso [Noachus]
vestigia Ethnicorum supersunt. De re verò ista quoq;
restant. Nam hic Noachus est is, qui primus vitem
plantavit, viniq; usum hominibus monstravit, Gen. 9.
20. Ergo & Boachus primum quasi Noachus: & per
apharesin unius literæ postea Bachus ab Ethnicis di-
ctus est primus vitis, ac vini inter mortales repertor &
sator: Vnde & Lænius genialis cōsitor vna cognomina-
tus est, ut scribit Ovidius lib. 4. Metamorphos. Nec

verò dubium mihi est, quin *Bachi* vox & nomen non à sono bacchantiū, ut nonnulli putāt: sed à veteri *Noachi* appellatione sit deductum, & inde primum [*Boachus*, *N*, mutata in *B*,] deinde [*Bachus*] formatū, quod duplicata litera *C*, postea *Bacchus* ab ignaris huius etymologia hominibus sit pronuntiatum. Id quod ante me verè & acutè *G. Stuckius* vir eruditissimus observauit in lib. *Coniualibus*. Itaq; cum cantharo *Bacchus* pingebatur, ut ait *Arnobius* lib. 6. contra *Gentes*: & vetustissimus *Deorum* censebatur, etiam ante *Liberum* & *Vranium* natus, quemadmodum lib. 2 cap 2 cōmemorat *Lactantius*. Denique huius veritatis ignoratione multa de hoc antiquissimo *Baccho* fabule & allegorie ineptæ sunt ac cōmenta, ut tradit ac cōqueritur *Diod. Siculus* lib. 4 *Biblioth. cap. 5*. Nec verò *Bacchus* iste est ille *Dionysius* *Græcorum* recens & *Thebanus*: sed vetus ille & *Nysius* ex *Nysa* monte *Indiæ*, de quo etiā meminit *Arnobius* lib. 5. Verū *Græci* vetustissimum illum sua laude spoliarunt, ut ea hūc suum sacrilegè exornarent, ac cōmendarent. Nec verò *Noachus*, *Boachus*, & *Bacchus* solum: sed & *Oenotrius* quoque, *Οινότερος* *Græcè*, *Ὀίνος* *ῥοῖος*, appellatus est. Multis enim modis posteritas hoc tantum *Noachi* beneficium celebrare voluit. Itaque varijs nominibus eum appellauit. Idem enim est qui antiquissimus *Ὀινότερος* & *Βάκχος*, .i. [*Oenotrius* & *Bacchus*] & vinifer appellatur. Is autē *Oenotrius*, à quo *Italia* pars quedam primum: postea tota *Italia* *Oenotria* dicta est (quemadmodum ex *Virgilio* *Marone*, *Strabone* lib. 5 & 6. *Geograph. Dionysio* *Halicarnass.* lib. 1, & 2 *Ἀρχαιολογίας* seu de *Origine* *Roma-*

Romanorum, & Stephano de Urbibus apparet) Is inquam, Oenotrius est recentior, & Arcas, qui postea nomen, & inuentū vetustissimi illius Oenotry, nēpe Noachi, falso sibi & arroganter attribuit, utpote vir Græcus & vanus, & pro primo illo haberi, colique voluit: de quo & Fabius Pictor in Fragmentis, & Myrsilus, quicumque iādem is scriptor sit. Caterū, quem Græci & Latini Bacchum & Oenotrium vocant, eundem illū Syri, & Aramei omnes (qui lingua hebræa vel illi cognata utuntur) appellant Ianum à voce [Iain] que vini significat, qui est Vitis ab eo utpote Noacho sata fructus, & eiusdem in homines beneficiū. Ex quo apparet Noachum dictum quoque esse Iainum, & postea Ianū: ac proinde eundem esse, qui & Noachus, & Ianus ille vetustissimus sit. Nam Iani quoque plures fuere, & recentiores omnes antiquo, qui tamen illius inuentum & nomen ambiciosè sibi vendicarunt. De hoc antiquissimo Iano ac proinde Noacho Latini scriptores omnes Ethnici, ac vetustissimi quique meminerunt. Hic & Iane quoq; in libris ritualibus Saliorū dictus est, teste Terzulliano in Apologet. cap. 11, qui ante & Vranū, & Saturnū, & Iouem extitisse, quemadmodū dixi, ab omnibus conceditur, cuiq; propterea prius, quā aly cuiquā Deo sacrificabatur. De quo allegorie multe, uti monui, cōfictæ fuere, quas omnes irridet Augustinus lib. 7. Civit. Dei, cap. 7 & 8. Sunt qui Janum, tanquā Eannum (quod eat & redeat) dictum volunt, velut Cicero, propterea que eum Annum esse existimant: vel Ianum nomen Latinū, non Syrum esse somniant à Ianua deductum, ut Ovidius lib. 1. Fast. sed ij certè quidem omnes

hallucinantur toto cœlo. Ianus enim à Iain, id est, vino, derivatur, estque nomen antiquissimum & Arameum, ante Latinos nedum Romanos natum. Cuius nominis usus vel nullus, vel rarius semper fuit apud Græcos vestigatis contemptores, nisi quod [Iana] extat apud Higinū ex Græcis autoribus, & [Iani] apud Pausaniam lib. 21: multius verò apud Latinos, qui fuerunt religiosiores, quàm Græci: de quo Virgilius, & Ovid. toto lib. 1. Fastor. & Plutarchus in Quæst. Rom. & Varro, & Macrobius: imo loquuntur omnes. Mecum facit Ovidius lib. 1. Fastorum:

[Quem tamen esse deum te dicam, Iane biformis?
Nam tibi par nullum Græcia numen habet.]
Verum Fabij Pictoris, Albrici. & Athenai tantum testimonia proferā: Fabius Pictor in fragmentis, quæ extant, ait. [Iam et ite nulla erat Monarchia, quia mortalibus peccatoribus nondum hæserat ulla regnandi cupiditas. Principes, quia insti erāt & religionibus dediti, iure habiti Dii, & dicti. Vinum & far primus populos docuit Ianus ad sacrificia & religionē magis, quàm ad esum & potam. Primus etiam aras, & pomæria, & sacra docuit, & ob id illi in omni sacrificio perpetua præfatio præmittitur, farq; illi & vinum primo prælibatur.] Albricus de Deorum Imaginibus, [Ianus, inquit, in Deorum numerum acceptus est, cui omnia rei initium & finem tribuebāt. Taliter figurabatur, Erat Rex homo sedens in throno fulgenti radijs: duas facies habebat, quarum una ante se, altera post se respiciebat. In manu dextra habebat clavem: In sinistra verò habebat baculum, quo saxum percutere, & ex illo aquā producere

ducere videbatur.] quannus aliter Ouid. lib. 1. Fast.
 [Ille tenens baculum dextra, clauemque sinistra.]
 Athenaus denique lib. 15. Dipnosoph. ex Dracone Cor-
 cyrao in lib. de Lapidib. ait, [Ianium fama est bifron-
 tem fuisse, altera facie posteriore, altera anteriore. Ianiū
 flumen, Ianiumq; montem ab eo fuisse nominatum, quod
 in eo monte habitauerit. (nimirum in Oriente & in In-
 dia, unde fortasse insula illa due in mari Indico vocata
 nimirū Iana seu Ianna maior, & Iana minor) coronas
 illum reperisse, nauigia, rates: numum areum ab eo pri-
 mum signatum: qua ratione ciuitates in Gracia multa,
 Italia & Sicilia monetam cudunt impressa bifronti fa-
 cie & bicipiti: & ex altera parte vel rate, vel nauigio,
 vel corona. Sororem Camefen duxit.] Ergo bifrons
 tantum erat, & quidem primus: non autē quadri frons,
 quemadmodū sequens ætas imperitè finxit, eumq; pin-
 xit, quoniam utrumq; Mundum, nempe primum (qui
 per Diluuium à Deo deletus est) & hunc secundum, in
 quo post Diluuium viuimus, vidit, uti Arnobius lib 6
 contra Gentes sentit. Nam quod Ouidius duas illas Ia-
 no facies ideo datas interpretatur, quod

[Omnis habet geminas hinc, atq; hinc Ianua frontes:
 E quibus hæc populum spectat, at illa Larem]
 puerile est: sed quod duplicem illum mundum, uti dixi,
 viderit, bifrons fuit. Ratis ei tribuebatur, & quadrās
 moneta, qui illius ratem ex una parte: ex altera bifron-
 tem eiusdem Iani faciem habebat. Is quadrās quadrās
 [ratis] à rate vocabatur, ut loquitur Ennius. Quare
 vera est de uno Iano hæc sententia eiusdem Ouidij.
 [Solutus de superis, qui tua terga vides.]

Atq; hac ratio est, Cur Noachus ex vetustissima illius
 nostre veritatis vestigijs ab Ethnicis & Ianus dictus
 sit. & pingeretur bifrons, & ratis ei tribueretur. Quod
 si quis eum a Ianua dictum quoque velit, is fortasse suā
 sententiam posset ineri, quod, ut Cyrillus lib. 1. contra
 Julian. ex Abydeno vetere scriptore tradit, Noachus
 Xisuthus quoque à veteribus dictus est. Xisuthus autē
 est a [χuz] hebraeo, per geminationem & epanalepsin
 prima luera z, sic [χιζuz] unde Xisuthus nomen à
 Gracis factum. Est autem χuz Hebraeis, postis, porta,
 limen. Noachus igitur sic à dignitate fuerit olim ap-
 pellatus. Porro idein videtur quoq; nominatus ab isdē
 nonnunquā [Ogyges] lingua Aramea, ut Berosus vult:
 Græca verò, [Ogygus] ut conuertēre hāc vocem Stra-
 bo lib. 8. Geographia, & Pausanias lib. 1. Sic Berosus
 lib. 2 [Primum, ait, dixerunt Noam Ogygis an Sagā,
 id est, Illustrem sacrorum Pontificem, & Disir.] Xe-
 nophon quidā in lib. de Aequinocis, [Fuit verò, inquit,
 priscus Ogyges in prima inundatione terrarum: Alter
 verò Atticus, in tertia.] Idem tradit quoque Meta-
 sthenes. Certe [Sagan] vox principem Hebraeis signifi-
 cat idem Assyrijs, ut volunt, vocabulum [Ogyges] &
 Aegyptijs [Osiris] notat. Vnde pulcherrimo, ac maxi-
 mē honorifico nomine vocatum fuisse veterem illum seu
 primum Noachū vel Ianum Ogygen apparet. Sed po-
 steri eius quidam se quoque ex prisci illius nomine ap-
 pellarunt Ogyges, qualis is, de quo Eusebius lib. 10. cap.
 3. Preparat. Euangel. & de quo Augustinus lib. 18.
 Ciuit. Dei, cap. 8, qui quando fuerit, ac Diluuium O-
 gygis ex eo dictum, ignoratur: qualis item ille alter O-
 gyges

gyges Thebanus, à quo Thebarū urbis porta una Ogygia nominata est, quemadmodū scribit Pausanias lib. 9: Imò tota ipsa Græcia Ogygia, honoris ergò sic olim vocata. Stephanus in lib. de Urbibus. Sed isti Ogyges sunt recentiores: noster vero, qui idem & Noachus, & Bachus, & Ianus, vetustissimus est & primus. Hinc Ogygia quoque Insula ab Homero celebrata, sicque appellata propter vetustatē, Maris Ionici. Quicquid enim olim vetustū erat, idem dicebatur, cōmendationis ergò, Ogygium, tanquā ex mundi totius concussione, & ruina (qualis in diluvio accidit) superstes, & saluum. [Gasssch] enim Hebrais mouere & concutere significat. Vnde Gyghes, & per epenthesein litera Hebræa h, Ogyges formatum est: unde postea Ogyges, id est, saluus ex Mundi excidio dictus, quicumque vetustissimus inter mortales censebatur: sic vocari fuit honorificū. Ceterum, ut hoc ipsum quoque obiter dicam, Ogygia illa insula Homerica ponitur à Plinio lib. 3. cap. 10. in Mari Ionico, ex aduerso Locrorum Italicorū: à Strabone lib. 6. in Mari Aegeo. At verò à Plutarcho lib. De facie Lunæ in Oceano magno, & supra Britāniam, quæ nūc Anglia, & fortassis est Mona insula, ubi primi dii fuerint. In summa, [Ogyges, & Ogygius] sunt voces, quibus antiquitas cōmendatur. Porro idem quoq; hic Noachus Xisuthus dictus, scribitur ex Alexandro Polyhistorē à Cyrillo lib. 1. contra Iulianū, & Iosepho lib. 1. contra Appionem. Et hæc quidem de Noacho, & ijs, quæ inter Ethnicos extiterūt, illius vestigijs, licet propter varietatem & immutationem nominum obscuris. Hic enim semper fuit astus Satane, ut rebus veris.

simis & iam notis magnas tamen tenebras ex nominum, quibus primum appellabantur, mutatione vel interpolatione offunderet. Id quod diligenter observandum est. Jam vero ad Noachi filios accedamus, qui & tres tunc, id est, ante Diluvium fuisse dicuntur: & quorum nomina hæc recitat Moses: Iaphet, Sem, & Cam vel Cham: utroque enim modo ab Ethnicis scribitur. Hæc veritate quid ipsis adeo Ethnicis fuit notius, qui eadem dicunt? Tres enim Noachi filios fuisse noverunt, scripseruntque, & ysdem eos nominibus appellat. Ac primum quidem volunt, uti tres fuerunt primi, & precipui Noachi filij: sic uniuersum mundum seu Orbem terrarum post diluvium à Noacho in tres partes diuisum fuisse, quarum Asia Semo fuerit assignata: Africa, Camo: Europa, Iapeto. Sic Berossus ille, quem iam citavi lib. 4, [Designavit, inquit, illis Noachus tres partes Orbis, Asiam, Africam, & Europam, singulis his principibus partes, ad quas irent, partitus.] Verum hæc sententia nequaquam satis firma mihi videtur, refutaturque primum ex Dei verbo Gen. 10. ubi posteri Iapeti etiam in Asia multas provincias occupasse, & habitasse colliguntur. Deinde à Iosepho lib. 1. Antiquit. Iudaic. cap. 11. Scribit enim sic, [Iaphet filius Noë habuit filios septem, & habitarunt regionem à Tauro & Amanio montibus incipientem, & pertingentem in Asiam usque ad flumē Taram.] Quæ tota regio in Asia maiori & Septentrionem versus sita est, nequaquam autem in Europa. Iosepho succinit Cedrenus lib. 1. Hist. Docet enim plerasque Ponti Polemoniæ provincias, quæ sunt in Asia, primum à Iapeto, eiusque filijs habitatas fuisse. Nec certè

ab hisce dissentit Philo Iudeus in *Antiquit. Biblicis*. Ado Viennensis in *Actate secunda* scribit demum sub Heber, & longis post Diluuium seculis totum terrarū Orbem in tres quasdam partes, diuisum linguarum, sibi cognitarum diuisionem, paritum fuisse, quia tres erant Noe filij. Huic nēpe ternario numero, & memoria filiorum Noachi tantam reuerentiam posteri tribuerunt. Prima pars, ait, à Perside, Baetris, & India usque ad Rhinocoruras (que vrbs Palestinam ab Aegypto separat) extenditur, habuitque linguas 27 sibi similes: Prouincias autem & regiones 46. Hæc fuit *Semiti*: & est in Asia Maiore, ac Orientali. Secunda pars à Rhinocoruris urbe ad Gadilah, Garamatas, & Aethiopas (qua tota regio seu terra tractus est Africa) continebat autem linguas 22. Regiones autem 393. Hæc fuit *Cam*. Tertia pars Orbis pertingit à Gadilah ad Mediā usque, habuitq; linguas 24, regiones penè mille. hæc fuit *Iaphet*. Pertinet autem etiam hæc ipsa ad Asiam quoque. Verum postea pro his partibus orbis posteritas Asiam, Africam, & Europam substituit, retinereque maluit. Sic autem hæc tres continentes terras, & orbis partes primi Cares homines maritimi, quique ad eos accedebāt, nominauēre, mortuis iā pridem tribus illis Noachi filijs, quemadmodum ex Strabonis lib. I. Geograph. sub finem facile colligi potest. [Cares enim, ait, & Græci non ad uniuersum terrarum orbem respicientes, sed ad suam duntaxat terram, & contra se positam Cariam, in qua nunc & Iones, & alij Græci habitant, appellarunt Asiam, ab Asia palude, eam regionem, quam ipsi tunc incolebant.] Asia verò paludis (qua in

eo tractu est. i. in Asia minore à Gracis habitata) meminisse Virgil, lib. 1. Georg. & imprimis lib. 7. Aeneid.

[& longa canoros]
 Dant per colla modos, sonat acinis, & Asia circum
 Pulsa palus.] Ergo Asia non a muliere, ut putat
 Isidorus: sed ab ista palude Gracis hominibus, & Ca-
 ribus tunc mare frequentantibus nota dicta est: & pri-
 mum quidem solum ea regio, in qua ipsi Graci habita-
 bant, id est, Asia minor: deinde vero tota reliqua conti-
 nens, illique adiuncta terra, ut scribit Strabo lib. 2. quae
 Asia Maior propterea cognominata est, ex compara-
 tione ad Minorem illam. Europa autem ab ipsdem Ca-
 ribus, & Asianis Gracis appellata est ea regio, quae ipsis
 Asiam minorem incolentibus erat obiecta, & in quam
 late liberèque ex suis littoribus prospiciebant, nimirum
 aperto Mari in ea mundi & Asia parte. Ergo Europa
 dicta est tanquam *ἡ ἑὺρωπὸς*, vel *ἡ ἑὺρωπὴ*, id est, à
 lato liberòque in eam partem & terram ex Asia minore
 prospectu, non autem ab Europa nescioqua sorore Cadmi,
 quemadmodum nonnulli existimant. Iustinus historicus
 Europam ab Europeo rege Macedonia & Thraciae ve-
 rustissimo nominata esse vult, qui cōsederit in ea Thra-
 cia regione, quae Asia opposita est. Sed verior est supe-
 rior nominis ratio, ac notatio. Denique Africa ab ipsdē
 Gracis Asianis dicta est ea regio, ex qua ad se ipsi, qui A-
 fros sese vocabant, veniebant, & ex qua orbis parte mare
 agitatiū maximè, erat procellosum, ac spumabat. Aegy-
 ptus enim Gracis spuma est. Ergo sic Cares primi. Verum
 postea eadem hec nomina & vocabula ab alijs gentibus
 retenta sunt: nam ab istis Gracis Asianis in mari ver-
 santi.

santibus cōmunicata alijs sunt populis, postquā longius progressi essent, & nāvigando plures terra regiones, & Orbis partes adissent ac peragrassent. Ex quo tandem effectum est, ut vniversus terrarum Orbis in istas tantum tres partes, non in plures à Græcis primum, post autem ab alijs Ethnicis hominibus divideretur, nimirū in Asiam, Europam, & Africam. Id quod ab illis nequaquam factum est vel in memoriam, vel in respectū trium illorum Noachi filiorū, Iapheti videlicet, Semi, & Cami: sed quòd ista nomina tria Terrarū à Caribus & Græcis Asianis didicissent, & accepissent. Et tamen tolerabilior est ista in numero trium Noachi liberorū subtilitas ac philosophia, quàm illa prorsus allegorica, & certè quidem inepta Augustini Rhetoricatio (pace tanti viri dictum sit) lib. 16. Ciuit. Dei, cap. 2, qui hūc ternarium filiorum Noachi numerum refert ad Christum, fideles, & impios. Quòd si quis significationem istorum nominum Hebræorū quærat (ex qua tantopere philosophatur Augustinus) hæc est: [Iaphet] dictus est quasi pulcher facie, vel latis humeris esset. Sic à Græcis Plato appellatur. [Sem] vocatus videtur quasi famā celebris memorabilis futurus, vel positus à Deo, electusque: Sic Cleones Græcè dicti. [Cham] autem vel Cami (nam sic promiscuè à Latinis scribitur) nomen accepit quasi temperamento calidus, & niger esset colore. Sic Nigri multi à Latinis, & Mela Græcis, dicti. Quas ego nominū interpretationes sequi, quàm inepta quadā philosophamenta malo. Caterū de Iapeto seu Iapheto primogenito Noachi filio extant plurima apud Ethnicos vestigia. Is enim est, quem ipsi Hebræam vocem ad

sua lingua normam ac suauitatem insculptentes vocant
 Lapetum priscum. Nam plures postea eodē hoc nomine
 sunt appellati. Priscus verò iste Lapetus terra & cœle
 filius abys fuisse dicitur .i. hominum, post renouatum
 & receptū ex aquis hunc mundū, antiquissimus. Quos
 enim homines olim vetustissimos esse censebāt, eos terra
 & cœli, velut primorū Mundi elementorum, filios vo-
 cabāt. Ergo hic & ab Hesiod. in Theogon. & à Virgil.
 lib. 1. Georgic. è terra ipsa natus scribitur, & ab Higi-
 no initio lib. De Fabul. Deniq̃, extitisse primis post di-
 luvii temporibus, cuius filius dicitur fuisse quidā Pro-
 metheus, non ille quidem antiquissimus (us enim fuit A-
 bel) sed recentior alius, qui tamen cum prisco illo con-
 funditur ab Ethnicis hominibus, & Poëtis, præsertim
 omnia muscentibus. De hoc igitur prisco Lapeto dixit
 Ouid. lib. 1. Metamorph. [Quam satius Lapeto mistā
 fluvialibus undis:] de quo Cyrillus ex Ethnicorū scri-
 ptis lib. 3. contra Iulian. Hinc proverbiū etiam à Eu-
 ciano Ethnico usurpatum, Ἰαπέτω ἀρχαίστερος, [La-
 peto antiquior.] Hinc Iaphia nomen, Ios. 10, 2. Sam. 5
 & Iaphie oppidum Zabulonis, Ios. 19: & fortasse Iap-
 podes populi vetustissimi inter Illyricos in Alpibus sit-
 ti, de quibus Appian. in Illyricis, & Strabo lib. 4. Geo-
 graph. Huius Lapeti Berosus lib. 1 & 4, disertē me-
 minit. Semi verò (qui pius permāsit, & à quo gēs He-
 braorum orta) pauci scriptores Ethnici mentionem fe-
 cēre, præter illum, quem iam dixi Berosum, cuius verba
 antea protuli ex lib. eius 1. Manent tamen etiam inter
 Ethnicos hac nominis ipsius quadam vestigia, velut no-
 men [Soemus] de quo Iosephus lib. 2. de Bell. Iudaico
 cap.

cap. 20: & [Samos] insula, & [Samotheacia] ubi dicitur Cabiri, seu dicitur Samotheacum, quasi veriores, quam dicitur Græcorum, qui religiosissime ab Ethnicis colebantur. Verum Chamis seu Cami longe plurima extant inter Ethnicos vestigia: fuit enim impius, & Ethnicis propterea notior, quam Semus ille pius, & verè religiosus. Quem enim Scriptura vocat Chamum, eundem Ethnicis nominant Camefen, quem Zoroastren quoque fuisse volunt. Sic igitur Berossus lib. 3 [Erat, inquit, Noacho filius ex tribus primis iunior Cham, qui semper Magica & Venefica studens, Zoroastri nomen consecutus erat. Is patrem Noachum odio habebat. Itaque nactus opportunitatem, quum Noa pater madidus iaceret, illius virilia comprehendens, taciteq; submurmurans carmine magico patri illi insit, simul & illi sterilem atque castratum effecit. At vero Cham quum publicè corrumpere mortale genus, asserens, & re ipsa exequens congregandum esse, ut ante exundationem, cum matribus, sororibus, filiabus, masculis, brutis, & quovis alio genere, ob hoc eiectus àIANO. i. Noa piissimo, sortitus est nomen Chamæsenne, id est, Chem infamis & impudicus.] Unde nomen Camefes formatum postea. Ex quo fit, ut vox [Esenus seu Ezenus] proculdubio sit ab hebreo verbo [Zanah] derivata, quod fornicari & animo, & corpore significat. Fabius Pictor lib. de Aureo seculo docet sub finem aurei seculi Camefen præfectum fuisse, seu imperasse Aboriginibus in Italia, siue is prisce fuerit, de quo Berossus: siue recentior, quod magis puto. Multi enim postea fuerunt Camefes. Cato in Fragm. [Italia (inquit) splendidissima origo fuit, tum tempore, tum]

origine gentis. Cæpit enim aureo seculo sub principibus
dys, Iano, Cameſe, Saturno.] Et poſtea, [Italia à dys
cōplura ſortita eſt nomina, a Iano Ianicula (quem qui-
dam Oenotriū fuiſſe putant, quia inuenit vinū & far)
Cameſena, à Cameſe: & à Saturno. Saturnia.] Et mihi
quidem dubium non eſt Italos primos potius à Camo,
vel eius poſteris propagatos eſſe, qui ex Africa in Gra-
ciam & Siciliam traiecerint, quàm ex Iapeti poſteris
illis, qui in Asia vel Septentrionali Europa parte diu
ſubſtiterunt. Ergo illi Cami ſive Cameſis filij Noe, ve-
lut primi autoris ſue gentis & diutiſſimè, & lubentiſſi-
mè memoriā conſervarunt, eamque poſteris poſtea tra-
diderunt. Ab eadem Cami voce videntur quoque & in
Oriente quidem (ubi Camus cum patre Noa diu habi-
tauit) hæc nomina velut illius veſtigia formata reli-
ctaque fuiſſe, Cambaia regio Orientalis, de qua Strabo
lib. 12 & Cambala, ubi ſunt auri fodina, quæ nūc Cam-
balu vocatur: unde Magnus Cam Tartaria dictus, qui
illis locis imperat. Hinc Cama & Camaca populi Scy-
thiæ extreme & Orientalis, ut docet Plinius lib. 5. cap.
17: Camina Inſula, lib. 4 cap. 12. Camina Ceres dicta
apud Pausaniam lib. 6. Cameſes fluvius Oceani Indici
& Orientalis: de quo Aethicus. Cameſena oppidum in
Italia, de qua M. Cato in Fragmentis. Cambysis quoq;
regis Perſia nomen honorificum inde natum, qui Cyro
regi in imperio ſucceſſit: à quo Cambysena regio Orien-
talis fuit appellata. Et hæc quidem tot appellationes
videntur ab uno Cami nomine deductæ, & in hominum
memoriā velut veſtigia lucida, Camū reuocaſſe. Quid
quod nonnulli, velut Pleſſei in lib. de Veritate Chriſt.
ſcribunt?

scribunt? *Hammon Iuppiter*, aiunt, inter *Afros* est idem, qui & *Cham* filius *Noachi*: Scribitur enim per [Cheth] *Hebraũ*, quod per suum *H*, *Latini*, & *Graci* per suam aspirationem pronuntiat. [Mon] autem syllaba addita fuit imperitè, vel ambitiosè à *Gracis*, ut ab arena nomen *Ammonis* tanquam suum & *Gracum* deducerent. *Amu* enim *Gracè* est arena: In arenosa verò *Cyrenaica* regionis parte sitũ est istius *Iouis Ammonis* templum. At *Herodotus* lib. 2. manult *Ammonē* quasi *Amnonem*, id est, arietinũ vocatum *Σμῖτ' ἀμνὸν* deductum, quòd facie arietina pingeretur. Vnde illud *Nasonis*, [Lybs est cum cornibus *Aminon*.]

Sed errāt omnes isti imperitia vera istius nominis etymologia. *Chammon* enim à *Chamo* dicitur. Est enim lingua & gens *Aegyptia* affinis *Hebrae*. *Aegyptia* igitur ab illa vocem *Dei* sui *Chammonis* desumpsit. Et hac quidem de nominibus istis satis.

Ad VIII. Corruptissimum vitæ genus.

Accedamus iam ad reliqua nostra *Historia* capita, nempe ad corruptissimum vitæ hominũ genus, quod & post *Gigantes* natos, & tempore *Noachi* ante *Diluvium* à *Deo* immissum irrupit in orbem terrarum. Cuius rei hæc extant in *Ethnicorum* scriptis vestigia. quāquam obscurata ex eo, quòd illi etiam transtulerunt ad atates *Mundi*, quæ secuta sunt *Diluvium*, ea, quæ ante *diluvium* contigerant, & facta fuerant, vel ignorance temporis rerum gestarum: vel quòd eadem sæpius repetita fuisse putāt, renouato sæpius mundo, quemadmodũ illi autumant: Imprimis autem *Plato* in *Timeo*, & *Pe-*

litico, & lib. 3. de Legibus. Ergo qua illi Ethnici de diuersis Mundi aetatibus aiunt, & praesertim de Ferrea tradunt, sunt istius morum corruptionis generalis, quae ante Diluuium accidit, certissima inter Ethnicos ipsos testimonia. Quamobrem Ouidius lib. 1. Metamorph. docet Ferream illam Mundi aetatem (quae fuit corruptissima, & deprauatissima) & Gigantum aduersus deos pugnam praecessisse, & terrarum inundationem. Nam de Ferrea illa, quae diluuium proximè antecessit, hominum aetate sic scribit:

[Viuitur ex rapto, non hospes ab hospite tutus:

Non socer à genero: fratrum quoque gratia rara est:

Viola iacet pietas, & virgo cede madentes

Ultima caelestium terras Astraea reliquit.] Atque

hac ipsa aetate, ait idem Ouidius, Gigantes nati, qui in cælum, & Deos ipsos coniurarunt, & belligerarunt: de quibus ille sic eodem loco:

[Nè ve foret terris securior arduus ether,

Affèctasse ferunt regnum caeleste Gigantes:]

ex quibus homines nati fuere & ipsi quoque in Deum impij, & in alios homines saui.

-- [sed & illa propago (addit idem Poëta)

Contemptrix superûm, sauaq; auarissima cadis

Et violenta fuit.] Post quas & propter quas homi-

num impietates, crudelitates, libidines, & omne genus scelerû scribit idem Ouidius diluuium in terras uniuersas à Ioue .i. Deo effusum fuisse. Ergo subijcit

[Iamque erat in totas sparsurus fulmina terras,

Pœna placet diuersa, genus mortale sub undis

Perdere, & ex omni contrahere nubila cælo,

Nec

*Nec cælo contenta suo est Iouis ira: sed illum
Caruleus frater inuat auxiliaribus undis.]*

*Quid verò aptius, & cōuenientius nostra veritati dici
& restare potest, siue series rerum, siue immanis corru-
ptio hominū siue diluuij causa spectetur, & queratur?
Ergo hoc est certissimū nostra veritatis vestigium. He-
siodus lib. 1. Opera & Dies, non procul ab istis abludit:
docet enim tota Aerea ætate mundi (quæ secuta est Au-
ream, & Argenteam) homines fuisse violentos & im-
pios, prorsusque periisse: quibus Herōes successerint viri
nempe meliores, quales qui ex Noacho post diluuium
nati sunt, ac orti. Plato in Politico, post Saturni tem-
pus & regnum tantā fuisse totius Mundi intemperiem
ait, prauitatemq; hominū, ut Deus habenas regimenq;
Mundi deseruisse censeretur. Itaque à Deo sublatam
illam viuendi rationem, hominesque illos nempe per di-
luuium à Deo deletos: alios autem in eorum locum sub-
stitutos, & repositos. Diodorus Sicul. lib. 1. de Gigan-
tibus (qui primo Mundi seculo vixerunt) loquens, ita
scribit, [Multi existimāt, quum ij Ioui, Osiridiq; dijs
bellū intulissent (quod summa certè quidem impietatis
indiciū est) omnes peremptos esse.] Atque hæc illi,
quauis Ethnici, nobiscum de corruptissimis hominum
moribus ante Diluuium, punitūque à Deo Mundum
uniuersum consentientes tradunt. Ex eorundem etiam
libris Lactantius planè affinia his scribit: Nam lib. 2.
Instit. Christian. cap. 14, postquam homines quosdam
à cæteris differentes ex coitu Angelorum & sæminarū
natos dixit, eos ipsos totum mundū suis artibus & exē-
plis ante Diluuium deprauasse vult: [Hi, ait, spiritus*

contaminati ac perditī per totā terram vagantur. Itaq̃
omnia insidijs, fraudibus, dolis, erroribus complent. Hi
sibi Geniorū nomen assumunt.] Ergo isti primum mun-
dum prorsus corrumpere. Sed & Berosus ait, Hi Gigā-
tes libidinosissimi erant, impudici, & nihil non scelere
admittebant. Inde illa sunt, quæ dijs suis Ethnici attri-
buerunt scelera, quoniam isti Gigātes, & qui ex ijs sunt
procreati illo seculo, dicti sunt, quemadmodum docet
Moses, Fortes, dij, genui, herōes, & à posteris culti.
Eusebius lib. 2. cap. 9. Preparat. Euangel. [Quā pri-
mis illis ante Diluuium temporibus mores hominū, aij,
stabiliti legibus non essent, nec supplicia peccatorū im-
minerent, adulteria, nefanda matrimonia, maribus ere-
ptam pudicitia, homicidia, parricidia, confecta scelere
bella, quasi res pulcherrimè gestas, dijs suis attribuebāt,
& earum rerum memoriam, quasi perutilem, posteris
tradiderunt.] Et hac ratione, ait idem, coluerunt eos,
qui voluptatum inuenerunt genera, vel amplificarunt:
itemq̃, maleficos & pestiferos viros, quasi Deos colue-
runt. Idem Arnobius contra Gentes ex eorum tamen
monumentis scribit. Sed hoc ipsum quoque confirmat
idem Eusebius eiusdem operis, quod iam citavi, lib. 7.
cap. 3. ex Ethnicorū quoque scriptis, vti ex Mosaicis
sic scribens, [Et Gigantes illi, qui per ora omnium voli-
tant impijs factis (quod adhuc vsque predicatur) Deo
.i. virtuti & pietati bellum nō erubuerunt inferre. Et
qui eos produxerunt siue immortales quidā, siue mor-
tales, malefica quadam artificia, & magicam prauita-
tem primi excogitasse dicuntur.] Ex quibus omnibus
apparet luce Meridiana clariū, & à Gigantibus, qui
primi

primi Mundi seculis fuerunt, summè corruptos fuisse hominū mores: & eam immanem corruptionem vsque ad Diluuium perseuerasse, propter quam illud immissum est à Deo.

Ad XI. Denunciatio futuri Diluuij.

S E D iam ad ipsam Diluuij denuntiationem veniamus, cuius vestigia sunt à nobis in Ethnicorū libris querēda. Sunt autem hæc, Primum, quod Iosephus lib. 1. cap. 4. Antiquit. Iudaic. scribit, Etiam ab Adamo ipso prædictū fuisse Diluuium Mundi propter hominū scelera: idque duabus columnis (quarum una erat lapidea, altera lateritia) inscriptum: quarum una etiam ad ipsius Iosephi tēpora in Syria supersuerit, ut tunc sciebant omnes & ipse scribit. Deinde quod ante Iosephum M. T. Cicero lib. 1. de Diuinat. ex veteribus & Ethnicis scriptoribus docet ipsemet Ethnicus Assyrios & Babylonios habuisse monumenta rerum gestarum penè infinitorum annorum, in quibus quid Mundo esset euenturum, continebatur, ac prædictum erat. Consentit cum Cicerone Diodorus Siculus lib. 3. cap. 8. Biblioth. Scribit enim Chaldaeos rerum, quæ futura fuerant, & quæ gesta sunt, longissimam memoriam scriptis traditā habuisse. Tercio loco C. Plinius lib. 7. Nat. Hist. cap. 56, [E diuerso, ait, Epigenes apud Babylonios DCCXX annorū observationes siderum coelilibus laterculis inscriptas docet, grauis autor imprimis. Qui minimū Berofus, & Critodemus CCCCLXXX annorum. Ex quo apparet æternus literarum usus.] Eæ verò siderū observationes, rerum mutationes, & quæ eluiones mun-

di futura erant, prædicebant. Ergo ex veteri memoria & traditione Patrum hoc retinuerunt, sciueruntq; Ethnici Diluuium & clades mundi à suis Maioribus, qui illis temporibus vixerunt, & priusquam illa euenirent, cognitæ fuisse: ac proinde iisdem fuisse à Deo denuntiata. Sed quid tergiuersamur? Alexander Polyhistor apud Cyrillum lib. 1. contra Iulian. narrat Saturnum prædixisse Xisuiho, id est, Noacho futurum Diluuiū, & quod fabricanda esset Arca, in qua ipse simul cum auiibus, reptilibus, & iumentis seruandus nauigare deberet. En denique istius Berosi, quem iam sapius citauimus, verba, qui, postquam de corruptissimis hominum illius primi seculi moribus, & præsertim Gigantum, locutus est, sic ait, [Tunc multi prædicabant, & vaticinabantur, & lapidibus incidebant, de ea, quæ ventura erat, Orbis perditione. Sed enim illi Gigantes malis assueti corridebant omnia, cælestiū illos ira atque ultione perurgente pro impietate atque sceleribus.] Hæc iste, qui cunq; tandem est, Berosus, certè Ethnicus, & vetus auctor tradit. Finis enim suam historiam quemadmodum & vixit longè ante Romam conditam. Hæc verò nonne sunt manifestissima denuntiati Diluuij vestigia etiam apud Ethnicos?

Ad XII. Diluuium vniuersale Mundi.

Pergamus verò, & tandem ad ultimum nostræ historiæ caput accedamus. Est autem de Diluuiio ipso in vniuersum terrarum orbem immisso: cuius quot extant apud Ethnicos scriptores testimonia, vestigiæque, credi non potest, nedum dici. Quo magis miror quid Augu-
stino

stino in mentem venerit, ut lib. 18. Ciuitat. Dei, cap. 8 scriberet, huius vniversalis & primi Diluuij nullā nec in Græca, nec in Latina historia factā esse mentionem: sed tantū vel Ogigiani, vel Deucalionæi diluuij, quod utrumque primo illo longè postèrius fuit. Refutatur verò Augustinus cū ex perpetuis Ethnicorū monumentis, quemadmodū mox docebimus: tū & Lactātij & Isidori scriptorum ecclesiasticorum testimonio, præterquā quod Augustini interpres eo loco Ioan. Vines vir eruditissimus hanc Augustini falsam esse sententiā, contrā prolatis cōtrarijs, docet. Lactantius igitur lib. 2. cap. 10. non ex Christianorum modò, verū omnium Gentium consensu sic scribit, [Factum esse Diluuiū ad perdendam, tollendamq; ex Orbe terra malitiā constat inter omnes. Idem enim & Philosophi, Poëta, scriptoresque rerum antiquarum loquuntur: in eoque maximè cum Prophetarum sermone consentiunt.] Isidorus lib. 13. Etymolog. cap. 22. [Diluuium dictū est, ait, quod aquarum clade omnia, quæ inūdauerit, deleat. Primum diluuium extitit sub Noë, quando hominum sceleribus offensus Omnipotens, toto orbe contecto, deletis cunctis, vnum spatiū cœli fuit & Pelagi. Cuius hætenus indicium videmus in lapidibus, quos in remotis montibus, conchis, & ostreis concretos, sæpè etiam cauatos aquis visere solemus.] Hæc ille, qui docet omni mortalium generi supereffe etiamnū hodie vetustissimi illius Diluuij memoriā ex lapidibus pretiosis, qui cernūtur in summis montium ingis, quos illic ex eo Diluuiο relictos ait Isidorus. Ex quibus apparet minimè Augustino assentiendum esse. Sed in eo decepti sunt Ethnici, quod ea,

qua de primo illo & antiquissimo terrarum Diluvio acceperant, imperitè vel ambitiosè ad quasdam aquarum eluiones peculiare, quæ in suis regionibus acciderant, transtulerunt, quemadmodum loco iam citato docet Lactantius. Ergo vera est illa Platonis lib. 3. Leg. sententia: multa quidem fuisse Diluvia: Vnum tamè inter cetera celebre & maximum. Verba Platonis hæc sunt ex Ioan. Serrani viri doctissimi versione. [ATH. Multas interneciones generis humani existisse per Diluvia aquarum, & popularium morborum lues, aliasq; huiusmodi noxas, eò quidem usque ut paucula hominum reliquia post illas vastitates superessent. CL. Omnino id cuilibet verisimile videtur. ATH. Agè verò Vnā aliquam insignem consideremus è multis, eam videlicet, quæ per celebre illud Diluvium quondā existit.] Huius autem copiosius meminit idem Plato in Timæo. Cōfuderunt igitur sapè Ethnici particularia illa diluvia, quæ secuta sunt, cum illo Uniuersali, quod præcessit, non tamen semper, & ubique. Sed ut rem hanc totam perspicuè exponā, sic ex eorum scriptis colligo: Inundationes terrarū fuisse plures. Prima, aiunt illi, nouimestris sub prisco Ogyge. Hæc sola fuit uniuersalis, & est Diluviū à Mose Gen. 6. & 7. descriptū uti postea, Deo fauente, demonstrabo. Secunda inundatio Niliaca, menstrua sub Aegyptijs Hercule, ac Prometheo. Tertia bimestris in Achaia sub Ogyge Attico, & recentiore. Quarta, trimestris in Thessalia sub Deucalione. Quinta in Pharo seu Aegypto, & ipsa trimestris (quæ Pharaonica dicta est, vel à Pharaone, vel à Pharo insula, à qua tota Aegyptus, Pharos fuit olim appellata.). Quinta, inquam

in Aegypto sub Proteo Aegyptio in raptu Helene. Eodem modo ex Eusebij Chronicis multoties dilunium exiisse constat, velut sub Noacho, Ogyge, Deucalione: de quibus etiam Isidorus lib. 13. cap. 22. Etymologic. sed etiā postea sub Mauricio Imperatore, anno salutis 586 item sub Carolo V. Imperatore Germano in Hollādia, & Zeelādia, anno Domini 1531: & alijs in locis sæpe. Verūm Dilunium hoc vniuersale, & primum, (quod Noachi temporibus fuit) ἡ ἐξ ὅλης Terrarū inundationem vocarunt, à quo ad oriū Deucalionis volunt intercessisse annos septingentos, quemadmodū tradit Xenophon quidam in Aequiuocis. De hoc igitur priscā Ethnicorū testimonia querimus: nam de Ogygiano posteriore, quod in tota Attica & Achaia dūtaxat fuit: vel Deucalioneo, quod solum in Thessalia, extant quāplurima reliquia. Ogygiani istius posterioris (præter Eusebium. Xenophōtem istū, & superiores autores iam citatos) meminit etiā Varro in lib. de Pop. Rom. teste Augustin. lib. 18. Ciuit. Dei, cap. 8: & Berosus, & alijs: quanquam eorum pleriq; sæpe primum illud Dilunium Ogygianum etiam vocant ab Ogyge præco .i. Noa, uti iam docuimus: non autem ab Ogyge Attico, homine omnino recente & nouo. Deucalionci dilunij mentionē faciunt Virgilius, Ouidius, Pausanias varijs in locis, qui Deucalionem solius Phthiotæ regionis (quæ est pars Thessalia) regem fuisse scribit, eiusq; sepulcrum in Attica extitisse affirmat lib. 1, & 5. Strabo lib. 9. Geogr. & alijs penè infiniti. Illius verò, quod, ut sæpe dixi, & primum fuit, & vniuersale, & sub Noa contigit, infinita sunt in eorundem Ethnicorū libris vestigia. Ac pri-

mum in libris Sibylla, cuius versus hi recitatur à Lactantio Firmiano lib. de Ira Dei, cap. 23.

Εξ ου ανήσαντ & επερανίε θεοίο

Αυταίπ πολίεσι, & ανδρ' ποιον' απασ

Την εκάλυψε θαλασσα & τακλυσμοίο ραγέντος, id est,

[Ergo excandescente Deo, qui sidera fecit,

Urbibus, & cunctis mortalibus usque scelestis,

Diluvium terras magnum obruit & mare rotas.]

Quod Cato quoq; in Fragm. Originum, quae extant, commemorat: [Chaldaei, ait, sempiternitatem Mundi sibi persuadent. Phoenicibus verò ac Sagis magis placet origo. Inter utrosque convenit ante Ninū circiter annis quinquaginta & ducentis (quibus duravit Aureum seculum) terras fuisse inundatas, & in Scythia Saga renatum mortale genus.] Archilochus in lib. de Temporib. [Mnaseas Phœnix Damascenus, ait, lib. 97. hist. asserit ante Ninum fermè 250 annis fuisse terrarum inundationem, & quendam (cui testimonium perhibet Moyses antiquissimus Historicus) liberatum circa fluvium Araxin, ad montes Caspios.] Caterum huius Mnaseae verba recitat Iosephus lib. 1. Antiquit. Iudaic. cap. 5. Sunt autem haec, [Est & super Miniadā excelsus mōs in Armenia, qui Baris appellatur: in quo multos cōfugientes sermo est Diluvij tempore servatos, & quendam simul in Arca deuectum (Is autem est Noa) in montis venisse summitatem, lignorumque reliquias multo tempore conservatas. Fuit autem iste, quem etiam Moses legislator Iudeorum scripsit.] Haec apud Fla. Iosephū Mnaseas ille, quem citat Archilochus. Meminit huius ipsius magni Diluvij quoque Hieronymus Aegyptius, qui

qui antiquitates Phœnicie literis mandauit. Meminit & Berosus Chaldaeus, teste eodem Flauio Iosepho, qui etiam Gordiaum montem nominat quoque, ut suo loco videbitur. Berosus ille, quem iā saepius citauimus, lib. I de Noa scribens, hoc quoque diluuium cōmemorat. At enim, [Is Noë timens quam ex astris futuram prosperebat cladem, anno 78 ante inūdationem nauim inſtar Arce coopertam fabricare cœpit. Anno 78 ab incoata nauī ex improuiſo exūdauit Oceanus, & omnia maria Mediterranea, fluminaq; & fontes ab imo ebullientes exundauerunt ſupra omnes mōtes. Itaque omne humanum genus aquis ſuffocatum eſt, excepto Noa cum familia ſua, quæ nauis erepta eſt.] Hæc ille, quæ cū noſtra veritate plane conſentiunt. Quæ uero apud eundem Beroſum ſequuntur, omnia cum iſ, quæ ex eodem refert Flauius Iosephus concordant. Huius quoq; diluuii meminertunt Alexander Polyhiſtor, & Abydenus. Alexander ait, Arto .i. Lamecho defuncto ſub filio eius Xiſutho, id eſt Noa fuiſſe magnum Diluuium, quod prædiſſet ei Saturnus .i. Adamus futurum, & quòd fabricanda eſſet Arca, in qua ipſe cum animalibus ſeruaretur. Abydenus uero vetuſtiſſimus autor ſic ſcribit: [Poſt quē & alij fuēre, & Xiſuthus, cui Saturnus prædiſit futuram multitudinem imbrum. Itaq; Xiſuthus ſtatim ad Armenios nauigauit, ſubitoq; euenit diluuiū] Hæc ex Abydeno Cyrillus. Illa enim ex eorū (qui ſcriptores ſunt Ethnici) libris ipſe lib. I. cōtra Iulian. trãſcripſit, quæ ſunt veriſſima hiſtoria Moſaice de Diluuiio veſtigia, uti uidēt omnes. Quid in Timeo Dialogo de eodē diluuiio ſcribat Plato, puo cuius homini docto

notum esse, ut homines primi in eo perierint, ut Atlantica insula maxima tunc obruta fuerit, ut totius terrarum orbis facies inde immutata: qua omnia legat apud eum qui volat. Cato in fragmentis ante Ninum 250 annis terram totam inundatam fuisse tradit, ex Maiorū traditione. Ovidius lib. 1. Metamorph. Deucalionēis diluvium appellans illud, quod fuit uniuersale, ait:

[Exspatiata ruunt per apertos flumina campos,
Cumq; satis arbusta simul, pecudēque, virōsque,
Tectaq; cumq; suis rapiunt penetralia sacris.
Si qua domus mansit, potuitque resistere tanto
Indeiecta malo: culmen tamen altior huius
Vnda regit, pressaque latent sub gurgite turres.
Iamque Mare, & Tellus nullum discrimen habebāt:
Omnia Pontus erant, deerant quoque littora Ponto.
Occupat hic collem: cymba sedet alter adunca
Et ducit remos illic, ubi nuper ararat:
Ille super segetes, aut merse culmina ville
Nauigat: hic summa piscem deprendit in ulmo:
Et modo quā graciles gramen carpsere capella,
Nunc ibi deformes ponunt sua corpora Phocæ:
Nat Lupus inter oues, fuluos vehit vnda Leones,
Vnda vehit Tigros.
Obruerat tumulos immensa licentia Ponti,
Pulsabantque noui montana cacumina fluctus.]

Hac Ovidius, quæ graphice Diluvium illud Noeacum depingunt ex tradita vetustaq; memoria. Illud enim tūc euenit, quod Proba Falconia ex Virgilio collegit.

[Tunc Pater omnipotens grauiter commotus ab alto
Aethere se mittit, tellurem & fundit in undas,


Dilu-

Diluvium miscens, cælumque in tartara soluit.

Sternit agros, sternit sata lata, boiūque labores,

Et genus omne neci pecudum dedit, omne ferarum.]

Et ne quid omittam ex illis Ethnicis scriptoribus, Plutarchus eius Diluvij quoq; meminit, quod ex Græcorū libris Deucalioneū appellat in libro de Defectu oraculorum, & Plinius lib. 5. Nat. Hist. cap. 13. de Ioppe oppido loquēs, [Ioppe, ait, Phœnicū antiquior terrarū inundatione, ut ferunt.] Solinus in Polyhist. cap. 37. Deinde Ioppe oppidū, inquit, antiquissimum Orbe toto, ante inundationem terrarum conditum.] Pomp. Mela lib. 1. de Situ Orbis cap. 11: Est Ioppe ante Diluvium (ut ferunt) condita.] Denique populi ipsi Indici nuper ab Hispanis reperti huius diluvij quoque memoriā adhuc inter se conservant, quemadmodum in lib. de Veritate Christiana scripsit Plesscius, cap. 26. Et hac quidem tot & tanta pristina nostræque veritatis vestigia, testimoniāque certissima inter Ethnicos extant, ne ea fabula quædam esse, vel incundum animi commentum, censeatur.



C A P V T IIII.

Quæ Politia tum Civilis, tum Ecclesiastica fuerit toto illo seculo & tēpore, quod habet à Profanatione publica Nominis Dei annos 1421.



AETERVM, quæ toto eo tempore (quod longissimum fuit, cōtinet enim annos 1421) Politia siue Ciuilis, siue Ecclesiastica inter homines fuerit, explicandū est. Viraque verò penè fuit eadem, quæ in proximo, superioreq; seculo, nisi quòd omnia semper in peius ruebant, creuitque in immensum, præsertim hac ætate, hominum nequitia. Ergo quod ad Ciuilem Politiam (quæ in his quatuor posita est, Magistratu nempe, forma Reipub. Legibus, & Institutis seu Artibus, quæ tunc exercebantur) attinet, videtur hæc tunc fuisse: Magistratus propriè toto eo tempore nullus erat, etsi quidam in singulis familijs ætatis ratione, utpote qui erant maximi natu, præerant: sed qui in Inuitos ius diceret, pluribus & diuersis familijs summa autoritate imperaret, qui ius publicæ cōercitionis haberet, qui facinora publicè punirèt vlla in Orbis regione nemo tunc fuit. Ergo tunc quoque scelera manebant impunita, violentia & libido effrænâ in Mundo regnabat: nec vlla extant vel scribuntur illo seculo exempla pœnarum sceleratis hominibus impostarum. Scribit quidem Iosephus eos, quos nominatim commemorat Moses, alios alys post mortem velut in principatum successisse, cui senectia videtur quoque assentiri Augustinus lib. 15. Cimit. Dei, cap. 20: Verum hic Principatus fuit duntaxat domesticum imperium, non autem regium, aut Prætorium: idque in suas cuiusq; solam familias, nō in diuersas: in quo ipso Magistratus potestas à paterna differt. Ergo rectè Epiphanius lib. 1. contra Hæreses totum illud seculum quantumuis longum appellat Barbarissimum, ubi nempe nullus imperaret,

ret, & iurisdictionem coercitionemq; in inuitos, & alios haberet. Consentit cum Epiphanio Eusebius lib. 2. cap. 9. Preparat. Euang. Docet enim totius illius aui mores fuisse insolentes, impios, & dissolutos. Quemadmodum autem nullus Magistratus publicus tunc fuit: sic neque Leges vlla communi eorum, qui tunc vivebant, consensus inter se cōstituta, ut idem Epiphanius, & rectè, tradit. Nam sibi quisque lex erat: & quantum vel conscientie exiguis sanè tunc reliquijs monebatur: vel saturata & expleta libidine tardabatur, tantum ab iniuria in alios & scelere, tantum à spurcitia, tantum à scortatione, intemperantia, impietate, caterisq; vitijs abstinebat. Nullo verò legum ullarum & pœnarum metu, vel vinculo quisquam constringebatur, quia nulla pœna scelerum, & leges in ea vindicantes erant. Ex quo facile evenit, ut omnis caro, i. omnes homines, viā suam corrumperet. Sed quemadmodū Magistratus, neq; lex vlla publica, communiq; sensu recepta, neque pœna sancita tunc fuit: sic neque vlla Reipub. forma cōstitutioq; certa, utpote quum nulla essent Respubl. id est, nullus hominū cœtus communis iuris societate inter se vinctus: urbes quidem & oppida iam habebant homines, in ijs propter metum vel beluarum, vel à seipsis habitabant: Politia tamen aut regimen certum tunc inter eos ipsos eiusdem urbis incolae nullū erat: quanquā probabile est illos, qui simul in eodē oppido erant, iisdemque mœnibus continebatur, fuisse in suos concines minus iniuriosos, propter vivendi consuetudinem. Propterea tamen neque cōmunem totius urbis Magistratū, qui scelera puniret, neque cōmunem legem habebāt: sed à primo ad ultimū sceleribus omnes

& quidem impunè, dediti erant, ac liberè. Id quod etiā
 post Diluvium Sodoma & Gabaoni oppidis, & eorum
 civibus accidit, Gen. 19. 4. Iudic. 19. 22: quia non erat,
 ait expressè textus, illo tempore Rex & Magistratus
 in Israel, Iud. 19. 1. Nulla quoque tunc erant, ut nō-
 nulli volunt agrorum diuisiones: sed erat terra cōmunis
 possessio: nulla dominia: nulla regna: nulla Aristocratia,
 nulla Democratia: nulla propter fines regnorum tuen-
 dos, vel agros priuatorū finiendos & retinendos: nulla,
 inquā, tunc lites inter homines erant, nullaq; bella pro-
 pterea. Id quod G. Stuckius ex Macrobio docet lib. 1.
 Coniual. quæst. & ante eum Epiphanius grauis autor
 imprimis. Cades nihilominus & homicidia tum armis
 & vi publica pluribus simul collectis: tum etiā vi pri-
 uata à singulis vel etiam pugnis fiebant tunc quoque ab
 illis, sed alijs de causis nempe propter scortationes, vel
 iras & iurgia mutua, vel cibos, & omnis generis volu-
 ptates explēdas, quibus isti velut ventris serui additi
 erant. Denique eas artes exercebant, quæ erant iam re-
 pertæ: qualis Agricultura, & Pastoritia ad victū que-
 rendum: Musica vocalis & organica ad voluptatem:
 Aeraria & ferraria ad arma, quibus se vindicarent,
 & vim alijs inferrent, fabricanda, & si quæ aliæ artes
 tunc notæ vel inuenta erant, ab istis eximie colebantur
 non ad communem Reipub. vel aliorū utilitatem: sed
 ad priuatum cuiusque tantum usum & cōmodum. Et
 hæc quidē de Ciuili, quæ tūc erat, Politia: quæ vel nulla,
 vel pessima dicenda est. Ecclesiastica verò iam expo-
 nenda, quæ in his quinque versatur, Verbo Dei exter-
 no, externo Dei cultu seu Sacramētis, Ministro, Loco,
 & tem.

& Tempore conuentus ecclesiastici. Ac quidem Verbum
 Dei iam non tantum per manus ab Adamo traditum
 erat: verum etiā scriptis & literis ab Enoscho mandatū
 ut docet Iudas epist. vers. 14. Extabat enim iam liber
 Enoschi, seu Chanochi, qui postea translatus est a Deo.
 Quamobrem & promissio de Mediatore (qui futurus
 erat Semen mulieris) ab Adamo posteris denunciata
 scripserat ab Enoscho, ac proinde Misericordia Dei
 in pios: & Ira Dei quoque in impios literis cōmendata
 in Ecclesia, atque inter pios tunc sinabat, atq; annuntia-
 batur. Articuli quidem fidei Iustificantis (qua Iesum
 Christum Filium Dei Messiam & Mediatorem agnosci-
 mus) tunc non tam pleni, distincti, atque perspicui erāt,
 quam vel nunc sunt in Symbolo Apostolico, vel postea
 sub Abrahamo & posteris fuerunt (creuit enim expli-
 catio cognitioq; fidei per momentū) fundamentū tamen
 ipsum salutis & remissionis peccatorum iam in Eccle-
 sia notum erat, annuntiabatur, retinebatur, credebatur
 a p̄is hominibus, nempe Filiū Dei & eum (qui Satane
 & Serpentis caput .i. omnem potentiam Diaboli tol-
 lere & euertere posset) futurū Hominem ex solius mu-
 lieris semine pro nobis, & venturum in nostrā cum Deo
 recōciliationem: cuius beneficij iam fructum ipsi p̄i sen-
 tiebant, & illius sacramenta, signa, ac sacrificia in victi-
 mis .i. umbras habebant. Ergo externus Dei cultus
 idem tunc vigeat in Ecclesia qui in superiore proxi-
 mōque seculo, nempe Sacrificia victimarum, & ex ijs
 Sacra conuiuia: Discrimen mundorum & immundorū
 animalium tum ad immolādum, tum ad victum a Deo
 ipso institutum: Congressus singularum familiarum ad

ad Altare suum, ubi in memoriā futuri Messie oblationes & viſtina (prout praeceperat Deus Adamo, & Abeli) fiebant: Conciones de Dei Misericordia in suos, & Iustitia in peccatores audiebantur: Precationes publice concipiebantur, & Deus unus adorabatur: Mundi prima creatio, & eiusdem futura redemptio predicabatur: Adventus Dei in extremum iudicium, Iuda epist. vers. 14: & Resurrectio carnis, Heb. 6. ^{Primum} Prophetia etiam in Ecclesia (velut in Chanocho, Lemecho pio, Noacho, & alijs quibusdam) tunc vigeat, ut ex ipsorum predicationibus apparet. Denique Excommunicatione, eaque gravissima, qua est Maranatha, utebatur Ecclesia contra homines Deo rebelles, Iud. epist. 14, & 1. Cor. 16. Verum Minister istius verbi, & Ecclesiae publicus ecquis tunc esset, queritur. Respondeo verò, Eum fuisse, qui tunc in unaquāq; pia familia erat natu maximus ex eadem familia. Ergo Primogeniti munus Sacerdotum & Concionatorum, verbi Dei in suis quisq; familijs (patribus mortuis) obibant. Itaque Deus pro illis postea Levitas in Lege sua substituit. Quos autem pios recenset Moses ex familia Sethi, y soni, qui maioris tunc pietatis & probitatis laude inter homines claruerunt, atque illustriores fuerunt: nō quod tunc y soli in Mundo pii fuerint, aut Sacerdotes, aut Ministri verbi Dei. Licet Iosephus lib. 1. cap. 5. Antiquitatum, uti dixi, putet eos alios alijs continua serio successisse in administratione rerum Politicarum in familia: item in Prophetia, & cura regenda conservandaque Ecclesiae: quod verū esse quantum ego concesserim, nego tamen eos solos tunc vixisse pios: verum praecipuos fuisse

fuisse tantum, & tanquam inter ceteros pios columnas, ac sinceriores fateor, usquequo omnis caro corruptisset viam suam. Ceterum ut putat Epiphanius, nulla tunc hereses fuere, sed manifestus in iis (qui py non erant) contemptus Dei, ac immanis publicæque profanitas exercebatur. Idololatria vero virum tunc quoque cœperit, quæritur. Fuisse autem, aut cœpisse iam eo seculo volunt ~~hereses~~, velut Iosephus, Philo, Tertullianus in libro de Idololatria: negat tamen vnus Epiphanius. Erecta tamen fuisse iam tunc Idola non existimo, etsi Deus immane sperneretur. Locus autem, in quo fiebat conuentus Ecclesiasticus in singulis familijs erat is, in quo Altare sibi tota familia exstruxerat. Sic enim cenfeo singulas familias (ubi una ab alia sese seunxerat & separauerat) habuisse Altare suum peculiare, & locum in quem omnes ex hac una familia conuenirent, & simul ad sacrificia preces, & audiendum Dei verbum solemniter congregarentur. Tempus denique istius solemnis cœtus agendi in singulis familijs fuit Sabbatum seu dies septima, in qua Deum post creationem Mundi cessasse ac quiesuisse sciebant, py omnes: idque ab Adamo ipso per manus acceptum tenebant. Atque hæc fuit totius illius ætatis seu seculi, nempe 1421 annis tum Civilis, tum Ecclesiastica Politia.



LIBER SEV SECTIO

QUARTA PRIMAE MVN-

DI AETATIS, QVAE CONTINET EA,

que in Anno Diluuij contigerunt, id est, ab Ingressu Noachi in Arcam, iussu Dei, vsque ad eiusdem ex eadem Arca exitum. Habet autem annum unum, siue unius anni res gestas, & spatium.



QVAE sequitur historia habet unius solum anni, vel paulò admodum plus, res gestas, & tempus: nimirum ab Ingressu Noachi in Arcā, iussu Dei, ad eiusdem exitum ex eadem illa Arca, Dei quoque mandato. Exijt autem Noachus ex Arca, Deo precipiente, anno à Mundo condito 1657: anno vite ipsius Noachi 601: Post illius in Arcam ingressum, anno toto reuoluto, eoque solari: post publicam nominis Dei Profanationem, annis 1422. Habet autem hac postrema prima Mundi etatis sectio & pars capita Historiae precipua quatuor.

I. Incrementum aquarum Diluuij, quan-

tum

tum excreuerint, quandiu, & quantum temporis in ea inundatione permanserint Aquæ.

ERG O post ingressum in Arcam Noachum unâ cū uxore, tribus filijs (Iapheto videlicet, Semo, & Chamo) eorūq; vxoribus, & reliquis animalibus, quæ cum illis in Arca seruari Deus volebat (id quod mense 2. anni 600 vite Noachi contigit, die mensis eiusdem 17. quemadmodum disertè annotat Moses Gen. 7. 11) creuerunt in immensum Aquæ tum fontibus abyssi ruptis, tum etiam imbre copiosissimo è cælo in terrâ decidente per totos quadraginta dies, & noctes continuas, Gen. 7. 12, adeo ut excelsissimos quo suis terræ montes totis 15. cubitis tandem aquæ illæ superarent, Gen. 7. 20. & omnia quæ in superficie terræ erant, quantumuis altè euolarent, aut scanderent, aut reperent (velut aues, bestia, & homines) aquæ illæ eadem mergerent, ac extinguerēt partim ea suffocantes, partim victum illis eripientes. Durarunt autem aquæ illæ sic altæ diu, ac plusquā per duos menses. Nam quum 150 dies intercesserint inter initium istius immanis aquarum incrementi vsquequò eadem depresso fuerint, ac ostenderentur & viderentur summa cacumina montium (illi verò 150 dies cōplent, quinque menses totos) sic statuo duos menses cū dimidio isti incremento aquarū & earundem furenti altitudini & exundationi esse tribuendos. Quo temporis, & quidem longo, spatio Arca per totū terrarum Orbem ferretur, ac iactaretur: denique fuerit omnis caro anima-

ta deleta, quòd aqua eam mergerent: & quòd victum omnem, eiusque querendi rationem adimeret (exceptis ijs, qui erant, vti dixi, in arca) Gen. 7. 21. 22. Ergo iā- tum temporis, id est, per duos mēses summus ille furor, & vis summa ac impetus aquarū durauerit, ut omnia rueret, prosterneret, exstingueret, & deiceret: atque ita Dei iustissima in mundum illum iudicia exerceret, impleretq;. Verum postquam sic saussent aqua, omniaq; animantia in terra, & cælo deleussent, Misericordissimus ille Pater, & Deus recordatus est Noachi & piorum, qui cum eo in Arca erant: & animalium quoque ipsorum, quauis brutorum (quoniā ea quoque ad mundum instaurandum seruari Deus volebat) eorum, inquam, omnium recordatus est Dominus Deus, & Mundi cōditor & Ecclesie sue propagator ac custos. Ergo fontes abyssi (è quibus ebulliebant aqua illa immanes) repressi & occlusi: imbrem (qui plurimus è cælo ruebat ad easdem aquas semper augendas vel fouendas) sedauit, & cōtinuit: ventum denique immisit, qui aquas illas immensas exsiccaret, donec intra centum illis quinquaginta dies a primo Diluuij die numerandos, prima, summāque montium iuga & cacumina conspicerentur, utpote iam a quie nudata, & aperta hominum. oculis, Gen 8 1. 2. 3. Sic finiti sunt, dies illi 150, quibus & creuerunt aquæ, & sedatae quoque fuerunt, Gen. 7. 24, & 8 1. Quod dierū spatium efficit quinque menses, qui additi secundo mensi anni 600 vitæ Noachi, quo cœpit Diluuiū, efficiunt eiusdem anni menses septem. Ergo septimo mense anni 600 vitæ Noachi, eiusdem mensis die 17. vertices montium apparuerunt: imo ipsamet

Arca

Arca in uno quodam ex Armenys montibus, eoque altissimo & excelsissimo constitit, quum amplius non ferretur, aut eleuaretur ab aquis, illis utpote iam infra iuga montium subsidentibus, & à Deo depressis, Gen. 8. 4. Atque hac est mea de incremento aquarum, & earum exundatione, eiusque duratione: denique de earundem decremento sententia.

II. Experimentum cessantis Diluuij, à Noacho factum.

Ceterum decrescens cessantisque Diluuij habuit Noachus etiam antequam vel exiret ipse, vel aues ex arca emitteret, multa testimonia. Ac quidem antequam Coruum emitteret, hæc: Quod imber è cælo decidere desisset: Quod ventus aquas exsiccans flaret,isque & sentiretur, & audiretur, atque aquarum constrictio, crispatio, compactioque fieri cerneretur: Quod Arca ipsa iam non iactaretur huc & illuc fluctibus impetibusque aquarum, ut antea: sed leniter primum in aquis ferretur, deinde in uno ex montibus Ararati constitisset: Denique quod summa montium cacumina conspici iam poterant undis nudata, & exsiccata, Genes. 8. 1. 2: & deinceps. Que omnia ante decimum mensem exactum anni 600 vite Noachi finitum contigerunt. Septimo enim illius anni mense constitit Arca in illo monte Armenia: decimo vero mensis eiusdem anni primo die conspecti sunt vertex montium, Gen. 8. 4. 5. Postquam autem conspecti essent ex Arca illi vertex montium in terra, expectavit adhuc Noachus dies quadraginta, id est, à primo

die mensis decimi usque ad undecimum diem mēsis undecimi eodem illo 601 vita sua anno patienter adhuc sustinuit sese Noachus in arca, licet ex ea iam cerneret iuga montium aperta, & aquis detecta probabiliter prudenter, & vere cōsciens non idcirco in inferioribus terrarum partibus, velut in conuallibus & locis planis exsiccata esse aquas diluuii quòd iam vertices montium is destituerentur, ac conspicerentur nudati. Ergo post illos dies 40. .i. die undecimo mensis undecimi, Noachus emisit Coruum auem ex Arca, aperta illius fenestra, ut experiretur, Utrum in locis terrarum imis subsedissent, ac exaruisissent quoque aquae. Verum Coruus ad eum rediit supra Arcam, & ex arca in agros iterum reuersus est: idque saepe continuauit sic ire & redire Coruum, donec aquae exsiccarentur, Gen. 8. 7. Sed quum ex eo Corui volatu, id est, in agros, & reditu ad se seu supra, non autem intra Arcam Noachus non posset satis notare, atque certò perspicere quantum aqua subsedissent, ac defecissent (est enim Corui volatus sublimior, deinde etiā Coruus subsidet in aliorum arborum ramis) idem Noachus septem post eductum Coruum diebus emittit Columbam. Hac autē auis nec tam pernix est, quā Coruus: nec tam alta petit. Ergo quū in conuallibus & planis locis nōdum defecissent, aut exsiccata essent aquae, & quum adhuc humiliores arbores exequarent aqua illa, rediit ad Noachum Columba, quòd non inuenires, ubi plantam pedis poneret: Ipse autem eam ad se recepit, Gen. 8. 8. Septem verò postea diebus eadem Columba à Noach emissā denuo fuit, quae in ore folium olivae (quod ex arbore ipsa defregerat, nō autem in terra humi ia-

mi iacens & positum repererat, collegeratque) ad Noachum attulit. Hinc verò intellexit Noachus (quum sit Olea humilis arbor) aquas multum subsedisse, & ipsi adeo superficiei terra iam esse proximas, Gen. 8. 11. Rediit igitur ad Noachum Columba denūo, quæ fuerat denūo ab eo amissa. Post quod tempus interpositis iterum diebus septem Noachus non per impatientiam, sed Dei beneficium, & iram eius in Mundum placatam exploraturus, tertio Columbam ex Arca emisit. Hæc autem tertium emissa non rediit amplius ad Noachum seu in Arcam quod in terris & locum, & pabulum sibi inueniret Columba, Genes. 8. 12. Atque inde Noachus coniecit placatum esse Deum in Mundum, & erga genus humanum, ac proinde Diluvium finitum esse, & aquas in terra superficie esse exsiccatas. Nondum tamen egressus est: sed Dei iussum patienter expectauit. Nec enim adhuc erat exsiccata tota terra superficies, nedum ut esset sic firma & solida, ut & ipsum Noachum, aut eius liberos, & graviora animalia sustinere aut ferre posset, eaque gressu firmo supra terram incedere quirent, vel auderent. Ergo totus adhuc mensis duodecimus anni vite Noachi 600 interpositus fuit, & expectauit Noachus ipse totum illum adhuc mensem, post quem, nempe primo mense anni vite eiusdem 601 primo die eius mensis denum Noachus remouit tectum seu operculum arce, ut ex tecto undiquaque liberè iam circumspeceretur, equis esset terra status & facies. Vidit autem, & ex eo tecto animaduertit omnes aquas Diluuij esse planè iam exsiccatas, & ex tota superficie terra recessisse, Gen. 8. 12. Nondum tamen egressus est, quia nondum erat sa-

sis firma & arida terra superficies, ut supra illam insistere vel homines ipsi, vel bruta animalia possent. Itaque substitit adhuc Noachus cum suis omnibus in Arca, Deique iussu de egrediendo ex magna fide & patientia per duos pene menses totos expectavit, Gen. 8. 15.

III. Noachi ex Arca egressus.

ERGO subititerat Arca iam inde à 7. mense anni Noachi 600 in uno quodam, uti dixi, ex montibus Ararati, seu Assyria vel Armenia superioris, id est, post quinque menses à Diluvio cœpio. Iam per dies 57 à die primo primi mensis anni 601 vite Noachi ad 27 diem secundi mensis eiusdem anni Aquæ Diluvii omnes exaruerant in tota superficie terre, & se receperat mare, fontes, & flumina in suos alueos ordinarios: manebat tamen semper Noachus in Arca conclusus cum animalibus, in quam Dei iussu fuerat ingressus, & cuius ostiū idem Deus, imminente diluvio, ipsemet clauserat. Dei enim iussu de egrediendo patienter in ea expectabat. Itaque die 27 secundi mensis anni 601 vite sue Noachus iubetur a Deo egredi ipse & liberi eius unā cum suis uxoribus, cumque omnibus animantibus, quæ cum eo in Arca fuerant ingressi Gen. 8. 14. 15. 16. Sic autem egressi sunt omnes: Primum quidem ipse Noachus, deinde tres eius filij: postea uxor Noachi, postquam exierunt nurus eius: denique animalia bina egressa, nempe mas & femina, quemadmodum primum fuerant in Arcam ingressi secundum genus suum Gen. 8. 16. 18. 19. Nec verò perturbatè & confusè Noachus ea eduxit ex arca, sed placidè, commodè, & distinctè, postquam Deus ipse


ipse Noacho & illis ostium arce aperuisset finito diluvio, quemadmodum eo incipiente ostium clauferat.

IIII. Noachi ex Arca cum filijs, uxore, nuribus, & animalibus egressi Soteria, id est, Sacrificium, gratiarum-ve actio Deo reddita pro salute.

Egressus verò Noachus ex Arca cum filijs illis suis tribus, uxore tribus nuribus, & Animalibus, sacrificiū fide obtulit Deo. Obtulit verò ex animalibus quidem omnibus quæ fuerunt in Arca, sed puris duntaxat seu mundis nō etiā ex immundis. Obtulit autem illa omnia supra Altare, quod in eum usum ipse cum filijs post egressionei suā ex Arca extruxerat. Gen. 8. 20, Heb. 11. 7. Fuit igitur ingens numerus victimarū ex omni animantium mundorum (quæ in Arca seruata fuerant) genere caesarum atque maclatarum, quale sacrificium, tamque solemne, & varium; neque antea, neque postea unquam fuisse commemoratur in S. Scriptura, quantumuis diues & copiosum fuerit Solomonis in dedicando Templo sacrificium, 1. Reg 8 5: Item Ezechie regis in solemni illo Paschatu festo a se celebrato, 2. Chron. 30. 24. Fuit verò hoc idem Noachi sacrificiū potius Eucharisticum, quàm pro peccatis Expiatorium. Gratiarum enim Deo de Mundo, & se, & liberis, & uxore, & nuribus, & animalibus ex tanta aquarū copia seruatis Noachus, qui cum eo erant omnes, agebant. Quamquam eosdem pro placanda in posterum Dei ira in mū.

dum hunc obtulisse eos quoque verum est: sed precipue fuit Gratiarum, uti dixi, actio hoc sacrificium, & sacrificia tunc oblata Deo pro rebus, quae supererant, conseruatione. Gratum autem fuit Deo sacrificium Noachi propter eius fidem, non autem propter victimarum multitudinem (nec enim Deus rebus carnalibus per se deletatur, aut istum pinguedinis adusta tetrū odorem suauiter odoratur, Psal. 50. 13, Itaque acceptū ei fuit Gen. 8. 21. Nec verò hoc solum: sed etiam amplissimas Noacho, totiūq; futuro postea mūdo promissiones Deus addidit: de Mandi statu iterum instaurando: de condonandis hominum peccatis: de generali Diluuiō in posterum non futuro: de iure hominum in bruta animantia restituendo: de hominibus tutis aduersus vim & impetum ferarum animantium praestadis: denique de hominibus ipsis inter se tutis futuris: ergo de poena in homicidas grauissima exerenda, Genes. 8. 22. 23, & 9. 1, & deinceps. Quae quauquam sunt locupletissima Dei in homines placati promissiones, quia tamē ad nouum (qui post diluuium à Deo institutus est) Mundum pertinet, suntque huius rerum status (quo in his terris fruuntur iam homines) fundamentum, ea praetermittemus. Fuit enim nobis propositum hoc tempus & seculū duntaxat explicare, & rerum in eo à Mose cōscriptarum vestigia in Ethnicorum libris querere, quod à Mundo condito ad egressum Noachi ex arca fluxit, ad pios in fide confirmandos, & à deo homines, qui hanc veritatem negant, refutandos, ac conuincendos. PATRI verò, Filio, & Spiritui sancto, qui sunt unus ille verus Deus in eternum, & ultra colendus ac benedicendus, sit laus

laus, & gloria in secula seculorum. Amen.



CAPVT II.

Disputata, & agitata quedam in his quatuor superioribus Historiæ capitibus.

HABET autem & hac pars quoque Historiæ suas quasdam quæstiones obscuras, quæ, quantum quidem poterimus, facillè tum explicabuntur, tum illustrabuntur. Ac primum quidem de Incremento Aquarum.

Ad I. De Incremento Aquarum.

Queritur, Quomodo & quadraginta, & centum illi quinquaginta dies, quibus aqua primum creuisse, postea verò defecisse & decreuisse dicuntur, sunt numerandi? utrum in illo maiori numero nempe 150 diebus, minor videlicet dies 40 contineantur: an seorsim sunt sumendi, & post dies 40 supputandi præterea dies illi 150, Gen. 7. 17. 24. R. Et ratio temporis, quo durauit diluuium: & verba ipsa Mosis suadent in maiori illo 150. dierum numero dies 40 contineri. Nam totum illud Diluuij & immissi & exsiccati negotium, Deiq; iudicium perstitit dūtaxat annum unum solarem ac plenum, qui constat 365 diebus, Genes. 8. At verò si quis 40 illos dies, quibus creuerunt aquæ, supra 150 addat, excresecet numerus dierum omnium collectorum, & à Mose

postea cōmemoratorum annum illum Solarem constan-
tem 365 diebus. Quamobrem in 150 diebus illi 40
sunt proculdubio comprehendendi. id quod & Maib.
Beroaldus libro 3. Chron. cap. 1, & Iosephus Scaliger
lib. 3. de Emēd. Temp. cap. ultimo, & lib. 5. cap. de Di-
lunio viri summi doctissimi que probant ac confirmant.
Verba verò Moſis idem sibi volunt. Nam recapitulās
Moſes Gen. 7. 24 totum illud, quod eodem capite de a-
quis primū excreſcentibus, postea Arcam subleuan-
tibus, deinde omnes homines omniaq; animātia in terra
superficie extinguentibus, & denique subsistentibus di-
xerat, & vno tanquam temporis spatio colligens, addit
omne illud temporis spatium fuisse ac cōprehendisse dies
solum 150, quemadmodū idem ipse quoque, Gen. 8. 1.
2. statim explicat. Nam ait Arcam quieuisse (nimirū
subsidentibus aquis Diluvij) post exactos precisē 150
dies ab eo, quo primū cōperat Diluviū in terris fieri,
& aqua cōperant excreſcere tum imbre ē cœlo cadente,
tum fontibus Abyſſi erumpentibus, Gen. 8. 3: qui dies,
quodve spatium fuit mēſis ſeptimus a capite anni 600
vitæ Noachi, cuius mēſe 2, die 17 cōperat diluvium
in terris exiſtere. Ergo in his verbis Moſis Gen. 7. 24
[Prævaluerunt aqua illa super terram 150 dies] inest
ἀνακεφαλαιώσις totius superioris hiſtorie, illiq; dies 40
(quibus aqua creverant) continentur. Atq; hoc ipſum,
quannus obscure & intricatē, voluit, cenſuitque Augu-
stinus lib. Quæſt. in Gen. cap. 12. Dies autem illi ſive
40, ſive 150 ſunt a primo die Diluvij immiſſi ſumendi
.i. a die 17, mēſis 2 anni 1656, & Noachi vitæ 600
quemadmodum & Sacra Hiſtoria, & Iosephus lib. 1.

Anti-

Antiquit. & Beroaldus lib. 3. Chron. testantur. Q.
Virum totis illis 150 diebus Aqua Diluvij creverint,
quum dicantur toto illo spatio pravaluisse super terrā,
totāque eam cooperuisse. Sic initio creandi Mundi
Psal. 104. 6, Gen. 1. 2 fecerant eāque texerant aqua.
R. De hoc ipso quærit Augustinus lib. quæst. in Gen.
cap. 11: sed suam sententiā perspicuè non exponit. Ap-
paret autem ex Mose Gen. 8. 1, & deinceps aquas etiā
intra illud 150 dierum spatium decreuisse adeo, ut sta-
tim post 150 dies capita montium aquis nudata cerne-
rentur, quæ eadem antea ab aquismersa fuerāt, & coo-
perta, superatāque totis quindecim cubitis. Ergo aqua
Diluvij per 40 tantum dies crescunt, & Arcam suble-
uant, montium quorumvis altissimorum summa cacu-
mina cubitis 15 superant & excedunt, denique omnia
deiciunt, mergunt, suffocant vi, & impetu suo. Manent
autem usque ad 150 diem, à primo die Diluvij sic su-
periores & terra & montibus: die denique 151 vertices
montium apparuerunt Gen. 8. Ergo omnino necesse est
aquas eas decreuisse intra illud idem 150 dierum spa-
tium: & inferiores, quàm prius fuerant, evasisse 15 to-
tis cubitis, atq; tanta mensura fuisse exsiccatas per ven-
tum à Deo immissum, cohibita cœlesti pluvia, & fontib-
us abyssi clausis. Quod 150 dierum spatium quum 5.
mensures compleat, sic eos dividamus, ut dicamus per 40
dies .i. per mensem totum, nempe primum diluvij, cum
sequētis mensis oriente seu tertia parte (quæ decem dies
habet) crevisse aquas illas, & ad summum illud fastigiū
suum (quo superabant montes 15. cubitis) pervenisse.
Quod spatium si à quinque mensibus detraxeris, restant

mensēs tres cum diebus 20, qui efficiunt in summa dies 110. Iam verò dies istos 110 sic partiamur, ut ex ijs 40 decremēto aquarum tribuamus (ut totidem diebus postea decreuerint aqua, per quot antea creuerant) restabunt dies 70 .i. mensēs duo cum triente, quo toto tēporis spatio aqua in illa sua altitudine permanere poterunt, ac Mundum euerterunt, terraeque animantia omnia viuentia delerunt. *Q.* Vtrum Arca per duos illos mensēs & triente, id est, per 70 dies (quibus sic alte permanserunt aqua, ut montium vertices 15 cubitis excederent) in vno tantum terra seu orbis loco substitute-rit, an per vniuersum terrarum Orbem iactata, & impetu aquarum, procellisque ventorum delata fuerit.

R. Quum manifestè Moses annotet Gen. 8. 4. Arcā demum postquam ab aquis ex superficie terra fuerat exaltata, & eleuata, quiesuisse, quando in vno ex montibus Armeniacis substitit, & 7. demū mensis anni illius die 17 id contigisse scribat, satis intelligi potest eandem Arcam & antea iactatam, & ventis procellisque delatam in varia terrarum loca, atque agitatam fuisse. Vtrum verò per vniuersum terrarum orbem interea vagata fuerit, nō explicat S. Scriptura: neque nos definire possumus. *Q.* Quomodo Arca illa tātis, tamq̃ immanibus ventis pulsa, & fluctibus aquarum, & impetu vndarum tam saeue totiesque percussa, tamen soluta, quassata, disrūptaq̃ tandem nō fuerit: sed salua & incolumis, nullo latere, aut asere, tabulave eius amissa, vel etiam fracta permanserit: quum nullum nauigium, quantumvis robustum, benèque compactum, & tandiu, & tot fluctus sustinere queat, neque tot vndarum im-
petus

petus infractum & saluum ferre possit, eisque obistere.
R. Aliam esse aliorum nauigiorum rationem: aliam
 verò huius arca verum est. Illa enim ab hominibus gu-
 bernantur: hæc verò ab ipso Deo, & quidem modo ex-
 traordinario, & miraculoso regebatur. Ergo firma &
 incolumis, infractâque aduersus omnem vim aquarum
 & procellarum (Deo sic eam tuente) Arca mansit.
 Quum enim illius ostium Deus ipse clausisset, Gen. 7.
 16, hoc (velut manus sua) peculiari sigillo appposito, ar-
 ca hæc tuta aduersus omnes cœli, marisq; iniurias red-
 dita est, ac perstitit. Quamobrem immediate à Deo
 seruabatur, ne fluctibus ventisve collideretur. In medijs
 enim illis aquarum tempestatibus Deus & Arca ipsius,
 & Noachi, & omnium, quæ in Arca erant, tãquam cu-
 stos & pater memineral Gen. 8. 1. *Q.* Vtrum mon-
 tes ante Diluuium fuerint, quum dicantur aqua eorum
 capita 15 cubitis superasse, Gen. 7. 20: Nonnulli enim
 existimant Montes demum post diluuium ex aquis de-
 fluentibus extitisse: prius autem minimè in toto terra-
 rum orbe fuisse. *R.* Ex Psal. 104. 6, ubi de prima
 terra creatione disseritur, apparet etiam montes à Deo
 conditos fuisse, quum primum (i. multis ante diluuii
 seculis) terra creata fuit, non autem ex solo aquarum
 diluuii decursu enatos. Id quod verissimum est. Nec
 enim aqua adhuc defluxerant, quum Arca substiterit in
 Ararati monte, Gen. 8. 4: & tamen iam montes, ique
 maximi erant, ut docet Moses, i. ipsa veritas. *Q.*
 Vtrum verisimile sit aquas Diluuii potuisse superare
 summa excelissimorum montium cacumina totis quin-
 decim cubitis, Gen. 7. 20: quum nonnulli montes (velut

Olympus in Thessalia, & Athos in Gracia) reperiantur, qui ventos, & pluuias, totamque mediam aëris regionem altitudine superēt, quemadmodum Solinus Polyhistor cap. 17. tradit. R. Hanc questionem sapē tradidit Augustinus, velut lib. quæst. in Genes. cap. 10. lib. 15. Cinit. Dei, cap. 27: & lib. 20. eiusdem operis, cap. 18, quo in loco sic ait, [Ergo verum est illo tempore perysse, qui tunc erat, Mundum: nec solum Orbem terra, verum etiam cælos, quos vique istos aëreos intelligimus, quorum locum & spatium tunc aqua crescendo superauerat. Ergo totus, aut penē totus aër iste vētosus (quod cælum, vel potius cælos vocat Petrus, sed istos vique imos, non illos supremos, ubi Sol, & Luna, & sydera constituta sunt) conuersus fuerat in humidā qualitatem, atque hoc modo cum terra perierat, cuius terra vique prior facies fuerat deleta Diluuiō.] Et quod affertur de Olympi summa altitudine, sic idem Augustinus retorquet, [Si enim, inquit, Olympus mōs (qui est terra) potuit inuadere spatium trāquilli illius aëris, ubi dicitur nec nubes videri, nec vētos sentire, cur non & aqua crescendo eō penetrare in Diluuiō potuit? Cur igitur vsque ad illa cæli spatia terris exaltari licuisse, & aquis exaltari non licuisse contendunt, quum isti mensores & pensores elementorū aquas terris perhibeant superiores, atque leuiiores?] Ex quibus colligitur aquas Diluuii vertices superasse montium Olympi, Athos, & ceterorum omnium, quum iuga Armeniorum montium, qui sunt omnium altissimi, eadem aqua excesserint. Cuius rei testimonium affert Tertullianus in lib. de Pallio, quod in summis montibus etiamnum suo tempore

pore, velut & hodie, concha & buccine maris peregrinantur & reperiantur nimirum aduentitiae, & extra suum elementum. Quod argumentum & Isidorus in Etymol. lib. 13. cap. 22: & Solinus cap. 15. proferunt quoque. Ex quo falsa apparet Thalmudistarum sententia, qui scribunt Aquas diluuij non peruenisse usque ad cacumen montis Sion. Id enim falsum est. Nam illud saltem 15 cubitis superarunt, imò pluribus. Q. Virum annus, & menses, quibus vitur ante Diluuium Moses, quosque in eodem describendo & supputando commemorat, fuerint Solares, an Lunares. Sunt autem menses Solares singuli inter se aequales, & trigentum dierum. Annus Solaris est 365. dierum. Menses verò Lunares sunt inter se inaequales, & partim cavi, partim pleni. Pleni menses habent dies 30. Cavi menses sunt duntaxat 29 dierum. Ergo Lunaris annus habet tantum dies 354. Atque ita diuersa omnino erit Anni, & mensium Diluuij supputandi ratio, magnique interest ad illius loci intelligentiam quae sententia probetur, vel vera sit. R. Math. Beroaldus scribit Mosem uti quidem in supputando Diluuii anno Solari: sed de Mensibus aliter statuit, & Lunares esse definit, quibus idem Moses annum illum numeret: Ergo vult idem undecim dies ex mense secundo anni vite Noachi 601, velut epactas, additas à Mose fuisse. Sic ille lib. 3. Chron. cap. 1, ut annus ille Solaris, quem refert Moses, completus esset, alioqui plenus ex illis 12 mensibus, quos enumerat Moses, non futurus, nisi epacta ac undecim illi dies adiungerentur. Hac sensit ille, quemadmodum & Iyrannus, id est, Mosem uti mensibus Lunaribus. Sic enim Be-

roaldus, [Caterum, ait, 12 menstrua spatia diebus constant 354: quoniam alternis. singuli menses 30: alternis 29, dies compleant. Itaque à 17 die mensis 2, anni 600 vite Noachi ad 17 diem mensis 2. insequentis anni, qui fuit vite Noe 601, annum Lunarem expletum habemus constantem 12 Lunaribus mensibus, quibus defunt dies undecim ad Solarem annum conficiendum, qui diebus conficitur 365.] At verò hanc sententiam minimè probat Iosephus Scaliger gravis autor imprimè, ac eruditus, qui contendit & Annum, & Menses esse Solares, quibus non modò Moses, & qui eum etate præcesserunt, usi sunt: sed etiam post Mosè Israëlita temporibus, & Iosua, & Iudicum, & Regum quoque ipsorum. Sic igitur ille totidem verbis lib. 3. de Emend. Temp. cap. ult. De anno priscorum Hebræorum scribit, [Ne quid tergiversetur amplius, Annus (priscorum nempe) Hebræorum non fuit Lunaris. Fuit ergo Chaldaicus, aut (si mauis) Aegyptiacus annus duodecim aequalibus mensibus cum quinque appendicibus dierum. Quis melius hoc nos docuerit, quàm Moses ipse? Is igitur scribit Diluviū cœpisse 17. mensis secundi: 150 dies aquas inualuisse, & diem proximum à 150, hoc est, 151 fuisse 17. mensis septimi. 46 dies ante diluuium fluxerant. Nam 46. cœpit diluuium, nempe 17. mensis secundi. Iunge 150 cum 46, fiunt manifestè dies 197: qui per 30 diuisi relinquunt menses exactos sex, & 17 diem septimi, in quo Arcam quiesuisse scribit Moses. Ergo nemo refragari possit, quomodo fatèatur menses Hebræorum veterum tricenis diebus descriptos fuisse. Nullum locum hinc habet Luna.] Hac ille, quæ etiam eiusdem operis lib. 5. cap.

De

*De Diluvio repetit. Et certè quidem nos in Iosephi Scaligeri viri nobis charissimi sententiã pedibus imus, & annum, & menses (quos in usu habuit Moses) solares, non lunares fuisse perspicimus, quanguam non diffiteor Beroaldi sententiam in summa anni supputanda locum habere posse, & rationem eam numerandi non improbabilem, absurdamve videri. Q. Quo mēse anni Romani (quo nos iam vivimus) hac singula contigerint, quæ Moses commemorat de aquis crescentibus, decrescen-
tibus, de Arca in monte Armenia quiescente, de emissio Cornu, & Columba, & exitu Noachi. R. Ut huic questioni facillimè, verissimèq; respondeatur, imprimis hæc duo constare oportet: Primum, Ecquis annus, Civilisne, an Sacer sit hoc toto in libro Geneseos sumendus. Alterũ, Ecquis anni Romani mēsis Hebraei huius anni primo mēsi respondeat. Et quidẽ à nobis antea demonstratum est, Annum eum, quo & in mundi, & Patriarcharum ætate supputanda Moses vivit, esse Civilem, Hebraeorum annum, non autem Sacrum. Sacer verò à mēse Nisan incipit, quod omnes sciunt. Civilis autem à mēse Tisri. Quare hoc velut à nobis abundè probatum, hoc loco sumatur velut concessum. Iam verò mēsis Tisri, qui est Primus mēsis Anni prisce, & Civilis Hebraei, ut vult Beroaldus, mēsi ei respondet, qui in anno Romano Septēber vocatur: Ut verò mavult Scaliger, mēsi Octobri. Nos verò Beroaldum sequamur. Ergo Tisri mēsis primus anni Civilis Hebraei, qui fuit etiam caput anni vite Noachi 600, esto noster mēsis September.*

1. Tisri, Septēber, primus mēsis anni Noachi 600

II. Marhesuan, October, mensis secundus, cuius die 17 cœpit Diluviū esse in terris. Iam verò ab eo die per totos dies 40 pluit e cœlo, & fontes abyssi rupti sunt .i. usque ad 27 mensis sequentis, qui Casten, seu November dicitur.

III. Casten, Nouember, tertius mensis, ad 27. diem cuius a die 17 Octobris mensis continui imbres e cœlo fuere. Iam verò ab eo die usque ad 17 diem mensis Nisan, id est, Martij (qui fuit mensis illius anni septimus, ac proinde dies 150 à cœpio Diluvio) iactata semper fuit Arca. Die verò illa 17 mensis septimi decimum substituit in montibus Armenia, ac quieuit.

IIII. Thebeth, December, mensis quartus.

V. Sebeth, Ianuarius, mensis quintus.

VI. Adar, Februarius, mensis sextus. Videntur Aquæ cœpisse decrescere die septimo Februarij, id est, 40 diebus antequam Arca subsisteret.

VII. Nisan, Martius, mensis septimus. Huius mēsis Martij die 17 Arca in Armenia quieuit seu substituit. Decimo verò mense (qui fuit Tamuz, Iunius Latinis) montiū capita apparere, aquis diluvij subsidentibus, ac multum exsiccatis.

VIII. Iar, Aprilis, mensis octavus.

IX. Siran, Maius, mensis nonus.

X. Tamuz, Iunius, mensis decimus: cuius primo die circumina montium apparuerunt nudata aquis, uti dixi, atque aperta: Post quem diem expectat Noachus adhuc 40 dies .i. usque ad 10. diem mensis sequentis, qui est Ab, vel Iulius, quo die primum emisit Corvum ex Arca.

XI. Ab

XI. Ab, Iullius, mensis undecimus, cuius undecimo die Noachus, uti demonstraui, emisit ex Arca Coruum. It Coruus, & redit, sed quanto tempore non designat Moses. Finge totis 7. diebus id fecisse Coruū, id est, usque ad diem 17 mensis illius undecimi: post quē diem bis emisit Columbam Noachus, interpositis septē diebus inter singulas emissiones, qui dies efficiunt, dies 14: sed dempto die emissionis erunt dies 13. qui cōplent totum undecimum mensem. si cum 17 diebus superioribus coniungantur. Ergo toto hoc mense emittitur semel Coruus, & Columba bis. Tertiò quidem emittitur eadē Columba: sed non rediit ex tertia dimissione.

XII. Elul, Augustus. Hic fuit postremus, & duodecimus mensis anni Mundi 1656, anni Noachi 600, quo toto mense post tertiò dimissam Columbam, & iam non redeuntem, expectabat tamen Noachus in Arca usquequò magis adhuc aquae desiccārētur. i. ex tota superficie terra deficerent. Sed Mense primo anni Mundi 1657, anni verò vite Noachi 601 (qui fuit September Latinis, & Tisri Hebrais, uti docuimus) primo die eius mensis, & Anni, uti dixi, 601 vite sue Noachus totum superius Operculum Arca remouit, omnibus aquis Diluuij ubique iam etiam in superficie terra exsiccatis, Gen. 8. 13.

Mense secundo eiusdem anni vite Noachi 601, (qui fuit Hebrais Marhesuan, Latinis October) eius mensis die 27 Noachus, iussu Dei, ex Arca egreditur. Ex his autem omnibus apparet, quo tempore & mense singula contigerint, quae Moses in Diluuiio (& dum in Arca Noachus versatur) gesta narrat, Gen. 7, & 8.

De his ipsis paulò aliter Iosephus Scalig. lib. 5. Emend. Temp. cap. De Diluuiò. Tribuit enim mensi Nouèbri, quæ nos Octobri. Sed alij, quos nos hoc loco sequimur, mensem Marhesuan (qui Macedonibus Dios est) Septembrem esse volunt. Hoc verò mense Diluuium accidisse tradit etiã Iosephus lib. 1. Antiquit. Iudaic. cap. 5: sed Tisri potius est nominandus, si menses Hebraeos cum Latinis comparamus. Quibus, ut potuimus, expositis, ad reliqua nostra .i. Moysis historia capita pergamus. Sequuntur autem quæ in experimentis de Diluuiò cessante à Noacho factis controuerti & possunt, & solent.

Ad II. Experimentũ cessantis Diluuij.

Queritur, Verum Noachus ex impatientia quadã animi Coruũ & Columbam emittebat ex Arca quasi tanta in Arca mora radio affectus, in qua velut in sepulcro iacebat, & tanto sterquilinorum ac sordium (quæ ex animalibus egrediebantur) tamq̃ retro odore, & tãdiu tolerato fatigatus vixerat, quasi statim ex ea tam inuicunda sede sese proripere & liberare cuperet. R. Quũ fidei nomine maximè laudetur, & à Spiritu sancto comendetur Noachus, Heb. 11. 7, dicaturq̃, ex fide præparasse Arcam: Impatientia verò ex infidelitate nascatur (quæ fidei repugnat) minimè propter impatientiam Noachus emisit Coruum & Columbam: ex Arca sed potius ex fide. Quum enim se seruandũ esse ex Diluuiò sciret, & reliqua omnia quæ in eadem illa Arca tunc erant, ut illius Dei beneficij gustum aliquem præsentiret, & oculis fidei præuideret, emisit ex Arca

anes

aves illas futuras indices & nuntias deficientium ac recedentium aquarū. Ceterum ex fide, non ex animi præcipiti quodam desiderio Noachum id fecisse, apparet, quod etiam aquæ ex tota terræ superficie iam exsiccatis, non exyt tamen ex arca ante Dei iussu Noachus: sed diu patienter Dei mādātum in ea expectauit, Gen. 8. 13. 14, ut quemadmodum Deo præcipientē fuerat Arcam ingressus, sic eodem iubente ex ea quoque egrederetur. Q. Cur Coruum potius ex arca Noachus emisit, quam auem aliam quampiam, quum multa aliæ aquis gaudeant, velut Ardea, Gracculi, Anates, Cormices, & Mergi: ex quibus potuit idem iudicium fieri de aquis subsidentibus, uti ex Coruo auē. Nam in Pelago grauissimam esse tempestatem constat, quū Mergi aues ad littora confugiunt. inquit Isidorus lib. 12. Etymolog. R. Aly censent Coruū præsertim emissum à Noacho, propterea quòd sit vilis quedā auis Coruus præ alyis. Ergo propter vilitatem selectū putant, quasi eo amisso, minor esset futura iactura. Verūm Noachus minime vile existimauit quicquid Deus voluerat esse secum in Arca illa seruatum. Præterea multis in locis corui, velut auis (que sit testis benignissima Dei de suis creaturis providentia) fit mentio in S. Scriptura, sicut Iob. 39. Psal. 147. 9, Luc. 12. 24. Itaq; Greg. Magnus lib. 3. Moral. cap. 15. sic scribit, [Coruus profectò est quisque doctus prædicator, qui magna voce clamat, dum peccatorum suorum memoriā, atque cognitionem, infirmitatis propria, quasi quandam nigredinem coloris, portat.] Id quoq; idem Gregorius lib. 18. eiusdem operis, cap. 18. repetit. Sed & quanti à profanis scri-

ptoribus fiat, apparet ex *Aeliani lib. 15. Hist. Anim. cap. 39*: quantiſq; à populo ipſo Romano, oſtendit *Plinius lib. 10. Natur. Hiſtor. cap. 43*. Ipſe ego ſum teſtis quāti fiat *Leyda* ab *Hollandis* ſeu *Batavis*. Eos enim ex vicis & publicis plateis ne quidem abigere licet: uti nec aues *Ciconias* ex domorū teſtis, nedum eos occidere. Ergo nequaquā propter utilitatem emiſſus eſt *Corvus*. Alij malunt eum contrā propter diuinitatem potiſſimū ex omnibus auibus delectum, ac emiſſum. *Coruum* enim auem eſſe maximè & diuinam & intelligentem, præſertim in auſpicys capiendis putant. *Plinius lib. 10. Nat. Hiſt. cap. 12*, [*Corui*, ait, in auſpicys ſoli videntur intellectum habere ſignificationum ſuarum. Nam quum *Media* hoſpites occiſi ſunt, omnes è *Peloponeſo*, & *Attica* volauerūt.] *Aelianus lib. 15. Hiſt. Animal. cap. 40*. ſic ait, [*Si Corvus* quid agit, quod pertineat ad Deum, hic tibi ſacrum quippiam, & diuinationis plenū loquitur.] Verūm hæc ratio eſt inepta. Nam ex ſuperſtitione *Gentili* naſcitur, qua ſtatuit fouetque auſpicia ex auium garritu vel volatu: quod obſervationis rerū genus prorsus verbo Dei damnatum eſt, *Iſa. 47*. Itaque nec ex ea cauſſa *Coruum* emiſit *Noachus*. Ego verò iudico delectum à *Noacho* præſertim *Coruum*, propter eius naturam, ac volatum: Naturam quidem, quod & aquis non terretur, & ex ſordibus (ſi quas in aquis, vel alibi piſcari poteſt) veſcitur: Volatū autem, quoniā in cacuminibus arborum ſidere ſolent, neque pernices alas habent *Corui*, ut longè latènte uno tractu volare poſſint, ſed ſubſiſtunt, & quieſcunt ſtatim. Ut igitur experiretur *Noachus*, Verum aqua *Dilunij* iam infra ſumma veſti.

vestigia arborum (velut quercuum, ulmorum, nucum, & cæterarū similium) subsedissent, quemadmodū infracacum na montium erat etiam ante 40. dies, emisit potissimum Coruū ex cuius natura & volatu id agnosce-re potuit Noachus. Nam si nullas arbores, earūque vertices aquis superiores coruus reperiret, nondū aquis nudata erant arbores: at si quas reperiret superiores aquis Coruus, in ijs saderet, substituteret, ac volaret: ex quo facile erat conycere aquas iam esse arboribus inferiores in superficie terra. Quamobrem aptissime Coruum ad id conijciendum, deprehendendumve delegit primum, Noachus potius, quā ullam aliam auem. Ceterum pratermitto illas allegorias, quas in Corno, & Columba querit Augustinus lib. 12. contra Manicheum, cap. 20 & 21. Legat apud eum, qui volet. Nec enim ipse eas probo. Q. Quid hac verba significāt Gen. 8. 7: [Et Coruus ibat, & redibat, usquedum exsiccarentur aquae ē superficie terra:] quum etiam Columba ierit, & redierit ad Noachum, donec exsiccatis aquis potuit consistere in terra superficie. R. His verbis notari differentiam dico inter Coruum, & Columbā à Noacho emissam. Coruus enim semel ex Arca emissus nunquam in eam postea se cōcludi passus est, nec se voluit aut fuit manu cōprehendi iterum à Noacho. Ergo Coruus iste volabat, subsistebatque modò supra rectum arca, modò supra arboris alicuius verticem aquis nudatam: quod ipsum seu quā vicissitudinem vocat Moses [Ire, & redire.] Nunquam tamen in ipsam Arca fenestram, ex qua semel emissus euolarat, redijt, ut se à Noacho sine-ret iterum manu prehendi. At Columba non tantum in

*Arcam redijt: sed etiam ad fenestram eam ipsam unde primum dimissa fuerat, & à Noacho bis emissa, se bis manu quoque comprehendi, retrahiq; in Arcam passa est, Gen. 8. 9. Ergo docilior, timidiorve fuit Columba, quam Coruus. Hic enim Coruus intrepidus extra Arcam remansit, etsi terra superficies nondum erat planè leuata aquis, modò in tecto Arca: modò, uti dixi, in cacumine arboris alicuius subsistens. Illa autem Columba trepida reuersa est, & intrauit intra Arcam ipsam, quia totius terra superficies nòdum erat exsiccata. Ex quibus duo colliguntur: Unum, Arbores uidelicet nequaquam omnes fuisse aquis Diluuij radicibus euulsas, sed quasdam fixas in terra etiam post diluuium remansisse, quemadmodum & exitu reditùque Corui. & ex Oliua (cuius folium defregit Columba) manifestè colligitur. Alterum, Non perisse Coruum istum, quem Noachus ex Arca emiserat (quod tamen putat Augustinus lib. quest. in Genes. cap. 13) sed vixisse ex morticinio, putredine, & ex ijs quisquilijs, quas vel in montibus, vel in arboribus inueniebat, partim in Arca operculo, partim in cacumine arborù manens, uti demonstrauimus. Q. *Quandiu post Coruum emissa est à Noacho primum Columba ex Arca. R. Iosephus Scaliger lib. 5. de Emend. Temp. cap. De Diluio sentit, scribitque totos 40 dies intercessisse inter Corui, & Columbæ primam emissionem. Alij verò, velut Franciscus Iunius in annotationibus illis eruditissimis in Genes. interponit septē duntaxat dies inter Coruum emissum ex Arca, & Columbam. Etsi uterq; rationibus nititur, ego tamen Iunij sententiam amplector. Q. Cur Columbam potissimū post**

post Corvū Noachus emisit ex Arca? *R.* Nonnulli in ys auihus quarunt allegorias. Alij alias eius facti rationes afferunt, Ergo quidā potissimum Columbam electam a Noacho propter prudentiam seu intellectū existimant. Plinius lib. 10. cap. 36, [Columbis inest, ait, quidam & gloria intellectus. Nosse credas suos colores, varietatemque dispositam: quin etiā ex volatu queritur (aliās creditur) plaudere in cælo, varieq; sulcare.] Quin & meditatio Columba tribuitur à Bernardo sicut clamor pulli hirundinis, Serm. de Cantico Ezech. Columba verò prudentia à Gregorio Magno pulchrè explicatur in Cant. Cant. c. cap. 5. [Ad hoc, ait, Colūba iuxta fluentia residere solent, ut volantiū animum umbram in aqua videant, super quam se projiciētes ungues rapaciū animalium sic effugiant.] Alij malūt à Noacho delectam Columbam tanquā Deo gratiorem auem, quā esset Corvus. Est enim Columba animal & castum, & innocens. Castum quidem animal, quoniam, ut scribit Plinius lib. 10. Nat. Histor. cap. 34, neque Columba, neque Perdices Coniugij fidem violant: nisi enim cælebs, aut vidua Columba, non relinquit domum. Aelianus lib. 15. Hist. Animal. cap. 31, [Columbas, ait, ex auihus maxima esse pudicitia, ab omniq; adulterio castissimas esse percepi. Nunquā enim ex societate inter se instituta, neque mas nisi morte uxoris distrahitur: neque foemina dissociatur, nisi vidua fuerit.] Innocens verò animal est Columba, vel teste Christo [Estote, ait, simplices, ut Columba, Math. 10. 16.] Itaque Ecclesia Dei comparatur Columba, Cantico Cantic. cap. 5. Gregorium Magnum Homil. 5. in Euangel. [Columba, ait,

simplex est animal, atque à malitia fellis alienū. Quasi Columba ergo ad suas fenestras sunt, qui nihil in hoc Mundo concupiscunt, qui omnia simpliciter aspiciunt.] Bernardus Serm. 2. de Epiph. Domini, [Quod agnus in animalibus, Columba in auibus est, inquit. Summa utriusque innocentia, summa simplicitas. Quid enim sic alienum ab omni malitia, sicut Agnus, & Columba? Nocere cuiquā nesciunt, ladere non nouerunt.] Et hac quidem illi. Ego verò sic sentio, Noachum Columbam post Coruum ex Arca emisisse praesertim, quòd illius & naturam, & volatum consideraret, & quòd Corui non patientis se in Arcam retrahi contumacia fuerat offensus. Volebat igitur iam Noachus periculum facere, Virum ipsa terra superficies esset aquis leuata (Nam maiorum arborum, quae erant in terra superficie, cacumina iam aquis nudata esse deprehēderat ex Corui volatu, qui in illis subsidebat, remanebātque, nec in arcam iam ingrediebatur) & Virum humiliorum arborum inherentiū in ista terra superficie vertices essent quoq; aquis liberati, exoneratique. Itaque auem Noachus delegit, cuius non esset pernix, & lōginquus volatus: sed humilis, lenis, & circa vicina tantum loca. Deinde autē eiusmodi emisit, quae non esset contumax, ut Coruus: sed quae se retrahi in Arcam, & tractari, capi q; manu hominum facile pateretur: id quod non sinebat de se fieri Coruus. Est autē Columba eiusmodi avis, nempe lenis, placida, & tractabilis, quae etiam hominum est amantissima, quemadmodum Physici tradunt. Aelianus lib. 15. Hist. Animal. cap. 31, [In urbibus, inquit, Colūba cum hominibus frequenter habitant, seque ad pede
horni.

horum huc & illuc magna mansuetudine, & facilitate versant: In locis autem, ubi ab hominum frequentia solitudo est, propinquitatem hominum minime expectantes, aufugunt: In multitudine hominum confidentiores sunt, seq. nihil ibi graue passuras planè sciunt.] Hac ille, qua demonstrant Noachum virum & prudentissimum, & optimum physicum Columbam rectissime delegisse, qua capi postea comprehendiq. posset ac retrahi: & humiles arbores peteret. Q. Virum eandem Columbam sapius ex Arca Noachus emisit, an diuersam & aliam. R. Eandem omnino, non autem diuersam Columbam ter emisit Noachus. Eandem enim fuisse, non aliam, atque aliam ostendit [He Haiedia] prepositum ubique voci [Jonah] qua Columbam significat, Gen. 8. 10. 11. 12. He verò Haiedia certā, eandemq. rem, de qua supra actum est, notat, ac designat. Q. Quomodo Noachus ex folio Oliuæ decerpto (quod in ore Columba ferebat) collegit aquas Diluuij subsidisse plurimum, & terra superficiem illis propè totam esse liberatam, ac leuatam. R. Olca est arbor humilis, non excelsa vel ardua, quemadmodum Pinus, Nux, Quercus, Acer, reliquæque similes arbores. Ergo quū ex Oliuæ, id est, depressa, & terra superficiei vicina arbore folium decerptum videret in ore Columba Noachus, optimè coniecit, propè iam aquas omnes Diluuij recessisse, & terra superficiem, is esse liberatam. Hanc cōiecturam & doctissime, & verissime explicauit Ioannes Calvinus. Porro foliū illud Oliuæ (quod in ore Columba gestabat, atque ad Noachū afferebat) non humi iacens & positiū Columba inuenerat, sed ex arbore ipsa

decerperat, anulseratque. Nam si humi iaceret, aquæ Diluvij prorsus iam defecissent, quæ tamen postea & demum post aliquot dies exsiccata, & prorsus ex terræ superficie recessisse dicuntur, Gen 8. 13. Ergo terræ superficiem quæ operiebant adhuc aquæ: sed non magna altitudine. Itaque cacumen Oleæ arboris (quæ est humilis) iam non superabant: imo illud aquis nudatum erat. Ceterum virum viride fuerit adhuc illud Olivæ folium, an marcidum & mortuum, non exponit Moses: utique certè valde tenax & in ipsa arbore firmum & inherens fuit folium. istud, quod tot procelle, & tantæ aquarum impetus illud euellere, & deicere ex suo trunco & arbore non potuerunt. Quod denique scribunt Phisici, velut Gyllius apud Aetianum, Columbas ramulos lauri, non oleæ pertenuis colligere solere, tanquam amuletum & remediū ad propulsationem fascini, aliò pertinet, quàm ad scopum Noachi. Item quod tradit Plinius lib. 8. cap 27. eas levare, & purgare annum fastidium & morbum herbâ, quæ vocatur Helxine, non habet quicquā cum isto Olivæ folio cōmune. Q. Cur Columba denuo ex Arca emissâ redierit tamen ad Noachum: quum & locum, ubi consisteret, in terra inveniret, nempe Oleam arborem, & mōticulos seu colles, & folium in ore haberet. R. Propterea quod pabulum, unde viveret, nondum in terræ superficie adhuc aquis operata reperire poterat Columba. Nec enim illa, quemadmodum & corvus, sordibus, & putredine vesci potuit. Ergo reversa est ad Arcā, ubi à Noacho pascebatur, & cibum reperiebat. Quod autem Augustinus lib. quæst. in Gen. cap. 14 quærit, quomodo Columba di-

catur

eatur, quū primū ex Arca fuit emissā, non habuisse,
 nec inuenisse locum, ubi plantam pedis poneret, quū
 tamen iam montium capita nudata essent aquis, habet
 facilem hanc responsionem, nempe Columbas non solere
 cacumina montium petere, & tam altè ac sublimè vo-
 lare: sed subsistere in locis inferioribus terra & humi-
 lioribus, quàm sint montes. Illa verò loca adhuc tecta
 manebant aquis Diluuij. Ergo locum, ubi subsisteret,
 nondum reperiēbat Columba, quū est primū emissā
 & reuersa. Q. Utrum tūc primū Noachus Arca
 fenestras aperuit, Gen. 8. 6, quū Coruum ex ea emisit:
 annon etiā prius & sapius id fecerit. R. Equidem
 non dubito, quin vsus fenestrarum earum, quæ erant in
 Arca (plures enim quàm unam fuisse, non dubito, &
 illic singularem numerum pro plurali sumi dico, quem-
 admodum eodem libr. Gen. 2. 10. [Fluius exibat ex
 Hedene] quin, inquam, vsus earum præcipuus fuerit,
 ut lumen Solis per eas Noachus, quæq; in Arca cum eo
 erant animalia viderent ac reciperent: ne in Arca tan-
 quam in perpetuis tenebris versarentur: sed diem illic
 à nocte distinguebat Noachus, Gen. 6. 16. Tamen fue-
 runt quoque aliæ earundem fenestrarum in Arca vsus,
 ac commoditates, veluti, si quid sordium domesticarū
 erat ex Arca proijciendum, si quid aquæ hauriendum
 ad vsus familiæ Noachi domesticos, & necessarios: aut
 si quidpiam eiusmodi emittendum, aut admittendum,
 fenestra aliqua aperiebatur. . . Quinquā enim non erat
 in Arca Noachus, velut in regio spatioſa, aliquo pa-
 latio, ubi cōmodè distinctas cœnationes, deambulationes,
 & cameras plures ad voluptatem dispositas haberet:

sed in ea velut in sepulcro, cum putore, fœtore, & sordibus animalium iacebat: Ea tamen, qua ad vidē erant ipsi animalibusque in Arca necessaria vel secum habebat Noachus in Arca, vel querebat quantum poterat, quemadmodum aquam ad potum suum, & eorum animalium, qua Deus in Arca servari volebat. Ergo etiam fenestris illis ad eiusmodi cōmoditates, uti dixi, peterat uti Noachus: ac proinde verum est is usum quoque fuisse. Quare iudico eū fenestras Arca, videlicet hanc tantum vel illā (prout necesse aut opus erat) aperuisse, & quidem sæpius, & priusquam Corvum emitteret ex Arca. Nam quomodo idem Noachus videre ac dignoscere potuit ex Arca capita montium esse inundata aquis, nisi arca fenestras aperuisset? Nec enim illa erat vitrea, uti nostra, per transversum & medium quarum cerni quidpiam posset, nisi aperirentur: sed erant lignæ fenestre. Ergo eas aperuit 40, diebus ante Corvum emissum, quā nimirum aspexit, viditque Noachus iuga montium aperta, & aquis liberata, Gen. 8. 5. Verū quum Corvū emisit, dicitur Noachus diserte fenestrā Arca aperuisse, quoniam tunc non unam, aut alteram dūtaxat ex illis fenestris remouit, & aperuit: sed simul omnes, ut intromitteret iam liberiorē aërem in Arcā, utpote planè tunc sedatum & quietum ab omnibus procellis, & pluviis, & sese, eosque omnes (qui secum unā in Arca versabantur) luce illa maiore, & copiosiore recrearet, ac cōsolaretur. Sic enim & seipsum & uxore, liberos suos, & nurus suas ad Dei beneficium agnoscendum vehementius excitavit, & spem optimam de sua ex aquis Diluvii liberatione, propinquoque ex Arca egressu

egressu suo concepit. Ergo tunc aperuit Noachus fenestram Arca Gen. 8. 6, id est, omnes fenestras, quas ad clarum lumen in ea suscipiendum idem prius fecerat, iussu Dei, extruxeratque: non autem unam ianum, aut alteram, ut antea. Nonnulli verò sic tunc Noachum fenestras aperuisse volunt, ut eas postea non clausisset. Nec enim quā Columbam ad se recipit in Arcā Noachus, manūque ex arca extendit Gen. 8. 9, dicitur aperuisse tunc fenestram Arca, quum tamen id, non nisi aliqua fenestra aperta, facere potuerit. Ergo, aiunt, mansit semper aperta. Q. Cur vento aquas diluvij exsiccauit & dispulit Deus, Gen. 8. 1. R. Esi absq; vento id facere Deus potuit: voluit tamen, quemadmodum ad diluvium in terras immittendum, & ventis, & pluvijs usus fuerat: sic ad idem illud finiendum uti contrario vento, ut intelligamus omnia voluntati Dei inservire, eūque vētis ceterisque rebus omnibus pro suo arbitratu uti posse ad nostrum exitium, vel salutem. Ergo sicut Notum madidosq; ventos induxerat ad Diluvij aquas injiciēdas: sic Boream, vrentesq; ventos Subsolanos immisit calidos & sudos, quibus aquas Diluvij velut hauriret, & siccaret. Q. Verum statim post emissam tertio Columbā ex Arca Noachus eius operculum remouerit, quoniam Gen. 8. 12. 13, continuatur utrumque nullo interiecto temporis, ut videtur, spatio, quo post non redeuntem in Arcam Columbā expectaret Noachus, ut tectum illius auferret. R. Ratio temporis, supputatioque Anni Diluvij requirit omnino, ut Noachus post emissam tertio Columbā expectaret totū mensem duodecimum, anequam operculum Arca re-

moueret. Sic enim expletus intelligetur annus Mundi
 1656, & vite Noachi 600. Nam 40 dies illi, quos
 ab initio decimi mensis (conspēctus mōtūm nudatis ca-
 pitibus) expectauit Noachus, donec Coruum ex Arca
 emitteret, quadraginta, inquam, illi dies incidunt, in
 decimum mensis undecimū seu sequentis: ad cuius com-
 plementum addendi sunt dies v ginti, quibus Coruus,
 & Columba emissa fuerit, & ad Noachi m. redierit,
 nempe septem dies post Corui emissionem: deinde dies
 14. quibus Columba denuō fuit ex Arca dimissa. Ergo
 dies illi 10, & 20 isti ex emissionē auium, efficiunt dies
 integros 30, quibus completur anni vite Noachi 600
 mensis undecimus. A quo vsque ad mensem primum
 anni 601 vite Noachi (quo operculum Arca primū
 detractum est) interycitur mensis eiusdem 600 vite
 Noachi vnus nempe duodecimus. Nam Anni veteres
 seu prisci, quemadmodum docuimus, & duodecim mē-
 sibus constabant & Solares erant. Ergo ad implemen-
 tum illius 600 anni restat mensis ille duodecimus, quē
 totum expectauit, ac praterfluere fuit Noachus, ante-
 quā operculū Arca remoueret. In quo summa Noa-
 chi patientia apparet, minimeq; princeps de egrediendo
 ex Arca desiderium. Q. Cur Noachus operculū
 Arca tandem remouit. R. Hoc ut cōmodius intel-
 ligatur, primū explicandū est, Ecquod & quale Ar-
 ce operculum fuerit illud, quod primo die primi mensis
 anni vite Noachi 601 fuit ab eo sublatum. Sciendum
 est igitur Nauigium illud, in quo Noachus cum fami-
 lia sua, & animalibus introgreſſis seruatus est ex aquis
 Diluy, fuisse quadrangula formā exstructum ad mo-
 dum

dum Arca, ac propterea Arcam non *Nauim* appellatum. Ergo tectum primum, & quod vere fuit pars superior istius Arca, fuit & planum & quadrangulum, eadem longitudine, & latitudine constans, qua fundum seu imum Arca, quod fuit infima pars Arca. Sic olim erant tecta domuum inter Hebraeos quadrangula. Non fuit quidem Arca ista, velut Cubus, æquilatera, sed tamen fuit quadrangula: nam illius lōgītudo maior erat, quàm eiusdem latitudo. Porro huic Arca tecto plano & quadrangulo fuit aliud impositum quod operculum hīc nominat *Moses*. Erat autem hoc operculum non planum, ut tectum ipsum: sed fastigiatum, & assurgens in altitudinem cubiti in angustum, Gen. 6. 16. ubi fiebat coaxatio asserum, & ex eo fastigio paulatim hoc idem operculum deorsum deprimebatur: cuius suggrunde & latera projiciebantur omni ex parte extra Arcam, ut velut stiria quedam aquas pluias exciperent, & emitterent extra Arcam. Hoc autem operculū erat primi tecti Arca velut integumentum. Ergo simillima fuit in eo huius Arca Noachi cum Arca fœderis Dei (quā postea iussus est *Moses* exstruere) similitudo, quod quēadmodum Arca fœderis habebat operculū, quod Propitiatorium vocabatur, Exod 25: sic hac arca Noachi habuit & ipsi quoque operculū ad sui tecti primi custodiam, & pluias ab eo arcendas, denique ut eo desuper tegeretur. Itaque [*Ceseh*] à tegendo dicitur. Nec verò operculum illud fuit pars Arca, uti nec Propitiatorium erat pars Arca fœderis, sed tegmen tantum, et à tecti ipsius Arca primi: alioqui illud auelli & remoueri ab Arca non potuisset, quin ipsam Arcam rupisset

ac fregisset Noachus: & quidem temerè, quum eius rei
mandatum à Deo non accepisset. Deinde se, & suos in-
iurijs cœli, & frigoribus noctis exponeret si ipsum arca
tectum primum auferret. Quare hoc est operculum,
quod Arca detraxit Noachus, & quo detracto mansit
nihilominus Arca adhuc & tota, & perfecta, & omni-
bus suis partibus cōstans. Cur autem illud remouit ra-
tio est, Quod quum ad eum, neque Cornus, neque Co-
lumba iam rediret, unde conijceret quantū aqua diluuij
à tempore emissa tertium Columba defecissent: nec ipse
quoque ex arca (Deo nondū precipiente) egredi adhuc
vel veller, vel posset: fuit necesse vi in aliquem Arca
locum ascenderet ipse, unde iam undique intueretur ac
cōspiceret quæ esset terra facies, quantū aqua depressa
& exsiccata essent, ut ea ratione tum seipsum, tum alios
Noachus in fide beneficij Dei confirmaret, & spem fu-
turi propediem ex Arca egressus, instaurandiq; mundi
conciiperet: denique se, & omnes, qui in Arca secum e-
rant, ad deum immensè laudandū excitaret. Nec verò
dubito, quin etiam Noachi filij, vxor, & nurus, remoto
illo Arca operculo, in tectum arca ipsi quoque conscen-
derint, ut tale Dei miraculum ipsis oculis suis intuerē-
tur & viderent, ac Deum eximie ex eiusmodi aspectu
collaudarent, illi gratias agerent, ac suam salutem pro-
pediem sperarent. Quare non frustra, neque de nihilo
Noachus Arca operculum remouit: non temerè, non
precipiti desiderio: sed omnia legitima sue, suorumque
fidei confirmanda subsidia querens & captans. Omnes
tamen quantumvis ex tecto arca cernerent aquas omnes
diluij in tota terra superficie exsiccatas, manserunt ta-
men

men patienter in Arca, usquequò à Deo ipso iuberentur ex ea egredi, & Mundum instaurare. Quæ quò de secundo nostræ historiæ capite dicta sint, iam ad tertium accedamus. Continet autem Noachi, & eorum omnium, qui in Arca erant, etiam animalium ipsorum egressum ex eadem arca iussu Dei factum 27 die mensis secundi anni Noachi 601.

Ad III. Noachi ex Arca egressus.

Queritur, Quinam sint montes Ararati, in quorum uno, quemadmodum Moses scribit Gen. 8. 4, Arca substitit aquis subsidētibus. R. Isti montes sui sunt in ea Assyria parte, quæ Armenia Maior à scriptoribus Græcis & Latinis dicta est. Fit quidem à Strabone lib. 16. mentio Ararena regionis, quæ Arabica Petiræ pars est: sed illa neutiquam ad hunc pertinet locum. Nam in Oriente, non in Meridie substitit Arca illa: & qui montes omnium altissimi esse scribuntur, illi in Armenia, non in Arabia statuuntur, velut à Strabone lib. 11. & Dionysio Alexand. de Situ Orbis. Arachosiam appellasse videtur Am. Marcellinus lib. 23 Hist. eam ipsam regionem, quam Moses vocat Ararateam. Sed quid verbis opus est? Huius ipsius regionis meminit alibi quoque S. Scriptura, veluti 2. Reg. 19. 37, Isa. 37 38, Hierem. 51. 27. Ex quibus locis eam regionem Armenia Maioris partem esse constat. Id quod verum esse confirmat quoque Plinius, qui lib. 6 Natur. Hist. cap. 13. populos Aratiaticos (melius autem Araratiaticos) in illa Armenia collocat. Hos autem quis ab Ararati dictos neget? Sed & in Itinera.

rio Antonini in descriptione Armenia commemoratur Ararathia oppidum, quod est a Mosaica voce Ararati proculdubio nominatum. Hanc quoque vocem in descriptione Assyria seu Armenia restituit apud Aethicum veterē satis autorem Iosias Simlerus. Denique huius Ararath & Epiphanius lib. 1. Tomo 1. heresi 18, & Isidorus lib. 14. Etymolog. cap. 8. meminere graves autores. Iosephus lib. 1. Antiquit. cap. 5. Montem hūc vocat ex veteri autore Mnasea Damasceno [Barin] quem etiam constituit in Armenia Maiore supra Minniadam, id est, Armeniam Minorem. Minniy enim vel Minnias, ut apparet ex Hierem. 51. 27, est Armenia Minor, dicta Armenia tāquam Aram Minnim, ut etiam scribit Franciscus Iunius, quae notior fuit Græcis & Latinis: ac propterea Armenia Maior tribuitur ab ijs Assyriae. Q. Quis egres-
suro ex Arca Noacho, cæterisque, ostiū illius aperuit, quum extroorsum, non autem introorsum post ingressum Noachum a Deo clausum fuisset, quemadmodum facile ex verbis Moysi colligitur, Gen. 7. 16. R. Deus ipse ostiū Arce aperuit, quum praecepit Noacho, ut exiret ipse, uxor eius, liberi, nurus, & animalia, quae cum eo erant. Genes. 8. 13. 14. Nam ad Dei iussu Noachus & in Arcā ingressus est, & ex eadem exiuit. Itaque uti Deus illi clauserat ostiū Arce, sic aperuit. Q. Vtrum omnia, quae in arca erant, aperto ostio sint simul & confusè egressa, velut homines ipsi cū animalibus: an potius ordinatim: & utrum homines prius egressi, quàm animalia. R. Apparet cū ex Dei praecepto de egrediendo, quod extat Gen. 8. 15. 16
& 17:

¶ 17: tūc etiam ex eius implemento, quod secutum est, primum homines ipsos egressos ex Arca: tum postea animalia. iubetur enim Noachus exire primus ex arca: tum uxor & liberi, & nurus: & postea educere animalia ex eadem arca, quemadmodū idem illa primum in Arcam adinserat. Ergo neque confuse ruerunt & proripuerunt se ex arca Bestiæ, sed prout à Noacho educerantur, apertis cellularū (in quibus singula bestiarum genera conclusa fuerant in Arca) ostijs: neque ille primus sunt ex Arca egressi, neque prima in Arcam ingressi, verū utrobique post homines & ingressos, & egressos, iussu Dei, quemadmodū apparet Gen. 7. 14. 15.

Q. Vtrum omnia, quæ fuerant in Arca, sint egressa uno die. R. Id quidē manifestè non declarat S. Scriptura: Si quis tamen cōiecturis locus est, censuerim ipse quod, quemadmodum & quanto tempore illa in arcam ingressa sunt, sic & tanto spatio ex eadem exiisse. Apparet autem ex Gen. 7. 4. penè dies totos septem Noachum in Arcam introiisse, priusquam omnia animalia in eandem confluxissent, & interim dum illa in Arcam recipit ipse. Ergo totidem diebus, nempe septem, post egressum Noachum, & eius familiam (quam ex Gen. 7. 13 statuo eodem die totam ex Arca exiisse, uti in eam intrauerat) animalia bruta ex eadem arca secundū sua genera sunt ordinatim emissi. Tantum igitur temporis spātium nimirum septimanarū dierum totam tribuo illi rei, quā sumpsit sibi Noachus ad animalia extrahenda seriatim & producenda, & in diuersas Mundi partes ex Arca dimittenda. Q. Quo ordine Noachus, & eius familia sit ex Arca egressa, Vtrum mares omnes

coniunctim & prius: & postea fœmine. R. Hoc ubique in tota hac egressione ex arca statuo, sumoq; Eodem ordine omnia in egrediēdo gesta esse, quo in ingrediendo fuerant. Quare quum viri seu mares, nempe Noachus & tres eius filij Sem, Cam, & Iaphet primi fuerint ingressi in arcam, & quidem ante mulieres omnes, adeoq; ante matrem suā id est, uxorem Noachi, Gen. 7. 7. 13: sic ex eadem Arca viri & mares primi, & ante fœminas omnes exierunt, Gen. 8. 18 (quanquam tamen omnes eodem die Gen. 7. 13) etiam filij ante matrem suam. i. Noachi uxorem. Ergo quod Gen. 8. 16 videtur vxor Noachi iuberi prius egredi, & ante filios suos, accipi debet quasi in globo dictum & preceptum, ut omnes ex arca exirent, velut Gen. 7. 1: non ut ordo exeundi prescriptus illic fuerit, qui, quema lmodum supra demonstravi, cum ex vers. 18. eiusdem cap intelligi: ium, ex ordine & ratione ingrediendi colligi debet. Neque tamen quod liberi ante matrem suam ingrediuntur, vel egrediuntur ex Arca, id ab ijs factum est ex ullo cōtempu, aut irreuerentia matris: sed ut patri Noacho adiutores essent ad omnia paranda, que ad introitum, vel exitum omnium erant necessaria, etiam mulierum ipsarum. Quamobrem quum scribit Augustinus lib. 12. contra Faustum Manich. cap. 21, Homines de Arca coniunctos exisse, qui disuncti in eam intrauerant, meo quidem iudicio fallitur. Eodem enim prorsus modo ingressi sunt ex Arca, quo fuerant in eam prius ingressi, nempe primus Noachus, dein le Sem, Cam, & Iaphet. Vtrobique viri seorsim, & seorsim fœmine siue in intrando, siue in exeundo. Cessent igitur omnes, quas in ista di-

uersitate (quam falsò esse putat Augustinus) querit,
 allegorie: nihil enim diuersum gestũ est in exitu à pri-
 mo introitu. Q. Quomodo animalia ex Arca e-
 gressa sint, vel educta à Noacho. R. Primum per
 genera quæg sua, non confuse, velut Cerui, & Leones:
 Lupi, & Oues: Volatilia, & Canes, seu terrestria ani-
 malia: utem Munda & Immunda simul, Genes. 8. 19.
 Ergo quum Leones emitti à Noacho ex cellulis & sta-
 bulis suis cœpissent, omnes emissi sunt ex arca, priusquã
 Cerui, vel aliud aliquod animalium genus quadrupes
 & terrestre ab eodem Noacho educeretur. Sic de reli-
 quis animalibus terrestribus. Deinde ad Volatilia di-
 mittenda ventum est, quæ ipsa quoque unumquodq, se-
 cundum genus suũ emissæ sunt, velut Accipitres omnes,
 deinde Columbe: & sic de cæteris volatilibus. Bina verò
 simul mittebantur à Noacho & filijs eius ex suis nidis
 & cellulis, nempe ex unoquoque genere mas & fœmina,
 uti bina in Arcam fuerant ingressa, Gen. 7. 9, & 16.
 Ergo Leo unus, & Leana una simul educebantur ex ar-
 ca: deinde Leo adhuc unus, & Leana adhuc una, donec
 huius generis omnes ex suo stabulo educti fuissent. Sic
 ex Coruis, Corvus unus mas, & Corvus unus fœmina si-
 mul: deinde Corvus adhuc unus mas, & Corvus adhuc
 unus fœmina, usquequò Corui omnes ex suo nido fuif-
 sent dimissi: & sic de omnibus bestijs, nisi si quas ad sa-
 crificiũ Soteriorum reservauit Noachus, uti quasdã
 conseruauit. Ex quo apparet bestias quantumuis feras
 & nobis hodie crudeles & intractabiles, fuisse tamen
 tunc & in ingressu in arcã, & in exitu ex arca Noacho
 filijsq, eius subiectas, tractabiles, domitas, Domino Deo

ferociam earum sic domante, & contudente. Q. Vtrum prius Immunda animalia sint in arcā & ingressa & egressa ex ea quam Munda: an potius contrā, Munda prius, Immunda posterius. R. Quanquā id disertè non explicat Moses, tamen quia quum de eorum in Arcam introitu agitur, prius semper Munda, quam Immunda commemorat, & appellat: Idcirco Munda prius in Arcam intrasse crediderim, postea verò Immunda. Ergo & eadem Munda animalia prius egressa fuerint .i. ante Immunda. Quum autem Munda emisit Noachus ex unoquoque eorum, genere bina, nempe marem & fœminam in cellulis vel nidis suis in sacrificium Soteriorū Deo offerenda retinuit. Ad quod sacrificium quia tandem perventum est, estque quartum & vltimum historia nostra caput, de eo paucis agamus.

Ad III. Sacrificium Soteriorum à Noacho factum.

Queritur, Quot ex unoquoq; mundorum animalium genere capita Noachus obtulerit Deo Soteriorum .i. salutis recepte nomine post egressum. R. Bina tantum, nempe marem & fœminam ex unaqua; mundorum animalium specie Noachus tunc sacrificauit, ut totum eorum genus, h'is velut primitiis, in masculo & fœmina Deo consecraret, essetque Deo sanctū & gratum quicquid ex ijs animalibus postea in perpetuum nasceretur. Ergo septena paria, id est, impari numero ex Mundis animalibus in Arcam ingressa fuerant, Gen. 7. 3, ut ex eo numero par unum .i. marem & fœminā Deo postea

Noa-

Noachus in sacrificium offerret, ac totum Mundum futurum eidem dedicaret. Dicitur autem hoc sacrificiū fuisse Deo boni odoris, Gen. 8. 21. Cuius etiā sacrificij & Cinerum eius, & Altaris reliquias extitisse adhuc suo seculo in mōribus Armenia scribit Epiphanius lib. 1. Tom. 1. heresi 18. Q. Quod sacrificij genus fuerit illud, quod primum Deo Noachus post suū ex arca egressum obtulit, Virum expiatorium, quemadmodum scribit Flavius Iosephus lib. 1. Antiq. Iudaic. cap. 6: an verò potius Eucharisticum, ut putant ij, qui illud Σωτηρια vocant. R. Partim Expiatorium, partim etiā Eucharisticum fuit. Ac quidem Expiatorium, quatenus pro pace Mundi in futurum à Deo exquirenda, & Deo ipso propter hominū peccata irato placando fuit oblatum: Eucharisticum autem, quatenus idem Sacrificium Sotericum est, id est, pro salute Mundo à Deo data offerebatur, & gratiarum actio erat, quam Deo Noachus pro semine Mundi futuri conservato agebat. Itaque mistum fuit hoc sacrificium, magnæq; utilitatis.

Q. Cur hoc Noachi sacrificiū Deo gratum fuerit, Virum propter hostiarum seu victimarum maculatū & occisarum multitudinem: an potius propter ipsius Noachi illud offerentis fidem in Deum. R. Quia Deus victimarum neque sanguine, neque numero per se deletetur, Psal. 50: non potuit propter victimarū numerum gratū esse Deo Noachi sacrificium. Et si enim propter hostiarum illarum varietatem (Nam ex omnī Mundorum animalium siue terrestrium siue volatiliū genere par obtulit Noachus) fuit singulare ac unicum hoc sacrificium, quale neque antea, neque postea ullum


fuisse cōmemoratur: multitudine tamen bestiarum non est vel cum illo Solomonie conferendum ubi viginti duo millia boum casa dicuntur, & centū viginti millia ouium mactata, 1. Reg. 8. 64: vel cum illo Ezechia regis, in quo mille tauri occisi sunt, & ones decies mille, 2. Chro. 30. 24: vel etiam cum illo Iosia, ubi oblata fuere tria boum millia, ouium autem agnorum, & hœdorum triginta millia, 2. Chron. 35. 7. Sed neque cum illis Ethnicorum Imperatorum, velut Alexandri Magni, & Marci Philosophi Imperatoris Romani Hecatombis, in quibus apud Ammian. Marcellinū extat hæc Boum querimonia, lib. 25: Οἱ λεῖκοι βόες Μάρκου τοῦ Καίσαρος, ἃν σὺ νικίσης, ἡμεῖς ἀπωλύμεθα, Albi boues Marco Casari, Si tu viceris, nos perimus,] tam fuit profusa, & immanis istorum hominum Ethnicorum in sacrificando prodigalitas, & mactatio boum, ut penè ad edendū boues deficerent, tam furiosè, tantoq; numero eos Ethnicī isti dijs suis offerebant. Ergo & Alexandri, & Marci hominū infidelium sacrificia Deo placuissent, quod nemo pius unquam dixerit, senseritve. Quid igitur? Cur Noachi sacrificiū odoratus est Deus bonā flagrantia, & habuit gratum? Nimirum propter fidem Noachi, quā habuit ille quidem primum in uniuersum in Deū ipsum, in quem velut omnipotentem & Deum verum & solum Noachus credidit: Postea in eius peculiare promissum de se, & ijs (que in Arca erant) omnibus ad futuri mundi propagationem conseruandis: Denique de Messia futuro, & semine illo mulieris, quod caput Serpentis cōtereret: quem & venturū credidit, & per propterque eum Messiam se, piosque futuros Deo gratos fore

fore Noachus credidit, nec Mundum hunc prius esse omnino delendū, quā Deus hoc suum promissum præstisset, ac implevisset. Ex quibus apparet Noachum vixisti fides sua in Arca colluctatum fuisse cum omnibus cœli, marisve periculis & procellis, cum ipso terrore mortis toties ante oculos versantis, cum impatientia carnis, & cæteris eiusmodi ac penè infinitis tentationibus. Denique vix fidei istius etiam in Arca tanquam in sepulcro Noachum eundem vitā tamen sperasse, & patienter suam liberationem à Deo & petysse, & expectasse. Post egressum igitur suum in illa fide sua confirmatus, & Dei promissionum erga se & suos impletum cernens Noachus, maiori adhuc cum fide in Deum egressus est, quā ingressus fuerat, Deoque sacrificat. Ergo propter illam Noachi fidem gratum fuit Deo illius sacrificium, Heb. 11. 7, Gen. 8. 21. Illa enim est, qua nos nostrasque actiones Deo commendat, & acceptas reddit, Heb. 11. 6, Habac. 2. 4, Rom. 5. 1. 2. 3.

Q. Vtrum vno & eodem die Noachus omnes illas victimas, id est, par unum ex omnibus mundis animalibus occiderit, quum solus esset cum tribus duntaxat filiis relictus ad tantum bestiarum numerum ingulandū.

R. Non definit quidem S. Scriptura Vtrum vno die hæc tot victima fuerint mactate: verum quum omnium earum oblatarum velut unus duntaxat sacrificy, & semel oblatis meminerit Moses, vno & eodem die, vno eodemq; sacrificio victimas istas omnes oblatis fuisse Deo iudico sentioq;. Fuit autem Holocaustum Sacrificium illud, quemadmodum docet Moses, Gen. 8. 20, in quo totæ hostiæ cremabātur: nihil autem ex ys ad cōuinum

sacrum postea peragendum reservabatur. Et hæc quidem hætenus. Nun. ad perscrutandas istius veritatis reliquias accedamus, In quo maxima huius Historia utilitas confirmatioq; aduersus ἀθέως, ἑμπαικτας homines continetur.



C A P V T III.

*V*estigia superioris historie, et veritatis.

NON est verò futura nobis, vel cuiquam alij dubia superior història etiam ex ipsis Ethnicorum hominum scriptis, si modò eorum (quæ supra de Diluio Vniuersali ex iisdem probauimus) memoria prorsus non excidit. Coherent enim hæc cum illis, ut qui illa superiora vera, & tradita ab illis concesserit, hæc iam negare nō possit. Verùm ne qua dubitatio cuiusquam vel obstinatissimi hominis animo inhereat, peculiariter & huius quoq; historia vestigia ex eorundem Ethnicorum libris ac traditionibus inuestigemus, à primo capite exorsi, quod est Aquarū Diluuij supra quosuis montes exundatio, & incrementum.

Ad I. De Incremento Aquarum.

Primum quidem certo certius est omnes, qui Diluua scripserūt, dixerūtve fuisse, idcirco ea vocasse Diluua, quòd tunc Aqua totam terræ eius superficiem (in
qua

qua illa existerunt) merfit, & inundauit, etiam montes ipsos, qui in eadem illa regione siti, & a'li apparēt. Sic enim Ouidius lib. 1. *Metamorph.* etiam de Deucalionis Diluuio:

Obruerat tumulos immensa licentia Ponti,
Pulsabantq; noui montana cacumina fluctus.

Horatius item lib. 1. *Carm.* Ode 2. de Inundatione Tyberis, & de eo ipso Deucalionis diluuio agens, docet montes ipsos tunc aquis fuisse obrutos. Sic enim canit:

Terruit gentes, graue ne rediret
Seculum Pyrrhæ noua monstra quæstæ,
Omne quum Protheus pecus egit altos
Visere montes.

Piscium & summa genus hæsit ulmo.
(Nota quæ sedes fuerat Columbis)
Et superieçlo pauidi natarint

Aequore Dama.

Ergo quod scribit Pausania lib. 1. *Megarum* quendam tempore Deucalionis diluuij sese recepisse in montem Megara regionis nomine Geraniam, ubi sernatus fuerit, quod diluuij illius aquæ in cacumen istius montis non peruenissent, merè est fabulosum: quemadmodum & illud, quod Ouidius eodem libro 1 *Metamorph.* & idẽ Pausanias lib. 10. volunt Parnassũ montem aquis illis minime tunc obrutũ fuisse, sed superiorem. quum idem hic Pausanias fateatur oppidũ, quod in cacumine Parnassi situm erat, aquis tunc fuissemersum. Quod accidere certè quidem non potuit, nisi diluuij istius aquæ ad caput ipsum montis ascendissent illũque etiam ipsum texissent. Sed quum rationem, quæ Deucalion cum

*Pyrrha uxore seruatus esses ex illis aquis, non reperi-
rent (fuit autem in Noacho Arca: & nauigiū in Deu-
calione isto recentiore.) finxerunt Parnassum montem
superiorem istis aquis mansisse, in quem Deucalion, &
Pyrrha soli confugissent. Sed cur non etiam alij in eun-
dem se quoque recepissent? Ergo Diluuij cuiusvis quo-
uis tempore definitio in eo est, quod tota terra illius, in
qua diluuiū euenit. superficies tecta fuit aquis: ac pro-
inde montes quoq; ipsi illius loci. Sunt enim pars super-
ficiei terra. Quāobrem hoc ipsum multo magis in hoc
Vniuersali Diluuiō accidit. Sed ne cuiquam vel mini-
mus eius rei scrupulus restet, en ex ipsis Ethnicorum li-
bris testimonia manifesta, quae sunt certissima nostra ve-
ritatis vestigia: Ac primum Abydeni testimonium ve-
teris scriptoris, quod extat apud Cyrillum, lib. 1. contra
Iulianū, qui tempore istius diluuij nullibi terras aquis
nudatas & immunes fuisse scribit, ex vetustissima tra-
ditione, ac memoria. Idem Mnaseas Damascen. apud
Iosephum lib. 1. Antiquit. cap. 5. tradit, nimirum in illo
Diluuiō omnes Orbis montes summersos fuisse, praeter
vnam omnium excelssimū, qui situs est supra Minia-
dam, id est, supra Minorem Armeniam in maiore Ar-
menia, qui mons, ait, Baris dicitur, in quo se cum Arca
pius quidam vir seruauit. Berosus lib. 1. de eodem di-
luuiō loquens, ait, [Fluminaq; & fontes ab imo ebul-
lientes supra omnes montes excessisse, accedentibus &
impetuosissimè ac praeter naturā e caelo per multos dies
corruentibus copiosissimis imbribus.] Idē Cato in frag.
& Archilochus de Temporibus. Sed & Tertullianus
licet autor Christianus, tamen ex Ethnicorum & scri-
ptis*

ptis & consensu in lib. de Pallio: & Isidorus lib. 13. cap. 22. Etymologic. idem prodiderunt, in illo diluvio omnes terræ montes aquis obrutos fuisse. Solinus quoque, sed autor Ethniscus in Polyhist. cap. 15, etsi iste illud Diluvium Deucalionium vocat. Nam quod de Noe, seu veteris Deucalionis Diluvio tradit Moses, Græci homines ambitiosi ad suum & iunioris Deucalionis diluvium transfulerunt. Ex quibus, vti etiā iam annotavi, omnino falsa ineptaq; apparet Iudeorū Thalmudistarum sententia, qui negant aquas illius Diluvii usque ad verticem montis Sionis (ubi postea Templum Dei positum fuit) pervenisse, vel ascendisse: Imo eum vel saltem cubitis totis quindecim superarunt, nedum ut eo inferiores fuisse censeantur. Sed ad secundū caput nostræ Historiæ pergamus, ubi de Ceruo & Columba emissis à Noacho agitur, & loco ubi subsistit Arca Noachi, illiusque etiam reliquijs, quæ diu in eo loco permansere. Iam verò quæ rerum istarum apud Ethnicos scriptores extant vestigia, videamus.

Ad II. De Diluvio cessante, & Coruo, & Columba.

AC primum quidem de Coruo & Columba certè auspicia & auguria, id est, prædictiones rerum futurarum (qualis est euentus belli, felicitas vel infelicitas inceptorū nostrorum, ceteraq; huiusmodi) ex isto Noachi factō malè ab Ethnicis postea interpretato natas esse non dubito. quòd hominum memoriæ inhereret primum illi noui huius Mundi parentem Noachum ausibus ad

explorandas Diluvii aquas usum esse, & ad iram Dei (sedatane iam prorsus esset, an nondum placata) perscrutandam. Non quid eas aves quas emisit Noachus, faceret voluntatis Dei interpretes, & internuntias sicut Ethnici illi censuerunt, sed quod ex Corvi & Columbae volutu cōcyeret. Vtrum aqua Diluvii adhuc alta essent in terra superficie, necne. Quamobrem illi abusi hac prudenti Noachi coniectura & consilio Ethnici, ex avibus auguria auspiciaque ad res futuras predicendas, Deiq; voluntatem expiscandam (quasi illa essent Dei internuntia) postea insinuerunt: quae quanquam sunt illa quidē superstitiosa, sunt tamen vestigia emissi à Noacho ex Circa Corvi Columbaq; ad tentandas explorandasve Diluvii aquas. Quemadmodum autem Corvum emisit Noachus. Sic autem hanc Ethnici homines in auspicijis suis potissimum sequuntur. Corvum enim avem maximè & intelligētem, & aptam ad res futuras praenuntiandas esse volunt. Plinius lib. 10. Nat. Hist. cap. 12, [Corvi, inquit, in auspicijs soli videntur intellētiā habere significationum suarum. Nam quum Mediae hostes occisi sunt, omnes à Pelopōneso, & Attica (ubi propterea tristissima bella fuere) volarunt. Aelianus lib. 15 Hist. Animal. cap. 40: [Si quod ad Deum pertinet, ait, Corvus agit, sacrum quippiam & divinationis plenum loquitur.] Et cap. 42: [Corvum, ait, Apollini sacrum. eiusque pedisse quum esse dicunt (qui Deus Apollo divinationibus praestit ex sententia Ethnicorū) & idcirco Corvum ratiocinandi facultate praeditum farentur, eiusque clamorem observant ij qui animum sedes, & clangeres, & volatus ipsarum à dextera & à sinistra cognos-

cognoscunt] id est, qui auspicia observant. Huic consensu Plutarchus, qui in lib. de Iside ex omnium Grecorū Ethnicorum sententia recepta sic scribit: [Græci rectè, quum dicunt & sentiunt Columbam esse animal sacriū Veneri, Draconem Minervæ, Coruū Apollinis, Canem Dianæ. Fulgentius lib. 1. Mythologic. [In Apollinis tutela Coruū ponunt] ait. Cuius rei causas affert varias, sed tum ex Anaximandro, tum ex Pindaro hanc probat, quòd solus Coruus & res futuras, & vocum significationes inter omnes aues nouit. Huius viriusque summe præ ceteris auibz Corui sapientia testimnium proferunt. Ac quidem quòd res futuras Coruus præfigit, exemplum testatum extat, ut scribit Pausanias lib. 10, præter illa Plinij supra commemorata, quòd quum Athenienses infelicissimam illam in Siciliam navigationem susceperēt, statua aurum detraxit Coruus, quā in Delphis collocarant Athenienses. Quòd autem idē Coruus auis humanas voces & intelligit, & fingit, prodidit Plinius lib. 10. cap. 43. De Cornorum intellig. Scribit Aelianus lib. 15. cap. 40. esse talem ut ad hominis imitationem alia sit vox Corui ludētis, alia seriō agentis. Plutarchus item in libro, Vtrum animalia terrestria, quàm aquatilia plus rationis habeant, ex experientia ipsa probat hoc ipsum. Sed hoc superstitiose in Cornu notatum est, quod de Augurijs istis, & rerum futurarum prædictione Ethnici tradunt: Est tamen, ut dixi, illius emissionis Corui ex Arca ad iudicandam aquarum Diluuij altitudinem vestigium obscurum & deprauatum. Illud verò & rectè, & conuenienter eius nature fuit observatum, Cornu nempè pluuia fuit: e

presagam esse autem, ac prænuntiam, quòd quum sis tēperamento siccissimo, facile aëris mutationem, & pluvie aduentum sentiat. Id quod varij prodiderunt, & res ipsa docet. Aratus in fine Φαινόμενων sic ait,

-- Καί πῃ Κόρακες διὺς σαλαγμὲς

Φωνῇ ἐμιμήσαντο σὺν ὕδατι ἐρχομένοις

Ἡ ποτε καὶ κροῖσται βαρεῖν διατάκει φωνῇ

Μακρὸν ὅτι ροῖς εὖσι πναζόμενοι πρὸς πυκνά.

Quae sic interpretatus est Virgilius lib. 1. Georgicôn:

[Tum liquidas Corui presso ter gutture voces,

Aut quater ingeminant: & sæpè cubilibus altis

Nescio qua præter solitum dulcedine leti

Inter se folijs strepitant.] Plinius lib. 18. cap. 35:

[Corui, ait, singultu quodam latrâtes, seqq. concutientes, si continuabunt, ventos presagiunt: si verò raptim vocē resorbebūt, ventosum imbrem.] Omitto cetera, quæ de Corui industria in siti, in petenda stipe seu cibo à viatoribus Physici scripsere: itēque Prouerbia illa, [Ex malo Coruo malum ouum:] & [Coruus cibum habens captat umbram] ut docet Epiphanius, Hæresi 66. nam ad Grammaticos pertinent. Quod autem addit Moses, Non rediit ad Noachū ipsum Coruus ab eo semel emissus ex Arca, licet iret & rediret, hoc retentum est, ac memoria conseruatum ab Ethnicis, sed fabulis obscuratum, & interpolatū astu Satanae, ut veritas S. Scriptura deleteretur. Aiunt enim, quum Coruus ab Apolline sacrificiū facturo dimissus esset ad aquas petendas, quibus Apollo in eo uteretur, Coruum non rediisse. Higinus lib. 2. Astronomicôn, cap. De Hydra. Ouidius lib. 2. Fastorum:

[I, mea,

[*I, mea, dixit, anis, ne quid pia sacra moretur:
 Et tenuem è vinis fontibus affer aquam.
 Coruus inauratum pedibus cratera recurrit
 Tollit, & acreum peruolat altius iter.
 Stabat adhuc durus ficus densissima pomis:
 Tentat eam rostro, non erat apta legi.
 Immemor imperij sedisse sub arbore fertur:
 Dum fierent tardâ dulcia poma morâ.]*

*Vnde volunt idem hanc Coruo pœnam impositam, ut
 quandiu ficus maturescunt, de nullo fonte, nullâve aqua
 bibat, quòd tunc habeat guttur fiss & ariditate perfo-
 ratum. Et hæc quidem de Coruo. De Columba verò
 à Noacho emissa hæc apud eosdem Ethnicos extât ve-
 stigia: Præmum id genus anis pro Deo à Syriæ cultum
 est, ut tradit Higinus in Fabul. cap. 197. non quidem
 ex ea causa, quam Græci homines vani fingunt, Quòd
 eum eximia magnitudinis quedâ Columba olim apud
 Euphratis fluij ripam inuenerit, quod postea exclusit
 (ecqua enim ista, & quàm friuola & inuoluta & dei-
 ficationis Columba causa?) sed quoniam Syri memoriâ
 opera à Columba in Diluui præstita Noacho retine-
 bant, quum illa fuit aquarum maxime decrefcentium
 nuntia, ac proinde Columba à Syris velut pacis erga
 homines diuine præcones, & præsaga colebatur. Erant
 enim Syri, ut ceteri homines, supersticiosi Vnde etiam
 eas in vexillis Babyloniorum depictas fuisse volunt non-
 nulli, fuisseque eorum exercitus signa, quemadmodum
 Aquile Romanorum, Luna Bizantinorum, Noctua
 Atheniensium, nimirum propter istius beneficij Colum-
 bæ memoriâ. Erant enim Babylon, & Chaldaei Assy-*

rys, ubi Arca subsedit, vicini, à quibus id inaudierant, ac didicerant factum. Multa de Columbis, earumque diuerso genere (sunt enim illius quinque species) ingenio, moribus scribit Athenaeus lib. 9. Dipnosoph. sed hoc imprimis eas vocem hyeme non emittere, nisi sereno & tranquillo die. Sunt enim serenitatis nuntiae. Plutarchus libro, *Vtrum Terrestria Animalia plus rationis habeant*, ait, Columbas crudeles esse propter nimiam coitus cupiditatem: [Proruum enim, ait, earum mares oua foeminarum, & foeminas perdunt, quòd, dum oua incubata fouent, coitum non admittunt.] Vnde ex ea parte sunt infames. Epiphanius Heresi 73 contra Ophitas, [Quaquam Columbae genus, inquit, non laudatur in multis (petulans enim est Columbarum genus, & à multiplici mixtione non alienum. lasciuumque, & per omne tempus voluptati deditum.) Vnde Veneri eas homines profani sacras esse dixerunt.)] [Ad hac verò debile, & infirmum est. Sed (addit idem) propter innocentiam, patientiam, & mali facilem obliuionem Columbae laudantur.] Verum istis Columbarum laudibus, vel vituperationibus omissis, videamus ecquae restent nobis ex scriptis Ethnicorum reliquiae & manifestissimae. Emisse à Noacho ex Arca Columbae testimonia, praeter illud, quod iam demonstraui, de ea à Syris adorata, & à Chaldeis sumpta in signum Militiae, Plutarchus in libro, *Vtrum Terrestria animalia plus rationis habeant*, sic apertè scribit, *Versionem enim Latinam afferam*: [Poetae igitur, ait, Columbam Deucalionis scribunt Arcam emissam, quantisper remearet, & eodem continuo se reciperet, tempestatis: postquam au-

tem

sem auolasset. serenitatis argumentum dedisse.] Hanc eandem Deucalionis Columbā volunt in Molossis, Epiri populo, fuisse, ac mansisse postea, & ex quercubus in sylua Dodonea responsa dedisse: imo quum in quercubus illa sederet, eas arbores vocales fuisse, & futura prædixisse ydem Ethnici scribunt. Pausanias libro 7. [Confugiunt, inquit ad oraculum Dodoneum. Hanc enim terra continentem qui incolebant, & Actoli, & eis finitimi Acarnanes, ac Epirota, Columbas existimarent, & è quercu editum oraculum omnium verissimum.] Nam & veterem Deucalionem & Pyrrham, sub quibus fuit vniuersale Diluuium, fabulantur Græci (postquam uterque ex aquis euasisset) sese in Epiri regionem recepisse, eam Columbā secum adduxisse, & Dodonei Iouis templum ibi edificasse, quod Templum Græci primum omnium summè coluisse dicuntur, & ex eo ipso loco natam esse totam Græciæ fabulositatem testatur quoque Plinius lib. 4. Hist. Nat. in Proæmio. Ergo huius templi velut sanctissimi, & in quo ex ista Columba oracula prima reddita sunt, meminere religiosissimè postea optimi quique Scriptores Ethnici, Strabo lib. 7. Pausanias lib. 7. & 9. Pomponius Mela lib. 2. cap. 3. Solinus Polyhistor cap. 13. Cur verò hæc? Quòd antiquissima huius Historiæ nostræ de Columba à Noachō (quem uti diximus, veterem Deucalionem nominarunt) ex Arca in Diluuiū emissā memoriā conseruabant quidem: eam autem fabulis & mendacijs suis homines vani & ambitiosi Græci interpolabant, ut eam laudem sibi tribuerent, & arrogarent, quasi hæc in sua Gente, non in Armenia primum cōtigissent. Quid,

quod Oliuam, eiusque ramum idem illi Ethnici dicunt esse signum, testimoniūque pacis (unde illud est Virgili [Ramus pretendit oliua] de missis fœderis contrahendi causa legatis) unde sumpserunt, obsecro? Nōne ex eo, quod sedatarum aquarum, & proinde Dei erga homines placati testimonium, & velut symbolum Columba à Noacho emissa attulit ramum Oliua, ut scribit Moses? Isidorus lib. 17. Etymolog. cap. 9. ex Ethnicis, [Est, inquit, Olea arbor pacis insigne.] Virgilium libro undecimo Aeneidos:

[Iamque oratores aderant ex urbe Latina

Velati ramis olea, veniāque petentes.

Plinius lib. 15. cap. ult. [In profanis usibus, ait, pollui Laurum, & Oleam fas non est, ut ne propitiandis quidem numinibus accendi ex his altaria, areve soleant,] & cap. 4. Olea honorem Romanæ Maiestatis magnum prebuit, turmas Equitum Idibus Iulij ex ea coronando. Athenæ victores olea coronant. Denique Augustinus lib. 83. quæst. cap. 59. typicè latitiam per oleū significari docet. Verū de eo pluribus agere minimè necesse est, propterea quòd varij tum veteres, tum recentes scriptores hoc ipsum docent, qui honos Oliuæ tributus ab Ethnicis est illius nostra historia & de Oliua ramo ad Noachum à Columba, tanquam pacis Dei erga homines nuntia, alio certissimū, antiquissimūque testimonium, & vestigium. Pergamus ad reliqua eiusdem veritatis capita.

Ad III. De exitu Nochi, & Loco, vbi
Arca constitit.

Incidit

Incidit autem tertium, quod est de exitu Noachi ex Arca: & de loco, ubi illa constitit. Sunt autem hæ duæ quæstiones coniunctæ. Nam & ibi substitit Arca, ubi Noachus ex ea egressus est: & ibi egressus est, ubi illa conuenit a fluctibus & saetatione aquarum Diluuij. In quo primum explodenda sunt Græcorum hominum ambitiosorum, & planè nouorum ac recentium scriptorum, quemadmodum docet Plato in Timæo, commenta, qui Nanigiū (in quo homines ex Diluuiō seruati sunt) in sua Græcia, & in monte Parnasso substitisse tradunt. Illud enim Diluuium omnino recens est, & multis, post vniuersalem seu Noachi inundationem, seculis cōtigit: denique fuit peculiare illi duntaxat Phocidis & Thes-saliae regionis. Nos verò de eo querimus Diluuiō, quod & primum omnium fuit, & vniuersale, & sub primo vetustissimòque Deucalione (qui idem & Noachus, & Xisuthus, & Ianus dictus est) euenit terrarum Orbi, omnesque mortales, imò viuētia omnia, quæ ubiq; gentium erant, consumpsit, præter ea quæ in una illa Noachi Arca continebantur. Ergo & de exitu huius Noachi: & de loco, ubi Arca illa substitit, queritur. Respondet Moses, [In montibus Ararati.] Iam verò ex ipsis Ethnicorum scriptis velut Plinio, & Itinerario Antonini demonstrauius, & populos Aratiaticos, & urbem Ariarathiam in Armenia Maiore (quæ Assyrie pars est) sitam fuisse. Isidorus lib. 14. cap. 8 [Ararath mons Armenia, in quo Arcam post Diluuium re-sedisse testantur. Vnde & usque hodie ibidem lignorū eius videntur vestigia.] Ariarathi regis Cappadocie meminuit Iustinus Historicus, quod nomen procul dubio

ex illis vetustissimis vestigijs restat Imò & Ammianus Marcellinus lib. 23 non solum eas regiones omnes scribit habere montes maxime celsitudinis: verùm etiam Coronum montem inter eos ipsos altissimum esse tradit, & nominat: cuius partem habitantes occiduam frumentarijs agris affluunt, & vinarijs pingui fecunditate latissimis Quamobrem ex eiusmodi ethnicorum scriptis apparent vestigia nostra veritatis, quæ descensum seu exitum Noachi ex Arca in montibus Ararati, id est Assyria seu Armenia maiore collocat. Sed maiora adhuc, amplioraq; eius rei testimonia ex ysdem Ethnicis proferamus. Abydenus apud Cyrillum sapius iam à nobis citatus scribit pium quendam virum in Armenia monte quodam altissimo ex Diluvio servatum fuisse. Hunc locum Armenij ipsi etiam tempore Flauj Iosephi illius liberationis memoriam à Maioribus traditam pie seruantes, vocarunt Καταζαδουρ, vt idem Iosephus tradit lib. 1. Antiquitat. cap. 5. Mnaseas Damascenus apud eundem Iosephum sic ait, [Est & super Minniada excelsus mons in Armenia, qui Baris appellatur, in quem multos confugientes fama est Diluuij tempore liberatos, & quendam simul in Arca deuectum in montis venisse summitatem, lignorumq; Arca reliquias multo tempore conseruatas. Fuit autem isle quem etiam Moses Iudeorum legislator scripsit.] Est autem Minnia, seu Minnium, vt Q. Curtius nominat lib. 5. Vrbs celebris in Armenia, à quo oppido, & à voce [Aram] Arminia tãquam [Aram Minnij] vel Aram Minnia] primùm dicta est. Hier. 51. 27: deinde à Græcis & Latinis, maioris suauitatis gratia, Arme-

Armenia nuncupata, nominataq³. Quid si Minya populi Thesalia (quorum princeps fuit Iason, qui Colchos inuasit) ab ijs Minnijs Armenijs orti sunt? Sed redeo ad Arca in Armenia relicta vestigia. Hieronymus Aegyptius, qui Pkænicum historiam literis mandauit, cum superioribus, nimirum Abydoro, & Mnasea consentit, et docet idem Iosephus. Epiphanius lib. 1. Hæresi 18 contra Nazaraos [Adhuc hodie, inquit, reliquia Arca Noa ostenduntur in Carduersum montibus, & regione.] Berosus noster lib. 1. [Elevata ab aquis Arca, ait, in Gordici montis vertice quieuit, cuius adhuc dicitur pars aliqua esse, & homines exinde bitumen tollere, quo maximè utuntur ad expiationes.] Hac eadem ex Beroso habet quoque Iosephus loco iam citato, id est, lib. 1. Antiquit. cap. 5. Ex quibus apparet eundem esse montem, quem Mnaseas [Barin,] & Berosus [Gordicū] vocat, & Epiphanius [Carduersum:] alij verò etiam Kardaum, & Chardiaum neminant, prout diuersa idiomata rem eandem & idem vocabulū varie nimirum pronuntiant. Baris igitur fuit is ipse mons appellatus, in quo peculiariter Arca Noa substitit. Regio ipsa, & pars Mundi, in qua Mons ille situs est, ab Hebraeis & Mose dicitur Ararati, unde Ararathia urbs: à Græcis & Latinis modò Assyria, modò Maior Armenia: à Chaldæis & Babylonijs, ut ait Franciscus Iunius in Genes. cap. 8, Kardu Unde Karduenā vel Korduenā regio apud Anmianum Marcellinum lib. 25. transigitara, vicina Zabdicenā, & Mediā in Cassijs montibus, & ad Caucasum montem sita, quem appellant Græci, scribiturque esse montem

omnium altissimum, & ad flumen Niphaten. Hæc ab Æthiæ Cosmographo vocatur Cordubenna. In Karduena regione habitant Kardi, quorum idem Ammianus meminit in descriptione totius Cassiani tractus, & regionum, quæ sunt ad mare Caspium, libr. 23. Histor. In eadem autem Karduena vel Korduena regione sunt Kardyensæ vel Karduensæ, vel Kardier, vel Karduai (sunt enim omnes isti idem reipsa) montes, è quibus unus est nomine Baris, ille videlicet ipse, in quo Noachus cum Arca, deficientibus aquis Diluvij, substitit. Hos montes, qui tam variè ex voce Chaldaea describuntur, Græci nonnulli, Latiniq; primum Chardiasos: deinde Cardiasos & Cordiasos, dempta h, aspirationis nota, vocarunt: denique alij ex Cardiasos vel Cordiasos scripserunt, effecerunt, dixeruntq; Gordiasos Unde vulgo & passim inualuit postea, ut hi Assyria seu Maioris Armenia Montes celsissimi scriberentur, pronuntiarẽturque montes Gordias, quorum pars & unus est mons ille celebris Caucasus, seu Baris. Iam verò montium istorum Gordiaorum meminerunt Ethnici Scriptores penè innumeri, velut Ptolemæus, Strabo libr. 16, Plutarchus in Alexandro, & Lucullo: Q. Curtius in libr. de Rebus gestis Alexandri Magni libr. 5, quos etiam (uti & populum eorum incolam Medis vicinum) Gordienum & Gordienos vocat, quemadmodum eosdem Plinius libr. 6. cap. 15. Gordyæos quoque, velut eiusdẽ libr. cap. 11, & 26. Quamquam Strabo libr. 16, videtur distinguere Gordyos populos à Karduchis vel Karduenis: sed parum fidei in his vocabulis habendũ est Græcis auctoribus, vel eorum Latinorumve descriptioni creden-

dendum quum in iisdem vocabulis pronuntiandis mirè
 variant, & errent isti omnes. Constat verò Armeniam,
 ubi montes isti collocantur, dici derivariq; à voce He-
 braea [*Aram*] quæ excelsum significat, quod sit ea regio
 excelsa: & Dionysius Alexandrinus excelsissimos in
 eadē regione montes esse tradit, quos, ut dixi, Gordaeos
 Græci vocant & Gordyæos, vii & Stephanus libr. De
 urbis in voce Gordyæa. Huic nostræ sententiæ cōsen-
 tit quod M. Cato in Fragm. scribit his verbis [*Ante*
Ninum circiter annis 250 (quibus duravit aureum
 sculum) *terras fuisse inundatas constat, & in Scythia*
Saga renatū mortale genus.] Diēla verò est Assyria,
 seu Armenia Maior Scythia Saga vel ab oppido &
 flumine Saga (quod utrumq; in Assyria est) vel à ver-
 bo Hebræo [*Schagah*,] unde regio & pars illa Mundi
 Saga diēla est priscis seculis tanquam populoſa, multi-
 plicata, & caterarum Gentium fons & mater, qualis
 fuit. Ex quo controuersa illa, quæ est apud tum Platonem
 in *Timeo*, tum Iustinum Historicum lib. I, questio
 facile deciditur, Virum Scythæ, an Aegyptij primi ho-
 minum in hoc mundo extitère. Vindicta enim pro Scy-
 this sunt pronuntianda. & illi priores esse censendi non
 modo, quàm Aegyptij, sed etiā quàm Phryges, & Ar-
 cadæ, contraquàm tamen (sed falso) sentit Herodo-
 tus, & quàm ulli alij mortales, qui quidem in hoc ter-
 rarum Orbe sint, fuerintve post vniuersale terrarum
 Diluuium. Denique quod scribit Higinus in *Fab. cap.*
153. ex Ouidio alijsque Poëtis, post diluuium illud na-
 tos esse homines ex lapidibus à Deucalione & Pyrrha
 post tergum in humum & terrā iactatis (unde Populi

Λαοὶ δὲ τῆς λαοῦς, id est, lapide, vocantur à Græcis) hoc quoq; falsum est & ineptum. Procreati sunt enim etiam post Diluviū homines ex hominibus naturali propagatione, & ex semine coituq; maris & fœminæ hominis, uti ante diluviū: nam illud totum, quod hodie in terræ superficie existit, extititve, hominū genus, quantumvis sparsū & diffusum, ex illis tamē octo personis emanavit, quæ in Arca servata sunt, nimirum ex Noacho, & eius uxore, tribus eius filijs Semo, Camo, & Iapheto, & eorum vxoribus. Et hæc quidem de tertio nostræ Historiæ capite hætenus dicta sunt.


Ad IIII. Sacrificium Noachi Deo factū.

Iam igitur ad quartum & ultimū accedamus. Est autem Sacrificium pro salute & sua, & cæterarum rerum, quæ erant in Arca à Noacho factum, & oblatum à Deo. Huius quoque etiam quedam apud Ethnicos vestigia restant: Primum fatentur, & scribunt Græci Deucalionem priscum nempe (sed quod de prisco scriptum est, ipsi ad suum & iuniorum quoque transferunt ambiciosè, quemadmodū sæpè demonstravi.) Ergo fatentur illum Deucalionem, qui & Noachus fuit, & piū in Deum fuisse, & moderatissimū sanctissimūq; virum, cæterosque mortales vitam honestam docuisse. Ovidius lib. 1. Metamorphos. de eo, & Pyrrha eius uxore loquens, ait,

[Non illo melior quisquam, nec amantior aequi
Vir fuit: aut illa reuerentior vlla deorum.]

Plutarchus lib. 2. contra Coloten. [Deucalion, inquit, Græciā uniuersam (imò terrarū orbem) imbuuit sanctè, qua

Et, quasiq; expiauit precationibus, ieiunando, oraculis, elogys propositis, mortales ita erga numen animauit, ut eos cum spes bona, iū metus in officio contineret.] Deinde eundem post Diluuiū religiosissimè Deo sacrificasse tradunt Ousdius lib. iam citato, & Higinus in fabulis cap. 154. Deniq; verò eius altaris, quod ad eiusmodi pro salute sua sacrificium offerendum idem edificauit, reliquias exiisse etiam suo seculo tradit ex Ethnicorum. & Armeniorum ipsorum testimonio & literis Epiphanius lib. 1. Tom. 1. Hæresi 18. Ex quibus omnibus manifestissima etiam istius sacrificij à Noacho post Diluuium oblatis Deo vestigia, sed alieno, id est, Deucalionis nomine (astu Satana & Diaboli) interpolata reliqua esse colliguntur etiā inter ipsos Ethnicos. Quāobrem & ex ea parte ydem & veritatem nostram confirmant. & atheos homines confutant. Sequitur verò vltimum totius huius operis caput.



CAPVT IIII.

Quæ Politia tum Ciuilis, tum Ecclesiastica toto illo Diluuij vniuersalis anno fuerit.

QUANTQVAM non multum discrepauit Politia tum Ciuilis, tum Ecclesiastica, qua fuit

toto illo Diluuij vniuersalis anno ab ea, quæ ante Dilu-
 uium in Mundo fuisse demonstrata est: tamen quoniam
 habuit hic ipse annus aliquid in utrôque à superiori æ-
 tate diuersum, neque huic quoque nostri operis & labo-
 ris parti sua coronis detrahenda videtur, explicemus,
 quæ, qualisue fuerit illo, quanuis breui, tempore utraq;
 ista Politiæ. Ac quidem Ciuilis posita est in Magi-
 stratu, Legibus, Forma Reipubl. Artibus, quæ tunc
 exercebantur, & Moribus tum publicis, tum priuatis
 receptis. Quod ad Magistratum, illud fuit singulare
 illo Diluuij anno, quod Vnus duntaxat esset totius Or-
 bis terrarum tunc Magistratus, non plures: ne sine
 Magistratu summo essent illo anno homines, quo tamen
 tota superiore Mundi ætate, id est, per 1656 annos. Is
 autem Vnus & summus Magistratus, fuit Noachus.
 Fuit autem eius potestas non quidem propriè Regia,
 sed Regia proximè accedens, nempe Paterna, seu Pa-
 tris in Liberos & Nurus. Nam quemadmodum in
 Ethicis & Politicis eas cõparat inter sese Aristoteles,
 sunt simillima istæ potestates. Ergo Noachus habebat
 tunc Paternum, ac proinde proximum Regio imperiũ
 in omnes, qui tunc restabant homines, nempe uxorem,
 & liberos, nurusque suas: quod minimè tyrannicè, sed
 moderatè, ciuilitè, sanctè, pũg, utpote vir Dei timēs,
 exercebat. Leges autem Politicæ, nullæ huic à quoquã
 homine scripte erant: Conscientia tamen reliquum ex
 naturali luce per peccatum deperdita testimonium, fi-
 de, verbôque Dei reuelato, corroboratum in Noachò,
 & filiis eius pro legibus audiebatur, & hominum su-
 perstitum aëtionēs saltem in Arca illa, & tempore Di-
 luyj

lunij regebat, easque moderabatur: non intemperans libido, & effrenis audacia. Nam omnes in Arca moderate, moderateque, proculdubio vixerunt. Noachus enim familiam suam & pie prius instruxerat: & in Arca in Dei metu seuerè regebat. Forma Reipubl. fuit Domestica potius, quam Regia, & Aristocratica. Parebant enim filij Noacho velut Patri suo. Et tamen ea regiminis ratio fuit & Regia, & Aristocratica persimilis. Non erat verò regia. Nec enim familijs ex diverso stirpe propagatis imperabat Noachus, quò quæ restabant omnes ex se uno & uxore sua, nata procreaque essent. Nō erat etiam verè Aristocratica: Vnus enim nempe Pater, non plures, in reliquos nempe filios imperium, & quidem summum, tunc obtinebat, sed velut Pater: non autem tanquam Rex. Omnes autem homines tunc in una Arca erant conclusi. Nulli verò toto illo Diluvij anno nati narrantur, & in Arca suscepti siue ab hominibus liberi: siue ab animalibus, quæ in ea erant, fœtus & pulli. Tunc generis humani procreatio conquieuit, quòd Deus Arcam iudicij suis exercendis, non hominum voluptatibus explendis preparasset. Artes autem quæ tunc erant, sciebanturque, fuerunt eadem illæ, quæ superior ætas, & homines ante Diluvium didicerant, atque repererant, qualis Agricultura, Pastoritia, Musica, Ferraria, Aerariaque, & cetera, quæ hominum usus pepererat. Hæ sciebant & Noachus, & illius filij: & quum in Arca minimè essent otiosi, eas exercuerunt, quæ tunc & in eo loco administrare potuerunt. Mores denique hominum in illa Arca versantium tum publici, tum privati, fuerunt quod ad ex-

teruam speciem sancti, moderati, & laudabiles, licet
iam tunc Cum minimus natus esset hypocrita: sed inge-
nium suum Patrem calabat: Verum postea se; suumque
illum animum fidei prodidit. Et hac quidem tunc,
tatoque illo Diluuij anno fuit Politia Mundi Ciuslis.
Ecclesiastica vero iam explicanda, quæ consistit in Ver-
bo Dei, æquod tunc fuerit: In Ministro: Cultu Dei ex-
terno: Loco, & Tempore illius cultus concelebrandi.
Verbum Dei, quod tunc eras, quum Noachus & quā-
diu in Arca vixit, erat quidem nō scriptum, à Deo ia-
men ipso reuelatum (si libros Enoschi exceperis: in quib-
us aliqua pars Verbi diuini scriptis tradita erat, ve-
lut de Diluuiio, & punitione sceleratorū continebatur.)
Ergo verbum Dei, quod tunc Noachus cum liberis ha-
buit, fuit duplex: Vnum Generale, nempe de Semine
Mulieris, id est, Messia venturo, & contrituro caput
Serpentis. Hoc fuit fundamentū Ecclesie Dei, & Ele-
ctionis piorum. Quod verbum ab Adamo per manus
traditum Noachus liberiq; eius & animo, & mente, &
memoria illibatum conseruabant. Deinde habebant idē
Verbum Dei peculiare, nempe de se ex hac tanta mun-
di clade, & aquis Diluuij eripiendis ac conseruandis,
cui credidit Noachus, Hebr. 11. 7. filijq; eius, qui idem
illud sepē ex Patre suo audierant, ipse ex Deo. Ergo
hoc Dei promissum animis infixum illi sepē in Arca
repetebant. Minister illius Verbi, & in vniuersum to-
tius externi cultus Diuini in illa Arca fuit Noachus,
qui utrumque illud Dei Verbum sepe suis suggerebat,
predicabat, repetebatq; ut se suosq; in Dei promissio-
nibus confirmaret, ac consolaretur: presertim diuini
medijs

medys illis aëris & Maris tempestatibus, & procellis
 Arca grauissime saclaretur, ac ys feriretur. Susten-
 zande enim mētes filiorum Noachi, uxoris, & nruum
 suarum fuerunt recitatione, & inculcatione tum gene-
 raliū, tum peculiariū Dei promissionum. Id quod
 proculdubio sedulò & diligenter, & saepe fecit Noa-
 chus. Ergo fuit ille Minister Ecclesie in Arca, & præ-
 dicator diuini verbi. Cultus exterior Dei fuit in eadē
 Arca idem, qui & ante Diluuium, excepto quod totò
 illo Diluy anno non fuit sacrificatum Deo. sed demum
 postquam ex Arca fuit egressus Noachus. Verū cō-
 ciones de Verbo Dei, Preces ad Deum & publicæ, &
 priuatae propter Mediatorem fuerunt in Arca conce-
 ptæ: Publicæ, per Noachum: Priuatae, per singulos, qui
 illic erant, preces, inquam, & mentales, & vocales, qui-
 bus se & suam salutem Deo commendabant. Discipuli-
 nam verò Ecclesiasticam etiam tunc fuisse non dubito,
 quandiu in Arca simul illi vixerunt, ut Noachus re-
 prehenderet non tantum velut Pater: sed etiam velut
 Pastor & Propheta Dei, si quid reprehensione dignum
 in suis cerneret, & dictu, factūve turpe ac fœdum. Pro-
 pheta denique in eadem Arca retenta est, & saepe in-
 culcata de venturo Messia, & futura ipsorum omnium,
 qui in Arca erant, etiam animalium ex aquis Diluij
 liberatione, & nui postea Mundi instauracione. Qua
 omnia suis fore predixit ex Dei verbo Noachus. Lo-
 cur exercitiij diuini cultus toto illo anno fuit Arca ipsa,
 in qua nō puto fuisse ullum altare: sed tamen certo loco
 in ea Arca conueniebat tota Noachi familia, & ad an-
 diendum Noachum, & ad preces Deo publice funden-

das, in quocunq; Arca tabulato locus ille fuerit. Postquam verò ex Arca Noachus exijt, & Altare exstruxit, ubi Deo sacrificaret, non dubito quin posteri eius, qui in ys locis manserunt, quãdiu illius & Arca, & Altaris in ys mōtib; reliquie fuerunt, sepè in eum ipsam locum concurrerint, & conuenerint ad eas Arca vel altaris reliquias superstites videndas, partim religiosè & piè, partim superstitiosè. Religiosè, velut si qui fidei sue de Dei Iudicijs in homines sceleratos, & de eiusdem Misericordia in Noachum & pios confirmanda gratiã eò confluerent: Superstitiosè, si qui Deum ibi propter Arcam illam, & ligna illius reliqua sanctius soli existimabant, & credebant. Qui mos est superstiosorum hominum certis locis potestatem presentiamque Dei extra ipsius verbum adstringere, & affigere. Denique Tempus publicorum & ecclesiasticorum congressuum etiam in Arca ipsa, & toto anno & spatio diluuij, fuit Dies septima, quam Deus ab initio Mundi peculiariter ad sui cultum, meditandaque opera sua instituerat, Gen. 1, & 2. Ergo non dubito quin die cuiusque Hebdomadis septima, tota familia Noachi sollempniùs conuenerit ad audiendum Noachum concionantem, & ad precandũ Deum. Tunc enim suos omnes maximè consolabatur, instruebátque Noachus, non solum quã Pater: sed etiam, uti dixi, quã Pastor, & Prophetas Dei. Reliquis verò septimane diebus quisque se in Arca ys, quæ illic potuit, Artibus exercuit, nec otiosus fuit: Septima verò ex Dei precepto quisque ab ys etiam in Arca conquieuit. Et hæc quidem, quæ qualisue toto illo anno Polissia & status Ecclesia in Mundo fuerit,

fuerit, ostendunt. Quæ quoniam sunt à nobis expli-
 cata, & opus ipsum institutum ad finem iam & umbi-
 licum perductum, expositæq; sunt à nobis vetustissimi
 Mundi Antiquitates, laudem Deo Opt. Max. (tan-
 quam nauta, qui ex longa navigatione portum tandem
 attigerunt) canamus, & infinitam illius in primi Mun-
 di administratione Sapientiam, Potentiam, Iusti-
 tiam, ac Misericordiã agnoscamus, admiremur,
 celebremus, quæ elucet, vti demonstravimus.
 Patri vero, & Filio, & Spiritui San-
 cto, qui sunt unus ille Deus, laus,
 & gloria in æternum, &
 ultra. Amen.

FINIS.



